




... my ... 1875 - 76



SANCTISSIMO

D. NOSTRO

VRBANO

OCTAVO

PONTIFICI

MAXIMO.



Vi secundum
Deum, PIA
DESIDERIA,
nisi Desiderio
orbis Christia-

ni, Tibi, inquam, BEATISSI-
ME PATER, dedicarem? Cer-
tè videntur Diuinâ quâdam
designatione destinata, quæ
iam dudum Tibi olim Car-
dinali, maximo literatorum
Patrono, à me fuerant tacitâ

✱

3

CO-

cogitatione consecrata.

Iam quidem Sacra Tua Pontificis Majestas tantum deterrebat quantum nuper MAPHÆI CARDINALIS BARBERINI notissima humanitas inuitabat: ambiciosus tamen hic libellus meus, omnibus DESIDERIIS suis, amplius etiam Pontificis quàm Cardinalis patrocinio vindicari expetebat.

Venit ergo suo sibi argumento, cultuque diffidens, Tuarum verò Virtutum inuitatu audax, ne dicam inuerecundus. Ut optaret, Tuus in literas meliores
amor

amor impulit ; vt auderet,
VRBANI nomen suafit ; vt
timeret, sua infantia, Tuaq;
summa eruditio fecit. Urba-
nitatem, cùm BARBERI-
NVS esses, expertum se pro-
lixissimè indicabat Carolus
Scribani noster, oblato nu-
per Prodigio suo. Amorem in
literatos omnes & publica
fama loquebatur, & confir-
mabat testimonium Tar-
quinij Gallutij, qui inscri-
ptâ Tibi suarum Oratio-
num præfatione narrat : *Ita*
Te solitum eos excipere, qui musis hi-
sce mansuetioribus delectantur, vt
exterorum prope nemo Romam in-
grediatur, qui Te non conueniat,
★ 4 con-

*conuentumque sic admiretur , vt pal-
lâm pronunciare non dubitet , vnum
Te esse , cui , si facultas daretur , vo-
luntas etiam esset , fugientes literas à
situ atque ab interitu vindicandi.*

Eruditionem denique e-
tiamnum testantur politif-
simorum poëmatum Tuo-
rum immortalia monimen-
ta.

Etenim VRBANE PON-
TIFEX MAXIME , (quod
sine adulationis notâ de-
prædicant omnes)

*Seu per audaces noua dithyrambos
Verba deuoluis , numerisque ferris
Lege solutis ;*

*Seu Deum , Regesque —
Concinis maiore . . . plectro ,
Multa te Cælo leuat aura Cycnum.*

Et

Et quid ego, ad aras Tuas,
semipaganus afferam, quæ

—— *Apis Matinæ*

More modoque

—— *operosa paruus*

Carmina finxi?

Hic metus, ne Marfiæ calamitate multarer, ad rudiores aures trepidantem relegabat, cum denuò blandissimi nominis Tui venit in mentem, plusque ab VRBANO sperare iussit, quàm Marfyæ licuit ab inurbano Apolline.

Cogitabam præterea excusari me quoque temeritatis posse; si venissem, non quasi interpellaturas sacratissimas *Tuæ Beatitudinis*
★ 5 curas,

curas, reuocatione studio-
rum iam pridem deposito-
rum, sed valedicturus tan-
tum. Sic enim intelligebam,
ad sacrum Conclauē (cū
in eo degeres Pontifex de-
signandus) aduolasse apes
(Musis olim sacras) cellas-
que suas, haud procul fene-
strā Musæi Tui construxisse;
non alio, vt ego quidem au-
guror portento, quàm quasi
valedicerent Phœbo suo;
prædicerentque Maiorum
tuorum ceras, insigniaque
abs se expressa, deinceps
Pontificiæ Tiaræ velut sacro
alueari supponenda.

O vaticinium cœlesti omi-
ne

ne designatum, euentu certissimo approbatum! Quamquam non apibus modò natura sua diuinantibus, verùm etiã cuius vel crassissimo auguri, longè facillimum fuerit præsentire, Pontificem Te Maximum futurum, priùs quàm factus esse renunciareris. Certè enim maxima virtutum Tuarum decora, eroditionis, rerumque abs Te gestarum fama, ita orbem peruaferat vniuersum, vt priùs Pontifex Maximus, omnium esses acclamatione factus, quàm Purpuratorum Patrum sententijs dictus. Nimirum, iam Pontifex eras, sed

sed Oraculo tantum sanctissimius Senatus designandus. Et ne meritis testimonium deesset, calculis quinquagenis; quaternis præterea reliquis (qui soli desiderabantur) eligendus, nisi humana potius quam Diuina conspiratione id factum credi potuisset.

Permitte igitur, BEATIS-SIME PATER, ut qualem Te per omnem retro vitam præstitisti, qualemque admirati sunt plurimi, Omnes aliquando orbe toto noscant, venerenturque. Non equidem par Maiestatì Tuæ pictor sum, sed (quod Modestiae

stiaæ Tuæ scio gratius fore)
angustâ tabellâ Magnitudi-
nem Tuam (vt ille olim so-
lo pollice Cyclopem) ali-
quatenus adumbrabo.

*Ignosce nostri læsus obsequio styli,
Amoris hoc crimen tui est.*

Sacra Hebraicæ linguæ
adyta studiosus indagator
penetraſti. Attici sermonis
peritissimus , mella loqueris;

— *Dulcius illo
Melle , quod in ceris Attica
ponit apis.*

Inter Latinos , ita chorum
ducis, vt sanctissimos Ponti-
fices, Damasum , Nazianze-
num, Oriētium, Ennodium,
Ambrosium , Paulinū , Pro-
sperum,

sperum, Sidonium imitatus,
sermonem elegantissimis, ne
dicam prope diuinis, nume-
ris alligaris.

Venio adhonorum gradus,
per quos Tua Te virtus du-
xit. Anno ætatis decimo no-
no Te Sixtus Quintus ad
prælaturam euexit ; nempe
iam tum orbis principatui
maturum , si id ætatis Tibi
Pontificatum adolescentia,
vt Augusto Imperium , per-
misisset.

*Iam tunc canities animi , iam dulce
loquendi*

*Pondus & ingenium venerat
ante diem,*

Ingenium cœleste suis velocius annis.

Pro-

Protonotarius deinde Apostolicus, Abbreviator Parci maioris, Referendarius utriusque signaturæ, Clericus camerae factus es.

Anno vigesimo primo, Clemens VIII. maritimum Tibi Umbriæ oppidum, Fanum Fortunæ, pro se gubernandum dedit; auguratus nimirum quòd fortunam ipsam deinceps arbitrato tuo rectorus esses.

Et quæ, quantaque deinde à Te munera, domi, forisque (fortunâ semper veluti morigerante) administrata sunt?

Redeunte in Pontificios census, Ferrariensi dominatu,

tu, instrumento extincti
feudi scribundo præfuiſti.

Beneuentanis finibus re-
gundis, vnà cum *Alexandro*
Ludoiſio Cardinali, (qui Pō-
tifex poſtea Gregorij XV. no-
mē accepit) arbiter datus es.

Iudex æſtimandæ litis de
Peruſino lacu, fundiſque
Vmbriæ conſtitutus, Peru-
ſiam triginta ſex ſcutorum
millibus æris alieni liberaſti.

A Clemente VII. Fer-
rariam ductus, celebrati abs
ſe matrimonij inter Sereniſ-
ſimum Archiducem Alber-
tum, duodecim Auſtriaco-
rum Imperatorum ſanguis-
nem, & Elifabetham, Cla-
ram,

ram, Eugeniam Philippi II.
Maximi illius Hispaniarum
Regis filiam, nuptiales tabu-
las conscripsisti.

Fortunatissimorum Spon-
salium conditiones, inter
Catholicum Hispaniarum
Regem Philippum III. &
Margaretā Austriacam eius-
dem Pontificis auctoritate
abs te scriptæ, latæque, tam
auspicatas fecêre nuptias, vt
meritò Tibi Hispania debeat
potentissimum suum Re-
gem Philippum IV. Gal-
lia Reginam Annam Au-
striacam; Roma Cardina-
lem Ferdinandum; cæte-
ra Regna spes maximas suo-
rum

rum coniugiorum.

Denique ab eodem Clemente VIII. in Galliam legatus, eius verbis Henrico Magno gratulatū iuisti, natā sibi prole Ludouico XIII. Rege iustissimo, quem brachijs sublatum, Pontificis Maximi nomine, à sacro Baptismatis fonte suscepisti. O præclaram Pontificatus Tui arrham; Ecquis enim non intelligeret Te Cœlo aliquando ferendo successurum, qui Regium illud Christianissimi Regni fidus Athlantis instar manibus sustineres? Ita nempe naturā comparatus eras, vt ad maxima

ma

ma quæque gerenda, perficiendaque natus videreris.

Igitur in Vmbriâ Commissarium Apostolicum; in Galliâ Nuncium, Bononiæ Legatum Pontificium gessisti. Quid amplius?

Ductus per omnes dignitatum formulas,

Meritusque plura quam gerens.

Primum Archiepiscopus Nazarenus, Cardinalis deinde, tum Episcopus Spoletinus, Præfectus signaturæ Iusticiæ, Scotorum Protector, Congregationis de propagandâ fide à Gregorio X V. (vt olim à Clemente VIII. Congregationis de Princi-

pum debitis exigendis) Denique PONTIFEX MAXIMVS factus es.

Liceat igitur nunc, BEATISSIME PATER , illud quoque aliquousque in Te conferre, quod in CHRISTVM Pontificem immortalem Apostolus dixit:

Heb. 7.

Talis enim decebat vt nobis esset Pontifex.

Etenim hæc ætas nostra Tali Pontifice indigebat; & Tu Talis , ætate nostrâ, solus Pontifex esse merebaris.

Adeoq̃ue; ne vlli fas esset dubitare (quod olim Sanctiss. Pontifici Fabiano euenisse,

nisse, accepimus) cùm in
Conclauì effes , candidissi-
mæ columbæ ad fenestram
tuam aduolantis indicio
(Diuinitùs haud dubiè) es
designatus. Id quod ego,
nemini ambiguum esse pos-
se , tum certò mihi persua-
si , cùm intellexi , Te iam re-
cens Pontificem omnium
admurmuratione dictum ,
nondum solenni ritu è thro-
no salutatum , genibus humi-
nxis , manibus , oculisque
sublatis ; Deum his verbis
publicè compellasse.

*Domine , si hæc electio , non est aut
è gloriâ tuâ , aut è bono Ecclesiæ ,
aut salute meâ , priùs hinc efferar
** 3 è Con-*

*è Conclavi mortuus , quàm vi-
uus.*

O vocem Urbano Ponti-
fice dignam ! vocem aris,
templisq̃ue omnibus conse-
crandam ! vocem, quæ quàm
dignus Pontificatu esses, quo
instinctu ad eum prouectus,
facilè indicaret.

Sic viue diu Ecclesiæ Tuæ
VRBANE OPTIME MA-
XIME, cui Princeps iubente
cœlo præfectus es ; & cùm
hoc meum qualecumque
munusculum aspicias , ne-
que Pontificem te esse , ne-
que eum cuius tanta sit
Maiestas , sed VRBANVM
recordare. Cætera Tua, vtpo-
te

te maxima omnia , plus ni-
mio deterrent; V R B A N I
solus pedes audeo submis-
sissimo osculo venerari.

Sanctitatis Tuae

Seruus minimus

HERMANNVS HVGO
Soc. IESV.

* * 4

LV-

L V S V S

I N

GENTILITIAS

SVÆ SANCTITATIS

A P E S.

VRBANE *terris* OPTIME MAXIME
Bene ominato nomine PONTIFEX,
Frustrâ repugnas; quando Cæli
Auspicijs agitur urna.

HONOR *fugacem persequitur virum;*
Fugit sequacem: si fugis, occupat
Vt umbra, venantesq; ludit
Niliacâ Crocodilus algâ.

Quisquis pudenda miles adoret
Tinctam rubenti murice purpuram
Cretatus ambit, pestilente
Virus atrox bibit ille gemmâ.

Frustrâ repugnas; difficilem sequi
Te Te prehensat gloria, Te rapit:

A P E S q;

*APES q̃ de Cælo propinant
Lethifero sine felle mella.*

*Frustrà repugnas ; scilicet obuiâ
Ceruice mortem Prodigus inuocans,
Sta pertinax non ferre plexam
Mellifluis A P I B V S tiaram.*

*Frustrà repugnas; nunc A P I B V S B O N I S
Iubente Cælo subijce verticem,
Sacriq̃ signent BARBERINVM
Astragalo meliore fasti.*

*Fasti auspicas indigilent A P E S,
Fausq̃ faustos, dicite barbita;
Nutrice lactatus Camænâ
Pindarico bibit ore nectar.*

*A P V M rigatæ munere fasciæ,
Fauisq̃ cunæ dulcibus augures,
Nomenq̃ & omen melle plenum
Nectaris A M B R O S I O dederūt.*

*A E t a s metalli diuitis aurea,
Regnata quondam falcigero seni,
Sudare, Portentum! cauatis
Ilicibus sua mella vidit.*

*Non vidit auri fulgure splendas
A P E S Hymetti lambere verticem;*

*Damnosa quid Mida vetustas
Vota canit pereuntis auro?*

*O Roma gemmis Ambrosiam bibe
Secura; dulci miscuit utile
Aurumq; melli BARBERINVS,
Delicias opibus maritans.*

*Aurata nunc sunt secula! mellea,
Nunc viuit etas! aurea, mellea,
Exundat vbertas, beato
Roma fauos sociat metallo.*

MAXIMILIANI HABBEQVII
S. I.

VRBA

VRBANI VIII.

A P E S

IN SIDERA RELATÆ
COELESTEM CRATEREM

IMPLENT NECTARE.

C Vr modò ceruleis APIS emicat aurea campis,
Sueta priùs viridi carpere mella thymo?
Aluear vt subiit, quod terna Tiara coronat,
Mutat ouans Cælo Dia Melissa solum.
Scis quid agat Superis felicior aduena Regnis?
Id quod humi fecit, iam facit illa Polo.
Mel APIS alma fauis instillat & impluit Astris,
Quale dat Enna suis, quale dat Etna rosis,
Quale dat Hybla sacras inuitans ruris alumnas,
Quale dat Actæis Hospes Hymettis agris.
Sic olim sitiens liquido sine nectare sidus,
Sidereus Crater, iam noua mella bibet.

BALDVINI CABILLI AVI
S. I.



*Domine, ante te omne desiderium meum, et
gemitus meus à te non est absconditus. Psal. 37.*

DESIDERIO
COLLIVM ÆTERNORVM
CHRISTO IESV
IN QVEM

Desiderant Angeli prospicere
AMORI ET DESIDERIO SVO
Vir Desideriorum.

Domine ante te omne desiderium
meum, & gemitus meus à te non
est absconditus. *Psal. 37.*

QUot mihi clàm tacitis mens aestuet anxia votis,
Indicio potuit discere nemo meo.
Nemo, nisi arcani qui pectoris intima lustrat,
Quem fugit humani nulla latebra sinus.
Ille, meos gemitus, mea scit suspiria solus,
Ille, oculis etiam persecat ima suis.
Ecquis in alterius sua sensa profuderit aurem,
Sit nisi secreti proditor ipse sui?
Si tamen vlla foret speranda hâc arte medela,
Ars desiderij hâc foret vna meis.
Sed neque depositas leuat auris amica querelas,
Nec desiderij hâc fit ab arte modus.

Cæpe-

Cæperat , heu ! natos Rachel vlulare peremptos;
Mox, vbi nil flendo pro fuit, abstinuit.
Scilicet ipse suas facit ignis, editq₃ fauillas,
Quasq₃ pluit, nubes, ipsa resorbēt aquas:
Sic meliūs, proprios quos fudi, combibo fletus,
Inq₃ suum recidit tutiūs vnda sinum.
Quæ mea sint igitur, dum tristē gemo, lamenta,
Non nisi nos soli nouimus, ille, & ego.
Quid voueam, tacitis dum compleo littora votis,
Non nisi nos soli nouimus, ille, & ego.
Quid clamem, mea dum sese suspiria rumpunt,
Non nisi, non nisi nos nouimus, ille, & ego.
O quoties fictas animus gerit histriopartes,
Et pugnant animo fronsq₃ colorq₃ suo!
Dum patitur tragicos mens personata cothurnos,
Sapiūs in mimo Roscius ore salit.
Nulla fides lacrymis, lacrymæ simulare docentur,
Nec, nisi vis falli, risibus vlla fides.
Soluor vt in fletus, putat omina tristia vulgus;
Soluor vt in risus, omnia leta putat:
Fallitur ab! nostri neque scit mendacia vultus,
Cùm letor, lacrymor; rideo, cùm doleo.
Vix tibi tot, Protheu, quot sunt simulantibus ora,
Vota quibus laruam dant, adimuntq₃ suam.
Nemo meos Gemitus, Vota aut Suspiria nouit;
Nemo, duo nisi nos, & duo sufficimus.

LIBER PRIMVS

GEMITVS

ANIMÆ

POENITENTIS.



Anima mea desideravit te in nocte . Isaia 26.

1.

I.

Anima mea desiderauit te in nocte.

Isuiæ 26.

HEi mihi quā densis nox incubat atra tenebris!
 Talis erat, Pharios quæ tremefecit agros,
 Nubila, lurida, squallida, tetrica, terribilis nox;
 Nocturno in censu perdere digna locum.
 Non ego tam tristes Scythico, puto cardinelunas,
 Tardat vbi lentas Parrhasis Vrsa rotas:
 Nec tot Cimmerio glomerantur in æthere nubes,
 Vnde suos Phæbus vertere inssus equos:
 Nec reor inuisi magis atra palatia Ditis,
 Fertur vbi nigrâ nox habitare casâ.
 Nam licet hîc oculis nullam dent sidera lucem,
 Non tamen est omni mens viduata die:
 Nocte, suam noctem populus videt ille silentium,
 Et se, Cimmerij, Sole carere vident:
 Arctica cùm senos regnauit Cynthia menses,
 Dat fratri reduci septima luna vices.
 Ast me perpetuis damnat fors dira tenebris;
 Nullaq; vel minimo sidere flamma micat.
 Et neque (quod cæcis vnum solet esse leuamen)
 Ipsa suam noctem inens miseranda videt.
 Quin tenebras amat ipsa suas; lucemq; perosa,
 Vértit in obscæna noctis opaca diem.
 Nempe suas animo furata Superbia flammæ,
 Nubilat obscuro lumina cæca peplo.

*Nec finit Ambitio nitidum clarescere solem,
Fuscat & ingenuas Idalis igne faces.
Heu, quoties subit illius mihi noctis imago,
Nox animo toties ingruit atra meo!
Sors oculis nostris melior, quibus ordine certo,
Alternas reparant lunæque solque vices!
Nam quid agat ratio, quid agat studiosa voluntas,
Quas habet, ut geminos mens peregrina duces?
Maior, habere oculos, dolor est, ubi non datur uti,
Quàm, quibus utaris, non habuisse oculos.
Qui dolet oppressus lapsis velocius umbris
Latior aggreditur manè viator iter!
Sed nimis hac longas tenebris nox prorogat horas,
Quæ tibi manè negat cedere, Phœbe, diem.
Cum redit Arctoo Titan vicinior axi,
Exultat reducis quisque videre iubar.
Scilicet Aurora gens vertitur omnis in ortus,
Quisque parat primus dicere, Phœbus adest.
Sic ego, sæpè oculos tenui sublimis Olympo,
Aspiciens, gemino qui iacet orbe, Polum.
Et dixi tam sæpè, Niteſce, niteſce meus Sol!
Sol mihi tam longos obtenebrate dies!
Exorere, exorere, & medios saltem exerce vultus,
Vel scintilla tui sola sat esse potest.
Quin etiam tanti si luminis abnuis vsum,
Sufficiet radios expetiisse tuos.*

Anima mea desiderauit te in nocte.

Isaia. 26.

ERAT enim tempus quando non cognoscebam te. Væ tempori illi quando non cognoscebam te! Væ cæcitati illi quando non videbam te? Illuminasti me lux mundi, & vidi te.

Augusti:
Soliloq.
cap. 31.

Serò te cognoui lumen verum, serò te cognoui. Erat autem nubes magna & tenebrosa ante oculos vanitatis meæ: ita vt videre non possem solem iustitiæ, & lumen veritatis. Inuoluebar in tenebris filius tenebrarum. Tenebras meas amabam, quia lumen non cognoscebam. Cæcus eram, & cæcitatem amabam, & ad tenebras per tenebras ambulabam. Quis me eduxit? vbi eram homo cæcus sedens in tenebris & vmbra mortis? Quis accepit manum meam vt inde me educeret? Quis est ille illuminator meus? Non eum quærebam, & ipse quæsiuit me. Non vocabam eum, & ipse vocauit me. Vocasti enim me nomine tuo, intonasti de super voce grandi in interiorem aurem cordis mei; Fiat lux, & facta est lux: & discessit nubes magna, & liquefacta est nubes tenebrosa quæ operuerat oculos meos, & vidi lucem tuam, & cognoui vocem tuam, & dixi. Verè Domine tu es Deus meus qui eduxisti me de tenebris, & vmbra mortis

Ibid.
cap. 32.

& vocasti me in admirabile lumen tuum; & ecce video. Gratias tibi illuminator meus, & conuersus sum, & vidi tenebras in quibus fueram, & abyssum tenebrosam in quâ iacueram, & contremui, & expaui, & dixi: Væ, væ tenebris meis in quibus iacui! Væ, væ cæcitati illi in quâ videre non poteram lumen cæli! Væ, væ præteritæ ignorantie meæ, quando non cognoscebam te Domine! Gratias tibi ago, illuminator & liberator meus, quoniam illuminasti me, & cognoui te. Serò cognoui te veritas antiqua. Serò te cognoui veritas æterna. Tu eras in lumine, & ego in tenebris, & non cognoscebam te, quia illuminari non poteram sine te, & non est lux extra te.

Aug. Soliloq.
cap. 17.

Tu lux Domine; tu lux filiorum lucis, tu dies qui nescis occasum, in quâ ambulant filij tui sine offensione, & sine quâ omnes qui ambulant, in tenebris sunt, quia te lucem mundi non habent.

D. Gregor.
in Iob.
cap. 22.

Nox quippe est vita præsens, in quâ quamdiu, per hoc, quod interna conspiciamus sub incertâ imaginatione, caligamus. Propheta namque ad videndum Dominum, premi se quadam caligine sentiebat, dicens: *Anima mea desiderauit te in nocte.* Ac si apertè diceret: In hac obscuritate vitæ præsentis, videre te appetto, sed adhuc infirmitatis nubilo circumscribor.

Facile

Facile enim homini est, quidlibet desiderare à Domino, & ipsum Dominum non desiderare.

August. in
Psalm. 76.

Habet namque mundus iste noctes suas, & non paucas. Quid dico, quia noctes habet mundus, cum pænè totus ipse sit nox, & totus semper versetur in tenebris. Nox est, Iudaica perfidia; nox, ignorantia Paganorum; nox, hæretica prauitas; nox, etiam Catholicorum carnalis animalisue cōuersatio. An non nox, ubi non percipiuntur ea quæ sunt spiritus Dei? Frustra per has noctes, iustitiæ solem & lumen quæritis veritatis, id est sponsum; quia nulla societas luci ad tenebras.

Bern. in
Cant.
serm. 75.

Nobis ergo vnde in his tenebris veritas? Vnde charitas, in hoc sæculo nequam, in mundo, qui totus positus est in maligno? Putas erit qui intellectum illuminet, qui inflammet affectum? Erit utique si conuertamur ad Christum, ut velamen de cordibus auferatur: hic est enim de quo scriptum est: *Habitantibus in regione vmbra mortis, lux orta est eis.*

Bern. de
Ascens.
Domini
serm. 6.

Gratias illi, qui me quæsiuit fugitium, qui me vocando ab interitu reuocauit, qui fecit mihi illuminatam noctem. Nox enim est quamdiu ista vita agitur. Quomodo est nox illuminata? Quia Christus descendit in noctem. Accepit Christus carnem de isto

August. in
Psalm. 138.

faculo, & illuminauit nobis noctem; perdidit enim drachmam mulier illa, *accendit lucernam*. Sapientia Dei perdidit drachmam. Quid est drachma? Numus: in quo numo imago erat ipsius Imperatoris nostri. (Factus est enim homo ad imaginem Dei, & perierat) Et quid facit mulier sapiens? *Accendit lucernam*. Lucerna de luto est, sed habet lucem quâ inueniatur drachma. Lucerna ergo sapientiæ, caro Christi est. De luto facta est, sed verbo suo lucet, & inuenit perditos; *& nox illuminatio in delicijs meis*. Facta est mihi nox in delicijs. Deliciæ nostræ Christus.

August.
lib 7.
Confess.
cap. 10.

O æterna veritas, & vera charitas, & chara æternitas! Tu es Deus meus, tibi suspiro die ac nocte. Et cùm te primùm cognoui, tu assumpsisti me, vt viderem esse, quod viderem, & nondum me esse qui viderem. Et reuerberasti infirmitatem aspectus mei, radians in me vehementer, & contremui amore & horrore, & inueni longè me esse à te in regione dissimilitudinis.



*Deus tu scis insipientiam meam, et defecta
mea à te non sunt abscondita. Psal. 68. 2.*

I I.

Deus tu scis insipientiam meam, &
delicta mea à te non sunt abs-
condita. *Psalms. 68.*

SI tibi stultitia nulla est patientia nostra,
Omnia consilio qui sapiente regis;
Nullus ab offenso veniam sibi Numine speret,
Nullus enim culpâ, stultitiâq; vacat.
Hæc etiam excelsas afflat contagio mentes,
Et sua stultitiæ quemlibet aura rotat.
Quid simulasse iuvat? semel insaniuimus omnes,
Ingenua humani stigmatis illa nota est:
Et pater & mater, generis primordia nostri,
Maxima stultitiæ signa dedere sue.
Credite posteritas, fatali vendita pomo es;
Stultius hæc aliquid venditione fuit?
Nec minùs insanus, magni patrimonii censui
Perdidit esuriens, munere pultis, Esau.
Et Salomon tactam sensit vertigine mentem,
Dum castam insano vertit amore domum.
Non igitur magni fallunt oracula regis,
Stultorum innumerum qui docet esse gregem.
Legiferi neque vana canunt præsagia vatis,
Queis desleta hominum tanta ruina fuit.
O saperent, ait, & cauti ventura viderent!
Non aded in vitium cerea turba foret.
Quis (nisi desiperent) quosdam dixisse putaret,
Nullum, qui terris imperet, esse Deum?

Quilibet vt peccet (aliàs peccare timeret)
Esse sibi nullum fingit in orbe Deum.
Ipsa igitur nostros auertunt crimina sensus,
Nullus & in vitium, sit nisi stultus, abit.
Sed neque iam gliscens stat in hoc dementia passu;
Præcipiti in peius truditur acta pede.
Extrahimusq; domos, cæloque educimus arces,
Ceu data perpetuè terra colenda foret:
Crastina lux coget vitæ statione moueri;
Quis neget insanas nos fabricasse domos?
Conferimus platanos, disponimus ordine lauros.
Areolas hortis diuidimusq; suas:
Quæ stolidi serimus, vix tertius aspicit heres,
Quæ tibi qui carpet tum tua poma nepos?
Sic, puto, dat senibus puerilis natio risum,
Cum fabricat luteas, paruula turba, casas:
Iudicra sollicitis feruet respublica curis,
Hic fœnum, hic paleas conuehit, ille trabes;
Aggerit hic grauidoplumas & stramina plaustris,
Huius erat testâ querere munus aquam.
Et sibi tum structæ gratantur mœnibus vrbs,
Magnaq; se pueri regna locasse putant.
Hac videt, ac ridet quæ transit grandior ætas,
Vixq; graues sese virq; senexq; tenent.
Haud aliter Superis dant nostra negotia risum,
Regnaq; pro nidis, quæ fabricamus, habent,
Hac quoq; sub stolido sapientia nata cucullo,
Tam varijs nullum vestibulis esse modum:
Pauca vel hoc studio, peregrinus ad oppida currat,
Inueniet vestes per loca quæque nouas.

Si sedeant vno semel omnes fortè theatro,
Quos sua dissimiles palla chlamysq; facit,
Ridiculis videat plenissima pulpita mimis,
Rideat & socij pallia quisque sui.
Iam studium gemmarum & habendi quis furor auri?
Sudat in hoc hominum nocte, dieq; labor.
Quid tamen est aurum, fulua nisi paluis arena?
Gemmaq; quàm vitrei gutta gelata martis?
Ambit & has tantâ gens stulta cupidine gazas,
Seu foret hinc miseris vna petenda salus.
Ecce tibi minimo cælum venale labore,
Et cælum hoc pretio, quantula turba petit?
Heu genus insanum! terras preponitis astris,
Ignotis nimium dona caduca bonis!
Quis pueros (lusu si vel tam turpiter errent)
Orbilij meritos aspera sceptrâ neget?
Nempe sciunt leuibus quid distent ara lupinij,
Vt semel abiectas deseruere nuces.
Nos mage desipimus, cum parua crepundia, calo,
Pro pudor! & fluxas pluris habemus opes.
O medici mediam stolidis pertundite venam!
Stultitia queat hic proximus esse furor.
Sed videt hec magnus qui temperat arbiter orbem,
Nostraq; stultitiæ nomine, multa tegit.
Et mea propitius deliria plurima transit,
Multaq; scit cecâ dissimulanda manu.
Et qui ius adimat, nouit Prætoris egere,
Ne perdam, patrias qui mihi seruet opes.
Ergo adeat sanum mea, fac, tutela patronum,
Stultitiæ custos esto vel ipse mea.

Deus tu scis insipientiam meam, & delicta mea à te non sunt abscondita.

Psalm. 68.

Prou. 30.

STULTISSIMVS sum virorum, & sapientia hominum non est mecum. Non didici sapientiam, & non noui scientiam sanctorum.

2 ad Cor. II.

Vtinam sustineretis modicū quid insipientiæ meæ.

Prou. 22.

Stultitia [enim] colligata est in corde pueri.

Tomo 9.

August. in

spec. pec.

cap. 8.

[Sed] vis noscere quis sit insipiens, & quis stultus? Respondeo; insipiens est qui se à Paradisi gaudijs peregrinum esse non considerat, & se exulem in hoc exilio non attendit: stultus est, qui licet ista cognouerit, liberari tamen à mundi miseriâ per vitæ meritum non intendit.

August.

serm. 8. de

Temp.

cap. 5.

Dic ergo te stultum, & sapiens eris. Sed dic, dic, & intus dic, quia sic est vt dicis. Si dicis, noli coram hominibus dicere, & coram Deo non dicere. Prorsus quod ad te ipsum pertinet, quod ad tua; tenebrosus es. Quid est enim aliud, esse stultum, nisi esse tenebrosum in corde?

August.

epist. 119.

Quis est stultus ille qui tamquam luna mutatur, nisi Adam in quo omnes peccauerunt?

Basilius

hom. 1.

Psalm. 37.

Insipientiam quoque [David] stultum suum factum nominat, ab insipientiâ procedens. Omne enim peccatum per stultitiam

titiam fit. Qui igitur in peccatis perseverant, inque eis consistentes gaudent, & se oblectant ac deliciantur, nihilo dissimiles porcis sunt sese in volutabro luti prouoluentibus. Docet autem in quibus fuerit, cùm incidere in peccatum. Quoniam enim tempore aliquo *cor meum conturbatum est, & dereliquit me virtus mea, & lumen oculorum meorum, & ipsum non est mecum*: tempore enim, inquit, peccati; pars animæ rationis particeps haud modicam sustinebat perturbationem prauo confusa affectu, & tenebris, ab eo qui peccati fuit impulsor, obducta; adeò vt in insipientiam inciderit, ideò dicit, *putruerunt cicatrices meæ à facie insipientiæ meæ*. Conturbatum itaque cor eius, quoniam in insipientiâ fuerat, & à virtute prudentiæ exciderat:

Rectè [autè] peccatū *insipientiam* vocauit, nemo enim sapiens id aliquādo committit.

Orig. in
Psalm. 37.

Nihil peccato peius; insipientes facit eos, qui antea intellectu, & sapientiâ multâ præditi fuerant.

Chrysof.
hom. 17.
in Genes.
24.

[Et certè] malitia omnis ex *stultitiâ* oritur; siquidem superbus & iracundus (quoniam sapientiâ carent) his affectibus absumuntur. ideò inquit Propheta: *Non est sanitas in carne meâ à facie insipientiæ meæ*: vt omne peccatū è *stultitiâ* ortum habere demonstrat: nam qui virtuti studet, qui Deum timet, is sapiētissimus est. *Initium*, inquit, *sapientiæ timor*

Chrysof.
hom. 41.
in cap. 6.
Ioan.

Domini

Domini. Quod si ita est, malus, qui Dei timorem non habet, sine dubio non est sapiens. Qui hac verâ caret sapientiâ; stultissimus est.

Nihil enim ab insanientibus differunt, qui terrenas res, & brevî duraturas tamquam in somnis suspicantur. Videntur divitijs affluere, cû nullis affluant, in delicijs esse, cû non sint: neque ante se deceptos intelligunt, quàm ab infania liberentur.

Delirare tibi videor, cû hæcce loquor; anicularia tibi videntur hæc verba. Tu enim (videlicet homo magni consilij magnæque prudentiæ) excogitas quotidie genera acquirendæ pecuniæ, de negotio, de agricultura fortassis & de eloquio, de iuris consultatione, de militiâ; addis, & de fœnore. primò hoc à te quæro: scis eum possessurum cui servas? aut si nondum natus est, scis nasciturum? servas filijs; incertum est, an futuris, an possessuris?

Sed quid est, dic quæso, stultius homine qui laborat, & se excruciat, & tantas opes congregat, ut ex eius laboribus alij se voluptate expleant? Quid est autē; *simul insipiens, & stultus peribūt*? Hic mihi videtur verba facere de impijs, qui toti rebus præsentibus affixi sunt, easq; suspiciūt; de futuris autē nihil philosophātur, ea de causa vocans eos *insipientes*.

Vocauerunt nomina sua in terris suis. Ecce aliud genus amentia; ædificijs, agris, & balneis

Chrysost.
hom. 4.
in Ioan.

Aug. in
Psalm. 38.

Chrys. in
Psalm. 48.

Ibid.

neis sua nomina inscribere, & putare se magnam consolationem ex eo accipere, & umbram pro rei veritate consequi.

A gloriâ suâ exturbati sunt. Quidnam potest cum hâc conferri stultitiâ, quando ea faciunt de quibus puniuntur; pro quibus ignominiâ afficiuntur? Ibid.

Lignum quidē quod plantasti, manet; domus quam ædificas, & ipsa manet; faber autem & agricola abducuntur & pereunt. Et cū hęc fiant, tamquam immortales hęc omnia comparamus. Igitur audi quid Salomon dicat: *Aedificaui mihi domos, inquit, plantauī hortos & viridaria, vineas, natatorias aquarum.* Sed quid ait post hęc omnia? *Vanitas vanitatum, & omnia vanitas.* Non simpliciter vanitas, sed per excellentiam. Et quæso credamus, & res apprehendamus in quibus non est vanitas: si splendida respicias ædificia, & horum te fallit aspectus, statim in cœlū respice: à lapidibus & columnis ad illum decorem oculos reflecte, & videbis quod hęc *formicarum sint & culicū opera.* contēplare spectaculum; ascende ad cælestia, illinc ædificiorum disce splendorē, & hęc nihil esse inuenies, sed *paruulorū ludibria puerorum,* verūm nō fuerūt pueri, vt de re vllâ vtili curā gerāt.

Ita etiam quidam semper volunt ludere, humi que semper iacent & humi serpunt ac reptant, & quæ humi sunt, nempe

Chrysoſt.
hom. 55.
ad pop.
Antioch.

Chrysoſt.
hom. 4.
in 1. ad
Corinth.
cap. 1.

pe terrena, affectant. Pueri autem sæpè, cùm nos loquamur de rebus necessariis, eorum quæ dicuntur, nihil sentiunt, sed semper rident: ita etiam quidam, quando de regno loquimur, rident. Pueri rursus, quando latronem viderint, & quæ sunt intrus auferentem, non solùm non prohibent, sed etiam arrident insidiatori. Sin autem calathulum aut sistrum abstuleris, aut aliquid aliud ludicrum, indignantur & ægrè ferunt, se dilacerant & solum pulsan. Ita etiam quidam, videntes diabolum paterna omnia auferentem, rident, ad eum tamquam ad amicum accurrentes: si quisquam autem aut possessiones, aut diuitias, aut puerile aliquid abstulerit, se discerpunt. *Intelligite insipientes in populo, & stulti aliquando sapite. Nolite pueri effici sensibus.* Parui enim pueri, parua quidem hianti ore stupent & mirantur; rerum verò valde magnarum, non tantà tenentur admiratione: *nolite pueri effici; hoc est, insipientes, vbi oportet esse sapientes.*

*Psal. 93.
1. ad Cor.
14.
Chrysostr.
hom. 36.
in hunc
locum.*

*Chrysostr.
hom. in
Psal. 4.*

Pueris quidem ijs, qui sunt adhuc paulo minores, patres præbent eiusmodi: calceos, vestes, aureas quasdam bracteas & armillas. Postquam autem creuerint; illis eis ablatis dant alia maiora. Ita etiam fecit Deus: nos à paruis illis & puerilibus abducens, ea quæ sunt in cœlis pollicitus est. Ne hæc ergo quæ

quæ fluunt & prætercurrunt, admireris, nec sis pusilli & abiecti animi.

Sed maiorum nugæ negotia vocantur; Aug. Con. 1. cap. 9.
puerorum autem talia cùm sint, puniuntur à maioribus.

Beatus vir cui nomen Domini spes eius, & non respexit in vanitates, & insanias falsas. Qui non respicit hæc beatus est, qui autem respicit, insanus atque furiosus est. & idedò respiscat vnusquisque à furore sæcularium cupiditatum, quæ ita mentem, animamque perturbant, vt compos esse non possit. Ambr. in Psalm. 118. Oñon. 5.

Delicta iuuentutis meæ, & ignorantias meas ne memineris [Domine.] Psalm. 24.

Ipsos namque fatuos videmus (quos vulgò moriones vocant) ad cordatorum delicias adhiberi, & in mancipiorum æstimatione, preciosiores esse cordatis. Et suum paruulum filium, à quo garriente talia pater lætus exspectat, prouocat; sed dum spes subest incrementorum, & ingenij lumen accessurum creditur ætatis accessu, fit vt conuicia paruulorum, etiam in parentes, non solùm iniuriosa non sint, verùm etiam grata atque iucunda. [Quid] quòd in hæc etiam concitentur studio ridendi, & vanitate maiorum? nam plerumque illa ætas, iam patrem, matremque agnoscens, neutri eorum audet maledicere, nisi ab altero eorum, aut ab ytroque, vel permissa vel iussa.



*Miserere mei Domine, quoniam infirmus sum; sana
me Domine, quoniam contrita sunt ossa mea! Psal. 6.*

3.

III.

Miserere mei Domine, quoniam infirmus sum : sana me Domine, quoniam conturbata sunt ossa mea. *Psal. 6.*

CONquerar! an fileâ? iustas habet ira querelas;
 Heu sine Pæoniâ sola relinquor ope!
 Non ego, iussa licet iuratis credere verbis,
 Sperassem, cordi non magis esse tibi.
 Siccine tardus ades, neque nostra pericula tangunt?
 Quæ potuit tanta caussa fuisse mora?
 O mea spes! Numen quo non presentius agris,
 Sic potis es nostri non memor esse mali?
 Nunc aderant pariter Podalyrus, atque Melampus,
 Phyllyrides Chiron, Pæoniusq; senex.
 Multaq; præterea comitata Machaone turba;
 Quisq; aliquod medicâ nomen ab arte gerunt:
 Tu solus deeras morborum publica cura,
 Postq; tot Hippocrates ultimus ecce venis.
 O mea spes! numen quo non presentius agris,
 Sic potis es nostri non memor esse mali?
 Omnibus est oris visus color indice linguâ,
 Omnibus admotâ vena notata manu:
 Nil, aiunt, vitale rubet, neque languida certas.
 Vena notat, pulsu præmoriante, moras.
 Idq; ego plus ipsis deprendo medentibus agra.
 Destituit medicos ars sua, meq; salus.

Quidnam igitur sperem fugientibus orba Magistris,
 Morbus ubi vincit sauior artis opem?
 Cæca per infectas serpunt contagia venas,
 Imaq; subsidit lapsus in ossa dolor;
 Et caput & cubiti se sustentare recusant,
 Tinctaq; vix Baccho vena medente redit.
 Et iam vix animæ superest pars vltima nostræ,
 Heu paror inferiis proxima pompa meis!
 Denique qui morbos cupit omnes discere nostros,
 Copia quod fieri non finit, ille cupit.
 Hic status, hac rerum facies miseranda mearum est,
 Nec iuuor ullius, qui medeatur, ope.
 Aspice vix nostram poteris dignoscere formam;
 Vultus abest vultu, seq; nec ipse refert.
 Lumina suffossis retrò fugere cauernis,
 Magnaq; purpureis facta ruina genis:
 Nec quisquam hanc ferro potuit compescere noxam,
 Quin caput & faciem carperet atra lues.
 Tetrica quid memorem vigilis fastidia lecti?
 Quæq; manu tangi vulnera cruda timent?
 Vulnera pròh nullis mulcenda Machaonis herbis?
 Qualia, quæ secuit barbarus ensis, hiant:
 Vulnera, secretas animi populantia fibras,
 Quæ nullus medicâ claudat hiulca manu.
 Nempe graues, mea sunt, quæ feci, vulnera noxæ,
 Vulnera, trux animæ carnificina mea.
 Adde, quod intus, apum dirus mihi turgeat hydrops,
 Lentaq; quod meditor nausea tardet opus.
 Tensa q; ventosi propè rumpant ilia fastus,
 Et Veneris tacitus pectora cancer edat.

Hac ego sæpè dedi varijs tractanda Magistris,
Semper at oblata cura fefellit opis.
Scilicet ipse suas, hic tentet inaniter artes,
Qui raptum Androgeo reddidit arte diem.
Quicquid potestates succorum norat & vsum,
Vna salus agris spesquæ, Epidaure; tuis.
Nec iuuat hic Chiron, operosæ viribus herbae,
Nec summum medici numen Apollo chori.
Officium tanto cedit minus omne dolori,
Non habet hic vllum succus, odorve locum.
Quas igitur spectem, vestri nisi Numinis, aras,
Funeribus nullis quas Libitina notat?
O mea spes! Numen quo non praesentius vllum!
Ecce tuam veneror, mortua panè, manum.
Sanus Apollineâ non indiget arte vel herbâ,
Lege Machaonia, qui dolet, artis eget.
Mens mihi lasa dolet plus simplice vulneris ictu;
Ne doleat, vires experire tuas.
Illa ego sum, Solymis quam prædo cruentus arenis
Strauit, & immiti diffidit ense latus.
Tu Samarita, mero; Tu vulnera mitis oliuo
Oblinè, barbaricâ vulnera facta manu;
Quosquæ Leuita negat, medicos inuerge liquores,
Crescet ab infuso rore, meroquæ salus.

Miserere mei Domine, quoniam infirmus sum: sana me Domine, quoniam cōturbata sunt ossa mea. Psal. 6. vers. 3.

Aug. folioq. c. 2.

ÆGROTUS sum, ad medicum clamo; cæcus sum, ad lucem propero; mortuus sum, ad vitam suspiro. Tu es medicus, tu lux, tu vita, IESU NAZARENE; misere mei fili David; misere mei fons misericordiæ. Audi quid ad te clamet infirmus; Lux quæ transis, exspecta cæcum; præbe ei manum ut ad te veniat, & in lumine tuo videat lumen.

Aug med. dit. cap. 36.

Imperfecta enim mea plurima vident oculi tui. Mitte, quæso manum pietatis tuæ in me, & tolle de me, quicquid offendit oculos pietatis tuæ in me. Coram te Domine est sanitas & infirmitas mea. Illam precor serua, istam sana. *Sana me Domine & sanabor: saluum me fac & saluus ero.* Tu qui infirma sanas & sanata conseruas. Tu qui nutu tuo restauras diruta & collapsa.

Guilb. Abb. serm. 46. in Cant.

Vtinam tibi Domine, aliquæ filiæ Hierusalem nuncient lāguores meos; si qui sunt in me qui cōmendari tibi digni sunt; nam multi sunt in me indigētes curati. O me felicem si aliquis Centurio cœlestis dicat tibi: *Domine puer meus iacet paralyticus in domo, & malè torquetur!* utinam Domine statim respōdeas,

Ego

Ego veniam, & curabo eum. Dic Domine verbo, & sanabor. Verbo enim ades, quia verbum es.

Medicinas de terrâ, propter singulas quasque suas corruptelas creasti. Singula solatia singulis malis obuiantia præparasti; quoniam es misericors & miserator. August. soliloq. cap. 20.

Hei mihi, Domine, miserere mei. Hei mihi, ecce vulnera mea non abscondo. Medicus es, æger sum, misericors es, miser sum. Aug. libr. 10. conf. cap. 28.

Nunquid non potens est manus tua Deus omnipotens sanare omnes languores anime meæ? Idem ibid. cap. 30.

Multas infirmitates habet anima nostra. Quot peccata, tot infirmitates. Hieron. in Psalm. 162.

Ægrotat humanum genus, non morbis corporis, sed peccatis. Aug. serm. 59. de verbis Domini, cap. 11.

Non modò enim paralyti dissolui, verum etiam peccare, languor est, & longè illo languore deterior, ac tanto vtrique, quanto est corpore anima præstantior. Chrysost. hom. 14. in cap. 4. Matth.

Præsta mihi Domine medicinam, vnde mea possint curari vulnera: visita me infirmum, cura me ægrum, sana me languentem, & suscita me mortuum. Aug. med. cap. 40.

Varios siquidem languores habemus animarum, & hi sunt quibus [Christus] principaliter vult mederi. Chrys. in c. 4. Mar. hom. 14.

Propterea enim illas ægritudines sanat, ut istas scilicet de nostris animabus expellat.

Ambros.
tract. de
42. man-
sionibus.

Animæ languor peccatum est, unde dixit Propheta: *Sana animam meam, quia peccaui tibi*, languor animæ nostræ superbia est, avaritia est.

Amb. lib.
4. in cap. 4.
Luc.

Etiam in typo mulieris illius, socrus Simonis & Andreæ, variis criminum febribus, caro nostra languebat, & diuersarum cupiditatum immodicis estuabat illecebris. Nec minorem febrem amoris esse dixerim quam caloris. Itaque illa animum, hæc corpus inflammat: febris enim nostra avaritia est: febris nostra, libido est, eò quòd ignitæ sint cupiditates: febris nostra, iracundia est: febre libido flagrantior est, grauiusque præcipitat & inflammat.

Chrys. in
cap. 3. ad
Philip. ser.
11 digres-
sione mo-
rali.

Vexabat enim nos morbus grauis ac febris vehemens, decumbebamusque, non in lecto, sed in ipsamet vitiositate, perinde ac in stercore. In improbitate voluptabamur, scatentes vlceribus, fœtorē spirantes, squalidi, incurui, vmbre potius quam homines.

Aug. serm.
59. de ver-
bis Domi-
ni, c. 11.

Quin iacet toto orbe, ab Oriente vsque ad Occidentem, grandis ægrotus; sed ad sanandum grandem ægrotum descendit omnipotens medicus. Humiliauit se vsque ad mortalem carnem, tanquam vsque ad lectum ægrotantis.

Chrysost.
in cap. 3. ad
Philip.
serm. 11.

Vidit in stercore iacentem, à vermibus exulceratum, à febre & fame oppressum, nullo non morbi genere laborantem, Nam & fe-
bris

bris vexabat [hoc enim est improba cupiditas] & inflammationes vrgebant [hoc enim arrogantia] & quædam insatiabilis fames occupabat [hoc enim auaritia] & sanies vndiq; [hoc enim scortatio] & cæcitas oculorum [hoc enim idololatria] & surditas & stupor [hoc enim erat, lapides & ligna adorare, & cum illis colloqui] & multa deformitas [hoc enim vitiositas] triste nimirum quiddam & morbus grauiſſimus. Vidit, absurdius (quàm insanientes soleant) loquentes, & lignum & lapidem Deum vocantes. Vidit in tantâ vitiositate; nec tamen abominatus est, non amarior factus, non auersatus est, non odio persecutus; Dominus enim erat, & opus suum non oderat. Deinde quid facit? optimi medici more parat pretiosa Pharmaca;

Et quia ipse est & verbum Dei, ægris suis non herbarum succis, sed verborum sacramentis medicinam conquirat. Orig. hom.
1. in Leuit.
cap. 12, &
13.

Erat namque Archiatros, qui posset curare omnem languorem, & omnem infirmitatem. Orig. hom.
1. in Pl. 37.

Nouerat, venâ inspectâ, quid intus ageretur in ægroto. Aug. in
Psal. 43.

Erat humanarum ægritudinum Pæonius Medicus & sanctus ægrotæ animæ incantator. *Saluum, inquit, fac seruum tuum Deus meus sperantem in te. Miserere mei Domine, quia clamaui* Clem.
Alex. lib.
1. Pædagog.
cap. 2.

ad te totâ die. Bonus autem Pædagogus, qui est sapientia (qui verbum Patris, qui fabricatus est cælum) vniuersi figmenti curam gerit, eiusque corpori & animæ medetur: qui est omni ex parte sufficiens medicus, humanæ naturæ seruator: *Surge*, inquit Paralytico, & sublato, in quo iaces, grabato, *vade domum*; & qui prius erat infirmus, extemplò sanus & firmus euasit. Et mortuo Lazaro dixit *egredere*; ille verò mortuus, ex sepulcro exijt, qualis erat antequam moreretur, meditatus resurrectionem.

Aug. vel
quis alius
lib. de verâ
& falsâ,
Pœn. cap.
5.

Ideò autem tot saluauit febricitantes, tot languidos, tot claudos, tot cæcos & aridos, ne desperet de se peccator: medicum se vocat, & non sanis sed malè habentibus opportunum.

August. de
doctrina
Christ.
lib. 1, cap.
14.

Et sicut ille qui medetur vulneri corporis, adhibet quædam contraria; sicut frigidum calido, vel adhibet etiam quædam similia: sic Dei sapientia hominem curans, seipsam exhibuit ad sanandum; ipsa medicus, ipsa medicina. Quia ergo per superbiam homo lapsus est, humilitatem adhibuit ad sanandum. Serpentis sapientiâ decepti sumus, Dei stultitiâ liberamur. Iam verò similia, quasi ligamenta membris & vulneribus nostris adhibita, illa sunt; quod per feminam deceptos, per feminam natus; homo homines; mortalis mortales; morte, mortuos liberauit.

Quod

Quod si te ergo fortasse animarum no- Nazian.
strarum prædo & tyrannus, vel à Hierusa- orat. 16.
lem in Hiericho descendentem, vel alibi
vſpiam inermem & imparatum naſtus, vſ-
que adeò ſauciauit.

Clama; Ego dixi, Domine miſerere mei, ſana Auguſt.
animam meam, quoniam peccaui tibi: ſanat te hom. 12.
Deus, confitere tantum vulnus tuum. Iaces
ſub manibus medici; patienter implora au-
xilium, fouet, vrit, ſecat; æquanimiter tole-
ra, tantum noli attendere niſi vt ſaneris; ſa-
naberis autem, ſi oſtendas te medico; non
quia ille non videt, ſi tu te abſcondas, ſed
ipſa confeſſio initium ſanitatis eſt.

Vulnus, medicum quærit; Medicus, con- Amb. in
feſſionem exigit. Pſalm. 40.

Conuertere ad me, ait Dominus, Numquid re- Ambr. ad
ſina non eſt in Galaad, aut medicus non eſt ibi? Virgini.
quare non aſcendit ſanitas filia populi mei? lapſam
grandi cap. 8.
plagæ altâ & prolixâ opus eſt medicinâ.

Totum enim genus humanum, eſt ille Aug. ſer.
homo, qui iacebat in viâ ſemiviuus, à latro- 37. de ver-
nibus relictus; quem contempſit tranſiens bis Dom.
Sacerdos & Leuites; & acceſſit ad eum cu-
randum eiſque opitulandum tranſiens Sa-
maritanus, in quo Samaritano, ſe voluit in-
telligi Dominus noſter I E S V S C H R I -
S T V S.

Ideò vnusquiſque noſtrûm, cordis & cor- Ambr. de
poris genua flectens, oret Dominum no- 42. manſ.
ſtrum manſ. 3.

strum IESVM CHRISTVM (*qui sanat omnes infirmitates nostras*) Et cum Prophetâ dicat: *Sana me Domine & sanabor, salua me, & saluabor.* dicat & cum Dauid: *Sana me Domine, quoniam conturbata sunt omnia ossa mea.*

Chryf. in
Pſalm. 26.

Omnis enim qui medicum non agnoscit, phræneticus est. Nam quoties phræneticos videmus medicis contumeliam facere, resistere sanitati, nolle curari, deridere veram curam?

Ibid.

Currite ad medicum dum potestis; ne, cùm velitis, non possitis.

August. in
Pſal. 102.

Si adhuc quibusdam perturbationibus anima quatitur post remissionem peccatorum, lāguor est; *sanat & omnes languores tuos.* Sanabuntur omnes languores tui, noli timere. Magni sunt, inquires; sed maior est medicus. Omnipotenti medico nullus languor insanibilis occurrit; tantum tu curari te sine; manus eius ne repellas, nouit quid agat. Non tantum delecteris cùm fouet, sed etiam tolere, cùm secatur. Toleram medicinalem dolorem, futuram cogitans sanitatem: ferto ergo manus eius, ô anima, quæ benedicis eum, non obliuiscens omnes retributiones eius, *sanat enim omnes languores tuos.*

August in
Pſalm. 40.

Planè committamus nos medici manui, non enim errat, vt sanum pro putri secet. Nouit quod inspicit, nouit vitium quia ipse facit naturam: quid ipse condidit, quid de nostrâ

nostrâ cupiditate accessit, discernit. scit se sano homini præceptum dedisse, ne languorem incurreret; dixisse in Paradyso, hoc manduca, & hoc noli. Non audiuit sanus medici præceptum, vt non caderet; audiat vel ægrotus vt surgat.

Quisquis ergo es, ô Christiane, qui sanitatem iactas, & te vulneratum fuisse dissimulas, qui integritate gaudes, & te ægrotum fuisse non meres, qui te destitutum iacuisse non respicis, sed erectum in Ecclesia gloriaris; ama CHRISTVM qui te à prædonibus liberauit, dilige Dominum qui te prostratum iacentemque erexit. Dilige, inquam, Dominum qui te in Ecclesiæ stabulum, per semetipsum, inuexit; qui rectori stabulario commendauit; qui duos denarios, hoc est, legem & Euangelium in eruditionem tuam erogari præcepit. Dilige, inquam, Dominum qui tibi dicit: *Ecce sanus es.* Dominus enim caram tuam salutem habet, qui propter te in sæculum venit, & te à nefandis latronibus liberauit.

Chryf. in
cap. 10,
Luc. hom.
de Samar.



*Vide humilitatem meam et laborem meum, et dimitte
universa delicta mea! Psal. 24.*

I V.

Vide humilitatem meam, & laborem meum: & dimitte vniuersa delicta mea. *Psalms. 24.*

Aspicis, beu sauuus! nostris neque tangere curis?
Aspicis, & credi vis tibi, me quòd ames?
Futilis ignaro canetur fabula vulgo;
Sentit amicorum vulnera, quisquis amat.
Aspicis & pateris; neque cura est vlla iuuandi;
Verus amor promptam non ita tardat opem.
Aspice, quàm turpi subigar damnata labore,
Aspice, cui tandem colla premenda iugo.
Si foret ingenuâ saltē labor indole dignus,
Nec nimis abiecta vilius artis opus.
Multa meos casus magnorum exempla leuarent,
Et faceret propriam, sors aliena, leuem.
Sapē Ducum proauos, Regesq; nouerca coegit
Augustas operi sors adhibere manus:
Protea frenantem septēmplicis ostia Nili,
Sic oras miseram, Rex Menelae, stipem.
Dextra Syracosij sceptris assueta Tiranni
Sic ferulas, puēris sceptrā verenda, tulit.
Flēda exempla quidē, tamen haud ducenda pudori,
(Non etenim miseris sunt sua fata probro)
Ast mea non lacrymis, sed digna pudore ruina est,
Qua roto seruiles spontē subacta, molas.
Qualis ab infidā Sampson detonsus amicā,
Circuit indignas, hoste iocante rotas.

Atque

Atque utinam famulas tantùm damnarer ad artes!
 Explerem ingenuâ sordida pensa manu:
 Turpibus at seruum vitij addicere pectus,
 Exulis asperius mancipijq₃ iugo est.
 Ah pudet! & (duplicis noua qua mihi causa ruboris)
 Ipsa meum damnans execror author opus.
 Vix benè pertasum est, rursusq₃ reuoluitur error,
 Crescit & attextis nexa catena malis.
 Scilicet illa manet plectendas vltio noxas,
 Admissum sequitur culpa secunda scelus.
 O quàm sèpè meo sensi hæc discrimina damno!
 Nec tamen est damni mens reuocata metu.
 Nempe trahor vario studia in diuersa duello,
 Vt ratis ambiguâ iam pila facta Notis.
 Et trahit hinc (vitij quæ lena comesq₃) voluptas?
 Quiq₃ subit vitium, retrahit inde dolor.
 Sæpius illa tamen redit è certamine victrix,
 Assiduus vitio sit licet ille comes.
 Sic habet alternos virtus, vitiumq₃ triumphos;
 Et meus eterno vertitur orbe, labor.
 Tu super hæc etiam loris seruilibus instas,
 Addis & in pœnas verbera dura meas;
 Pœnaq₃ cum culpæ sit culpa, secunda peractæ
 Supplicij pœnas adijcis vsque nouas.
 Nempe Ixionius non est modò fabula gyros,
 Vincita sed æternæ vertor in orbe mola.
 Aspicias hæc durus nostro neq₃ tangere sato?
 Aspice, & in pœnas mitior esto meas.

Vide humilitatem meam, & laborem meum: & dimitte vniuersa delicta mea. *Pſalm. 24.*

IN quantam tribulationem deueni! in quos fluetus tristitia, in quâ nunc sum; qui iucundus eram & dilectus in potestate meâ. nunc verò remiſcor malorum quæ feci. *Mach. 6.*

Vide humilitatem meam, attende deiectionem infirmitatis meæ. *Beda in. Pſalm. 24.*

Contrarietas culpæ facta est homini pondus pœnæ; vt corruptioni suæ malè liber ſeruiat, qui benè ſeruus de incorruptionis libertate gaudebat. *Greg. cap. 22. in cap. 7. Iob.*

Nunc etenim menti cedit caro, nuncq; vicissim *Nazianz. carm. de animæ calamitatibus.*
Mens carnem sequitur. ———

Namq; bonū cupiens, facit id tamen ipsa quod odit; *Servitium lachrymis persequiturq; graue.*

Quamuis[enim] quispiam locuples sit & generosus, est tamen inter abiectos abiectissimus, cum à peccato vincitur, quemadmodum enim si Rex quispiam barbarorum ſeruus fiat, omnium est miserrimus, sic qui in peccato viuit. Barbarum namque peccatum est, animam enim sub Tyrannidem re-digit; nihil enim tam præter rationem est; quàm peccatum; vnde ait Propheta, Homo cum in honore esset, non intellexit, comparatus est iumentis insipientibus. *Chrysoſt. hom. 9. in epist. 1. ad Cor. 10. 4.*

Orig. hom.
16. in cap.
67. Genes.

Sanè si intelligamus spiritualiter, quæ sit Ægyptiorum seruitus; agnoscimus, quia seruire Ægyptijs, nō aliud est, quàm obnoxium fieri carnalibus vitijs, in quod vtique vnumquemque non extrinsecus illata necessitas cogit, sed segnities animi & libido ac voluptas corporis subegit, cui se animus per concordiam subdit. Denique & Saluator de libertate & seruitute in Euangelio differens, ita loquitur: *Omnis, inquit, qui peccat seruus est peccati.*

Horn. 8.
in cap. 15.
Exod.

Sicut ergo Ægyptus (ita terrena prouincia) filijs Israël, domus dicitur seruitutis, ad comparisonem Iudeæ & Ierusalem (quæ eis domus efficitur libertatis) ita ad comparisonem cœlestis Hierusalem (quæ vt ita dicam; mater est libertatis) totus hic mundus, & omnia quæ in hoc mundo sunt, domus est seruitutis.

Aug. serm.
12. de ver-
bis Domi-
ni.

Quid ergo mirum si mundus multa vapulat? seruus est, sciens voluntatem Domini sui & faciens digna plagis; non ergo recuset vapulare multis, quoniam si non vult audire præceptorem iniuste, iuste patietur ultorem; vel non murmuret contra castigatorem, cum videat se plagis dignum, vt misericordiam mereatur.

Prou. 26.
v. 3.

Flagellum equo, & camus asino, & virga in dorso imprudentium.

Bern.

Ergo ne bestia sumus nos? bestia prorsus.

Homo

Homo cùm in honore esset, non intellexit, compara- serm. 3. si-
tus est iumentis insipientibus. per Qui ha-
bitat in ad-

Asinini quidam & bestiales morus legem iustorio.
contrariam habent. Cùm ieiunare consentis
vrget gulæ illecebra; cùm vigilare proponis,
somnia lentia premit: *quid faciemus huic asino?*

Eadem peccatores spiritualiter feremus, Bern. serm.
quæ [Sampson] carnaliter ad nostram eru- 5. de As-
ditionem expressa, sustinuit. Ita enim nobis, cenf.
vt illi hostis illudet, & *vertendis molis velut* Paulin.
asinos deputabit. Vnde nos Dominus (ne epist 4. ad
collum nostrum, non subditum iugo Chri- Seuerum,
sti dignum faciamus *asinariâ molâ*) admonet
per Prophetam: *nolite fieri sicut equus & mu-*
lus, quibus non est intellectus. Homo enim, vt
alibi dicit idem Propheta, *non intelligens hono-*
rem suum, comparatur iumentis & similis effici-
tur. Quod in Rege Babylonio videmus eui-
denter expletum, qui stolidatis impiæ &
vecordis superbiæ pœnam, sensu hominis
exutus in belluino hoc corde sustinuit. Ete-
nim homo in errore positus & in iustitiâ re-
lapsus, iustè vt Sampson sapientiæ pariter &
gratiæ virtute desertus, cæcitare punitur &
molâ; quia dignus est opere iumentario, qui se-
meripsum lumine rationis orbauerit, & in si-
militudinē belluarum, corporis seruis, ab-
iecerit. Considera huiusmodi mortalium vi-
tam, & tota tibi species *iumenti molentis* oc-
currat. Vt ille pannis oculos corporis sic iste

sordibus vitæ suæ oculos mentis obsutus, per errores suorum sensuum, quasi circa *ambages molarum* laboriosa miser statione versatur, vsui suo vacuus, laboriosus alieno. Stat in viâ peccatorum compeditus vinculis cupiditatum suarum, & ipse sibi carcer est obsessus tenebris erroris sui, & conscientiæ squalore concretus in semetipso *pistrini ergastulum* patitur, saxum cordis sui pertinaciâ iniquitatis induratum quasi *molam versat*, farinam hostibus suis, de corruptâ animæ suæ fruge, conficiens; quia sicut scriptum est: *peccator de animâ suâ currit*. Ita qui peccatum operatur de molâ vitæ suæ, hostile triticum molit vt Zabulum pascat, cui panis est anima, quæ sibi fames est.

Orig. tract
5 in Matt.
cap. 18.

Sunt autem & *molarum differentia*, vt sint quædam eam humanæ, aliæ asinariæ. Et humana quidem est illa de qua scriptum est: *Dua erunt molentes ad vnam molam, vna assumetur & altera relinquetur*.

Ambr. in
c. 17. Luc.

Discutiamus ergo quæ molant, quid molant quidue pistrinum sit: & fortasse mundus iste pistrinum est, & quod in eo humani corporis forma referatur, in quo anima nostra velut quodam carcere includitur, panem si consulat boni, operatura cœlestem. In hoc ergo pistrino anima obnoxia delictis triticum molendo madefactum & graui humore corruptum, non potest interiora ab

exte-

exterioribus separare, & ideò relinquitur, quia eius similago displicuit.

Afinaria autem mola non irrationabiliter dici potest grauissimum hominis malum, quod semper deorsum trahit. Orig. tra&.
5. in Mat.
cap. 8.

Nam quid per *molam afinariam*, nisi actio terrena signatur, quæ dum colla mentis per stulta desideria constringit, hanc *in laboris circuitum* mittit. Greg. lib.
6. mor. c.
26. in cap.
3. Iob.

Molendinum enim labor est huius sæculi; August.
ser. 107. de
temp.

Et molendinum puto dictum mundum istum, quia rotà quàdam temporum voluitur, & amatores suos conterit. August. in
Psalm. 36.

Testatur Sampson Allophylis captus, qui postquam oculos perdidit, *ad molam* deputatus est; quia nimirum maligni spiritus postquam tentationum stimulis intùs aciem contemplationis effodiunt, foras *in circuitum laborum* mittunt. Gregor. 7.
mor. 16.
in cap. 6.
Iob.

Et quare in *molendino*? quia in isto mundo versantur: vbi *molendinum* intelligitur, quia sic vertitur mundus iste, quo modo mola. August. in
Psalm. 132.

Quare in *molendino*? quia defuncti in sæculo, *circuitu* rerum temporalium, tamquam *molâ* detinentur. In Psalm.
99.

Et trahebat me post se, *in circuitu*, de vitio in vitium, & de luto in lutum. Aug. soli-
loq. c. 6.

Vnde bene quoque per Psalmistam dicitur, *Deus meus, pone illos vt rotam. vt rota po-* Greg. lib.
16. mor. c.

30. in cap. nuntur quippe iniqui, quia in *circuitu laboris*
 24. *missi*, dum ea quæ antè sunt negligunt, & ea
 quæ deferenda sunt sequuntur, ex posteriori-
 bus eleuantur, & in anterioribus cadunt.

Greg. lib.
 2. mor. c.
 4. in 1. c.
 Iob.

Hinc est enim quod per Psalmistam dicitur: *in circuitu impij ambulat*; quia dum interiora non appetunt, in exteriorum labore fatigantur.

Bernard.
 hom. 81.
 in Can.

Miser ego homo! quis me liberabit à calumniâ huius pudendæ seruitutis? miser sed liber, liber quia homo, miser quia seruus, & pro seruitute quidem miserabilis, sed pro voluntate inexcusabilis. Voluntas enim est quæ se, cùm esset libera, seruam fecit peccati, peccato assentiendo, quia qui facit peccatum seruus est peccati.







*Memento, quæso, quod sicut lutum feceris me ,
et in pulverem reduces me ! Job. 10.*

V.

Memento, quæso, quòd sicut lutum
feceris me, & in puluerem redu-
ces me. *Iob. 10.*

ERgòne cœlituûm iam nata obliuia regnis?
Quis Ganymedæo miscuit illa scypho?
Quid facit immemores ad nostra negotia Diuos?
Lethæas Superi fortè bibistis aquas?
Oblita es mea lux, aut vis oblita videri,
Cum dubitas proprium quale creâris opus.
Si nescis, referam; si scis, cur fingere pergis?
Me Tua de luteâ dextera fecit humo.
Quæris vbi? toto locus est notissimus orbe:
Primus vbi pater est conditus, hortus erat.
Fons vbi de riguis argenteus exilit herbis,
Quadrupliciq; suas flumine findit aquas.
Scire lubet tempus? minimo post tempore, salsas
Cum maris aggeribus terra coegit aquas.
Addo, (quod historia facit, hâc quoque parte, pro-
Puniceo rubuit Dadala gleba solo. [bande)
Hinc tribus es modicam digitis admensus arenam,
Primaq; massa mei corporis illa fuit.
Nec primis erit his natalibus exitus impar,
Nil nisi pulvis eram, nil nisi pulvis ero.
Sic faber argillam samijs dum repperit agris,
Ædificat facili pocula ficta lato.

Principiò, terræ segmenta ligonibus vrget,
 Indè leui madidam flumine mollit humum;
 Denique materiem pernix rota versat in orbem,
 Amphoraq; admotæ nascitur arte manus;
 Nascitur, at mediâ vix amphora vixerit horâ,
 Frangitur, inq; suam fracta recurrit humum.
 Haud magè firma meæ fundamina condita vita,
 Et leuis extremos finiet vmbra dies.
 Cur igitur, veluti fuga non satis incitet annos,
 Precipites glomerat mobile tempus equos?
 Sponte, meus puluis, nimis heu cito, sponte fatiscit,
 Et mea, non vllò, vita premente fugit!
 Si mihi, seu vitreâ concreuit Olympus ab vndâ.
 Calite crystallo membra gelata forent!
 Aut quales memorant, cœlestia lumina, stellæ,
 Quas suus è liquidis condidit author aquis:
 Aut foret Angelica munus, sine corpore, vita,
 Elisiis qualem mentibus esse ferunt!
 Sperarem Angelicis equalia sacula lustris,
 Cœlestesq; annos, sideriosq; dies.
 Sed data squammigerae mage fortia corpora turina
 Quam peperit viridi Doris aquosa patri.
 Quin etiam volucres cunis melioribus orta,
 Plumea queis nitida membra dedistis aquæ.
 O vtinam rigidis mihi stent adamantibus artus,
 Aut durent neruos firma metalla meos!
 Felices Scythiæ fato meliore sorores,
 Fama quibus fuluo finxit ab ære manus,
 Cuiq; fuit solo corpus penetrabile talo,
 AErea nam reliquum lamina corpus erat:

Sed quid ago, damnoq, mei cunabula limi ?

Aut queror è fragili corpora ficta luto?

Non bene vasa suo faciunt conuicia fabro,

Nec faber ipse suum iure refutat opus.

*Memento, quæso, quòd sicut lutum feceris
me, & in puluerem reduces me.*

Iob. 10.

SVRGE, & descende in domum figuli, & ibi au- Hieremias
 dies verba mea. Et descendi in domum figuli, & 18.
 ecce ipse faciebat opus super rotam, dissipatum est
 vas, quod ipse faciebat è luto, manibus suis: conuer-
 susq, fecit illud vas alterum; sicut placuerat in ocu-
 lis eius, vt faceret. & factum est verbum Domini
 ad me dicens: Numquid, sicut figulus iste, non pote-
 ro vobis facere, domus Israel, ait Dominus? Ecce
 sicut lutum in manu figuli, sic vos, in manu mea.

Volens Propheta, Dei ostendere poten- Hugo
 tiam & hominis fragilitatem, comparat Card. in
 Deum figulo & hominem luto; quod ni- hunc lo-
 cum,
 hil potest aduersus Deum, sicut nec lutum
 aduersus figulū; vnde Rom. 9. dicitur: num-
 quid potest figmentum ei qui se finxit, dicere, *Quid*
me fecisti sic? & Isaia 45. *Va, qui cōradicit fictori*
suo, testa de samis terræ. Numquid dicet lutum fi-
gulo suo, Quid facis? & Isaia 64. *Et nunc Domine*
Pater noster tu es; nos verò lutum; & fictor noster
tu, & opera manuum tuarum omnes nos. igitur in
domum

domum figuli descendere, est considerare fragilitatem carnis suæ. Corpora autem nostra dicuntur vasa, quia continent liquorem siue thesaurum pretiosissimum, scilicet spiritum ad imaginem Dei creatum. 2 Rom. 4. *Habemus thesaurum istum in vasis fictilibus.* Deus autem est figulus. Hoc autem vas, rectè dicitur super rotam; vel propter corporis instabilitatem; vel quia idem est principium & finis ibidem, secundum illud Genes. 3. *De terrâ es, & in terram ibis.*

Greg. lib.
10. mor. c.
36. in cap.
10. Iob,

Vt lutum ergo homo factus est; quia de limo est ad conditionem sumptus. Quod sanctus vir benè pietati iudicis obijcit, cum postulans dicit: *Memento quæso, quòd sicut lutum feceris me.* Ac si apertè dicat: Infirmi-
tatem carnis considera, & reatum iniquitatis laxa. Vbi aptè quoque mors eius carnis adiungitur, cum protinus sub infertur: *& in pulverem deduces me.* Ac si patenter postulet, dicens: *Memento quæso, quòd per carnem à terrâ venio, & per eius interitum ad terram tendo.*

Greg. ibid.
cap. 37.

Hæc autem quæ de exteriori homine diximus, etiam interiori quemadmodum possint congruere, libet ut breuiter replicando monstremus. *Memento quæso, quòd sicut lutum feceris me.* Sicut lutum quippè homo noster interior existit: quia Sancti Spiritus gratia terrenæ menti infunditur, ut ad intellectum
sui

fui conditoris erigatur; humana namque cogitatio, quæ peccati sui sterilitate aruit, per vim Sancti Spiritus, quasi irrigata terra, viridescit. Sed sæpè, dum præceptis superni doni virtutibus, sine interruptione utimur, ad priuatam fiduciam, vsu continuæ prosperitatis eleuamur: vnde fit plerumque, vt idem qui subleuauerat, parumper spiritus deferat, quatenus ipsum sibi homines ostendat. Quod sanctus vir protinùs exprimit, cùm subiungit, & *in puluerem deduces me.*

Quia, cùm per subtractionem spiritus mens aliquantulum in tentatione deferitur, quasi ab humore pristino, terra siccatur; vt infirmitatem suam derelictus sentiat, & sine infusione supernæ gratiæ, quantum homo aruit, agnoscat: qui aptè quoque reduci ad puluerem dicitur, quia dimissus sibi, cuiuslibet aura tentationis raptatur.

Hoc ergo (sicut dignum erat) perpendentes homines sancti, pulchra plasmata in gloriam & honorem præparata, hunc ipsum Creatorem, suum plasten; seipsos autem lutum appellauerunt; eleganti confessione, lacrymosà declamatione: *Et nunc Domine, inquit Isaias, Tu pater noster es & nos lutum; & factor noster, & opera manuum nostrarum, omnes nos.* Et ad Hieremiam loquitur idem plastes noster Deus. *Nunquid sicut figulus iste, non potero vobis facere, domus Israël: ecce sicut lutum in*

Rupertus
lib. 2. c. 20.
in Gen.

manu

manu figuli, ita vos, in manu mea, domus Israel. Ostenderat enim illi figulum facientem opus suum super rotam: Et dissipatum est, inquit, vas quod ipse faciebat è luto manibus suis, conuersusq; fecit illud, vas alterum, sicut placuerat in oculis eius, vt faceret. Hinc idem qui suprâ dicit Isaias: Væ qui contradicit fictori suo, testa de samis terra. Hæc & illis similia sciens ille Iuris peritus cœlestis Paulus ait: O homo tu quis es qui respondeas Deo? Nunquid potest figmentum dicere ei qui se finxit; Quare me fecisti sic? Aut nunquid non habet potestatem figulus; facere de eodem luto, aliud quidem vas in honorem, aliud verò in contumeliam?

Rupertus
lib. 1. in
Ieremiam
cap. 10.

Magnum reuerentiæ documentum, magnum & congruum taciturnitatis & continētis linguæ instrumētum. Deus plastes noster est, nos autem lutum. Monet hoc vehemēti increpatione Apostolus vas electio- nis, placitumque eterni figuli opus, monet, inquam, nos, & mittit huc, vt cum Prophe- tâ isto, præsens diuinæ potestatis exemplar videamus. Cùm enim abiectionem fratrū suorum Israelitarū congemuisset; *Quid ergo, inquit, dicemus? Nunquid iniquitas apud Deum? absit* nimirum vt hæc diceret, ipse quoque mente humili; in isto Prophetâ, descendē- rat in domum figuli, & viderat quod do- mus Israel lutum esset, æquē vt omne cœ- num gentium; & quia non pro debito, sed
pro

pro solâ gratiâ *Deus figulus omnium*, sumpsit Abraham, cùm esset lutum Chaldaicum, & ex illo, & ex feminis eius massâ luteâ, fecit quæ voluit vasa misericordiæ, vasa honoris & gratiæ. Quid amplius illi debebat, quàm vniuerso luto generis Adæ? hoc ille sapiens & humilis, & idè verè sapiens, quia humilis, viderat & humiliter sentiebat; quia non propter figuli inertiam, sed propter incomprehensibilem Iustitiam, rebelle lutum in manu eius dissipatum fuerat. Porrò vt ad spectandam similitudinem figuli reuertamur, dicamus nunc quando figulus ille cognouit figmentum nostrum, suscipiendo puluerem nostrum, tunc ipse faciebat opus è luto manibus suis super rotam adhibitis digitis suis, id est, donis Spiritus Sancti, vt perfectâ iam in plenitudine temporis vasa, thesauros susciperent misericordiæ & honoris. Sed ausum est infelix lutum blasphemare figuli sui digitos. Quid igitur? Nimirùm figulo iustissimè digitos suos foris contrahente, & cum totâ manu feriente, dissipatum est vas, dissipatione validâ.

Num quæram igitur quis fecit me? Tu Domine fecisti me, sine quo factum est nihil, tu factor mei, ego opus tuum. Gratiâs tibi ago Domine Deus meus, per quem viuo ego, & per quem omnia viuunt, quoniam

Aug. soliloq. c. 31.

niam

niam fecisti me. Gratias tibi plasmator mei,
quia manus tuæ fecerunt me & plasmaue-
runt me.

Aug. 30-
liloq.

cap. 20.

Aug. lib. 5.

de ciu. cap.

3.

Rupertus

lib. 2, c. 21.

in Gen.

Nouisti figmentum nostrum figulus no-
ster, & omnes quasi lutum in manu tuâ.

Nempe figmentum fragilius, quàm vasa
quæ illâ rotatione finguntur.

Igitur quia sic voluit, & sic sapientia di-
ctauit, vnum de quo cæteri propagarentur,
formauit hominem de limo terræ. de limo,
inquam terræ. Manifestum est hoc, quia se-
cundùm corpus, homo terra est. Terra enim,
inquit Dominus, *es, & in terram ibis.*

Augustin

Psalm. 102.

Nouit, quid fecerit, quomodo lapsum sit;
quomodo reficiendum sit, quomodo adop-
tandum sit, quomodo ditandum sit. Ecce
facti sumus de limo. Primus homo de terrâ,
terrenus; secundus homo de cælo, cœle-
stis.

Ambr. in

Psalm. 118.

Nosce tamen te ipsum homo: tuæ animæ
dicitur in Canticis Canticorum: *Ni cognoueris
te formosa in mulieribus.* Cognosce te anima
quia non de terrâ, non de luto es, quia in-
sufflauit in te Deus animam viuentem. At-
tende tibi, vt lex dicit. tibi, id est, Animæ tuę:
sæcularia te & mundana non teneant; ter-
restria non morentur; ad illum totâ inten-
tione festina, ex cuius inspiratione consti-
stis.

Ambr.

Cognosce te anima, quia non de terrâ,
non

non de luto es, quia insufflauit in te Deus, & ^{ibid. oñ.} fecit te in animam viuentem. Opus magnifi-^{10.} cum est homo, Dei inspiratione formatum. Disce homo, vbi grandis, vbi pretiosus sis, vilem de terra demonstrat, sed gloriosum virtus facit, fides rarum, imago pretiosum. An quicquam tam pretiosum, quàm imago Dei est?





*Peccaui. Quid faciam tibi, O custos hominum?
quare posuisti me contrarium tibi? Iob. 7. 6.*

V I.

Peccaui: quid faciam tibi ô custos
hominum, quare posuisti me con-
trarium tibi? *Iob. 7.*

ET iuuat & merui: pleno scelus ore fatendum est,
Culpa mea est nullo digna patrocinio.
Peccaui, fateor, nec quæ malè crimina feci,
Vllo fucari posse colore, puto.
Nec mihi dedecoris metus est, neque cura pudoris,
Publica flagitiis debita pœna meis.
Ecce manus vltro supplex tibi porrigo victas,
Quæ mihi sit, tantùm pœna luenda rogo.
Quid tibi vis faciam? vis trudem pectus in enses,
Aut cladi statuam mœsta trophæa mea;
Vis tua centenis cumulari altaria libis?
Aut pia fumosis tura micare focis?
Aut meus ipse tuas mauis, cruor imbuat aras,
Hostia criminibus substituenda meis?
Ah, foret illa meæ vix par quoque victima noxa!
Namq̃ meo est omnis crimine pœna minor.
Non tamen est seuas tantus tibi feruor in iras,
Quas lenire cruor solus & ara queant:
Sapè tuus parti superata mucro pepercit,
Et conseruato nomen ab hoste tulit.
Non finit ingenium tantos tibi surgere motus,
Quantis pro merito culpa pianda foret.

Obone terrigenûm custos, tutelaq₃ mundi
Publica suspendi tot cui vota salus!
En tua se mediâ clementia monstrat in irâ,
Quaq₃ manu gladios hâc quodq₃ tendis opem.
Si pateris (quamvis summo mea causa patroni
Eloquio, melior nullius esse queat)
Pauca tamen pro me, vel pro te: (quod magis optem)
Ne tua fors etiam sit mala causa, loquar,
Non nego, peccaui; communis at hic fuit error:
Damnâne communis criminis vna luam?
Cum ruerent aliij, malè quo suus impêtus illos
Impulit, in flammâs Bacche Venusq₃ tuas?
Dextra suum fulmen, quamvis vibrata, remisit,
Tensaq₃ pro gladio lenis oliua fuit.
Cur mihi perpetuo contra aduersâre duello,
Ceui gladiator ego, tuq₃ lanista fores?
Non satis est, culpam fassas tibi tendere palmas,
Criminibusq₃ iram promeruisse tuam?
Quid? quod & egregij dederim tibi muneris ansam;
Materies laudis, dum mea culpa, tuæ est.
Nâ nisi peccassem, quid tu cōcedere posses?
Clementis nomen, non habiturus eras.

Peccaui

Peccaui : quid faciam tibi ô custos hominum, quare posuisti me contrarium tibi? Iob. 7.

FAmosa lucta & totius ore Ecclesiæ per Rupertus in Gen. l. 3, cap. 6.
orbem celebrata, quâ homo cum Deo luctatus est.

Sicut enim sunt quædam arma Dei, in quibus esse dicitur lorica Iustitiæ & gladius Spiritus, & scutum Fidei; ita etiam sunt arma diaboli, quibus indutus homo peccator. A contrarijs igitur intelligamus contraria, & statuamus duos milites armatos; vnum militem Dei, alterum militem Diaboli. Et si quidem miles Dei habet loricam iustitiæ, si ne dubio miles diaboli contrariam huic gerit iniustitiæ loricam. Et si miles Dei in galeâ coruscat salutis, è contrario peccator (qui est miles diaboli) galeâ perditionis indutus est. Ita ergo est gladius quidam Spiritus Sancti, in his qui militant Deo est autem & gladius maligni, in his qui militant peccato, quem gladium nunc euaginare dicuntur peccatores.

Quis est gladius peccatoris, nisi contrarius gladio Spiritus Sancti? Amb. in Psal. 36.

Quomodo autem putandi sunt peccatores euaginare gladium? dum iam impuden- Orig. hom. 2. in Ps. 36.

ter, & absque vlllo verecundiæ velamento iniquitates suas perpetrant, nec erubescunt aut reuerentur, nec tamquam in vaginâ nequitiam suam recondunt & contegunt, sed superbo & elato spiritu, velut gladium quemdam denudant.

Ambr. in
17. Apoc.

Cum agno pugnauerunt qui Ecclesiam Dei persecuti sunt.

Hugo
Card. in
eundem
locum. Iob
13.

Hæc pugna cœpta est à principio mundi in Cain & Abel.

*Tetendit [impius] aduersus Deum manum suam,
& contra omnipotentem roboratus est.*

Greg. in
hunc lo-
cum.

Sunt namque nonnulli, qui etsi quâ aliquando agere contra Omnipotentis Dei iudicium nituntur, ipsa impossibilitate explendæ voluntatis suæ fracti, ad semetipsos respiciunt; atque ad eum, quem contemnere voluerant, conuertuntur; & qui discedere longè poterant, si quod vellent implere valuissent, per hoc aliquando saluantur, quia quod voluerunt implere nequierunt; vnde ad se reducti, cuius sint conditionis, aspiciunt, & plangunt se contraria veritati voluisse.

Aug. lib.
22. cont.
Faustum
cap. 70.

Sic Saulum Ecclesiam prosequentem Deus de cœlo vocauit, prostrauit, tamquam percussit.

Basil.
hom. 13. in
Psalm. 48.

Nam qui omnia nostra moderatur, ac dispensat Deus, nobis per malitię viam incedentibus occurrit, offendicula obijciens, quæ

quæ nos à peccato remorentur, & abarceant.

Sed & nonnulli sunt, qui hoc quod peruersè contra Deum appetunt, iusto Dei iudicio implere nequiùs permittuntur, & cum eos malitia accendit, potentia roborat, tanto iam semetipsos in errore cognoscere nequeunt, quanto in rebus affluentibus extra se semper per potentiam trahuntur; de quorum intentione dicitur: *Tetendit aduersus Deum manum suam, & contra Omnipotentem roboratus est.*

Greg. loco
iam citat.

[Sed] *contra Deum pugnare non est facile.*

Tu [igitur anima mea] *ne existimes tibi impunè futurum, quod contra Deum pugnare tentaueris.*

Ecclef.

46.

Mach. 2.

c. 7.

Iob, cuius rei gratiâ, dimicaret, nesciebat; nesciebat quoniam ei gymnasium, palæstra erat proposita; sermonem ad iudicem vertit; animæque oculum ad alta dirigit, non blasphemans sed orans cum lacrymis; *Vt quid me posuisti contrarium tibi?*

Chrysof.
hom. 4. de
patientiâ
Iob.

Tunc autem sibi contrarium Deus hominem posuit, cum homo Deum peccando dereliquit. Iustus verò conditor hunc sibi contrarium posuit, quia inimicum ex elatione deputauit.

Greg. in
cap. 7. Iob.
l. 8. c. 22.

Et ecce fatetur [Iob] malum quod fecit, sed bonum, quod Deo in recompensatione debeat offerre, non inuenit; quia ad ab-

Greg. in
cap. 7. Iob.
lib. 8. c. 21.
& 22.

luendam culpam quælibet humanæ actionis virtus infirma est, nisi hanc misericordia parentis foueat. Cur [ergo] quasi contrarium tibi hominem despicias, qui certus scio, quia perire ipsum, quem despiciere crederis, non vis?

Aug. manual. cap.
23.

Peccaui peccatum grande, & multorum sum mihi conscius delictorum; nec sic despero, quoniam ubi abundauerunt delicta, superabundauit & gratia.

Bern. ser.
1. in
Cant.

Miser ego homo? quis me liberabit à calumniâ huius pudendæ seruitutis? miser sed liber, liber quia similis Deo, miser quia contrarius Deo. O custos hominum, quare me posuisti contrarium tibi? posuisti cum non prohibuisti: Alioquin ipse me posui, & factus sum mihi met grauis. Iustissimè quidem ut hostis tuus, sit hostis meus; & qui tibi repugnat, repugnet & mihi; ego qui tibi, mihi ipsi contrarius sum.





*Cur faciem tuam abscondis et arbitraris
me inimicum tuum ? Job . 13.*

VII.

Cur faciem tuam abscondis, & arbitraris me inimicum tuum? *Iob 13.*

Ergo mens tanta causam tibi præbuit iræ
 Qui condonandus leniter error erat?
 Credideram toruos tantum te fingere vultus,
 Nec nisi compositis os simulare minis.
 Scilicet ut flenti genitrix negat vbera nato,
 Sed negat, ut lacrymis sæpius illa petat.
 Aut qualis puero fugiens negat oscula nutrix,
 Oscula, quæ toties, dum fugit ille, dedit.
 Sic ego te fictos rebar mihi ducere vultus,
 Utq; magis sequerer, fingere velle fugam.
 At geritur video, dicto res seria bello,
 Falsa, nec, ut rebar larua, sed ira fuit.
 Auertisq; oculos, dedignarisq; videri,
 Pax voluti numquam concilianda foret.
 Et fugis, ut viso fugit eminus hostis ab hoste,
 Aut quem fulmineo dente laceßit Aper.
 Seu timeasq; oculis visus sax:ßere nostris
 Oculis oppositâ lumina cauta manu.
 Quo precor hanc tanto merui pro crimine pœnam,
 Ut velut indignans ora videnda neges?
 An quia peccaui, vultu frustraris amantem?
 Ah! vultu numquam qui mihi toruus erat.
 Aut mea ne magicas iaculentur lumina flammæ,
 Sibilet aut nostro Regulus ore, times?

Ante-

*Anteueni tutis Cyrcéos visibus orbes ,
 Vibratamq; oculo pelle nocente necem.
 Donec enim verso me dedignabere vultu,
 Te , dolor , irato viuere , maior erit.
 Nullius alterius faciunt mihi lumina bellum,
 Luminibus possum Phœbe carere tuis:
 Pulchra tuos oculos contemnere Cynthia possum,
 Quipascunt reliquas igne nitente faces ;
 Attamen absque tuis oculis , mea vita , meum cor
 Viuere , non aliter quàm sine corde , queo.
 Cense igitur reliquas quibus obruor anxia cura;
 Si tam dura oculis pœna carere tuis?
 O quanto!ô quanto mihi grandius hoc tormentũ est,
 Te quod amem mea lux, me tamẽ haud redames!*

*Cur faciem tuam abscondis, & arbitra-
 ris me inimicum tuum? Iob. 13.*

Aug. foli-
 loq. cap. 1.

QVare faciem tuam auertis , gaudium
 meum per quod gaudeo? vbi es abs-
 conditus, pulcer, quem desidero? odorem
 tuum haurio, viuo & gaudeo; te autem non
 video; vocem tuam audio & reuiuifco ; sed
cur faciem tuam abscondis? fortè dicis; *Non vide-
 bit me homo & viuet.* Eia Domine, moriar, vt
 te videam; videam, vt hîc moriar. Nolo vi-
 uere, volo mori; dissolui cupio , & esse cum
 CHRISTO; mori desidero vt videam CHRI-
 STVM; viuere renuo, vt viuã cum CHRISTO.

Lumen

—— *Lumen persapè tuenti,
 Numinis aterni, nubes densissima, sese
 Protinùs iniecit mediam, seq̃ abdidit ingens
 Fulgor, & ardentem fixit mihi corde dolorem,
 Vt mihi iam propiùs posito se prapete cursu
 Eripuit, capitq̃ fugam. Cur istud? Amari
 An quod à me semper cupiat, cupidaq̃ requiri?
 Namque ita moris habent homines quoque.*

Nazianz.
 de virtute
 humanâ.

Si quis enim offenderit seruulorum, auertere ab eo vultus solemus. Si apud homines hoc graue dicitur, quanto magis apud Deum? vides enim quòd faciem tuam Deus à Cain muneribus auertit. Ideò Dauid orat vt flagelletur potiùs quàm *proiciatur à facie Dei*. Ideò iustus ait: *Vultum tuum Domine requiram*, grande ergo supplicium, proijci à facie Dei. Proiectus est Adam de Paradyso; neque immeritò, ipse enim antè *se absconderat à facie Dei*. Exiuit & Cain à facie Dei, quia putauit Deum esse fallendum, vt crimen negaret. Quomodo proiciat Deus à facie suâ, audi dicentem: *Tollite illum in tenebras exteriores.*

Ambr.
 Apol. 8.
 pro Dauid.

Igitur quæ Anima semel à Deo didicit in intimis suis Dei præsentia suspirare, & *querere faciem eius semper*, talis anima, nescio, an vel ipsam gehennâ ad tempus experiri horribiliùs pœnaliùsve ducat, quàm post spiritualis studij huius, gustatam semel suauitatem, exire denuò ad illecebras, vel potiùs molestias

Bern. ser.
 35 in
 Cant.

molestias carnis : audi enim hominem expertum quæ loquitur: *Bonus es, inquit, Domine sperantibus in te, animæ quærenti te.* audi & alium similem huic: *Tibi dixit cor meum; exquisiuit te facies mea, faciem tuam, Domine requiram.* Ab hoc bono, si quis auertere sanctam illam animam conaretur, puto, haud secus accepisset, quàm si de Paradyso, & ab ipso introitu gloriæ, conspiceret deturbari.

Amb. in
Psalm. 43.

Est enim [CHRISTVS] fulgor æternus animorum, quem ideò Pater misit in terras, ut eius illuminati vultu, æterna & cœlestia sperare possimus, qui antè terrenâ caligine tenebamur inclusi.

Ambr. in
Psalm. 118.

Desiste [ergo anima] hominis habere peccata, & videbis faciem meam; qui enim faciem meam videt, debet esse sine peccato. Esto Angelus, hoc est diuini minister imperij; obsequere mandatis Domini: cùm fueris Angelus, videbis faciem Domini. ipse Dominus IESVS ait: *Beati mundo corde, ipsi enim Deum videbunt*: aduertis quid à te exigatur ut videas Deum? Emunda igitur cor tuum.

Ambr. in
Psalm. 43.

[Sed] auertere à nobis Deum faciem suam putamus, quando sumus in aliquibus afflictionibus constituti.

Bern. in
Isaia.

Ne timeas, ô Sponsa, ne desperes, ne existimes te contemni, si paulisper tibi subtrahit Sponsus faciem suam. Omnia ista cooperantur tibi in bonum, & de accessu & recessu

cessu lucrum acquiris. Tibi venit, tibi & recedit; venit ad consolationem, recedit ad cautelam.

O bona abscondio, quæ efficitur perfectio! Gloria mea, Deus meus, abscondis thesaurum tuum, vt incites cupidum; recondis margaritam, vt augeas quærentibus amorem; differs dare, vt doceas petere; dissimulas audire petentem, vt facias perseverantem. quod planè indicat illa flebilis, quæ tuum in sepulchro natum CHRISTVM, inter mortuos, quærebat viuum, durantibus adhuc tenebris; quam accenderas vt quæreret, sed quærenti disparebas vt perseveraret: perseveravit sperans, & speravit perseverans; & quia in spe perseveravit, videre te meruit. Beata visio & plena exultatio.

B. Anselmi medit. cap. 5.

Placare, obsecro, & miserere mei, & non auertas faciem tuam à me, qui pro me redimendo non auertisti faciem tuam ab increpantibus & conspuentibus in te.

Aug. medit. cap. 39.



*Quis dabit capiti meo aquam et oculis meis
fontem lacrymarum ? Hierem . 9 .*

VIII.

Quis dabit capiti meo aquam, &
oculis meis fontem lacrymarum,
& plorabo die ac nocte?

Hierem. 9.

Quis mihi det, liquidas caput hoc vertatur in
vndas,

Totq³ fluat guttis, quot stetit antè, comis?

Fronte patet campus quem flebilis imber inundet,

Ripa nec, vt fluctus exspatiantur, obest.

O mea, si subito, duo flumina, lumina fiant!

Sat capiet geminas alueus aptus aquas.

Ille meis totus lacrymis non sufficit imber,

Perpetuò flentis, qui rigat ora senis.

Capta nec Andromache, quâ lumina proluit vnda,

Illa meis lacrymis vnda sat esse potest.

Nec tua, Ieside, lacrymati balnea lecti,

Balnea nocturnis humida semper aquis.

Nec quibus es solitus ieiunia pascere, gutta,

Nocte, dieq³, tuus qua tibi panis erant:

Illa nec illuies plorabilium lacrymarum

Quam pluit in Domini Magdala mæsta pedes:

Nec (tibi, qui geminis inarauerat humida sulcis

Lumina) fons mæsta, Petre perennis aquæ.

Sed tua, Nile, velim septemplete flumina riuo,

Cùm vagus Isiacos obruis amnis agros.

Aut qualis madidum cùm mergit Aquarius annum;
 Totaq₃ in hybernas astra liquantur aquas;
 Aut potiùs trepidas qualis ruit imber in vrbes,
 Omnia cùm pluuiò claustra reclusa Ioni.
 Culminaq₃ & turres & acuta cacumina, cautes,
 Et nemora, & montes, nil nisi pontus erant.
 Hos oculis voueam grauidis mihi currere nimbos,
 Et caput hoc, totus fiat vt Oceanus.
 Aut saltem in geminos tabescere lumina riuos,
 Perpetuòve meas amne natare genas.
 Nec sicari oculos, nisi cùm stupor obstitit illis,
 Finiat vt lacrymas vltima gutta meas.
 Felices nimium, vitrea, gens cerula, nymphae,
 Membra quibus fluido sunt liquefacta vitro!
 Vosq₃ paludosis mutata fontibus artus,
 Quas vetus est quondam fama professa nurus.
 Cur mihi non liquidis stillant quoque brachia riuis,
 Glaucaq₃ muscosis fluctuat vnda comis?
 Illa ego sum, fontem qua non admittor in vllum,
 Illa ego sum frustra quæ liquor esse velim.
 O vicinam! celerem vertar, nouus Acis, in amnem,
 Qui, Galatea, tuo flumen amore fuit.
 Aut aliquod, fieri iubeat me Biblida, Numen,
 Quod fieri iussit Biblida, fontis aquam!
 Aut, Acheloë, tuâ liceat mihi ludere formâ,
 Hercule decepto, cùm leue flumen eras!
 Non ego tunc, Acheloë, precaria corpora ponam,
 Taurus, vt exuto fluminis ore, puter.
 Et licet obscuri fuerim nisi nominis amnis,
 Non ego me nomen vile fuisse, querar.

Iugis aqua largius tantum mihi suppetat imber,

Cetera, sacrum nomen honoris crit.

Tum mea inexhaustos, deducunt lumina riuos,

Pindus ut astinâ de niue, voluit aquas.

Perq̃, fluent lacrymæ, veluti vaga flumina, vultum,

Flumina luce fluent, flumina nocte fluent.

Nec nisi flere, meis oculis erit vlla voluptas,

Dones erunt lacrymis crimina mersa meis.



Quis dabit capiti meo aquam, & oculis meis fontem lacrymarum, & plorabo die ac nocte? Hierem. 9.

Hieron. in
c. 9. Hierem.

SI totus vertar in fletum, & ne quaquam guttae sint lacrymarum, sed abundantia fluminis, non satis dignè fleuero.

Bern. ser.
16. in
Cant.

Quis dabit capiti meo aquam, & oculis meis fontem lacrymarum? ut præueniam fletibus fletum & stridorem dentium, & manuum pedumque dura vincula; & pōdus catenarum prementium, stringentium, vrentium, nec consumentium. Heu me mater mea, ut quid me genuisti filium doloris, filium amaritudinis, indignationis & plorationis æternæ!

Amb. in
Psal. 118.

Nescit flere qui flenda committit; & cū sit ipse lacrymabilis, non habet culpæ lacrymas suæ.

Greg. lib.
3. dial. c.
34. & l. 6.
registri.

Axa suspirans, à patre terram irriguam petit, quia à creatore nostro, cum magno desiderio, quærenda est lacrymarum gratia. Hinc irriguum superius accipit anima, cū sese in lacrymis cœlestis Regni desiderio, affligit: irriguum verò inferius accipit, cū inferni supplicia flendo, pertimescit.

Aug. med.
cap. 36.

Tu quidem Rex gloriæ & omnium virtutum magister, docuisti nos verbo & exemplo, gemere ac flere, dicens: *Beati qui lugent, quoniam ipsi consolabuntur.* Tu fleuisti defun-
ctum

Etum amicum, & lacrymatus es valdè super perituram ciuitatē. Rogo te, bone IESV, per illas preciosissimas lacrymas tuas, & per omnes miserationes tuas, da mihi gratiam lacrymarum quàm multùm desiderat & appetit anima mea; quia sine dono tuo, non possum habere eam: sed per Spiritum sanctum tuum qui dura corda peccatorum mollit, & ad fletum compungit; da mihi gratiam lacrymarum, sicut dedisti Patribus nostris, quorum vestigia debeo imitari, vt plangam me in omni vitâ meâ, sicut ipsi se planxerunt nocte ac die. Da mihi irriguum superius & irriguum inferius, vt sint mihi lacrymae panes die ac nocte. Da mihi, dulcissime fontē irriguum fontemque perspicuum, in quo lauetur assidue istud iniquitatum holocaustum. Da mihi gratiam lacrymarum benedicte & amabilis Deus, præcipuè ex multâ dulcedine amoris tui & commemoratione misericordiarum tuarum. Tribue pro bonitate & pietate tuâ, vt iste calix tuus inebrians & præclarus satiet sitim meam.

Lacrymæ siquidem sunt peccati diluuium & mundi piamentum.

Nazian.
orat. 36.

Et sicut torrens, diuersa obstacula diruit, sic lacryma feruētis desiderij, omnia peccata diluit, omnia tormenta contemnit, & cursum suum ad Deum peragit, vsque dum perueniat ad aspectum Dei. Ecclesiastici c. 35.

Hugo
Card. in
cap. 9.
Hier.

v. 16.

Vers. 19.

*Nónne lacryma vidua ad maxillam descendunt?
A maxillâ enim ascendunt, vsque ad cælum.*

Aug. med.

cap. 37.

Percute Domine, percutere, obsecro hanc durissimam mētem meam, piâ & validâ cus-
spide dilectionis tuæ, & aliū ad intima pe-
netra potenti virtute; & sic *de capite meo educ
aquam immensam, & de oculis meis verum fontem
lachrymarum iugiter manantem ex nimio af-
fectu, desiderio visionis pulchritudinis tuæ:
ut lugeam die ac nocte, nullam in præsentī
vitâ recipiens consolationem.*

Aug. med.

cap. 36.

Da mihi, quæso, lacrymas ex toto affectu
internas, quæ peccatorem meorum possint
soluere vincula, & cœlesti iucunditate sem-
per repleant animam meam. Venit mihi in
mentem alterius mulieris deuotio mira, quæ
in sepulcro iacentem, præ amore quærebat,
quæ recedentibus discipulis de sepulcro
non recedebat, quia sedebat ibi tristis ac
mærens. Si ergo ita fleuit, & in fletu perseue-
rauit mulier, quæ viuētem cum mortuis
quærebat, quæ te manu fidei tangebatur; quo-
modo me plangere & in planctu persistere
debet anima, quæ te redemptorem suum
iam cœlo præsentem, & ubique regnan-
tem corde credit, ore confitetur? Quomodo
ergo gemere & flere debet talis anima, quæ
te toto corde diligit, te quæ toto desiderio
videre concupiscit?





*Dolores inferni circumdederunt me, præoccu-
pauerunt me laquei mortis. Psal. 17. 9.*

IX.

Dolores inferni circumdederunt
me, præoccupauerunt me laquei
mortis. *Pſalm. 17.*

ERgo iterum Actæon aliquis noua fabula fiet,
Infelix canibus præda voranda ſuis?
En, mihi mens nemorum ſtudijs iuuenilibus arſit,
Et perit ſtudijs mens propterea capta ſuis.
Mens fuit, ancipites venatu pèllere curas;
Non tamen in ſyluis, pulchra Diana, tuis.
Sylua mihi rapidis non eſt latrata moloſſis,
Luſtra nec infeſtâ ſollicitata cane.
Nec iuga Taygeti neque Manala territa cornu,
Nec fuluus volucris cuspide ſtratus aper.
Nec mea Parthenijs circumdata retia ſyluis,
Nec meditata feris callida lina dolos.
Numquam ego vel pedicas, venabula, tela, vel arcus,
Vllâve Spartana Virginis arma tuli.
O vtinam mens iſta mihi, Diſtynna, fuiſſet!
Non ego nunc præda cingerer arte mea.
Heu quibus imprudens ſtudijs mihi torpuit ætas!
Quin potiùs, nemorum crura notata rubis?
Cur quaſita tuis mihi præmia, Bacche, trapeſis?
Aut agitata tuis præda, Cupido, iugis?
Non tantùm pharetram neque tantùm tela Cupido,
Cauta ſed, vt fallas, fila, plagasq₃ geris.

Pampineos tantùm neque concutis Euie thyrsos,
 Sunt quoque, quèis capias ebria crura, doli.
 Cùm surgit Dalila Sampson malè tonsus ab vlnis,
 Vinc̃ta Philisthao brachia fune tulit.
 Cùm iacet ignoto Noe superatus Iaccho,
 Compede succiduos stringis Iacche pedes.
 Idalis, ecce, suis iam me quoque cassibus ambit,
 Quæ toties votis prædæ petita meis.
 Hei mihi, quot circum pedicarum indagine cingor!
 Seu fera venantùm præpete septa globo.
 Scilicet illa fuit spectri feralis imago,
 Antonio; celsi vertice visa iugi:
 Cùm patuère, oculi collecta sub vnus ictum
 Omnia, quæ mundo didita regna iacent;
 Omnia, ceu parua tellusq₃, polusq₃ tabellâ,
 Pictaq₃ stant minimo corpora tota vitro:
 Omniaq₃ hac ingens obsepserat vndique rete,
 Multiq₃furtiuis stamina sparsa viis.
 Quisque suas fraudes, sensit sua vincula quisque;
 Hic caput, ille pedes vinc̃tus, & ille manus.
 Sic sua deceptum laquearat quemq₃ voluptas
 Vt visco stolidæ decipiuntur aues.
 Ah! sua nexilibus tendit mors vndique tramis
 Retia, arachneæ callidiora dolo.
 Utq₃ sedet nigro venator araneus antro,
 Insidians pennis, stridula musca, tuis:
 Sensit vbi motâ trepidare, cubilia, tela,
 Emicat, & trepidam raptat in antra feram:
 Aut qualis viridi latet arbore callidus auceps,
 Pennipedi meditans vincla dolosa gregi.

Linigeros abdit vicino gramine vallos,
Spargit & in nitido plurima grana solo.
Et circum inclusas secretâ crate volucres,
Quæq; canant vinctæ compede, ponit aues.
Hæ, saltu, & cantu; leuis ille foramine buxi;
Hæ socias; prædam, decipit ille suam.
Venantium haud aliter scelerum comitatâ coronâ
Implicat insidiis mors sua quemque suis,
Quiq; super laqueos nixus dare corpora saltu,
Heu miser, in stygias præcipitatur aquas!



*Dolores inferni circumdederūt me, præ-
occupauerunt me laquei mortis. Pl. 17.*

Aug. so-
liloq. c. 12.

ECce Domine Deus meus, mundus totus
plenus est concupiscentiarum laqueis,
quos parauerunt pedibus meis, & quis effu-
giet hos laqueos?

Venatione ceperūt me quasi auē inimici mei gratis.

Hierem.
Thren. 3.
Ambr. de
beno
mortis c. 5.

Auis enim quæ descendit ex alto, vel quæ
in altum se extollere non poreſt, frequenter
aut laqueis cupitur, aut viſco fallitur, aut qui-
buſcumque irretitur inſidijs: ſic quoque &
anima noſtra. Laqueus, in auro; viſcus in ar-
gento; nexus, in prædio; clauus eſt in amore.
Dum aurum petimus, ſtrangulamur; dum
argentum quærimus, in viſco eius hæremus;
dum prædium inuadimus, alligamur. Quin
etiam mulieris decus, dum tentat, aſtringit.

Bernard.
ſerm. 3 ſu-
per Qui ha-
bitat in ad-
iutorio.

Sed qui ſunt venatores iſti? venatores
vtique peſſimi & nequiſſimi, callidiſſimi
& crudeliſſimi. Venatores qui cornu non
ſonant vt audiantur, ſed ſagittant in occultis
immaculatum. Ipi ſi Rectores ſunt tenebrarū
harum, aſtutiſſimi verſutiā & malitiā diabo-
licæ fraudis; ita vt, ſicut eſt ante venatorem
beſtia; ſic ad eorum comparationem ſit qui-
libet aſtutiſſimus hominum.

Bonauent.
cap. 1. ſo-
liloq.

O anima fragilis ad reſiſtendum, facilis ad
cadendum, difficilis ad ſurgendum! quali-
ter iſtius aduerſarij laqueos euadere poteris,
quem

quem tantis subtilitatibus præditū agnoscis?

Intellige quia in medio loquorum ambulās, & subtus machinas transeas imminētes. Omnia retibus plena sunt; Diabolus laqueo cuncta compleuit.

Orig. hom.
2. in Cant.

Ecce tetendit ante pedes nostros laqueos infinitos, & omnes vias nostras varijs impleuit decipulis, ad capiendas animas nostras, & quis effugiet? laqueos posuit in diuitijs, laqueos posuit in paupertate, laqueos tetendit in cibo, in potu, in voluptate, in somno, & in vigiliā; laqueos posuit in verbo, & in opere, & in omni viā nostrā.

Aug. soli-
loq. ca. 16,

Abcondita est in terrâ pedica eius, & decipula illius super semitam. In terrâ pedica absconditur cū culpa sub terrenis commodis occultatur; inimicus quippe insidians ostendit humanę menti, in terreno luero, quid appetat, & occultat peccati laqueum, vt eius animā stringat, quatenus videat quid est quod concupiscere valeat, & tamen nequaquam videat in quo culpæ laqueo pedem ponat. Et tunc ab antiquo hoste super semitam decipula ponitur, quando in actione huius mūdi, quam mens appetit, peccati laqueus paratur; quæ videlicet non facilè deciperet, si videri potuisset; sic quippe decipula ponitur, vt dum esca ostenditur, nequaquam ipsa à transeunte videatur. Sæpè ergo proponuntur animo cum culpâ honores, diuitiæ, salus, & vita

Greg. lib.
14. mor. c.
6, in c. 18.
Iob.

& vita temporalis, quæ mens infirma, dum quasi escam videt, & decipulam non videt, per escam quam videns appetit, in culpâ constringitur, quæ non videtur.

Basil. de
non ad-
hærendo
cæcis sæ-
cularibus.

Et quemadmodum peruersi quidam & subdoli homines, quorû studium est & propositum ex aliorum bonis ditescere, (eam tamen potentiam non habent, & apertâ violentiâ utantur) vias insidiosè obsidere solent; & si locum aliquem circa illas aut conuallibus profundis interruptum, aut dumorum densitate obscurum viderint, in illum sese abdunt; & huiusmodi velamento, viatorum circumquaque conspectum, ne prævideantur, amoliti, ex inopino illos adoriuntur; ne quisquam eorum laqueos periculosos videre prius queat, quàm in illos incidat: ita & Satan infensus nobis, & antiquus hostis, mundanarum oblectationum umbris sese insinuans (quæ periculosæ circa vitæ huius viam, latronem occulere solent, & latibula præbere insidiatori) indè improvisos nobis perditionis laqueos substernit. Oportet itaque nos animi oculos perpetuò vigiles circumquaque diducere, & quidquid iucundum apparet, mox suspectum habere, & prætercurrere; nec aliquam illi cogitationem applicare, etiamsi aurum copiosè propositum videatur, & idoneum quod à volentibus tollatur, etiamsi quascumque delicias terra proferat

proferat, & preciosa tabernacula ostenter: etiam si choreas, comestiones, ebrietates, & mēsas concentuum modulatione iucundas videamus; etiam si offeratur venustas corporum. Sub his namque omnibus ita iucundis, latebras habet communis noster hostis, expectans num per obiectorum spectacula illecti, relictâ Regiâ viâ, ad ipsius aliquando insidias ipsi vltro declinemus. Et plurimùm sanè timendum est, ne quo pacto illis incautè accurrētes, & oblectationem illam, quam vsurpantibus offerunt, nihil habere periculi putantes, primo statim gustu, dolosè abditum hamum voremus, atque illo postea (nolimus, velimus) ligati, ad terribiles latronis latebras *Mortem*, scilicet, per huiusmodi illecebras imprudenter trahamur.

Attolle [ô homo] animam tuam ne eam Ambr.
lib. de bono
no mortis
cap. 6. illiciat esca laqueorum. Voluptates sæculi, escæ quædam sunt, & (quod peius est) escæ malorum, escæ tentationum. Dum voluptatem quæris, laqueos incurris. Oculus enim meretricis laqueus amatoris est; oculus ergo meretricis, est laqueus. Laqueus est etiam sermo meretricis, qui obdulcat ad tempus, fauces tuas, & postea exasperat eas amaritudine conscientix peccatricis. Laqueus est aliena possessio plena amœnitatis. Omne iter istius vitæ plenum laqueorum est. Vnde iustus dicit: *In viâ hâc quâ ambulabam,*

bam ; absconderunt laqueos mihi.

Ibid.

Quoties inimicus cordi nostro conatur inferere, quo nos reflectat à sanctitatis proposito & pijs votis? Quoties corporeos inflamat ardores? Quoties occurfare facit oculos meretricios, quibus castum sustentet affectū vt improuiso amoris spiculo feriat imparatū? Quoties inferit animo tuo verbū iniquum, & cogitationes cordis absconditas? His anima, quæ cupit euolare, deponitur. Sed tu oblutare quasi bonus miles CHRISTI IESV.

Ibid.

Et quid de extraneis laqueis loquar? hostis nobis laquei sunt cauendi in hoc ipso corpore nostro, laquei circumfusi nobis sunt quos debemus vitare.

Ambr.
lib. 4. in c.
4. Lucæ.

Honorum gratia, sublimitas potestatum, epularum suauitas, forma meretricis, laqueus est Diaboli.

Ambr. de
bono mor-
tis cap. 9.

Ergo non laqueis nos credamus, & retibus ijs quæ decipiunt & illudunt; non sequamur illecebrosa & seductoria.

Aug. in
Psal. 68.

Sed tantum valet animi præsumptio, vt & coram ipsis mscipula sit, & incidant in eam; obscurentur oculi eorum ne videant.

Aug. foli-
loq. c. 16.

Sed tu Domine libera nos de laqueo venantium, & à verbo aspero, vt confiteamur tibi, dicentes: *Benedictus Dominus, qui non dedit nos in captionem dentibus eorum: Anima nostra sicut passer erepta est de laqueo venantium, laqueus contritus est, & nos liberati sumus.*





*Non intres in iudicium cum seruo tuo, quia non
iustificabitur in conspectu tuo omnis viuens. Psal. 142.
10.*

X.

Non intres in iudicium cum seruo
tuo. *Psalm. 142.*

Quod Domino decus est in ius arcessere seruum;
Palmaq; quæ serui, iure vadant:is Herum?
Et seruilis hero vertit victoria probro,
Et reus offensa seruus herilis abit.
Crede mihi, pudor est, mecum tibi texere rixas,
Iurgia nec tecum conuenit esse mihi.
Non ego sum, tanta cui sit fiducia pugna,
Non ego materies litibus apta tuis.
Nempe tuis scribi vis bella forensia fastis.
Aut mea, fortè, tuam vincere, caussa potest:
Cuius erit felix adeò facundia lingua.
Quæ sperare sibi tanta tropea queat?
Iuridici nulla est ita vox exercita rixis,
Quo tua debilior caussa, loquente, cadat.
Heu nimis austeram dispensas cognitor urnam;
Nec tuus inflecti se rigor ille sinit!
Sat tua nota quidem gemino clementia mundo;
Blandaq; & in pœnas est tibi lenta manus:
Mœstaq; cum statuis, tristi tibi mœror in ore est;
Tamq; rei damno, quàm reus ipse, doles.
Parg; tibi dolor est de crimine sumere pœnam,
Ac sua de plexo crimine pœna reo est.
Nec sibi decretam velit vllus demere multam,
Arbiter vt proprij criminis ipse foret.
At licet ingenuas habeant hæc carmina laudes,
Iudicij cupiam puncta subire tui:

Nam quamuis miseris bonus es, veniaq₃ paratus,
 Attamen in fontes iure seuerus agis;
 Et tibi tam iustâ pendet lanx vtraque librâ,
 Par sit vt ex aquo gratia, parq₃ rigor.
 Nec sinis affectus, captiuaq₃ pectora duci,
 Nec subigunt animum lenia verba tuum.
 Nec, si caussidici vox incantauerit aures,
 Facundâ inimum diluat arte nefas.
 Perdidit hic cassas facundiâ, Suadaq₃ vires,
 Et silet hoc omnis gratia muta loco.
 Nec prece, nec precio; nec fraude, nec arte, nec astu
 Prostituit hoc vnquam vendita causa foro.
 Quis se et intrepidus tam duro Iudice lites,
 Aut tantum impavidus pareat ante Deum?
 Non ego si seui vocer inter ouilia Martis,
 Cura tui metuam septa, Gradiue, fori,
 Nec trepidem (licet ipsa decem citet hasta virorū)
 Ne mea, centeno iudice, caussa labet.
 Nec tua, (causarum scopulos) infamia, Casti,
 Pulpita, si iubet Prætor, iniqua querar.
 Nec Rhadamantæ verear subsellia rixa,
 Scamnaq₃ Dytæi litigiosa senis.
 Nec, quibus inclusas tenet arbiter AEacus vmbra,
 Infernis dubitem iura subire plagis.
 Quilibet in caput hoc dicter suffragia iudex,
 Et ferat imites qualibet vrna notas:
 Causarum mihi tot lingua est inflata tropæis,
 Seputet vt nullo cedere posse foro.
 Vnius at timuit solummodo Iudicis vrnâ,
 Iudicis & testis qui vice solus agit.

Qui, semel vt sauâ sententia lata tabella est,
 Nec prece, nec lacrymis, triste retractat opus.
 O durum, ô fatale reis, miserisq; tribunal,
 Quo Iudex rigido tam grauis ore sedet!
 Dicitur attonitis & ternâ luce supinis
 Hunc oculis Agathon extimuisse diem.
 Vtq; sibi noxa Paulus non conscius esset,
 Hoc tamen est veritus iudice stare nocens.
 Quiq; sui Salomon doctissimus audiit aui,
 Mens pura est, quemquam dicere posse, negat.
 Quin sacer hâc etiam trepidus formidine Psaltes;
 Iudice te, tutus quis reus, inquit, erit?
 Quiq; tot aduersos tulit æquo pectore casus,
 Vix fore clara satis sydera; Iobus ait.
 Sitrepidant igitur, tanto censore, columna,
 Quod stabunt tabula, ligna caduca, pede?
 Siq; tremunt pauca nutante cacumine cedri,
 Quâ spe parua in sylua tenebit humum?
 Frigidus, heu! refugit mihi toto corpore sanguis,
 Aspectus quoties hac subit vrna meos.
 Non secus ac visâ cum victima fortè securi,
 Decepto refugit verberet uncta caput.
 Parce precor, neque ius mihi dic hâc cognitor vrnâ
 Sancta Themis causâ qua cadat ipsa suâ.

Non intres in iudicium cum seruo tuo.

Psal. 142.

NON litigemus; nolo tecum habere causam, vt ego proponam iustitiam meam,

Aust. in
 Psalm. 142.

tu conuincas iniquitatem meam. Indignum est tibi, cum seruo tuo intrare in iudicium, nec quidem cum amico tuo. Noli ergo intrare mecum in iudicium Domine Deus meus. Quantumlibet rectus mihi videar, producis tu de thesauro tuo regulam; coaptas me ad eam, & prauus inuenior; *ne intres in iudicium cum seruo tuo*: misericordiâ indigeo, fugitiuus redeo, pacem quæro.

Iob. 14.

Dignum ducis, super huiusmodi aperire oculos tuos, & adducere eum tecum in iudicium?

Ambr. in
Psalm. 36.

Vocat te: in iudicium venies. Quid respondurus es ei, qui nisi iterum tibi donec, peristi? ideo S. David iudicium refugit, misericordiam poscit, dicens: *& ne intres in iudicium cum seruo tuo.*

Bern. ser.
8. super
Beati qui
habitant,

Quid enim tam pauidum, quid tam plenum anxietatis & vehementissimæ sollicitudinis excogitari potest, quam iudicandum astare illi tam terrifico tribunali, & iucertam adhuc expectare sub tam districto Iudice sententiam. *Horrendum est*, ait Apostolus, *incidere in manus Dei viventis.*

Ambr. in
orationib.

Ipsè est autem testis & Iudex, Iudex & testis, quem nulla conscientia peccatrix effugere potest. Omnia enim nuda & aperta sunt oculis eius.

Chrylost.
c. 4. Mat.
hom. 14.

Et sicut illi, qui è carceribus educuntur, vnâ cum ipsis catenis ad iudicium protrahuntur, sic omnes animæ, cum hinc emigrauerint,

uerint, varijs peccatorum catenis implicitæ ad terribile illud ducentur tribunal.

[Et ecce ego] iam iam præsentabor ante Bern. med. cap. 2. districtum iudicem de operibus meis rationem redditurus. Væ mihi misero cùm venerit dies illa iudicij, & aperti fuerint libri, in quibus omnes mei actus & cogitationes Domino præsentandæ recitabuntur. Tunc demisso capite præ confusione malæ conscientie in iudicio, coram Domino, stabo trepidus & anxius, vt pote commemorans scelerum commissa meorum. Tunc anima inueniens oculos clausos, & os, aliosq; corporis sensus per quos solemus egredi & delectari in his exterioribus, reuertetur ad se, & cadet sub se: & quia amore mundi & carnis voluptate, Dei amorem dereliquerat, derelinquetur à Deo misera in horâ tantæ necessitatis, atque demonibus tradetur in inferno crucianda. [Anima mea] ingenti horrore concutitur, & multiplicibus cogitationum æstibus agitur, cùm vrgente solutione carnis, & subductis è medio omnibus, se & illum terminum cōsiderat, cui appropinquat; & post paululum hoc inuenit quod in perpetuum mutari non poterit.

Neque enim tunc immeritò cuiuslibet Greg lib. 24. mor. c. 2. anima terretur, quando post pusillum hoc inuenit quod in æternum mutare non possit. Consideramus quippe quod viam vitæ

præsentis nequaquam sine culpâ transire potuimus. Consideramus etiam, quia nec hoc quidem, sine aliquo reatu nostro est, quod laudabiliter gessimus, si remotâ pietate iudicemur. Quis enim nostrum vitam præcedentium Patrum valeat vel superare vel assequi. Et tamen David dicit, *Ne intres in iudicium cum seruo tuo; quia non iustificabitur in conspectu tuo omnis viuens.* Paulus cum diceret, *Nihil mihi conscius sum;* cautè subiunxit: *Sed non in hoc iustificatus sum.* Ioannes dicit: *Si dixerimus, quia peccatum non habemus, ipsi nos subducimus, & veritas in nobis non est.* Iacobus ait: *In multis offendimus omnes.* Quid ergo facient tabulæ, si tremunt columnæ? aut quomodo virgulta immobilia stabunt, si huius pauoris turbine etiam cedri quatiantur? Solutioni ergo carnis appropinquans nonnunquam terrore vindictæ etiam iusti anima turbatur.

Greg. cap.
23. in c. 7.
Iob.

Quantâlibet enim iustitiâ polleant, nequaquam sibi ad innocentiam vel electi sufficiunt, si in iudicio districtè requirantur: sed hoc tunc ad solatium suæ ereptionis inueniunt, quod nequaquam se posse sufficere humiliter sciunt. Sub humilitatis ergo regimine, à gladio se tantæ animaduersionis abscondunt, & quo terrorem venturi iudicis præstolantes continuo timore trepidant, eo indefinenter agitur ut paratiores fiant.

Noli

Noli, quæso, pijsſime Domine, ſcribere aduerſum me amaritudines meas, vt intres in Aug. med.
cap. 39.

*iudiciũ cum ſeruo tuo, ſed ſecundũ multitudi-
nem miſerationũ tuarum dele iniquitatem meam.*

Væ mihi miſero, cùm venerit dies iudicij, & aperti fuerint libri conſcientiarum, cùm dicetur de me: *ecce homo & opera eius.* quid faciam tunc, Domine Deus meus, cùm cœli reuelabunt iniquitatem meam, & aduerſum me terra conſurget? Ecce nihil reſpondere potero, ſed demifſo capite, præ confuſione, coram te ſtabo trepidus & confuſus. Heu me miſerum, quid dicem! clamabo ad te Domine Deus meus, *quare iacens conſumor?* Plange anima mea, ſicut vidua ſuper virum pubertatis ſuæ; vlula miſera & plora, quoniam dimiſit te ſponſus tuus? Miſerere, ne deſperem, ſed te ſpirando reſpirem; & ſi ego commiſi vnde me damnare potes, tu non amiſiſti vnde ſaluare ſoles, ne memineris dulciſſime I E S V, quæ iuſtitia aduerſus peccatorem tuum, ſed eſto memor benignitatis tuæ aduerſus creaturam tuam; ne memineris ire aduerſus reum, ſed memor eſto miſerationis tuæ aduerſus miſerum, obliuiſcere ſuperbum prouocantem, & reſpice miſerum inuocantem. Quid enim eſt I E S V ſi niſi Saluator?



*Non me demergat tempestas aquæ, neq; absor-
beat me profundum ! Psal. 68.*

X I.

Non me demergat tempestas aquæ,
neque absorbeat me profundum.

Psalm. 68.

O Nimis instabilis dubij inconstantia Ponti,
Qui tot pellicibus carbasa füllis aquis!
Nempe fluis vitreis refluifq; argenteus vndis,
Mentiturq; tuus dura metalla liquor.
Nonnunquam placidus, tacita stas more paludis,
Nec magis vlla lacu stagna modesta iacent.
Sapè tibi horrificat vix summum fluctibus æquor,
Cum levis exiguo stringitur vnda Notò.
Mobilibusq; salit circum caua ligna choreis
Subsiliuntq; leui vela petulcarate.
Quin finis eras: is findi freta mollia rostris,
Vtq; tibi canas tonsa flagellet aquas:
Nunc, velut è duro rigeant tibi terga metallo,
Tot tereris remis, terra quot ipsa rotis.
Et tua, ne quâ parte, fides suspecta laboret,
Marmora perspicuo pandis aperta sinu:
Ceu crystallineo nequeat fraus esse profundo,
Aut lateat vitreo nullus in amne dolus.
Ecce vbi discinctam iam non tenet anchora puppem,
Auraq; remigio prona secundat iter;
Quàm citò deserto discessit littore pinus,
Et iam nulla domus, nulla videtur humus;
Improuisa ratem medico circum æquore cingunt,
Hippotada laxis agmina missa cauis.
Non secus ac seuâ seruus damnatus arenâ
Opprimitur Lybicis præda voranda feris.

Aut

Aut nemorum latebris deprensus fortè viator ,
 Prædonum subito cingitur orbelatus.
 Tum surgit tumidis præfagum fluctibus æquor,
 Venturoq; tremit discolor vnda metu :
 Mox vbi decertant simul Africus simul & Euris,
 Et Notus & Boreas incubuere salo ;
 Finditur abruptus varia in diuortia pontus,
 Distrabit vt fluctus quæque procella suos.
 Et patet horrendo præceps Neptunus hiatu .
 Mersurus pelago circumeunte ratem,
 Heu ! gemit hic tumido pendens trabs anxia fluctu,
 Et perit , vndecimâ si prior vnda venit.
 Aut hæc , aut similis salis est fallacis imago,
 Tam citò de placido sæua fit vnda mari.
 Sed mihi , mentito simulata est fabula ponto,
 Non ego de vestris , Tethy , querebar aquis.
 Nec mihi , de rapidis , qui torquent æquora , ventis,
 Nec mihi de regnis , AEole , verba tuis.
 Nec mihi , de leuibus , temerarie Typhi , carinis
 Ire quibus liquidum primus es ausus iter.
 A patrio numquam soluit mea littora puppis,
 Nec vidi virides , Numina salsa , Deos.
 Nec ventos didici , neque ventis vela tetendi,
 Qui facit hanc artem , quam facit , arte luat.
 Quem cecini pontus , mea vita , simillima ponto est ,
 Quæq; tulit puppis , illa ego , puppis eram.
 AEolidae magno flantes circum agmine fratres,
 Sunt animi motus , gens violenta , mei.
 His ventis , hæc naue , per hæc ego cerula carrens,
 Tot sensi humanis rebus inesse vices.

O fallax nimium mendaci vita sereno,
 Quæ nigra de lætis tam citò regna facis?
 Nulla deest Venerum tibi copia, nulla lepòrum,
 Omnia blanditiis, lætitijsq; fluunt.
 Dum furit intus amor, venisq; agitata libido,
 Triste nihil, fraudem fraude tegente, patet.
 Ast modò, cùm stygio vitiorum erumpere fluctu,
 Hisq; animum ventis asseruisse lubet;
 Tunc videt, heu! quãto fuerit mens hausta profundo;
 Quoq; gemit, scelerum quàm graue sentit onus.
 Atque vtinã! vt, liquidis Pelagi qui mergitur vndis,
 Exerit Oceano terq; quaterq; caput;
 Sic imo scelerum mersus semel æquore mentem,
 Submersas superis tandet ab amne manus!
 Sed velut in tetrum lapsus tuleris hiatus,
 Quem simul & putei tracta ruina tegit;
 Aut gelidas fracto subijt qui marmore crustas,
 Nequicquam obstructo flumine tentat iter:
 Non aliter, prono scelerum qui vortice raptus
 Vix tulit à superis, vnus & alter, opem.
 Aspicias, vt certem pugnantibus, vna, duobus;
 Bella mouente Noto, bella mouente salo? [da,
 Aspicias, vt caput hoc prope mergat & Auster & vn-
 Iamq; necaturas ducere cogar aquas?
 Aspiciu hanc animam gemino succumbere fato?
 Nec tua sunt velis astra secunda meis?
 Aspice nec rabido luctantem desere ponto,
 Naufraga nec medio lina relinque freto.
 Tende manum potiùs miserae, Palinure, natanti,
 Et mento digitos subde vocate tuos.

Non

Non me demergat tempestas aquæ, neque absorbeat me profundum. Psal. 68.

Aug. foli-
loq. c. 35.

QUAM diu miser iactabor in fluctibus mortalitatis meæ, clamans ad te, Domine, & non audies? Audi clamantem Domine *de hoc mari magno*, & adduc me ad portum felicitatis æternæ. Felices, qui de periculo *maris huius* eduçti, ad te Deum, portum *tutissimum* peruenire mernerunt! ô verè felices, qui de *pelago* ad *littus*, de exilio ad patriam, de carcere ad palatium peruenierunt, optatâ iam quiete beati! Infelices heu nos miseri, qui per *maris huius magni fluctus. procellosasq; voragines nauim trahimus* ignorantes an ad portum salutis peruenire valeamus!

Aug. foli-
loq. c. 37.

Pater misericordiarum, audi eiulatum pupilli tui, & porrige manum tuam, optimam adiutricem, vt retrahat me *de profundis aquarum, & de lacu miserie & de luto facis*, ne pereâ vidente misericordiâ oculorum tuorum, aspiciente clementiâ viscerum tuorum, sed euadam ad te, Dominum Deum meum.

Chrysost.
hom. 82.
in Matth.

Pelagus enim longè lateq; protensum *hec vita*; & quemadmodum in mari vniuerso sinus diuersi, alijs atque alijs tempestatibus comouentur præcipuè: velut *Ægæum* ventis exasperatur; *Thyrrenû* verò fretum propter angustias; *Charybdis* autem quæ est *Libyen* versus, propter stagna *Syrtis* & breuia *Pontus*.

Pontus magnitudine fluctuum atque impetu; Hispanicus Oceanus, quia inuius, carentiâ portuum & locorum ignorantia intricatus difficilis nauigantibus est; similiter alia Pelagi pars, alijs de caussis: sic & in vitâ nostrâ fieri videmus.

Nauium quoque nomine vita hominũ transitoria designatur: quemadmodum & in Iob: Dies mei, inquit, transferunt sicut naues, poma portantes.

Rupertus
lib. 5. in c.
8. Apoc.

Et huc, illucque *mentis nostra nauis* impel-
litur, quia & Paradyssi celsitudinem meminimus, & importunos *tentationum fluctus* ex carne toleramus.

Greg. lib.
9. mor. c.
24. in c. 9.
Iob.

Quod autem mare abruptius quàm sæculum? tam infidum, tam mobile, tam profundum, tam immundorum spirituum flatibus procellosum?

Ambr.
præf. in 4.
libr. super
Euang.
Lucæ.

Quod à diuersis peccatis & varijs *tentationibus*, velut quibusdam fluctibus æstuat, de quo scriptum legimus: *Hoc mare magnum & spatiosum.*

Chrysost.
hom. 33.

Nolite credere, nolite esse securi; licet in modum stagni fusi æquor arrideat, licet vix summa iacentis elemēti spiritu terga crispentur; magnos hic campus montes habet. Intrus inclusum est periculum, intus est hostis. In illo æstu, charybdis luxuriæ salutem rotat. Ibi ore virgineo, ad perpetranda naufragia scylla seu renidens libido blanditur.

Hieron.
epist. 1. ad
Heliod.

Hic

Hic barbarum littus, hic Diabolus pirata,
cum socijs portat vincula capiendis.

Amb. in
orationib.

In hoc magno sæculi huius diluuiò, vbi
circumflantibus procellis non inuenitur fi-
da statio, & locus eminentior vbi pes co-
lumbæ aliquatenus valeat requiescere.

Ambr.
Apolog.
poster.
pro Dauid
cap. 3.

Magnam faciunt tempestatem multitu-
dines cupiditatum, quæ velut in quodam
freto corporis nauigantem hinc atque inde
perturbat, vt gubernator sui esse animus
non possit.

Greg. lib.
11. mor. c.
23. in cap.
13. lob.

Mens quippe humana, quot tentationes
patitur, tot flatibus mouetur. Hanc enim
plerumque ira perturbat; cùm recedit ira,
succedit inepta lætitia; luxuriæ stimulis vr-
getur; æstu auaritiæ longè lateque ad am-
bienda, quæ terrena sunt, tenditur aliquan-
do hanc superbia eleuat, aliquando verò in-
ordinatus timor in infimis deponit.

Aug. med.
cap. 39.

[Ecce Domine] *Iniquitates meæ supergressæ
sunt caput meum, & sicut onus graue grauata sunt
super me. & nisi tu (cui proprium est misereri
semper & parcere) dexteram tuæ maiestatis
supponas, mergi cogor miserabiliter in pro-
fundum.*

Psal. 88.

*Tu dominaris potestati maris, motum autem
fluctuum eius tu mitigas.*

August. in
Psal. 68.

Magnus est puteus, profunditas iniquita-
tis humanæ. Illuc quisque si ceciderit in al-
tum cadet: metuenda ista res est vehemen-

ret. Si videris hominem fecisse iniquitatem, merfus est in puteum. Quando autem illi dixeris iniquitatem ipsius, & dixerit: verè peccaui, fateor non super eum clausit puteus os suum. Cùm autem videris eum dicere: Quid enim mali feci? factus est defensor peccati sui; clausit super eum puteus os suum, quâ eruatur non habet.

Spes humani generis, CHRISTE, Deus Aug. Soli-
de Deo, refugium nostrum & virtus, cuius loq. ca. 35.
lumen à longè, inter caliginosas nebulas, super maris procellas, quasi stellæ maris radius, oculos nostros irradiat, vt dirigamur ad te, portum. Guberna, Domine, nauim nostram, tuâ dexterâ, clauo crucis tuæ, ne pereamus in fluctibus, *ne nos demergat tempestas aquæ, ne absorbeat nos profundum*; sed vnico crucis retrahere nos ab hoc pelago, ad te solamen vnicum nostrum, quem à longè (quasi stellam matutinam, & solem Iustitiæ) vix lacrymantibus oculis in littore cœlestis Patriæ, nos exspectantem videmus: exaudi nos *Deus salutis noster, spes omnium finium terræ, & in mari longè*. In mari turbulento versamur; tu in littore stans, aspicias pericula nostra: *Saluos nos fac, propter nomen tuum*. Da nobis Domine, inter Scyllam & Charybdem ita tendere & tenere medium, vt vtroque periculo euitato, securi perueniamus ad portum.



*Quis mihi hoc tribuat ut in inferno protegas me,
et abscondas me donec pertranseat furor tuus? Iob. 17.
12.*

XII.

Quis mihi hoc tribuat, vt in inferno
 protegas me, & abscondas me, do-
 nec pertranseat furor tuus? *Iob. 14.*

Quis mihi securis dabit hospita tecta latebris?
 Tecta, quibus dextra seruer ab igne tua?
 Heu! tuus ante oculos quoties furor ille recurſat,
 Nulla mihi toties fida ſat antra reor.
 Tunc ego ſecretas, umbracula frondea, ſyluas,
 Luſtraq; ſoliuagis opto relicta feris.
 Tunc ego vel medijs timidum caput abdere terris,
 Aut maris exesâ condere rupe velim.
 Tunc voueam abſtruſâ montis latuiſſe cauernâ,
 Vina ſepulcrales aut ſubiſſe domos.
 Aut numquam aſpectos Phœbo, Phœbaq; penates,
 Aut habitafſe tuos, nox tenebroſa, ſpecus.
 Dum quatit aſtriferos flammatus Iuppiter grbes
 Et iacit accensâ tela triſulca manu;
 Triſtia, ne noceant, metuendâ fulmina flammâ,
 Daphnide, qui metuit, tempora cincta tegit.
 Tu rubra cùm torques furibundâ ſpicula dextrâ,
 Nulla iuuant folijs laurea ſerta ſuis.
 Nulla iuuant tacitis frondofa cubilia ſyluis.
 Sylua tuis oculis omnis & umbra patet.
 Clauſerat obſcura denſis ſe frondibus umbra,
 Carpſerat arboreas qui malè primus opes;
 Aſt vbi vicino veſtigia Numine ſenſit,
 Erubuit, luo proditus ipſe ſuo.

Nulla iuuat refugo spelunca immanis hiatu,

Hospita montiuagis lustra nec vlla feris.

Miria quæ sensit Medus puer antra leonum,

Effera Chaldaeos antra dedêre neci.

Nulla iuuant clausis spelæa obscura latebris

Fida nec vmbrarum, senta sepulchra, domus.

Auius occultâ deprehendere, Lothe, cauernâ,

Et Cain è tumulo frater humate vocas.

Quid memorem vt tumidâ Ionas se merferit vndâ,

Nec mersum stabili texerit vnda fide?

Hauferat immani Ionam quæ bellua ventre,

Innocuo Ionam bellua ventre vomit.

Nulla fides vitreo pelagi, nisi vitrea, fundo;

Pernia perspicuo quid tegat vnda freto?

Nulla fides clausis, Libitina longa sepulcris;

Produntur tumulis ossa sepultra suis.

Nulla fides tacitis, quas vallant saxa, latebris;

Tecta cæterna suo sapè relecta sono est:

Nulla fides nemori, vel opacæ frondibus vmbra,

Ambo caduca pars fronsq₃, nemusq₃, fide.

Nec mare, nec tellus, neq₃ lustra, nec antra, nec astra.

Tuta nec illa mihi, quæ super astra, via.

Tu potes hoc tutis solus caput abdere claustris,

Dum tua deposito fulmine dextra vacet.

Quis

*Quis mihi hoc tribuat, vt in inferno
protegas me, & abscondas me, donec
pertranseat furor tuus? Iob. 14.*

Quò ibo à spiritu tuo, & quò à facie tuâ fugiā? Psalm. 138.
August. in
hunc lo-
cum.
Quis est locus recepturus fugitium
Dei? homines qui suscipiunt fugitiuos, quæ-
runt ab eis, à quo fugerint: & cùm seruum
inuenierint alicuius Domini minùs potentis
tum sine vlllo timore suscipiunt, dicentes in
corde suo; non habet iste talem Dominum,
à quo possit inuestigari; cùm autem audie-
rint Dominum potētem, aut non suscipiunt,
aut cum magno timore suscipiunt, quia ho-
mo potens falli nō potest. Vbi non est Deus?
qui fallit Deum? quem non videt Deus? à
quo fugitium suum non repetit Deus? quò
ergo ibit fugitiuus iste à facie Dei? vertit se
huc atque illuc, quasi quærens locum fugæ
suæ: *si ascendero in Cælum, tu ibi es, si descendero in
infernum ades?* Si me extulero, te inuenio re-
pressorem; si me abscondero, te inuenio in-
quisitorem. Quò ergo iturus sum, vt à facie
tuâ fugiam, id est, iratum te non sentiam?
Hoc consilium: sic fugiam à facie tuâ, sic fu-
giam à spiritu tuo; ab ultore spiritu, à vindice
facie, sic fugiam. Quomodo? *si recipiam pen-
nas meas in directū, & habitauero in extremis ma-
ris.* Sic possum fugere à facie tuâ. Mirum si

in extremis maris non est, qui nec apud inferos deest:

Hieron.
lib. 9. in c.
29. Isaia.

Vae qui profundi estis corde ut à Domino abscondatis consilium, quorum sunt in tenebris opera, & dicunt: Quis videt nos & quis nouit nos? Idcirco arbitrantur Deum sua nescire consilia, quia in tenebris sunt opera eorum, & dicunt, Quis videt nos? & quis nouit nos? non recordantes eius quod ad Deum dicitur: Tenebrae non obscurabuntur à te, & nox sicut dies illuminabitur, & sicut tenebrae eius ita & lux eius.

Ambr. lib.
1. de inter-
pell. Iob
cap. 3.

Considera illum de quo ait in Ecclesiastico Syrah: homo transgrediens in lecto suo, dicens in animâ suâ: quis me videt? tenebrae circumdant me, & parietes cooperiunt me, quem vereor? hic qui se existimabat ab eo qui omnia videt, non videri, & tenebris putat commissa sua posse celari, umbram prætendit, sed frustra latere se credit, cum oculus Domini lucidior sole, occulta omnia deprehendat, tenebrosa illuminet & intimi cordis penetret conscientiam, atque in alta & profunda descendat. Vanus ergo, qui putat tenebris esse se tutum, cum lucem vitare non possis, quæ lucet in tenebris; & tenebrae eam non comprehendunt: quasi fugitiuus itaque & malus mercenarius deprehenditur, & antequam se occultat agnoscitur, quia, Domino omnia antequam erant, cognita sunt, non solum quæ facta; sed etiam quæ futura sunt.

Hoc

Hoc errore decepti Adam & Eua, audientes sonitum peditum deambulantis in Paradyso Dei, absconderunt se sub arbore.

Hieron.
lib. 9. in c.
29. Isaia.

Primus [itaque] homo post culpam, inter arbores Paradyfi, absconsus inuenitur.

Greg. lib.
33. mor.
cap. 3.

Sic habes Adam abscondentem se, ubi Deum cognouit esse præsentem, & quæsitum latere voluisse, & vocatum à Domino eâ voce quæ latentis morderet affectum, hoc est, *Adam ubi es?* hoc est; cur te abscondis? cur lates? cur fugis eum quem videre desiderabas? Ita grauis culpa est pœnitentiæ, vt sine iudice, ipsa se puniat, & velare se cupiat, & tamen apud Deum nuda sit.

Ambr. lib.
2 de pœn-
cap. vlt.

Quò te [Adam] duxerunt peccata tua, vt fugias Deum tuum, quem ante quætebas? Timor iste culpam fatetur, latebra præuari- cationem.

Ambr. lib.
de Parady-
so cap. 14.

Cain quoque dicens: *si eijcis me hodie, à facie tuâ abscondar*, simili stultitiâ Deum arbitratus est ignorare. Et per Amos de impijs & peccatoribus dicitur: *si absconderint se ab oculis meis in profundo maris, ibi mandabo draconi; & mordebit eos.*

Hieron.
lib. 9. in c.
20. Isaia.

[Et tu] quò fugis Propheta [Iona?] non audisti quod Dauid ait: *quò ibo à spiritu tuo, & quò à facie tuâ fugiam?* In terram? sed Domini est terra & plenitudo eius. Ad inferos? & ibi virtus tua non deerit. Ad Cœlum? ibi quoque te esse cognosco. In mare? & eò tendit

Chrysoft.
hom. de
lonat.

dextera tua. Cum nauim fuisset ingressus
turbantur maria, fluctus eleuantur, & pro-
fundi pelagi arena monstratur; & sicut fi-
dele mancipium, cum seruum fugâ lap-
sum, (nonnullis etiam communi Domino
preciosis ablatis) omni animositate, contra
eius retentores insistit, nec antè derelin-
quit, nisi eum præsentauerit Domino; sic &
mare, conseruum agnitum, non alieno pa-
trociniò, nullius postulato subsidio, sed
propriâ virtute commotum, vt sibi reddere-
tur, exposcit.

Pauli. car.
ad Cythe-
rium.

Nam qui putârat per mare euadi Deum

Et naui celari, Deo,

Nunc iste & intra belluam mersam mari,

Adesse sensit arbitrum.

O digna sancto claustra fugituo Dei!

Capitur mari quo fugerat;

Altumq; vaste missus in ventrem fera,

Viuo tenetur carcere.

De naue iactus perit & vndis nauigat

Exul soli & hospes sali.

Spatiaturo anuro belluini corporis,

Captiuus & liber reus.

Isaia 2.

*Ingredere in petram, abscondere in fossâ humo, à
facie timoris Domini, & à gloria maiestatis eius.*

Tomo 9.

Hier. ep.
ad Amic.

In scientiâ
diuinæ
legis.

*Si [enim] umbrato repente Cœlo solis
claritas nostris aspectibus denegetur, & pro-
ductis in nostram humilitatem nubibus,
pluuix terris imminçant; si commotis, vt
asso-*

affolet, elementis, in rotam sui currus tonitrua concitentur, & hinc, indè fulgurum iacula, palpebris terribiliter obiecta corruscent, (quamquam & consuetudine illâ contingant) pauemus, contremiscimus, & proni ad terram, depositâ superbiâ, ceruices submittimus: quid faciemus in illâ die miseri, quando reuoluto Cœlo, cum Angelicis virtutibus, igneus Dominus, totus adueniet? quando cadentibus desuper stellis, sol in tenebras, & in sanguinem luna mutabitur? quando montes sicut cera liquefcent, quando terra ardebit, & atrescent flumina, & maria siccabuntur, & contra rerum naturam consumptio diuinitus humore, ariditatem in aquis ignis operabitur? Quando peccatores dicent montibus, *Cadite super nos, & collibus, Tegite nos*: quando vocabunt homines mortem, & vocata non veniet; quando discrimina vertentur in vota, & quod semper oderunt homines, concupiscent?

Esto mihi [Domine] in Deum protectorem & in domum refugij. domus refugij, tu mihi esto, Deus protector, domus refugij. Quò fugio? ad quem locum tutus fugio? ad quem montem? ad quam speluncam? ad quæ recta munita? quam arcem teneam? quibus muris ambiar? quocumque iero, sequor me. Quicquid enim vis, potes fugere, homo, præter conscientiam tuam. Tu mihi eris domus

G 5 refu-

Aug. in
Psalm. 30.

refugij, ad te confugio, nam à te, quò fugiam? Quocumque iero, ibi te inueniam; & si irasceris, ultorem te inuenio; si placatus es, adiutorem. Nihil mihi ergo restat, nisi ad te fugere, & non à te. Vt euadas hominem Dominum, quicumque seruus es, fugis in ea loca, vbi non est Dominus tuus, vt euadas Deum, fuge ad Dominum; nam non est quò fugias Deum; præstò sunt omnia & nuda Omnipotentis oculis.







*Nunquid non paucitas dierum meorum finiatur
breui ? Dimitte ergo me ut plangam paulu-
lum dolorem meum ! Job. 30. 13.*

XIII.

Numquid non paucitas dierum
meorum finietur breui ? dimitte
ergo me , vt plangam paululùm
dolorem meum. *Iob. 10.*

Silicet, in magno cupis hoc me ponere lucro,
Addita quod vite pars quòt acumque mea.
Si numerata forent aliquot mihi lustra, vel anni,
Muneris hic poterat nomen habere fauor:
Stamina sed breuibus iunxisse fugacia filis;
Obsecro, dic, pauci quantula summa, dies?
Nempe ita, qui vitam modò ducere cœperit infans,
Dicetur moriens, occubuisse senex,
Sic sua nonnullis descripta est vermibus ætas,
Vna quibus brevis est, integra vita, dies.
Sic aliquis numerat celeres sibi flosculus horas.
Natali tumultant quem sua fata die.
Floscule mane puer, mediâ vir, floscule, luce;
Floscule, sub noctem, Sole cadente, senex.
Sic orerisq₃ vno morerisq₃, ô floscule, Phœbo;
Vno sisq₃ puer, virq₃, senexq₃ die.
Staret adhuc volucrum saltē rota lenta dierum,
Hora nec admissis qualibet iret equis;
Vermiculi canerent; tot plenis viximus horis;
Flosculus, & totidē, diceret, herba fui.
Sed tempus rapidis volat irreparabile pennis,
Flaminis inq₃ modum, lubricus annus abit.

Menstruus impulsis rapitur quoque solibus orbis,
 Et fugiunt, nullo fræna tenente, dies.
 Denique præcipitis rota concita vertitur horæ,
 Nec remeare potest, qua semel hora fuit.
 Invida res, tempus; sua se per puncta trucidat;
 Separiter fugiens, se pariterq₃ sequens.
 Qualis tædæ suo se flammea funerat igne,
 Quæ sibi fatalem congerit ipsa rogam.
 Sic redit in proprium sæclorum circulus orbem,
 Flectitur inq₃ suas annua meta rotas.
 Non fuit antiquus malè prodita fabula chartis,
 Quæ genitor sobolem commolit ore suam:
 Nempe vorax annos mensesq₃ interficit ævum;
 Seq₃, fluendo parit; seq₃, fluendo necat.
 Hora diem, mensemq₃ dies depascit eundo;
 Bis-senisq₃ senex mensibus annus obit.
 Annus obit, mensesq₃, diesq₃, horæq₃, recedunt,
 Et suus in se iterum tempora gyros agit.
 Ergo meo exiguum spatium concede dolori,
 Non nisi concessio tempore fata querar.
 Non ego supremis tempus mihi risibus oro,
 Non facit ad risus resvæ, locúsve meos.
 Pro lacrymis spatium, spatium pro planctibus opto,
 Hæc mihi tantillæ, quam peto, causa moræ est.
 Ite igitur magnis, lacrymæ, mea flumina riuus;
 Ite, ferite truces ora sinumq₃ manus.
 Ite per os lacrymæ, seuite in pectora palmæ;
 Pars bona, dum statis, temporis, ecce fugit.
 Sentio, cunt lacrymæ; repetuntur, sentio, planctus;
 Iam fleui & planxi, sistite; iam satis est.

*Numquid non paucitas dierum meorum
finietur breui? dimitte ergo me, vt
plangam paululum dolorem meum.*

Iob. 10.

QUID in hoc mundo stabile, quid pe- Chryf. ep.
ad Theo-
dor. Mon.
tom. 5.
renne? Audi cuiusdam venerabilis viri
vocem: *Tempus, inquit, vita mea leuius cursori-
bus fuit.*

Cùm enim primùm homo peccauit, æ- Hieron.
ep. 21. ad
Paulam.
ternitas mortalitate mutata est, in nongen-
tos & ampliùs annos; exinde paulatim re-
crudescente peccato, in breue tempus, ho-
minum vita contracta est.

Breuis dies hominis sunt; numerus mensium Iob. 14.
*eius apud te est: constituisti terminos, qui prateriri
non poterunt.*

Quare cautum se ac sollicitum viuere Greg. lib.
9 mor. c.
44. in cap.
Iob.
ostendit, qui breuitatem præsentis vitæ
considerans, non eius vsum sed, terminum
conspicit; vt ex fine colligat nihil esse quod
transiens delectat. Hinc namque per Sa-
lomonem dicitur, *Si annis multis vixerit ho-
mo, & in his omnibus latatus fuerit, meminisse
debet tenebrosi temporis & dierum multorum; qui
cùm venerint, vanitatis arguètur praterita.* Igitur
cùm culpa animum tentat, mens necesse est,
vt breuitatem suæ delectationis aspiciat; ne
ad

ad viuacem mortem iniquitas rapiat, cum constet quod ad terminum citius mortalis vita percurrat.

Greg. lib.
7. mor.
cap. 20.
in cap. 6,
Iob.

Sepè etenim dum præsens vitæ breuitas, quali diu perseueratura diligitur, ab æternâ spe animus frangitur, & delectatus præsens, desperationis suæ caligine reuerberatur.

[Sed] sancti viri, quia breuitatem vitæ indefinenter aspiciunt, quasi quotidie morientes viuunt, & tantò se solidius mansuris præparant, quantò & nulla esse transitoria semper ex fine pensant. Hinc quippe Psalmista, veloci cursu fugere vitam peccatoris aspiciens; ait: *Pusillum adhuc, & non erit peccator.* Hinc iterum dicit; *Homo, sicut fœnum, dies eius.* Hinc Isaias ait. *Omnis caro fœnum, & omnis gloria eius, sicut flos agri.*

Aug. in
Psalm. 102.

Attendat quid sit homo; non superbiat: *homo tamquam fœnum dies eius.* Quid superbit fœnum, ad tempus modò florens, post paululum arescens? Quid superbit fœnum ad tempus vicens, & hoc ad paruum tempus donec sol candescat? *Sicut flos agri ita efflorebit.* Quàm exiguo tempore transeunt flores? & hoc est pulcrum in herbis. Hoc quod valde pulcrum est, hoc citò cadit. *Omnis caro fœnum.* Et claritas luminis vt flos fœni: fœnum aruit & flos decidit.

Quasi flos egreditur & conteritur.

Quid

Quid enim sunt nati homines mundo, nisi quidam flores in campo? tendamus oculos cordis, in hanc latitudinem mundi præsentis; & ecce quasi tot floribus, quot hominibus plenus est: vita itaque in carne, flos in fœno est. Homo etenim more floris procedit ex occulto, & subitò apparet in publico; qui statim ex publico per mortem retrahitur ad occultum. Carnis nos viriditas ostendit, sed ariditas pulueris ab aspectibus retrahit, quasi flos apparuimus, qui non eramus; quasi flos arescimus, qui temporaliter apparebamus.

[Imò] quid ab his bestiolis distamus, quas ferunt apud Hypanim fluuium (qui ab Europæ parte in pontum influit) nasci atque vnum diem viuere? sicut ergo ex his ea quæ octauâ horâ mortua sit, prouectâ esset ætate mortua, quæ verò occidente sole, decrepita, eò magis si etiam solstitiali die, sic si longissima ætas, cuiusvis hominis conferatur cum æternitate, in multo minore breuitate, quàm illæ bestiolæ reperiemur.

— *Quid enim, mihi dicito, longum*

Hæc mortalis habet fatoq; obnoxia vita?

Tenes diem istum? si renuisti hersternum, tenes & hodiernum: sed hesternum inquis, non teneo, quia iam nō est, istum autem teneo in quo sum, & qui mecum est. Itane? de isto excidit tibi iam quantum à primâ luce

H

trans-

In idem
cap. 14.
Iob.
Gregor.

Isidor.
Clarius
orat. 10.
de morte.

Nazianz.
in præcept.
ad Virgi.
nes.
August. in
Psalm. 38.

transierit. Nōne iste dies à primâ horâ cœpit? Da mihi primam horam eius: Da mihi & secundam eius, quia & fortè ipsa transuolauit. Tertiam, inquis, dabo tibi, fortè enim in ipsâ nunc sumus: Certè ergo sunt isti dies, & est tertia dies; & si tertiam dabis, nō diem sed horam dabis. Verumtamen ne hoc quidem tibi concedo, si mecum vtcumque ista transilisti. Da mihi vel horam tertiam, ipsam mihi da in quâ es. Si enim aliquid eius iam præterijt: & aliquid eius adhuc restat; nec quod præterijt aliquid mihi potes dare, quia iam non est; nec quod restat, quia nondum est. Quid mihi de horâ istâ quæ nunc peragitur dabis? quid de illâ mihi dabis? Cui committam hoc verbum, vt dicam, est. Cùm dicis ipsum est; certè vna syllaba est, & momentum vnum est, & tres litteras habes in ipso ictu. Ad secundam huius verbi litteram non peruenis, nisi prima finita fuerit. Tertia non sonabit, nisi & cum ipsa secunda transierit. Quid mihi de hâc vnâ syllabâ dabis, & tenes dies, qui vnâ syllabam non tenes? momentis transuolantibus cuncta rapiuntur. Torrens rerum fluit. Isti ergo dies non sunt, antè abeunt penè quàm veniunt, & cùm veniunt, stare non possunt. Iungunt se, sequuntur se, & non se tenent.

Iob. 7.

*Parce mihi Domine, nihil enim sunt dies mei.*Greg. lib.
3. mor. c.

[Hinc] sancti viri, præsentis vitæ dies, nihil

hileſſe conſpiciunt, quia illuminatæ men- 20. in Iob.
ris oculos in conſiderationem æternitatis
figunt.

Per horarum[namque]momenta creſci- Hieron.
mus atque decreſcimus, nec in eodem ma- lib. 11. in
nemus ſtatu. Ipſum quoque quod loqui- cap. 40.
mur, dictamus & ſcribimus, de vitæ noſtræ Iſaiæ.
parte præteruolat. qui dudum infans, ſubitò
puer; qui puer, repentè iuuenis; & vſque ad
ſenectutem per ſpatia mutatur incerta; &
antè, ſe ſenem intelligit, quàm iuuenem non
eſſe miretur.

[Denique] quicquid temporis viuitur, de Aug. lib. 7.
ſpatio viuendi demitur, & quotidie fit mi- de ciuitate
nus, minusque quod reſtat; vt omninò nihil Dei, c. 10.
aliud ſit tempus vitæ huius, quàm curſus ad
mortem, in quo nemo vel paululùm ſtare,
nec aliquando tardiùs ire permittitur, ſed
omnes vrgentur pari motu, nec diuerſo im-
pelluntur accèſſu: neque enim cui vita bre-
uior fuit, celeriùs diem duxit, quàm ille cui
longior. Vnde ex quo homo cœpit eſſe in
hoc corpore, in morte eſt. Quid enim aliud,
diebus, horis, momentisque ſingulis agitur,
donec ea conſummata mors, quæ agebatur,
impleatur, & incipiat iam tempus poſt mor-
tem, quod cum vita detraheretur, erat in
morte.

Benè itaque dicitur, *Dimitte me, vt plangam* Greg. lib.
paululum dolorem meum. Quia niſi à rea- 17. mor.
cap. 45.

tu culpæ, quo nos ligauimus, misericorditer dimittemur, perfectè flere non possumus, hoc quod in nobis ipsi, contra nosmetipsos dolemus: sed tunc veraciter reatus nostri dolor plangitur, cùm tenebrosa illa inferni retributio, intento timore præuidetur.

Greg. lib.
9. mor.
cap. 44.
in cap. 10,
Iob.

Sed sicut moderata afflictio lacrymas exprimit, ita immoderata subducit; quâ mœror ipse quasi sine mœrore fit, qui afflicti mentem deuorans, sensum doloris tollit;

Ibid,

Sæpè namque peccator iniquitatis suæ vinculis ita constringitur, vt pondus quidem peccatorum toleret, sed tamen, quia tolerat, ignoret. Sæpè autem si cognoscat, quanto reatu premitur, erumpere in lacrymas conatur, & non potest, vt hunc in se mente liberâ, & conuersatione integrâ persequatur. *Flere ergo dolorem suum* non valet, qui & iniquitatis suæ reatum considerat, & tamen præ terrenæ occupationis pondere, hunc & gemere nequaquam vacat: *flere dolorem suum* non valet, qui primæ quidem consuetudini contraire nititur, sed tamen adhuc succrescentibus desiderijs carnis grauat. Huius doloris præsentia Prophetæ mentem cruciauerat, cùm dicebat, *Dolor meus contra me est semper, quoniam iniquitatem meam ego pronuntiabo, & cogitabo pro peccato meo.* Tunc igitur ad plangendum dolorem nos Dominus dimittit, cùm & mala nobis, quæ feci-

fecimus demonstrat, atque adhæc eadem flenda quæ cognoſcimus, adiuuat.

*Hoc ſolùm ergo Domine, præſta, quod deprecor: Iudic. 11.
Dimitte me, vt duobus menſibus circumeam mon-
tes, & plangam cum ſodalibus meis.*

Sexaginta dies plangere nobis demon- Chryſoſt.
ſtrat planctum præſentis vitæ, dicente Do- hom. de
mino: *Beati qui lugent, quoniam ipſi conſolabun- Iephte.*
tur. Deſertum ergo plangimus huius mun-
di (deſertum enim dicitur res vbi non ma-
netur) quia ergo hîc non permanetur, de-
ſertum dicitur. Plangendum eſt ergo in vitâ
iſtâ caducâ, ruinis plenâ, caſibus obuolutâ;
vt cùm plangimus, ſuſcipiat Dominus im-
molationem animæ noſtræ.





*Vtinam saperent et intelligerent ac nouissima
prouiderent ! Deuteron . 32.*

XIV.

Vtinam scaperent, & intelligerent,
ac nouissima prouiderent!

Deut. 32.

PRô pudor! vsque adeò est homini mens cæca fu-
turi;

Vt nisi qua videat, nulla pericla putet?

Scilicet hoc sapere est, tantùm presentibus angi,

Nec procul aspectis consuluisse malis!

Ante tubas, Miles, dicto parat arma duello;

Cùm sonuère tuba, seriùs arma parat:

Nauiata, quas captat, prasugus prospicit auras,

Anchora veliuolum nec reïmoratur iter:

Quas veniente metet segetes æstate colonus,

Credidit excultis, antè, colonus agris.

Prouida quin etiam metuens formica senectæ,

Vectat in annonam paucula farra suam.

O quid agis, gens euentus, ignara futuri?

Tempora, quæ veniunt postuma, nulla times?

Stamina perpetuo fors nent adamantina filo,

Aut cessant triplices voluere pensa colus?

Falleris; ah! nulli datur has placasse sorores;

Vna licet parcat, de tribus, vna secat.

Fœdera fors pacto sanxère perennia clauo,

Concordes stabili vitæq; morsq; fide?

Falleris, ah! nimium tibi pacta fauentia fingi;

Non seruant vllam vitæq; morsq; fidem.

Antè, niuem fidis lambent incendia flammis
Iuraq, fœdifragis sanciet. Auster aquis.
Antè, dies nocti pacem nox antè, diei
Seruet, & infestis accubet agna lupis.
Omnia letifero latè Mors subiugat arcu,
Quidquid & hoc Phœbi vescitur igne necat.
Nemo venenata vitavit arundinis ictum,
Omnis ab hâc ceruix, cuspide, vulnus habet.
Hîc teneros Matrum capit inter brachia, natos,
Aut cunas, tumulum, cæde recente facit.
Hîc pueros, alibi configit arundo puellas;
Hîc iuuenes; illic funerat illa senes.
Stataq, iam nullo discrimine, funera miscet
Militis atque Ducis corpora mixta iacent.
Nec micat auratâ tibi Cræse cadauer arenâ
Pulcrrior aut tuus est, pulcra Rebecca, cinis,
Aspice, quid cineres sit Caesaris inter & Iri?
Omnibus en color est vnus, & vnus odor.
Quid iuuat his igitur tantùm confidere rebus,
Ceu lethi imperio vita soluta foret?
Stat sua cuique dies, depleto ferrea fuso,
Seriùs aut citiùs quemlibet vrna vocat.
Cogimur huc omnes, huc summus & infimus ordo,
Ibimus, emenso tempore quisque suo.
Actum si vacuas animus simul iret in auras,
Vt vapor in nebulas extenuandus abit!
Morsq, foret nostræ quoque meta nouissima vitæ,
Mors simul amborum corporis atque animi?
Quàm bona mors esset posituris morte dolores,
Quos noua post vitam, vitæve môrsve daret?

Qui-

Quilibet extremam latus properaret ad horam,
Et puto, viuendi vix superesset amor.

Sed dolor, heu! non est mors vltima linea rerum,

Non necat hic animum qui cremat ossa rogos.

At postquam è terris animo exhalata recessit,

Iudicis extemplò sistitur ante pedes.

Ille sedet iustumq; & inexorabile Numen,

Flammaq; sunt oculi flammaq; fulua caput.

Illà (tremens, metuensq; oculos attollere Cælo:)

Dura catenatâ vincula mente gerit.

Ille sinus animi, fibrasq; introspicit omnes,

Quodq; latet tacitum nocte fauente nefas.

Illà scelus; conuicta, suum pudibunda fatetur.

Nec videt, effugio, quem petat, esse locum.

Ille simul Iudex, testis simul, & simul actor,

Comperti statuit criminis esse ream.

Illà memor nullis hanc flecti questibus aulam,

Heu! frustra effusus se sepelit lacrymis.

O, quis tunc animæ sensus, quæ cura relicta,

Nullus vbi pro se, iure patronus agit!

Nempe vocat montes & inhospita culmina, cautes,

Antraq; queis trepidum condant operta caput.

O Anima! ô Iudex! ô non placabilis vrna!

Quis secum hac meminit, nec citò dirigit?

Sed nondum hoc tanti clauduntur sine dolores;

Altera adhuc restant, vitaq; morsq; super:

Vita perennanti quæ sæcula protrahet æuo,

Mors longa extremum non habitura diem.

Ah quibus, ah quantū laniabitur hac tormentis!

O quibus, ô quantis affluet illa bonis!

Illa, suas pascit Diuino nectare mentes;

Hæc, miscet liquidâ pocula plena pice.

Illa, Chely Angelicâ vel gutture carmina fundit;

Hæc, gemit horrendis exululata sonis.

Illa, agit æternas cælo plaudente, choreas;

Hæc, salit ad colubros sæua Megera, tuos.

Illa, nec æstiuis, gelidis nec adurit astris;

Hæc furit immitis igne gelug, vadi.

Illa, per ætherios agit otia mollia campos;

Hæc, agit æterni triste laboris opus.

Illa dolorum expers, mala nulla, nec aspera sentit;

Hæc, patitur dirum quidquid Auernus habet.

O felix opibus, felix tot vita triumphis!

O grauis, ô tantis mors metuenda malis?

Vel tua, vel tua, nos dubio manet alea iactu;

Alea, non aliâ proyicienda vice.

Ah subeant vestri gemina sic pectora cura,

Ut semel alterius fors obeunda cadet!

Vtinam

Vtinam saperent, & intelligerent, ac nouissima prouiderent. Deut. 32.

O GENS sine consilio & sine prudentiâ! *Vtinam saperent, & intelligerent, ac nouissima prouiderent!*

Bonau.
opusc. de
contempt.
sæculi.

Saperent, damnatorum multitudinem; saluandorum paucitatem, & temporalium rerum vanitatem.

Intelligerent, tria; scilicet peccatorum multitudinem, bonorum omiſſionem, & temporis amiſſionem.

Prouiderent, tria; scilicet mortis periculum, extremum iudicium, & æternum supplicium.

Sed oculos non vis habere nisi in præſentia.

August. in
Psal. 48.

Peruerſa quippe anima rebus præſentibus dedita, in terrenis voluptatibus reſoluta, abſcondit ſibi mala ſequentia, quia præuidere futura refugit, quæ præſentem lætitiâ per-
turbant; dumque in præſentis vitæ oblectationibus ſe deſerit, quid aliud quàm clauſis oculis, ad ignem vadit, & indè dicitur per Paulum: *qui gaudent tamquam non gaudentes ſint*; quia eſi qua eſt præſentis temporis, ita eſt agenda lætitiâ, vt numquam amaritudo ſequentis iudicij recedat à memoriâ; quatenus dum mens pauida extremæ vltionis timore transi-

D. Greg.
hom. 39.
in Euang.

transfigitur, quantum tunc præsens lætitia, tantum post, ira subsequens temperetur: si extrema mala nostra formidolosè & indefinenter aspicimus; iuxta hoc quod per quemdam sapientem dicitur: *In omnibus operibus tuis memorare nouissima tua, & in æternum non peccabis.*

Speculo
pec. cap. 5.
Tom. 9.
Aug.

Sed quæ sunt nouissima tua, quæ providere sollicitè debes? summa totius providentiæ est, utique illa terribilis horâ, in quâ, misera anima tua, ex hoc corpusculo corruptibilis timens est egressura, in illâ nimis metuenda extremâ horâ; quis amicorum, quis parentum tuorum veniet cum gladijs & armis auxilium ferre? Non enim erit tunc, qui consoletur te ex omnibus charis tuis, respicientibus etiam ad auxilium & adiutorium hominum; sed refugium tuum tantummodo est apud Deum. Reduc ergo fili mi, sedulus in memoriam illum extremum exitus tui diem, & antequam misera anima tua, de carcere carnis exeat, provideat, quò vadat. Quando enim homo fit non homo, hoc est quando ægrescit; ægotando ægritudo crescit; peccator expauescit; cor contremiscit; caput obstupescit; sensus evanescit; virtus exarescit; vultus pallefcit; facies nigrescit; oculus tenebrescit; auris surdescit; nasus putrescit; lingua fariscit; os obmutescit; corpus tabescit; caro marcescit. Tunc carnis pulcritudo

do fœtor efficitur, & putredo tunc soluitur in cinerem, & vertitur in vermem.

Post hominem vermis, post vermem fœtor & horror:

Sic in non hominem vertitur omnis homo.

Age iam, cùm ad illud vltimum Iudicium venerimus, ab eo Iudice iudicandi, qui nec falli occultatione criminum potest, nec ad impunitatem promerendam muneris alicuius oblatione corrumpi, cùm cœperint omnium secreta reuelari, & non solùm actus ac verba, sed etiam ipsæ cogitationes ostendi; quid faciemus sub tanti Iudicis maiestate? quid excusationis obtêdere poterimus, quâ nos defensionis arte purgabimus? quæ nobis subuentura est pœnitentiâ, quam in hâc carne cōtempnimus? quæ nos defensura sūt opera bona, quæ in hâc vitâ non fecimus? ad quos Apostolos, aut ad quos alios Sanctos confugituri sumus, quorum exempla simul ac verba despexerimus. An fortè aliquos ibi fragilitas corporis excusabit? sed excusationi eorum reclamabunt omnia sanctorû exempla, qui cum fragilitate carnis, in carne vincentes, quod fecerunt, vti que fieri posse, docuerunt. Quid ergo respôsuri sunt, si eis Dominus dicat; si potuistis, quare non restitistis desiderijs peccatorum? si non potuistis, quare meum, contra peccata, non quæstistis auxilium? Nonne ad hâc obmutescantibus & quid

Prosper
lib. 3 de
vitâ con-
templat.

quid excusationis referant non habentibus; dicet: *Ligate eos manibus & pedibus, & mittite in tenebras exteriores, ubi erit fletus & stridor dentium, ubi vermis eorū non morietur, & ignis eorum non extinguetur.* Hęc & his similia libenter audire vel legere, iugiter ante oculos mēis adducere; cogitare, quale malū sit, ab illo gaudio diuinæ contemplationis excludi; beatissimā Sanctorum omnium societate priuari; fieri patriæ cœlestis extorrem; mori vitę beatę; morti viuere sempiternę; in æternum ignē, cum diabolo & angelis eius expelli, ubi sit mors secunda, damnatis exilium, vita supplicium; non sentire in illo igne quod illuminat, sentire quod cruciat; exundantis incendi; terribiles crepitus pati? barathri fumantis amarā caligine oculos obcęcari; profundo gehennæ fluctuantis immergi; edacissimis in æternum dilaniari vermibus, nec finiri: hęc & multa similia cogitare, nihil est aliud, quàm vitijs omnibus repudium dare, & omnia blandimenta carnalia refrenare.

Attende ergo, in illā terribili horā de quā loquimur, misera peccatoris anima. Quando de mundo exitura & itura es; aderunt mox ministri, maligni illi scilicet diaboli, illa verē tartarea monstra velut leones rugientes vt rapiant prædam, tunc horribilia patebunt loca pœnarum, chaos & caligo tenebrarum, horrorem, miserię & tribulationis; tremor

tremor, timor angustię & confusionis; dolor horrendæ visionis; tremor tremendæ mansionis; locus silentium, vbi stridor dentium, vbi morsus vermium, vbi clamor dolētium, vbi luctus gementium, vbi est vox clamantium peccatorum & dicentium; *Væ, væ nobis filij Eue?* quid tunc proderit scientiæ iactantia, sæculi pompa, mundi vanitas, terrenæ dignitatis cupiditas?

Dic mihi, vbi tunc amatores mundi, qui ante pauca tempora nobiscum erant? ex eis remansit nisi cineres & vermes. Attende diligenter, quid sunt, quid fuerunt? homines fuerunt sicut tu, comederunt & biberunt, riserunt, duxerunt in bonis dies suos, & in puncto ad inferna descenderunt.

[Imò] moliùs educata corpora grauiùs fœtent post mortem.

Aspera non Cyris, non Cræsis Parca pepercit,

Hisq; etiam, nuper sub quibus orbis erat.

Te quoque, Alexander, victor grassate per orbem,

Perdidit immodici copia sumpta meri.

Inter defunctos, quidnam est discriminis? Ossa

Et cineres Iri, tantalidisq; pares.

Par Constantino famulus meus (hic ego tantùm

Excipio tumultum) diues, inopsq; , pares.

Atque hic ista quidem. Ast alio qua condit in aëo,

Vltima lux prauis, quis memorare queat?

Horrida flamma, graui caligo à luce remotis,

Vermis, qui memores criminis esse facit.

Bern. lib.
med, c. 2.

Petrus
Dam.
epist. ad
Blancam.
cap. 30.
Nazian.
de externi
hominis
utilitate.

Non

Non natum esse, tibi melius, scelerate, fuisset,
 Aut natum, prorsus more perire fere,
 Quàm mala tot passum in terris, seuosq; dolores;
 Post, grauiora iterum, tempus in omne pati.
 Atque vtinam matris memors rapuisset in aluo!
 Nam tenebra nato, mox mihi fletus erat.

Aug. Soli-
 loq. cap. 3.

Ergo, ô anima, siue vigiles, siue dormias,
 semper in auribus tuis illa horribilis tuba re-
 sonet: *Surgite mortui, Venite ad iudicium.* O a-
 nima nunquam excidat à tuâ memoriâ: *Ite*
maledicti in ignem æternum: Venite benedicti, per-
cipite Regnum. O quid potest lamentabilius
 & terribilius cogitari quàm *Ite?* & quid de-
 lectabilius exprimi quàm *Venite?* duæ sunt
 voces, quarum nihil horribilius vnâ, & nihil
 iucundius alterâ poterit audiri.







*Defecit in dolore vita mea et anni mei in
gemitibus . Psal . 30 .*

XV.

Defecit in dolore vita mea, & anni
mei in gemitibus. *Psal. 30.*

Hoc erat ergo meis dominans Natalibus astrū,
Vt mihi lux faustā nulla rediret aue!
Quā leuis optati me temporis aura fefellit;
Dum toties repeto; Crastinus albus erit.
Nec tamen albus adhuc mihi crastinus ille reluxit;
Quin, qui praterijt proximus, ater erat.
Credideram alternos vitæ succedere casus.
Inq̃ vices letis cedere mæsta locum.
Vtq̃ serenato detergis nubila cælo,
Cum reuehis clarum Cynthie pure diem;
Vtq̃ maris reparas fugitiuos, Cynthia, fluctus,
Cum tingis refluxo littora sicca salo;
Sic ego venturi non felix temporis augur,
Omnia pro votis rebar itura meis.
At mea, quā dispar, quantoq̃ seuerior illis,
Quas dat nupta viro, tristitia est lacrymis!
Coniuge defuncto, bis denis mensibus, vxor
Sola domi queritur, coniugis orba, necem.
Post decimum finitur lugubria ponere mensem;
Et peplum nineā vertere triste togā.
Quis mihi transactus semel est sineluctibus annus?
Quis vacuus mensis? quis sine nube dies?
Nulla meis lex dat finē mve, modū mve querelis;
Sed parit asfiduus se, velut Hydra, dolor.

Et planctu & lacrymis, gemituq₃, absternitur omnis,
 Ipsaq₃ pars minima est vita caduca, sui.
 Sæpè quidem rabidis sunt æquora turbida ventis,
 Sed brevis est, quoties magna procella furit:
 Quasq₃ rapit sylvis brumæ inclementia frondes,
 Compensant viridi tempora verna comâ:
 Et Notus obscuris quoties tegit æthera nimbis,
 Latior innubi mox redit ore dies:
 Ast mihi perpetuos contexunt funera luctus,
 Dempta nec est vlllo synthesis atra die.
 Mœstaq₃ nec festo cessauit tibia cornu,
 Pectus, ebur, pugni, plectra; querela, fides:
 Hæc cytharâ, soles; hoc transfigo pectine, noctes;
 His fidibus, vitæ tempora fallo mea.
 O quoties vecto suspiria pectore rupi,
 Cum cuperem tacito mergere verba sinu!
 O quoties, lux quanta fuit, fuit acta querelis.
 Lunaq₃ quanta fuit, planctibus acta fuit!
 Ne gemerem, memini, toties monuistis amici,
 Multaq₃ ne gemerem, credite, facta mihi.
 Libera lætitiæ suasistis frena remitti,
 Illicò lætitiæ libera frena dedi.
 Ast vbi singultum compescere risibus opto,
 Risibus, heu, gemitus obstrepuere meis!
 Sæpè, volens placidas somno traducere noctes,
 Perpetuò vigiles obræor imbre genas;
 Dumq₃ diu nimium violentos comprimo fletus,
 Heu, mare perruptis effluit aggeribus!
 Flumina, vos testes, vos nota cubilia, sylvæ,
 Vosq₃ caux valles, conscia vosq₃ iuga;

Vos testes, quoties suspiria vincere tentans,
Victa, reluctanti murmura cordi dedi.
Quin etiam auditis permota vlulatus Echo;
Questibus audita est aggemuisse mei.
Tunc ego, tunc illa, alternis dedimus lamenta,
Fleximus inq; vices, planximus inq; vices.
Vt Pandionia sibi dant responsa sorores,
Cum casum, thalami labe queruntur Itym;
Et sedet hinc Progneramo miserabile plorans,
Et sedet indè suum flens Philomela nefas:
Alteraq; alterius sequitur suspiria questu,
Admissum lacrymans, vtraque crimen auis.
Talis & Alcyone cum naufraga vela mariti
Nequicquam scopulis littoribusq; canit;
Aut viduus, viridi nemoris sedet arbore turtur,
Comparis eterno murmure fata gemens.
Sic mihi fatidica nerunt quoque stamina Diue,
Iret ut optato sidere nulla dies.
Utq; adimant nullos, lamenta perennia luctus,
Aut cesset, causâ deficiente, dolor.
Sed fuit ut primæ, gemitus, vox prima loquelæ;
Sit gemitus vita vox quoque summa mea.

*Defecit in dolore vita mea, & anni mei
in gemitibus. Psalm. 30.*

Hieron. in
Psalm. 30.

QVAMDIV est hîc in presenti vitâ, habet
gemitû & fletum vnusquisque homo.

Aug. lib.
21. de ciu.
cap. 14.

Homo non à risu orditur hanc lucem,
quid malorum ingressus sit nesciens, pro-
phetat quodammodo: solûm, quando natus
est, ferunt risisse Zoroastrem, nec ei boni ali-
quid monstrosus ille risus portendit. Pro-
sus quod scriptum est *græue iugum super filios
Adam à die exitus de ventre matris eorum vsque
in diem sepultura in matrem omnium.*

Ibid.

Aug. serm.
28. de verb.
Apost.

Vnde interrogemus pueros qui nascun-
tur, quare à ploratu incipiant: nascitur & sta-
tim plorat, & post nescio quot dies ridet.
Quando plorabat nascens, Propheta suæ
calamitatis erat, lacrymæ enim testes sunt
miseriæ.

Nazianz.
carm. de
humana
natura.

*Hoc homini tantûm firmum est expersq; senectæ,
Inde ex quo nascens fletibus ora rigat;
Per lacrymas testans, quas vitæ in limine fundit
Quotnam illum maneant agmina dura mali.
Est Regio (vt quondam Cretea) ignara ferarum;
Est alia, hybernæ nescia terra niuis:
At, vacua aduersis quod vitæ tempora rebus
Clauserit, haud quisquam dicere iure potest.*

Aurhor.
spec. pec.
Tom. 9.
Aug.

In huius vitæ miseriam intraſti lugens,
dies tuos in dolore & æumnâ pertransisti;
cum

cum luctu & labore hinc exiturus es. Intelligas ergo, in quâ tum sit ingressus tuus flebilis progressus tuus debilis, & egressus horribilis.

Risum reputavi errorem, & gaudio dixi: Quid frustra deciperis? Eccl. 2.

Domini vox est ad suos dicentis, *Vos plorabitis & plangetis, sæculum autem gaudebit: Vos tristes eritis.* Timenda sunt Christianis præsentis sæculi gaudia, & optanda pro deuotione mæstitia. Chrysost. serm. de martyrib. imitandis.

Lætitia enim tantum nomen habent, cum omnia sint in tristitia. Chrysost. hom. 54.

Qui sumus in hoc tabernaculo, ingemiscimus grauati. 2 Cor. 5.

An non est meritò ingemiscendum, quòd sumus in regione alienâ, & in Coloniam procul à patriâ positam amandati? Chrysost. hom. in Psalm. 115.

In abscondito plorabit anima mea: plorans plorabit & deducet oculus meus lacrymam. Hierem. 13.

Asseuerant Turturem castam & amatricem comparis esse, ita vt si quando euenerit, eius masculum ab Aquilâ siue Aucupe capi, non se commiscere alteri, sed ipsum cupere, & ipsius præstolari aduentum, & in amoris eius exspectatione pendere. Huius turturis meminit Scriptura in Cant. Canticorum dicens: *Vox turturis audita est in terra nostra.* O gemitus de medio cordis amabilis, bonitatis pullulans fontes! ô gemitus cœlestem sponsum CHRISTVM ad semetipsum adducens! Chrysost. tom. 5. hom. de virtute.

Hugo de
S. Victor
serm. de
assumpt.
Mar. 10. 2.

Vox turturis, amoris canit & dilectioni; & habet singularem dilectionem turtur, cui canit, vel præsentis gaudium, vel absentis affectum. Igitur vox turturis tota de amore, & non nouit aliud præter amorem turtur. Et quid sonat vox turturis? quam significationem habet vox turturis? quid dicit? Vnum est quod sonat vox turturis, & semper illud sonat & resonat, & non fastidit vnumquam. Numquam turtur vocem suam variat, numquam canticum suum mutat, semper idem canit qui semper idem diligit. O vox turturis quam dulcis es! & quis dignus erit audire vocem turturis? in solitudine canit turtur, & semper turtur solitudinem diligit, quia singularem dilectionem quærit. Non audietur in plateis vox eius, neque foris clamorem suum proferet. Intus resonat, intrinsecus canit & non possunt audire turturem, nisi qui intus sunt; qui elongant in solitudine, qui secretum inhabitant,

Bernard.
ser. 59. in
Cant.

Donec [autem] homines pro Dei cultu, mercedem tantum in terrâ, & tantum terram acceperunt, minimè se cognouerunt peregrinos; nec more turturis ingemuerunt. ita tamdiu non est vox turturis audita in terrâ nostrâ. Vbi ergo Regni Cælorum promissio facta est, tunc primum manifestè sonuit in terra vox turturis. Nam dum sancta quæque iam Anima CHRISTI præsentiam suspi-

raret,

raret, Regni dilationem moleste ferret, desideratam patriam gemitibus & suspirijs à lōgè salutaret, nōne tibi videtur, vice fungi gembundæ ac castissimæ turturis, quæcumque anima in terris ita fecisset? Ex tunc ergo & deinceps vox turturis audita est in terrâ nostrâ. Quid ni moueat mihi crebras lacrymas & gemitus quotidianos CHRISTI absentia? Domine ante te omne desiderium meum, & gemitus meus à te non est absconditus. Laboravi in gemitu meo, tu scis, sed beatus qui dicere potuit; *Laborabo per singulas noctes lectum meum, lacrymis meis stratum meum rigabo.* Non solùm autem mihi, sed & omnibus, qui diligunt aduentum eius, gemitus isti comperti sunt. Hoc quippe est quod ipse aiebat. *numquid possunt filij sponsi lugere, quamdiu cum illis est sponsus? venient autem dies, cum auferetur ab eis sponsus; & tunc lugebunt, ac si diceret; & tunc vox turturis audietur.* Ita est, IESV bone, venerunt dies illi; nam & ipsa creatura ingemiscit & parturit vsque adhuc, reuelationem filiorum Dei expectans: non solùm autem illa, sed & nos ipsi intra nos gemimus adoptionem filiorum Dei expectantes Redemptionem corporis nostri. Neque vacui gemitus, quibus è cœlo tam misericorditer respondetur. Propter miseriam inopum & gemitum pauperum nunc exurgam, dicit Dominus. Fuit & in tempore Patrum, vox ista gementium: sed rara, & penes quemque suus gemitus. Vnde &

dicebat quis: *Secretum meum mihi, secretum meum mihi?* At ubi palam claniatum est, *Quæ sursum sunt querite*, ubi CHRISTVS est in dextera Dei sedens ad omnes iam cœpit pertinere gemitus ille turtureus, & vna omnibus esse gemenditatio.



LIBER SECVNDVS.

V O T A

ANIMÆ SANCTÆ.



*Concupiuit anima mea desiderare iustificatio-
nes tuas. Psal. 118.*

16.

I.

Concupiuit anima mea desiderare
iustificationes tuas. *Psalm. 118.*

COElestem dubitans, terrenumq₃, inter Amore,
Nescio quo statuam sub duce signa sequi.
Ille sub imperium, vocat hic ad pilea: pugnant
Disimili nimirum conditione duces:
Hinc vocor, hinc reuocor, rursusq₃ inuitor vtrimq₃
Non secus ac resiao quassa carina salo.
Ambiguum faciunt Amor hic, Amor ille duellum,
Impediuntq₃ suo sistere vota loco.
Sit satis, ah! tandem mala tot fastigia passe,
Et sinar ad portus spem reuocare suos!
O Deus! aut nullo caleat mihi pectus ab igne,
Aut solo caleat legis amore tue!
Non nego; quod lubeat, magna est, optare, voluptas;
Et modò posse Volo dicere; Nolo, modò!
Frena nihil patitur minùs, atque libido vouendi,
Nec se lege sinunt libera vota premi,
Vt vagus exultim lorisq₃, lupisq₃ solutus
Quoslibet in pastus currere gestit equus:
Aut stabulo ruit & viridi mox sternitur herbâ,
Deposito nimirum bucula lata iugo:
Ast vbi mox reuocat consueta ad arata colonus,
Excutit ille lupos, illa recusat onus.
Scilicet expetitur libertas vna vouendi,
Qua satis est, quamuis vtilitate vacet.

Sic

*Sic Phaëton , patria ruiturnus ab axe quadriga;
Appetis ignotos flectere rector equos.
Sic quoque non solitis dum niteris altiùs alis
Icare, subiectis labere mersus aquis.
Quàm varia Superum lassas prece tundimus aures?
Cœlitibus. puto nos sæpè mouere iocum.
Ille vouet nuptam, nupta vouet ille sepulcrum;
Hic sobolem nasci postulat , ille mori :
Ille Patri mortem, Patri rogat ille salutem;
Hic fieri inuenis supplicat , ille senex.
Vix, puto, consentit centum de millibus vnus;
Quin aliquis voto dissidet ipse suo.
Denique quid Superos oret, pars maxima nescit.
Tam noua quisque sibi vota , precesq₃ facit.
Sic vbi iam grauidas stimulant fastidia Matres;
Obscenam satiant fercla pudenda famem :
Scilicet expetitur modò calx, modò creta palato,
Et modò , quæ stomacho displicuère, placent.
Quid desiderijs vltra tot inanibus vrer ?
Quid iaculor nullo vota q₃ , spesq₃ scopo?
Este procul gemitus, procul anxia turba, timores,
Sollicitaq₃ preces , vota q₃ , spesq₃ procul.
O Deus , aut nullo caleat mihi pectus ab igne,
Aut solo caleat legis amore tua.*

Concupiuit anima mea desiderare iustificationes tuas! Psalm. 118.

MIRVM est, quomodo concupiscatur desiderium; nec sit in nobis, cuius concupiscentia iam sit in nobis. Quis nesciat in homine esse concupiscentiam, in homine desiderium? cur ergo concupiscitur, vt habeatur, quasi forinsecus inferatur? aut quomodo haberi eius concupiscentia, sine ipso potest, cum non sit & ipsum quid aliud, quam concupiscentia? Nam & desiderare, procul dubio concupiscere est. Quis enim iste mirabilis atque inexplicabilis languor? & tamen est; nam & ægrotus qui fastidio laborat concupiscit utique desiderare cibum, dum concupiscit non habere fastidium. An aliud est concupiscere, aliud desiderare? non quod non sit concupiscentia desiderium, sed quia non omnis concupiscentia desiderium est; concupiscuntur enim & quæ habentur, & quæ non habentur; nam concupiscendo fruitur homo rebus quas habet; desiderando autem, absentia concupiscit. Desiderium ergo, quid est, nisi rerum absentium concupiscentia? sed Dei iustificationes absentes esse quomodo possunt? An & quando

Aug. in
Psalm. 118.

quando sciuntur, & non fiunt, absentes habendæ sunt? sæpè enim quid agendum sit, videmus; nec agimus, quia non delectat ut agamus, & concupimus ut delectet. Præuolat intellectus; & tardè sequitur, & aliquando non sequitur, humanus atque infirmus affectus. Ideò ergo desiderare concupiscebat, quæ bona esse cernebat, cupiens eorum habere delectationem, quorum potuit videre rationem.

Aug. in
Psal. 118.

Non dixit [autem] concupiui iudicia; sed, concupiui desiderare: sicut enim vitæ viuere, plus est, quàm viuere (viuere namque commune etiam huius est vitæ; vita autem viuere, Beatorum est) sic concupiscere ut desideremus iudicia Dei, plus est, quàm desiderare iudicia; concupiscimus enim desiderare, quasi non sit potestatis nostræ desiderium, sed gratiæ Dei. Cùm enim Dominus oblectari nos viderit cupiditate desiderij iudiciorum suorum, sobrium auget affectum; cùm autem peccamus non concupiscimus desiderare iudicia Dei. Vnde etiam Dominus non otiosè ait; *Desiderio desideravi hoc pascha manducare vobiscum*; non solùm desiderans, sed etiam geminato desiderio concupiscens remissionem tribuere peccatorum. Concupiscamus ergo & nos desiderare iudicia Dei.

Orig.

Nam sicut dicitur aliquis carnalis Amor, quem

quem & Cupidinem appellauerunt Poëtæ, ^{prolog. in} secundum quem qui amat, in carne semi- ^{Cant.} nat: ita est & quidem spiritualis Amor, secundum quem & ille interior homo amans in spiritu seminat.

[Iam] discerne petitionem cordis tui, à ^{Aug. in} petitionibus carnis; discerne quantum potes. Verbi gratia: cæcus est, corpore; rogat ut illuminetur: Petitio hæc carnis. Infirmitur, rogat se saluum fieri; saluus fit moriturus; & ista petitio carnis est, & si quæ sunt talia. Petitio cordis quæ est? sicut petitio carnis est, velle sibi præparari oculos, utique ad videndam istam lucem (quæ talibus oculis videri potest) ita petitio cordis, ad illam lucem pertinet; *Beati mundi corde, quoniam ipsi Deum videbunt.*

Sed homo, quasi pullum onagri se liberum natum putat; nam qui implere cuncta ^{Greg. cap. 15, in c. 12.} quæ desiderat per effrenatam libertatem quærit, quid aliud, quàm pullo onagri esse similis concupiscit; ut disciplinæ hunc lora non teneant, sed audenter inter vagos per syluam desideriorum currat?

Mens quoque nostra rebus mutabilibus ^{Greg. cap. 22, in c. 7.} subdita, & à semetipsâ variatur. Nam quærens quod non habet, anxia percipit; cumque habere cœperit, tædet hanc percepisse, quod quæsiuit. Amat sepè quod despexerat, despicit quod amauerat. Diu quærit, ut pa-

rùm in his quæ inuenerit, perseuerat.

D. Greg.
hom. 36.
in Euang.

Nos enim, nati in huius peregrinationis ærumnâ, huc fastidiosi iam venimus; nescimus quid desiderare debeamus.

Aug. de
orando
Deo.
Epist. 21.
ad Probâ.
cap 5.

Ac planè quid oremus, sicut oportet, nescimus. Alius vult coniugari; alius coniugio viduatus deinceps continenter eligit viuere; alius nullum concubitum nec in ipsis nuptijs experiri:

Aug.
Confess.
6. cap. 6.
Aug. de
orando
Deo. c. 12.
epist. 121.
ad Probâ.

Et ego inhiabiam honoribus, lucris, coniugio, & tu irridebas.

Certè, qui dicit in oratione, verbi gratia: Domine multiplica diuitias meas; aut, da mihi tantas, quantas illi vel illi dedisti; aut honores meos auge; aut fac me in hoc sæculo præpotentem atque clarentem, vel si quid huiusmodi est; & hæc dicit, eorum habens concupiscentiam, non id attendens, vt ex his, secundùm Deum profit hominibus, puto eum non inuenire in oratione Dominicâ, quo possit hæc vota coaptare: Quamobrem pudeat saltem petere, quæ non pudet cupere; aut si & hoc pudet, sed cupiditas vincit; quanto meliùs hoc petitur, vt etiam ab isto cupiditatis malo liberet, cui dicimus; *libera nos à malo.*

Chrysost.
in Epist.
ad Rom.
c. 1 hom.
4.

Vides [ergo] auiditate omne malum exortum, cùm ipsum desiderium videlicet, non sustineat intra proprios terminos consistere?

Quidquid enim terminos à Deo statos trans-

transgreditur, id absurdarum ac minimè legitimarum rerum appetens est. Quemadmodum enim fieri sæpè videmus, vt qui ciborum appetitionem; quique impotenti siti correpti fuerint, ij & cœnum quoque nonnumquam ad bibendum appetant;

Sic cor meum, cor vanum, vagum & instabile dum suo ducitur arbitrio, & diuino caret consilio, in seipso non potest consistere, sed omni mobili mobilius, per infinita distrahitur, & hac atque illac, per innumera discurret; & dum per diuersa requiem quærit, non inuenit, sed in labore miserum, à requie vacuum manet: sibi non concordat, à se dissonat, à se resilit, voluntates alternat, consilia mutat, ædificat noua, destruit vetera, destructa reædificat, eadem iterum atque iterum alio & alio modo mutat & ordinat; quia vult & non vult, & numquam in eodem statu permanet.

Sed allide Domine concupiscentiam meam dulcedine tuâ, quam abscondisti timentibus te, vt concupiscam te concupiscentijs sempiternis; ne vanis illectus & deceptus interior gustus ponat amarum dulce & dulce amarum.

B: eu. cap.
9. medit.

Aug. soli-
loq cap.
12.



*Viam dirigantur viæ meæ ad custodiendas
iustificationes tuas! Psal. 119.*

I I.

Vtinam dirigantur viæ meæ ad custodiendas, iustificationes tuas!

Psalms. 118.

QUOD ferar in tanto deprensa errore viarum.
Scetum ubi tam vario tramite fallit iter?

Hæc abit in dextram, tenet altera semita laeuam,

Illæ tumet in cliuos, vallibus ista iacet:

Hæc faciles aditus, aditus habet illa malignos,

Et quos illa tegit, detegit illa dolos.

Quoq; vel hæc tendat, vel quod se porrigat illa,

Exitus implexo sine videre vetat.

Non ita, quæ partes via se findebat in ambas,

Herculis ambiguum fecit euntis iter,

Nec totidem refluus Meander flectitur vndis,

Ipse suis quamuis obuius erret aquis.

Nec labyrinthæ ita tanta est fallacia recti,

Curua licet varijs flexibus antra tegat.

Heu grauiora meos cohibent discrimina gressus!

En geminâ dubiam parte pericla premunt:

Non ego quæ metuam diuortia mille viarum)

(Solus Dadaleâ, qui fuit ade labor)

Sed præter varios curuis ambagibus orbes,

Nox etiam cæcas celat opaca vias;

Nullæque se presso monstrant vestigia signo,

Quâ populus trito calle, notârit iter.

Et licet explorem prætensis obuia palmis,

Et vitæ obstantes, tubera dura, petras;

Vix satis inceptos ausim producere cursus,
 Sed retinent timidum noxq₃, dolusq₃ gradum.
 Lassus ut ignotâ cum fors regione viator
 Opprimitur nebulâ precipitante diem:
 Nullaq₃, iam toto collucet sidera Cœlo,
 Nec propè sunt vllæ, rustica tecta, case;
 Nullaq₃, signato callem notat orbita sulco,
 Villa nec humano semita trita pede;
 Nec scit, an in sylvas, an eat ruiturus in vndas,
 Longiùs inceptam si paret ire viam,
 Tum validis inutos compellat vocibus agros
 Si quis aberranti præstet arator opem.
 Utq₃, vel è stabulis tacitisq₃, quis audiat antris,
 Ingeminant longos, terq₃ quaterq₃ sonos.
 Omnis at in surdas clamor volat irritus auras,
 Nullaq₃, Pastoris verba remissa sonant.
 O quis in his tendat mihi stamina fida periclis?
 Quis Deus, in tantâ, sit mihi nocte Pharos?
 Is acidas quondam per inhospita regna vagantes,
 Insolitas docuit clara columna vias:
 Stella comes monuit Nabathæos lumine reges,
 Paruaq₃, Bethlemie duxit in antra domus.
 Quin recreant trepidos, fratrum duo sidera, nautas
 Tu quoq₃, mi gemini Castoris ede facem.
 Gnosîs aberrantem reuocauit Thesea filo,
 Sestaq₃, Leandro fixit amica facem.
 Ecce ego sum Theseus, vice tu mihi sis Ariadnes,
 Cumq₃, ero Leander sis vice Sestiados.
 Aspicias ut multi, vaga turba, per auia currant,
 Et suus huc, illuc, quemlibet error agat?

Hic cadit ignotâ præceptis Regione viarum,
Ille vago cæcum tramite versat iter:
Hic celerat cursus; hic passu deside lentat;
Sapius ille suos fer. q₃, refert q₃, gradus:
Hic diuersus abit, lateri comes ille propinquat;
Hic comitis ductu fallitur, ille suo:
Perpetuos aliquis vestigia flectit in orbes,
Alter in obliquas voluitur vsque vias:
Hic ratus ad certam cursu se tendere metam,
Decepto repetit limina prima pede:
Denique in errorem facto ruit agmine vulgus,
Quodq₃ tenere decet, vix tenet vllus iter.
O viam, recto tendat mea semita ductu,
Nec fraus decipiat tramitis vlla gradum?
Qualis at excusso f. git irreuocabilis arcu,
Dum volat ad certum missa, aguta locum;
Talis in offenso festinet limite cursus,
Quâ tua nempe mouent tendere iussa, viâ.
Esto igitur mea lux, quoties iaculabere, neruus;
Quemq₃ petis iaculis lex tua sancta, scopus;
Quaq₃ scopum cupies certus tetigisse sagitta,
Illa ego sim digitis lecta sagitta tuis.

Vtinam dirigantur via mee ad custodiendas iustificationes tuas. Psal. 118.

Aug. l. 2.
de oper.
merit.

HIEREMIAS dicit: Scio Domine, quia non est in homine via eius; nec viri est ut ambulet & dirigat gressus suos. Hinc & in Psalmis cum quidam dixisset Deo: tu mandasti mandata tua custodiri nimis, continuo, non de se præsumpsit, sed optauit ut faceret. *Vtinam, inquit, dirigantur via mee ad custodiendas iustificationes tuas.*

Ambr, in
Psal. 118.
Oñon, 5.

Miles qui ingreditur iter, viandi ordinem non ipse disponit sibi, nec pro suo arbitrio viam carpit, nec voluntaria captat compendia. ne recedat à signis; sed itinerarium ab Imperatore accipit & custodit illud; præscripto incedit ordine, rectâque viâ conficit iter, ut inueniat com meatum, parata sibi subsidia. Hanc legem viandi esse præscriptam, Christo ducente, sanctis com meatibus, recognoscas velim. Profecti sunt enim & Patres nostri de terrâ Ægypti, per longa spatia terrarum, quorum statiuæ omnes, mansionesque descripta sunt. Aduertimus ergo quis has ordinauerit mansiones, quomodo ambulare oporteret filios Israel. Præibat enim illos, per diem; Deus in columnâ nubis; noctu autem in columnâ ignis, ut viam ostenderet ambulanti bus & tenebras dimoueret,
lex

lex viarum, columna erat & ignis & nubes.

Multæ enim sunt viæ & multa genera viarum; magnum profectò periculum viatori. Quàm facilè in multarum occurſu, erabit in viâ ſuâ, qui viarum diſcretione caruerit? Scrutemur proinde vias noſtras, etiam vias dæmonum, vias quoque Beatorum ſpirituum, & vias Domini inueſtigemus.

[Si enim] viam ingreſſas cùm veneris ad compitum aliquod: (& nescias quod iter ingredi debeas) ſtas & cogitas ipſe tecum, vtrum primam, aut ſecundam, aut tertiam viam eligas quam ſequaris, nec putas priùs adoriendum iter quàm animo deficiens; quanto magis animo debes ac mente conſiſtere quid ad regnum cæleſte tendis, & cogitare tecum, quia non omnis via illò ducit, non omnis eò dirigit ad Hieruſalem illam quæ in cælo eſt. Sunt viæ quæ malos exitus mortis habent. Hæ ſunt viæ de quibus legiſti: *Quia ſunt viæ quæ videntur viro rectæ eſſe, vltima autem eius aſpiciunt in profundum inferni.*

Viæ igitur filiorum Adam in neceſſitate & cupiditate verſantur. Ab vtraque ſiquidem ducimur, & ab vtraque trahimur, niſi quod videmur magis vrgeri neceſſitate, trahi cupiditate. Et neceſſitas quidem ſpecialiter corpori tribuenda videtur, nec ſimplex illa eſt, *ſed anfractus habens plurimos* plurimæque diſpendia; nam compendia pauca ad-

Bern ſer.
11. ſuper
*Qui habitat
in adiutorio.*

Ambr. in
Pſalm. 118.
oſton. 8.

Bern ſerm.
11. ſuper
Qui habitat.

modum, si qua tamen. In his quoque docetur quàm necesse habeat clamare ad Dominum, non de necessitate, sed de *necessitatibus meis erue me*. Non modò ab hâc viâ necessitatis, sed ab eâ quoque quæ cupiditatis est, optabit educi, quisquis non surdâ aure monita Sapientis exceperit. Qu' d enim ille ait? *à voluntatibus tuis auertere*, & item: *post concupiscentias tuas non eas*. Hæ sunt viæ quæ videntur hominibus bonæ, sed finem non habent nisi cùm demergunt in profundum.

Ibid.

Si inuenisti vias hominum, illud quoque considera, ne fortè de his dictum sit: *Contritio & infelicitas in vijs eorum*: vt sit contritio in necessitate, infelicitas in cupiditate. Videamus & vias Dæmonum, videamus & caueamus; videamus, & fugiamus eas; siquidem via illorû. Præsumptio & Obstinatio. Quàm peruerso & euerso sūt corde filij hominum! quicumque sectantur vias Dæmonum, ingrediuntur Dæmonum vias. Hæc enim tota aduersum nos spiritualium colluctatio nequitiarum est, vt nos seducant, vt nos inducant in vias suas, vt deducant in eis, perducant ad destinatum finem, qui paratus est eis. Quæ verò sunt sanctorum Angelorum viæ? Profectò illæ, quas vnigenitus enarrauit dicens: *Videbitis Angelos ascendentes & descendes super filium hominis*. Ascensio igitur & descensio viæ illorum. Ascensio propter se, descen-

descensio vel potiùs condescensio propter nos. Puto & vias Domini vultis audire. Docuit itaque vias suas, cùm aperuit labia Prophetæ vt diceret : *Vniuersa via Domini misericordia & veritas.* Ita ad singulos, ita ad omnes communiter venit, in misericordiâ scilicet & veritate. *Ab his itineribus incuruati sunt colles mundi;* superbi, Dæmones, Principes.

Iste ordo est, alij præcedunt, alij sequuntur. Qui præcedunt exemplum se præbent sequentibus; numquid neminem sequuntur? Si neminem sequuntur, errabunt. Sequuntur ergo & illi aliquem, ipsum CHRISTVM. Et cernitis ordinatos gressus per Paulum Apostolum dicentem. *Imitatores estote sicut & ego CHRISTI.* Iusti attendendo eos qui se in bono præcedunt, imitando sequuntur. Quomodo sequuntur? *Videbunt iusti & timebunt.* Videbunt & timebunt sequi vias malas. cùm vident quosque meliores, iam elegisse vias meliores, & dicunt in animo suo, quemadmodum solent dicere viatores, attendentes alios cum præsumptione ambulantes in viâ, ipsi adhuc incerti viæ, & quasi fluctuantes quò eant, dicunt sibi: Non frustrâ illi hâc eunt, quando illò eunt, quò nos ire volumus. Et quare cum magnâ fiduciâ hâc eunt, nisi quia illàc ire perniciosum est. Videbunt ergo iusti & timebunt. Angustam viam vident illàc; hâc vident paucos, illàc multos; sed si iustus es,

Aug. in
Psalm.

es, noli numerare; noli numerare turbas hominum incedentes latas vias; noli eos attendere, multi sunt; pauci autem per viam angustam.

Greg. cap.
17. lib. 7.
mor. in
c. 6. 16b.

Reproborum [siquidem] *semitæ* semper *inuolutæ* sunt, ut prauis concupiscentijs dediti aut bona nulla appetant, aut appetentes infirmo desiderio ad hæc nequaquam mentis *liberos gressus* tendant. Rectâ enim aut non incipiunt, aut in ipso fracti itinere, adhæc minimè pertingunt, unde fit plerumque, ut ad morem suum, lassati redeant, seseque ab intentione animi in carnis voluptatibus sternant; sola quæ transeunt, cogitent; nulla quæ secum permaneant, curent.

August. in
Psalm. 139.

Caput circuitus eorum? quid est circuitus ipsorum? ut circumeant & non stent, in gyrum eant erroris, ubi iter est sine fine: qui enim in longum it, aliunde incipit, alicubi finit; qui in gyrum it, nusquam finit. Ipse est labor impiorum, qui demonstratur in alio Psalmo euidentius: *in circuitu impij ambulant.*

Greg. lib.
7. mor. c.
24. in cap.
6. Job.

Benè ergo de reprobis dicitur: *Inuolutæ sunt semitæ gressuum eorum*, quia recta quidem deliberando appetunt, sed ad consueta semper mala replicantur, & quasi extra se tensi, ad semetipsos per circuitum redeunt, qui bona quidem cupiunt, sed à malis nequicquam recedunt.

Bonau. in
Psalm. 36.

Et quidem cadunt extra viam; ut ille qui
num-

numquam fuit de Ecclesia. Quidam cadunt à viâ ; vnde hoc: *Melius est viam iustitiæ non agnoscere, quàm post agnitam retroire.* Quidam cadunt in viam, vnde dicitur; *iustus septies cadit in die.*

Sed est multa differentia inter casum Iusti & iniusti: *Iustus*, Inquit, *cùm ceciderit, non prosternitur.* Iniustus, & qui spem non habet in Deo positam, si ceciderit, prosternitur, & non surgit, id est, si peccauerit non pœnitet, & peccatum suum emendare nescit.

Orig.
hom. 4. in
Psal. 36.

O tortuosas vias! vix animæ audaci, quæ speravit, si à te recessisset, se aliquid meliùs habituram! Versa & reuerfa; in tergum & in latera, & in ventrè, & dura sunt omnia, & tu solus requies. Et ecce ades, & liberas à miserabilibus erroribus, & constituis nos in viâ tuâ, & consolaris & dicis; *Currite ego feram, & ego perducam, & ego ibi feram.*

Aug. con-
fess. 6, c.
16.

Meliùs dirigebantur à Domino gressus eorum, quibus per noctem, ignis columna lucebat; per diem, nubis. Et tu merere factis, votisque deposce, vt gressus tui à Domino dirigantur, ne moueantur pedes tui. Cauendum est quoque ne rectam semitam derelinquas, & diuerticula te viarum tortuosarum decipiant. Ideò dicit: *Parate viam Domini, rectas facite semitas eius.* Rectas faciamus animorum semitas, ne labamur, ne effundantur gressus nostri sicut vxoris Loth, quæ post se respexit, & gressus

Amb. in
Psal. 36.

tenere non potuit, sed effusi sunt. Non effundantur sicut Ægyptiorum, quorum gressum maris fluctus effudit. Nónne de his pulchrè dixeris; *Effusi sunt gressus eorum*, quos benè vixisse pœnituit?

August. in
Psal. 38.

O qui dereliquisti semitas rectas, abeundo in vias tenebrarum! ô qui lætamini in malis, & gaudetis in eversione malâ, quorum semitæ prauæ, & *flexuosi cursus eorum* sicut lubricus & fluxuosus author ipsorum, cur odisse cœpistis viam rectam! Non vos direxit Dominus.

Aug. soli-
loq. cap. 4.

O Domine qui lux es, qui es via, veritas & vita, in quo non sunt tenebræ, error, vanitas, neque mors. Lux sine quâ tenebræ; via sine quâ error; veritas, sine quâ vanitas, vita sine quâ mors: Dic verbum, Domine; fiat lux, vt videam lucem & vitem tenebras: videam viam, & vitem inuium: videam veritatem & vitem vanitatem: videam vitam, & vitem mortem, *Illuminare, inquam, illuminare huic cocco, qui in tenebris & in umbrâ mortis sedet, & dirige pedes eius in viam pacis!*

Nyssen.
orat. 4.
in Cant.

[Fac] vt anima [mea] telum sit in manu potentis ad scopum supernum directum, [scio] esse eundem & sponsum nostrum & sagittarium; [fac] eandem item animam esse sponsam & telum, quâ ille tamquam telo vtatur, dum eam bonum ad scopum dirigit.





*Perfice gressus meos in semitis tuis, vt non
moueantur vestigia mea. Psal. 16.*

III.

Perfice gressus meos in semitis tuis:
 vt non moueantur vestigia mea.
Psal. 16.

Ergo caduca gradum toties mihi tibia faller,
 Sternet & in planâ pes vitiosus humo?
 Aspice, qui Cœlis hominum vestigia spectas,
 Firmaq; fac presso stet mea planta solo.
 Instruit implumes pennata Ciconia pullos,
 Et docet aërias præpes inire vias.
 Exemplo volucrem sequitur modò filia Matrem,
 Tutaq; iam peragit, quod metuebat, iter.
 Prouocat expansis sobolem Iouis armiger alis,
 Et iubet insuetas sollicitare plagas.
 Mox prait, & pleno se iactat in aërâ lapsu,
 Remigio soboles subsequiturq; patrem.
 Dum primum ignotas tentat puer inscius vndas,
 Corporis indoctum subere fulcit onus:
 Mox opus oblitus, flumen sine cortice tranat,
 Flumen inexperro sapè sed ore bibit:
 Sapiùs at doctis vbi plauserit aquora palmis,
 Ducit in immenso brachia tuta salo.
 Aspice, qui in Cœlis hominum vestigia spectas,
 Aspice, quâ nobis arte leuetur iter:
 Sustineor fragili puerilia membra curuli,
 Quæq; vehunt socias ipsa propello rotas.
 Nempe tripes baculi sic stipite nititur atas,
 Quiq; senem vectat à sene fertur equus.

Netamen ambiguis malè decipiare querelis;
 De pedibus, tecum nulla querela meis:
 Nec vitio planta, vitio neque crura laborant;
 Saxa per & salebras tibia nostra salit.
 Non ego pennipedi dubitem certare Camilla,
 Isse per intactas qua pede, fertur, aquas.
 Quod queror, est animi vitium lacrymabile nostri,
 Qui, quibus incedat, languidus est pedibus.
 Heu iacet afflictis, afflictibus omnibus aeger!
 (Hi, quibus incesit, nempe fuere pedes)
 Si quod iter, quamuis breue sit, viriutis eundum est,
 Mens mihi sit minima lassa labore via;
 Crura forent fragilis veluti tu, Nile, papyrus,
 Quæq; ruit motâ canna palustris aquâ.
 Rarus, at immodicus quandoque resuscitat ardor,
 Et pede fulmineo stringere cogit iter:
 Sed bene vix cœptum, currendi exstinguitur ardor;
 Lampadis vt magno flammula parua Noto.
 Netamen ignauis videar segnescere plantis,
 Promoueo tardos pigra subinde gradus.
 At mea tunc, caueam quisquam vestigia seruet,
 Ne puter immodicis ebria facta scyphis:
 Scilicet in partes ita tibi claudicat ambas,
 Semipedis claudi pes vt hiuleat iter.
 Hunc volo, nunc nolo, nunc aestuo, nunc languesco,
 Nunc stupet vt rigido mens religata gelu.
 Impatiens igitur, cœpti sine fruge laboris,
 Sæpè via medio, lassa retento gradum.
 Sed neque, quâ languens statione resistere tento,
 Instabilem valeo figere firma pedem.

Auferor

*Auferor aduerso velut incita puppis ab æstu,
 Quam neque vis remi nec sua vela iuuant;
 Damnaq³ sunt iterum vano redimenda recursu,
 Irritus æterno sic redit orbe labor.
 Nempe catenati, sic publica corpora. serui
 Circumeunt toties, pendula tecta mole.
 It mola, perq³ suos rapitur circumvaga gyros;
 Sed perit his, quicquid conficit illa via.
 Heu quid agā! neque sœta vehi neq³ currere docta,
 Nec pedibus minimas utilis ire vias!
 Magnum iter est Cælo, magnis huc passibus itur;
 Quid faciet lentis nostra quadriga rotis?
 Tu spatia ingenti perlaberis ardua saltu,
 Vastaq³ tergemini crura gigantis habes.
 Eoum passu, Hesperiumq³ amplectere mundum,
 Sub femur vt Rhodius vela Colossus agit:
 Ast testudineo reptat mihi tibia gressu,
 Aut chelis referor, Cancer adunce, tuis.
 Quid possis igitur sperem contingere metas,
 Quæ metas refugo perdita sector equo?
 O Deus, ambiguos trepidantis persice gressus,
 Vincat & applausis nostra quadriga rotis!*

*Persice gressus meos in semitis tuis, vt
 non moueantur vestigia mea.*

Psal. 16.

IN quo corrigit adolescentior viam suam?

Psal. 118.

Sapē etenim egregiā dum spe subnixus, in altum *Nazian, de
vit. huma.*

*Efferror, ac mediæ virtutis septa volatu
 Transilio, dirus resupinum mentis ad ima
 Præcipitem fundit Satanas; mihiq; accidit illud,
 Quod solet huic, qui lutoreâ dum incedit arenâ,
 Haud certa elusis pedibus vestigia firmat.
 Erigor ipse iterum, rursusq; in terga relabor,
 Infelix magè, quàm prius; incedensq; labore
 Perpetuo, trepidumq; fouens in corde pauorem
 Vix gradior, citus at labens figo oscula terra.*

*Pfal. 24. Vias tuas Domine demonstra mihi, & semitas
 tuas edoce me.*

Pfal. 85. Deduc me in viâ tuâ.

Pfal. 142. Fac mihi viam in quâ ambulem.

*Ambr. de-
 fugâ sæcu-
 li, cap. 1.*

Nam quis inter tot passionēs huius corporis, inter tantas illecebras huius sæculi, tutum atque intemeratum seruare potest *Vestigium*? Respexit oculus, & sensum mētis auertit, audiuit auris, & intentionem inflexit; inhalauit odor, & cogitationem impediuit; os libauit, & crīmen retulit; tactus contigit, & ignem adoleuit.

*Orig.
 hom, 4. in
 Psal. 36.*

[Quare] qui iter agit ad virtutem, multa sunt quæ digredi habet & transire. Ergo & tu, quia ad CHRISTVM tendis (qui est Dei virtus) digredere luxuriam, scorta, adulterium; digredere furta, falsa testimonia; tum deinde digredere & avaritiam, & omnem pecuniæ cæterarumque malarum rerum concupiscentiam; digredere mendacium, digredere stultitiam sæculi.

Bonum

Bonum crus fac pedi tuo, non enim naturæ est, sed voluntatis: leuem hanc reddamus, ne celeritati pedum reliquum pondus officiat. Doce pedes esse cautos; pauimentum enim multis locis est lubricum; ac si cadas, multa perdidisti: attamen & si cecideris, surge; licet enim & hoc pacto vincere. Nunquam lubricis rebus te committas, & non cades: super solidas ac stabiles curre.

Chrys. in 3
c. ad Phil.

In eo namque ostendimus quantâ ad Dominum cupiditate flagramus, si non solum ad eum per tranquilla & mollia, sed etiam per aspera & dura transimus. Hinc namque Propheta ait: *Qui perficit pedes meos, quasi cerui*. Ceruus enim cum montium iuga conscendit, quæque aspicit aspera, quæque se obijciunt sentibus illigata, dato saltu transgreditur, & absque vlllo cursus sui obstaculo, in superioribus eleuatur; ita etiam electorum mentes, quæque sibi in hoc mundo obistere atque obuiare conspiciunt, contemplationis saltu transcendunt, & more ceruorum, despectis terrenorum sentibus, in superna se euehant.

Greg. l. 26.
mor. c. 10.
in cap. 35.
Iob.

Est ascensio, est transilitio, non pedibus, non scalis, non pennis; & tamen si interiorem hominem attendas, & pedibus, & scalis, & pennis. Nam si non pedibus: quomodo dicit homo interior. *Non veniat mihi pes superbia?* si non scalis; quid sunt quas

Aug. in
Psal. 38.

vidit Iacob? si non pennis, quis est qui dicit;
*Quis dabit mihi pennas sicut columba, & volabo
 & requiescam?* sed in rebus corporalibus, aliud sunt pedes, aliud scalæ, aliud pennæ. Intus autem & pedes & scalæ, & pennæ affectus sunt & bonæ voluntates.

Bern.
 serm. 25.
 in Cant.

Stat [anima] manu verbi leuata velut super duos pedes, deuotionem & agnitionem. Stat inquam, sed sibi putet dictum, *qui se existimat stare, videat ne cadat.* Puta si stare per se poterit, quæ surgere per se non potuit? Cur ergo si stare per se poterat, orabat homo de terrâ, *Confirma me*, inquit, *in verbis tuis Domine*: Denique & probârat. Eius ipsius illa vox fuit: *Impulsus, euersus sum vt caderem, & Dominus suscepit me.* Quæris, quis ille impulsor? non est vnus. Impulsor Diabolus est, impulsor Mundus, impulsor Homo. Quis iste homo sit, quæris? quisque sui. Noli mirari, vsque ad eum homo impulsor sibi est, & suimet præcipitator, vt non sit quod ab altero & impulsore formides, si ipse à te proprias contineas manus: manus tua, consensus tuus. Cùm igitur tres sint stanti imminentes stratores; horum, Diabolus liuore malitiæ; Mundus, vento vanitatis; Homo, semetipsum pondere suæ corruptionis impellit. Impellit Diabolus, sed non euertit, si quidem tuum tu illi negaueris assensum. Est & mundus impulsor; quia
 in ma-

in maligno positus est; impellit omnes, sed solos euertit amicos suos. Ex quo satis claret, quàm sit Homo præcipuus impulsor sui, qui suo, sine alieno impulsu, cadere potest; alieno, absque suo, cadere non potest. Sed innixum verbo & indutum virtute ex alto, nulla vis, nulla fraus, nulla iam illecebra poterit vel stantem deiicere, vel subijcere dominantem. Vis non timere impulsorem? *Non veniat tibi pes superbia, & manus impellentis non moueat te. ibi ceciderunt, qui operantur iniquitatem*, ibi Diabolus & Angeli corruerunt. Denique *in veritate non stetit* qui non innixus est verbo: & ideò fortassis sedere voluit, qui stare non valuit; dicebat enim: *sedebo in monte testamenti*. Ceterùm Deo aliter iudicante nec stetit, nec sedit, sed cecidit, dicente Domino, *Videbam Sathanam sicut fulgur de calo cadentem*: ergo qui stat, si non vult cadere, non fidat sibi, sed nitatur verbo. Cuius manu erigeris, ipsius necesse est virtute tenearis.

Via nostra, ambulantes quærit; sed tria sunt hominum genera quæ odit: Remanentem, Retro-redeuntem, Abeuntem: ab his tribus generibus malis, Domino adiuuante vindicetur, & defendatur gressus noster. Iam verò cùm ambulantes sumus, alius tardiùs ambulat, alius celeriùs, ambobus tamen ambulant; excitandi sunt ergo

Aug.
tract. de
Cant.
nouo c. 7.

Remanentes ; Retro-redeuntēs reuocandi ; Errantes in viam ducendi ; Tardi exhortandi ; Celeres imitandi. Qui non proficit, remansit in viâ ; qui fortè à meliore proposito declinat, ad id quod deterius reliquerat, reuersus est retrò ; qui fidem deserit, à viâ errauit. Cùm tardis sit nobis & cum celerioribus ratio, cum ambulātibz tamen. Quis est qui non proficit ? qui se putauerit esse sapientem, qui dixerit, Sufficit mihi, quod sum : qui non attenderit eum, qui dicit : *quæ retrò oblitus in ea quæ ante sunt extentus secundum intentionem, sequor ad palmam vocationis Dei in CHRISTO IESU.* Currentem se dixit, sequentem se dixit, non remansit, non retrospexit : absit vt errauerit, quia viam ipse docebat, qui & tenebat, & ostendebat.

Paul. epist.
ad Galan.
in fine in-
ter epist.
Hier. 10. 1.

Beati sunt qui non de præteritâ sibi iustitiâ blandientes, secundum Apostolum, per dies singulos in virtute renouantur. Iustitia enim Iusti non proderit ei, à quo die iustus esse desierit. Sanctus ergo securus esse non debet, quamdiu in huius vitæ agone versatur, sed totum quo tenditur spatiû, vitæ tuæ est, vt peragere possis iustitiâ, nec de præteritâ iustitiâ confidens remissior efficiaris.

Aug. ser. 11
de verbis
Apostol.

Quare semper tibi displiceat quod es, si vis peruenire ad id quod nondum es ; nam vbi tibi placuisti, ibi remansisti. Si au-

tem

tem dixeris, sufficit; & peristi, semper adde, semper ambula, semper profice, noli in viâ remanere, noli retroredire, noli deuiare. Remanet, qui non proficit; retro-redit, qui ad alia reuoluitur vnde iam abcesse-rat; deuiat, qui apostatat. Meliùs it claudus in viâ, quàm cursor præter viam.

Et quid claudicatis in duas partes? dixit Elias Aug. lib. 4. de symb. ad Catech. populo. Si Deus est, ite post illum; si mundus est, ite post illum; si Deus eligitur, seruiatur illi, secundùm ipsius voluntatem; si mundus eligitur, vt quid fictum cor quasi Deo accommodatur? quid tibi cum pompis Diaboli, amator CHRISTI? ô munde im-munde, teneri vis pergens, quid faceres si remaneres? quem non deciperes dulcis, si amarus alimenta mentiris?

Deus Dominus fortitudo mea, & ponet pedes meos quasi ceruorum. Habacuc. 3

Sperabam aliquando in virtute meâ, quæ Aug. Soli- loq. c. 25. tamen non erat virtus; & sic volui currere, vbi magis stare credebam, ibi magis cecidi, factusque sum magis retrò, & non antè, & quod credebam consequi, magis elonga-tum est à me.

Cogitavi [ergo] vias meas, & conuerti pedes meos in testimonia tua. Psal. 118.

Adhuc sequor, adhuc proficio, adhuc ambulo, adhuc in viâ sum, adhuc me exten-do, nondum perueni. Aug. ser. 15 de ver. Dominis



*Confige timore tuo carnes meas, a iudicij's
enim tuis timui. Psal. us.*

I V.

Confige timore tuo carnes meas , à
iudicijs enim tuis timui. *Psal.* 118.

Littera prima rudi quondã inculcata iuuenta,
Fertur ab antiquis, Numinis esse Timor:
Certaq; non aliã Sapiencia discitur arte
Si quã fides verbis, Nate Dauide, tuis.
Hoc quoque nostra fuit formata puertia ludo,
Docta q; fidereas mens trepidare minas.
Semper at heu! tantis stupuit mens cœca tenebris,
Ut neque, quod toties audiit, Alpha sciat.
Tristibus Orbiliꝝ plectenda ignauia sceptris,
Post malè tot positos, nil didicisse, dies.
Et pueri ferulis segnes Elementa docentur,
Qua leuis assequitur sedulitate labor;
Aspiciunt nigras Cadmi bis, tœrue, puellas,
Aspectasq; vocant, nomine quamque suo:
Et licet atrato sit par color omnibus ore,
Signa tamen faciem propria quamque notant.
Cur ego quod teneris Infantia combibit annis,
Discere non etiam tempore posse putem?
Plurima sunt, nullo penitus mihi docta Magistro.
Cur disci nequeat, arte iuuante, Timor?
Ab pudet! en timeo, quæ contempsisse decebat;
Non timeo, iustos quæ meruerê metus.
Flagitium , minimo timeo committere teste,
Non timeo facinus, teste patrare Deo.
Ne corpus perimant, metuo de nocte latrones,
Nil metuens Anima certa pericla mea.

Nempe

Nempe fugit picta sic passer imagine larua,
 Illita cui visco virga timenda fuit.
Sic tremit aspecta ceruus formidine penne,
 Nec tremit obstantes, agmina rauca, canes.
Sic quoque, Marmarica trepidat leo terror arena,
 Et cadit in tensas, territus igne plagas.
Heu! premit humanas furor hic caligine mentes,
 Fulgetras metuunt fulmina, nulla pauent:
Subjicitur pedibus nigri metus omnis Auerni,
 Creduntur stygij fabula ficta foci.
Scilicet, abiecto leue fit scelus omne Timore,
 Sed grauis insequitur pœna Timore, scelus.
Flagitijs demum incipiunt trepidare peractis,
 Ante scelus, nullus pectora terror habet.
Tum pauor heu madidis mentem sudoribus angit,
 Et lesi ante oculos Numinis ara redit!
Tum subitus strato vigilas Timor excutit artus,
 Propria tum vacuos terret imago thoros.
Si strepitum moti dederit mus stramine lecti,
 Creditur è syluis exiluisse leo:
Nocte leuis, quassâ si murmuret arbore ventus,
 Horrescunt rigide, fronde sonante, comæ.
Quid faciant, subitis si fulminet ignibus æther,
 Aut sonet æthereo grandior axe fragor?
Pectora cœlesti stupeans percussa tumultu,
 Et flammâ metuant dissiliente peti.
Tunc terrent auræ, tunc terrent scilicet vmbra,
 Augurioq; notant omnia signa necem.
Quin etiam nemorum nocturna silentia terrent,
 Ipsaq; se fontem mens furiosa timet.

En quantum miseris pœna, mens conscia donat;

Ipse in sese animus verbera tortor agit.

Heu quoties stygi, turbato in Casare, manes;

Pharsali quoties enicuiſtis agri!

Sæue Patris vindex, furiis agitaris, Oreste,

Umbra trucidatæ viua Parentis erat.

Mæste colubriferâ Pentheulaniaris Erynni,

Vindicat hoc lasos verbere Diua Deos.

Nulla reos animos agitat magè dira Tyrannis,

Quàm testem assidue pectore ferre suum.

O Deus! ô confige tuo mihi corda timore!

Ne peccem, furor hâc cuspide noster eget.

Vtilis ante scelus Timor est qui frena gubernet,

Qui timet, admissò crimine, serò timet.

Confige timore tuo carnes meas, à iudicijs enim tuis timui. Psalm. 18.

NISI timor instituendæ vitæ nostræ rudimenta iaciat, impossibile fuerit sanctimoniam legitimè obleruari. *Confige, inquit, timore tuo carnes meas;* nam quemadmodum qui corporis membra habent clavis transfixa, ad actionem quamlibet immobilia ea retinet, sic ij quorum animam occupauit *Dei timor*, omnē prorsus importunam peccati & obstreperam occasionem vitant: Timenti itaque nulla ad complectendam virtutem deficit facultas, cùm per *Timorem* ab indecorâ omni & absurdâ actione reuocatur & impeditur.

Basil.
hom. in
Psalm. 33.

Nam

Chryf.
hom. 53.
in Ioan.

Nam quemadmodum quercus aliùs demissis radicibus, nullius venti viribus sternitur, ita animam *Diuino timore confixam* nullus tentationum ventus euellet.

Ambr. in
Psal. 118.
Oton. 15.

Sunt autem & carnes quædam animæ, sicut corpus est animæ. Carnes animæ, sunt carnales cogitationes: *Configat has carnes timor Domini & iudiciorum eius.*

Basil.
hom. in
Pla. 33.

Eiusmodi ergo timore eruditus, quasi freno quopiam ab arce, & inhibe animam ad vitiosam concupiscentiam propendentem.

Bern.
serm. 29.
in Cant.

Prudenter sagittari & impugnari salubriter postulat Sanctus cum dicit in oratione, *Confige timore tuo carnes meas*; optima *Timor iste sagitta*, qui configit & interficit carnis desideria, ut spiritus saluus sit.

Bern. lib.
de interio-
re do-
mo, ca. 36.
Bern. ser.
54. in Cat.

Teneat ergo & terreat timor Iudicij, metus gehennæ, laquei mortis, dolores inferni, ignis vrens, vermis corrodens, sulphur fœrens, flamma tartarea & omnia mala.

In veritate enim didici, nihil equè efficax esse ad gratiam promerendam, retinendam, recuperandam; quàm si omni tempore, coram Deo, inueniaris non altum sapere, sed timere. Beatus es si cor tuum triplici amore repleueris; ut timeas quidem pro acceptâ gratiâ, ampliùs pro amissâ, longè plus pro recuperatâ.

August. in
Psal. 52.

[Sed multi] *trepidauerunt timore, vbi non erat timor.* numquid enim timor est si quis perdat

perdat diuitias? non est ibi timor, & ibi timetur. si quis autem perdat sapientiam, ibi verè timor, & ibi non timetur. Stultitia, dicens in corde suo, non est Deus; timuisti perdere terram & perdidisti cœlum!

[Sed] ita se habet peccatum, vt priusquã fiat & ad opus perueniãt, obtenebret & decipiat mentem; postquam autem consummatur, manifestè nobis suam absurditatem proferat & ostendat. Vnde brevis illa & absurda voluptas continuum menti dolorem inserit, conscientiaëque fiduciam aufert, cõfusione captam perfundēs. Misericors enim Deus eiusmodi accusatorem nobis assistere voluit, vt nunquam soli relinquamur, sed indefinenter ille cõgrediens clamet, & pœnam exigat delictorum. Scottator enim vel adulter, etiamsi omnium obliuisci queat, numquam tamen sic in solitudine versatur, quin habens acrem illum accusatorem, suspiciones timeat, vmbras tremiscat, & eos qui conscij sunt, & qui non sunt; perpetuaque in animo eius potestas est, ac reciprocantes, & contrarij fluctus. Insuper neque somnus ei suavis, sed terrore & formidine plenus; neq; cibus voluptatē præbet, neque amicorum colloquia talem refocillare vel liberare ab urgente anxietate possunt: sed quasi *Carnificem gestaret se lancinantem & flagellantem continuo*, ita post admissum facinus

Chrys.
hom. 20.
in Genes.

nus obambulat; nullo conscio, sustinens intolerabiles pœnas illas, & iudex sui ipsius factus & accusator.

Iob 15.

Sonitus terroris semper in auribus illius: & cum pax sit, ille semper insidias suspicatur.

Chrysoſt.
concl. I de
Lazaro, in
c. 16. Luc.

Explica mihi [improbi] conscientiam, & videbis intus grauem peccatorum tumultum, iugem metum, tempestatem turbationum videbis, velut in curiâ, mentem ad thronum conscientiae conscēdiſſe regalem, & tamquam Iudicem quempiam ſedentem & cogitationes loco carnificum adhibentem, in equuleo ſuspendentem, lateraque conscientiae radentē vngulis; pro commiſſis vehementer inclamantem, cum nemo ſciat, niſi quod ſolus Deus hæc videre nouerit. Etenim qui committit adulterium, etiamſi millies fuerit diues, etiamſi nullum habeat accusatorem, non deſinit tamen intus ſe accuſare. Et voluptas quidem temporaria eſt, dolor verò perpetuus; timor vndique ac tremor, ſuſpicio & anxietas: angulos metuit, umbras ipſas formidat, ſuos ipſius famulos, conſcios, inſcios; illam ipſam quam corrumpit, & virum quem affecit contumeliâ. Obambulat, amarum accusatorem circumferens, conscientiam, cum ſit ſuo ipſius iudicio damnatus, nec poſſit vel ad breue tempus reſpirare. Nam & in lecto, & in menſâ, & in foro, & in domo, & interdium & noctu,

& in

& in ipsis frequēter somnijs, hæc iniquitatis simulacra videt, ipsiusque Cain vitam viuūt, gemens ac tremens super terram, cū nemo sciat; intus tamen habet ignem implicitum. Idem patiuntur & qui rapinam exercent, & qui fraude lucrum faciunt, & ebriosi, & in summā quotquot in peccatis viuunt Neque enim vllā ratione iudicium illud potest corrumpi muneribus.

Externi iudices & pecunijs corrumpuntur, & assentionibus delinquantur & metu simulant; denique multa sunt alia, quæ rectum illorum iudicium deprauant: At conscientia tribunal, nulli hominum nouit cedere, sed quamuis dederis pecunias, quamuis mineris, quamuis aliud quidlibet feceris, iustam feret sententiam aduersus peccatorum cogitationes, adeo ut ipse quoque qui peccatum admisit seipsum condemnet etiamsi alius nullus accuset.

Chrysoſt.
conc. 4. de
Lazar.

Incorruptus iudex, conscientia, cū aduersus hominem exurgit, clarā voce clamat & accusat, & ostendit, & quasi ante oculos scribit peccatorum magnitudinem.

Chrysoſt.
hom. 17.
in Gen.

Conſige [ergo Domine] timore tuo carnes meas; lætetur cor meum, ut timeat nomen tuum. Utinam te sic timeret peccatrix anima mea, quomodo ille vir sanctus qui dixit: Semper enim quasi tumentes super me fluctus timui Deum!

Aug. medit. cap.
34.



Averte oculos meos ne videant vanitatem. Psal. no.

V.

Auerte oculos meos ne videant vanitatem. *Psalm. 118.*

Peraigilant gemina celfo mihi vertice stella,
 Queis est perpetuis munus in excubijs.
 Nec tamen errantes neque possum dicere fixas,
 Sed merito, duplex vtraque nomen habet.
 Errat ab officio vaga sapiùs vtraque iusso,
 Vtraque docta suum fixa tenere locum.
 Motibus amba agiles, fixa stationibus amba,
 Quod genus hoc stellas Oedipus esse putet?
 Vos, oculi; vos, conspicua duo lumina frontis,
 Sidera vos estis, qua mihi bina micant.
 Vos, quibus in celsâ statio data peruigil arce,
 Excubat vt summâ lucida flamma Pharo.
 Aut qualis speculâ seruans spectator ab altâ,
 Quæque propinqua, videt; quæque remota, videt.
 Non tamen, vt trepidis qui lucent nauibus ignes,
 Vos mihi tam fidâ lampade fertis open:
 Flâma regit nautas, dum flammam teda ministrat,
 Aut flammam retrahant quæ posuere manus;
 Vos (velut excussis rapidus ruit axis habenis,
 Frenaq; qui rupit durior oris equus)
 Quò lubet, indomitum differtis in auia cursum,
 Iam nullâ Domini lora regente manu.
 O oculi scopuli titulo meliore vocandi!
 Heu quibus allisa tot periêrantes!

Dina peregrinas virgo visura puellas;
 Mater , depositâ virginitate , redit.
 Rex videt Vriaden nitido semel amne lauante;
 Illa , Cupidineas vibrat ab amne faces.
 Pulcra Duci Assyrio dum comit Iuditha formam,
 Assyrium truncat Iuditha compta Ducem.
 Fortè senes niueam semel aspexère Susannam,
 Ambo senes oculis interiére suis.
 Non tot , ad infames , dura Acroceraunia, cautes,
 Hypotadæ laceras contudit ira rates.
 Non tot , inexpletis fera faucibus vnda Malea.
 Scylla^q₃ veliferas hausit auara trabes.
 Quis pia nunc igitur non laudet fœdera Iobi,
 Quæ cum luminibus sanxerat ille suis?
 O oculi! ô quanto vos tutius illa revulsit ,
 Democriti , proprijs dextera magna cauis!
 Quàm benè , Christiadûm quoque nobile , Lucia,
 Extudit intrepidâ lumina bina manu! [nomen,
 O oculi! ô scopuli! crudelia , barbara saxa!
 Saxa , quibus magnæ tot cecidère Animæ!
 Quàm malè commissio geritis pro munere curam;
 Ad mala quos toties sensimus esse Duces!
 Scilicet hâc vobis , capitis custodia lege ,
 Præcipua^q₃ arcis credita cura fuit.
 Ut rectos hominum vultus , sublimia^q₃ ora
 Digna Polo , brutâ deprimeretis humo.
 Quin potiùs Superis mentes attollitis oris ,
 Has^q₃ super terras , Oceanum^q₃ super?
 Stellarum^q₃ super , mundi^q₃ volubilis orbes,
 Denique quicquid habet , luna^q₃ sol^q₃ super?

Illius,

Illius, ô oculi! spectacula pulchra theatri,

Materies, vestris lusibus apta foret.

Putre sed æternis cœnum praponitis Astris;

Omnis & in terras pronior iuit amor.

Quid faciam? abruptis oculi regnatis habenis;

Iam frenum indociles imperiumq; pati.

Obde, Deus piceas oculis erroneis umbras,

Aut superiniectâ lumina claude manu!

Auerte oculos meos ne videant vanitatem. Psalm. 118.

VÆ cæcis oculis qui te non vident, Sol August. soliloq. cap. 4.
illuminans Cœlum & terram! væ caligantibus oculis, qui te videre non possunt!
væ auertentibus oculis vt non videant veritatem! væ non auertentibus vt videant vanitatem.

Numquid, quamdiu sumus in hoc mundo, possumus non videre vanitatem? *omnis enim creatura vanitati subiecta est.* An iste fortassis, hoc orat, vt non sit eius vita sub sole, vbi omnia vanitas? Aug. in Psalm. 118.

Qui in viâ est Dei, vanitates non aspicit: via perfecta CHRISTVS est; qui igitur in CHRISTO est, quomodo potest vanitates aspicere, cùm CHRISTVS in carne suâ omnes huius mundi crucifixerit vanitates? *Auertamus igitur oculos nostros à vanitatibus, ne quod oculus viderit, animus concupiscat.* Pantomimum aspicias, vanitas est: luctatores aspicias, vanitas est: equos currentes aspicias, vanitas
M 3

nitas est, Ante nos est CHRISTVS, ante nos
brauium eius, ad hunc dirige oculos tuos,
auerte à spectaculis, auerte ab omni sæcu-
lari pompâ; serua eos, vt erigas melioribus.
Erige ad Cælum; vel nocte, stellarum mo-
nilia, orbem lunæ decorum; vel die, solem
aspice. Specta mare; terram circumspice, vt
opera facta diuino omnis creatura te pascat.
Quæ formarum gratia in ipsis bestiis? quan-
tus decor in hominibus? quanta in auibus
pulcritudo? hæc intueri, & non videbis ini-
quitatem; hæc vide, & non introibit mors
per fenestras oculorum tuorum. Si videris
mulierem ad concupiscendam eam; intra-
uit mors per fenestram: si videris possessio-
nem minoris aut viduæ, & concupieris deri-
pere eam; intrauit mors per fenestras: si vide-
ris aliena monilia, aurum, argentum, & con-
cupieris vt extorqueas; intrauit mors per fe-
nestram. Claude ergo hanc fenestram, cum
videris alienæ mulieris pluchritudinem, ne
mors possit intrare. Vanitas est, sollicitudo
vitæ huius. In vanitate currit, qui sibi succes-
sibus videtur affluere sæcularibus, qui tam-
quam vmbra prætereunt; *Auerte igitur oculos
tuos, ne videant vanitatem;* Sed non satis est vt
tu auertas, ne fortè velis & non possis; si of-
fundat tibi diabolus vanitatum spectacula,
incentiua inserat voluptatum; pete vt Do-
minus auertat oculos tuos.

[Etenim]

[Etenim] pulcras formas & varios, nitidos & amœnos colores amant oculi. Non teneât hæc animam meam. Teneat eam Deus, qui hæc fecit bona quidem valde, sed ipse est bonum meum, non hæc. Resisto seductionibus oculorum, ne implicentur pedes mei, quibus ingredior viam tuam, & erigo ad te inuisibiles oculos, vt tu euellas de laqueo pedes meos. Tu subinde euellis eos, nam illaqueatur. Quàm innumerabilia varijs artibus & opificijs, in vestibus, calceamētis, vasis & huiusmodi fabricationibus, picturis etiam diuersisq̃ue figmentis, atque his vsum necessarium atque moderatum, & piam significationem longè transgredientibus, addiderunt homines ad illecebras oculorum, foràs sequentes quod faciunt, intùs relinquentes à quo facti sunt, & exterminantes quod facti sūt! At ego, Deus meus, & decus mecum, etiam hinc dico tibi hymnum, & sacrifico laudē sanctificatori meo, quoniam pulcra, traiecta per animas, in manus artificiosas, ab illa pulcritudine veniunt, quæ super animas est, cui suspirat anima mea die ac nocte. Ego autem hæc loquens, atq; discernens. etiam istis pulcris gressum innecto, sed tu euellis Domine; euellis tu, quoniam misericordia tua ante oculos meos est, nam & ego capior miserabiliter, & tu euellis misericorditer, aliquândo non sentientem; quia

Aug. lib.
10. Confessio.
cap. 34.

suspensius incideram, aliquando cum dolore, quia iam inhæseram.

Basil.
hom. II. in
Hexame-
ton.

Vt Deum contemplere, factus es; non vt humi irrepas vita tua, non vt pecudum ritu, voluptate perfruaris; veriùs vt ad normam & institutum cœlestis vitę, tuam ipsius componas: & hęc gratiã non in scitę dixit sapiens Ecclesiastes, *sapientis oculi in capite eius*. Cuiusnam oculi non sunt in capite? atque hic, *in capite*, hoc est, vt ea contemplentur quę in sublimi sunt; nam qui non ad bona quę in sublimi sunt, sed quę in terrã respicit, is vtique defigit detrahĩtue oculos in terram.

Bernard.
serm. 25.
in Cant.

Peruersa res est & fœdã, luteum vas (quod est corpus de terrã) oculos habere sursum, cœlos liberẽ suscipere, cœlorumque luminaribus oblectare aspectum; spiritualemente verò cœlestemque creaturam, suos è contrario, oculos trahere in terram deorsum; & quę debuit *nutriri in croceis*, herere luto tamquam vnã de suis, *amplexarique stercora*. Erubescere anima mea diuinam in pecorinam commutasse similitudinem. Erubescere volutari in cœno, quę de cœlo es.

Aug. in
Psalm. 39.

Qui fecit omnia, melior est omnibus, pulcrior est omnibus; qui fortia, fortior est; qui magna, maior est. Quicquid amaueris, ille tibi erit. Disce amare in creaturã Creatorem, & in facturã factorem; ne teneat te, quod ab illo factum est, & amittas eum, à quo & ipse factus

factus es. Ergo beatus vir, cuius est nomen Domini spes eius, & non respexit in vanitates & insanias mendaces. Fortè nobis dicturus est, qui versu isto percussus corrigi voluerit, & cœperit ambulare angustam viam; ambulare nō durabo, si nihil spectabo; quid ergo facimus, fratres? dimissuri vos sumus, sine spectaculo. Demus pro spectaculis, spectacula. Et quæ spectacula daturi sumus Christiano homini? *Multa fecisti tu Domine Deus mea mirabilia tua.* Miracula hominum intuebatur, intendat mirabilia tua. *Multa fecit Dominus mirabilia sua*, hæc respiciat. Aurigam laudas regentem quatuor equos, & sine lapsu atq; offensione currentes; fortè alia miracula non fecit Dominus. Regat luxuriā, regat ignauiam, regat iniustitiam, regat imprudentiam, & regat & subdat sibi, & teneat habenas. Nunc specta histrionē (didicit enim homo magno studio in fune ambulare, & pendens, te suspendit) illum attende editorem maiorum spectaculorū: Didicit iste in fune ambulare: numquid fecit in mari ambulare? obliuiscere theatrū tuum; attende Petrum nostrum, nō funambulū, sed vt ita dicam, mariambulū. Ambula & tu (non in illis aquis, vbi Petrus aliquid significans ambulauit, sed in alijs, quia hoc seculum mare est) hīc ambula, hoc calca. Spectare vis, esto spectaculum. hæc miracula Dei sunt, hæc cogitationes Dei sunt, qui-

bus nemo est similis, vt spectator ille abducatur à curiositate, & quærat ista & meliora, fructuosiora, de quibus inuentis gaudebit.

Clem. lib.
3. in pæ-
dag. cap.
11.

Porro autem oculis maximè parcendum est, quoniam melius est labi pedibus, quàm oculis. *Si te tuus scandalizat oculus, exscinde eum.* Lasciui autem aspectus & versatilibus, actanquam conniuentibus oculis intueri, nihil est aliud, quàm oculis mœchari, cū per eos cupiditas prima ineat pugnæ præludia. Nam ante totū corpus, corrumpūtur oculi.

Ambr. de
fugā sæculi
cap. 1.

Pulcrè igitur Dauid, qui periculosos etiam ipsos aspectus fuerat expertus, beatum illum dicit, cui spes omnis in Dei nomine est. hic enim non *respicit in vanitates & insanias falsas.* vnde iterum ad ipsum conuersus ait: *Auerte oculos meos ne videant vanitatem!* Vanitas, circus est, quia nihil prodest, vanitas, est equorum velocitas, quia mendax ad salutem est; vanitas, theatrum est; vanitas, ludus omnis. *Omnia vanitas,* inquit Ecclesiast. *quæ in hoc seculo sunt.*

D. Bern.
de modo
bene vi-
uen. serm.
23.

Quàm multos scio per visū esse deceptos, & in laqueum diaboli missos! Dina filia Iacob, egressa est vt videret mulieres Regionis, & adamauit eam Sichem atque rapuit, & virginitatē illius turpiter corrumpit. Et sic misera puella, quia carne vidit quod videre nō debuit, honestatem ac virginitatē perdidit. Dauid etiam stās quādam die in solario do-

mus

mus suæ, vidit mulierem & adamavit eam; pro cuius amore committit adulterium & homicidium; & sic deceptus factus est legis Dei reus. Fortissimus Samson descendit in Regionem Philistinorum, & vidit ibi mulierem, atque adamavit, & in gremio illius dormiuit.

(Vtinam tam prudens ad cauendam mulierem, quàm fortis ad strangulandum leonem!) Paulin.
ep. 4. ad
Seuer.

Illa verò crines capitis eius rasit, & tradidit eum in manibus inimicorum eius, qui statim oculos eius eruerunt. Moneo ergo ut *facias pactum cum oculis tuis*, ne incautè videas, quod videre non debes. Bern. de
modo bene
viuenti-
di, ser. 23.

Viderur enim super omnia esse aduersandus mulierum aspectus; non solùm enim si tangantur, sed etiam si spectentur, potest peccari, quas maximè vitare oportet eos qui rectè & sincere constituuntur. *Oculi enim tui recta videant.* etsi enim fieri potest, ut qui viderit, se fortiter gerat, veruntamen cauendum est ne cadat: fieri enim potest, ut qui viderit, labatur; sed fieri non potest, ut qui non viderit, concupiscat. Clem.
lib. 3.
pzdag.
cap. 21.



*Fiat cor meum immaculatum in iustificationibus tuis,
ut non confundar ! Psal. no.*

21.

V I.

Fiat cor meum immaculatum in iustificationibus tuis, vt non confundar! *Psalm. 118.*

SI tibi me gratam facie fore, sponse, putarem,
 Nulla mihi prior hoc cura labore foret.
Primaq; de nitidis cautela coloribus esset,
 Altera, deformes ore fugare notas;
Nullaq; deficerent medicandis vultibus arma,
 Multa sed omnigenas pixis haberet aquas;
Multaq; compositos celaret capsula colores,
 Quæq; nouant vetulam picta venena cutem;
Lanaq; purpurei madefacta rubedine fuci,
 Cretaq; montanas vincere nata niues.
 Et nitri rubra spuma & pinguis poppeana,
 Quæq; cutis maculas, Halcyonea, necant.
 Denique quicquid id est, quo tingitis ora, puella,
 Ab nimium formæ gens studiosa tua!
 Tunc quoque corrigerem speculo censore lituras,
 Ore nec in toto menda notanda foret.
 Siq; supercilij pilus vnus abesset ab arcu,
 Vnicus ecce pilus, vociferarer, abest.
 Si color inficeret vitiatos decolor orbes,
 Luminibus color hic, vociferarer, obest.
 Si nimis adductam conuolueret area frontem,
 Quæ mihi ruga cutem, vociferarer, arat?

Nempe

Nempe vel exiguo metuam te ledere naus
 Vlla foret formæ si tibi cura mea.
 Vnaq₃, quæ tumidum faceret verrucula clium;
 Hac foret offensa causa putata tua.
 Atque ita de minimis audirer dicere mendis
 Dissplicet hæc sponso fortè litura meo.
 Nostro igitur reliquus si quis decor abforet ori,
 Eximeret vitium factus ab arte decor;
 Cesariemq₃, alto struerent tabulata capillo,
 Staret & in volucris plurima gemma comâ:
 Aure duplex gemini pretium penderet Elenchi,
 Iret Erythraeus colla per, alba lapis.
 Tumq₃ ego sic faciem, rutilos ita compta capillos,
 Auderem ternas vincere quarta Deas.
 Sed memini; neque te facies, neque forma laceßit,
 Spes capit hæc cæcos inuidiosa procos;
 Qui, quid ament, inter phaleras tot sæpè requirūt;
 Quas ubi sustuleris, pars quota Virgo sui est?
 Fallitur infido prope, turba leuissima, fuco;
 Præter & has phaleras, vix quod ametur, habēt,
 AEquabat niueos par VVilgefortis olores
 Nota nimis formæ nomine virgo sua:
 Fiat vt Androgynos setosis hispida malis;
 Barba, rogat, teneras, vestiât hirta genas.
 Lucia sydereis, ceu fax, lucebat ocellu,
 Cunctorumq₃ oculis, Lucia, sidus erat.
 Nemalè luceret, mea lux, extinguere, dixit;
 Fodit & impactâ lumen vtrumque manu.
 Laaserat egregio multos Euphemia vultu,
 Fecerat & roseis vulnera multa labris;

Vt fieret mutilo, fædoq; inamabilis ore,
 Abscidis ense duas, bina labella, rosas.
 Maxima de facie verus praconia rumor,
 Deq; tuis dederat Andragesina genis:
 Non poteras veram falsi conuincere famam,
 Quod poteras, facta est per tua vota, breuis.
 Sponse, peregrina non carperis igne figura,
 Nec bene crispata falleris arte coma:
 Cor tibi labe carens, tibi cor sine crimine, cordi est;
 Obstet & vt facies, cor tibi, sponse, placet.
 O vtinam mihi cor nullis infame lituris,
 Flagitij purum suspitione vacet!
 Tum, secuta tui mihi mens gestiret amoris,
 Nec mea deijceret conscius ora pudor.

Fiat cor meum immaculatum in iustifi-
cationibus tuis, vt non confundar.
 Psalm. 118.

MERITO omnis cura Sanctorum, spre- Bern. serm. 25. in Cant.
 to ornatu, cultuq; superfluo exterio-
 ris hominis (qui certè corrumpitur) omni se
 diligentia præbet & occupat excolendo ac
 decorando interiori illi qui ad imaginem
 Dei est, & renouatur de die in diem.

Hæc, hæc profectò pulcritudo est, cui ni- Amb. lib. 1. de vir.
 hil deest, quæ sola meretur audire à Domino

Tota es formosa proxima, & reprehensio nō est in te;
 Pulcritudo enim optima, primū est pul- Clem. lib. 1.
 critudo

paedag.
cap. 2.

critudo Animæ. Est autem absurdum eos qui facti sunt ad imaginem Dei & similitudinem, (tanquam Archetypum exemplar contemnentes) externum ornatum inducere; improbum humanum artificium Dei artificio præferentes.

Ibid.

Non ergo externi hominis aspectus, sed animus probitatis ornamento est ornandus.

Ibid.

Non intelligunt [enim] miseræ, se propriam perdere pulcritudinem, dum externam inducunt. Antiphanus Comicus in Malthæa: irridet.

*Venit ipsa, transit, accidit, non transit,
Venit, adest, abstergitur, accidit,
Smigmate, saponem purgatur,
Pectitur, eijcit, teritur, lauatur,
Se contemplatur, componitur, vnguentis perfunditur.*

Ornatur, vngitur, & si quid non habeat, enecatur,

*Ter enim, non semel dignæ sunt, quæ pereant,
Quæ Crocodylorum excrementis vtuntur.
Et spumâ lacertarum vnguntur,
Et supercilia fuligine illinunt
Et cerussâ.*

Porro autem alias quoque arguit Comicus, nempe Alexis, eius enim verba afferam.

*Est aliqua parua, suber, insuitur in soleis:
Longa est aliqua; tenue gestat diabathron:
Caput in humerum demittens ingreditur,*

Hoc

Hoc ei detrahit de longitudine;

Depressiores alicui sunt coxa & femora;

Eis aliquid assuit, ———

Mollem ac prominentem habet ventrem;

*(Vt comicorum nutrices) appositis nonnullis,
eum erigit:*

*Depressus est venter; veluti contis efficit vt ante-
rius procedat:*

*Supercilia habet flaua; ea aliquâ depingit fuli-
gine:*

*Contigit alicui vt sit nigra; tollit nigrorem ce-
russa:*

Est aliqua nimis alba, interitur farina:

*Habet aliquam corporis partem candidam, eam
nudat, ostendit;*

Bellos habet dentes; rideat, necesse est;

Et quamuis non sit lata, toto tamen die ridet,

In labris tenuem habens myrthi tabellam,

Vt velit, nolit, ea cogatur tandem diducere.

*Resideat quidem in vultu pudor & vira- Clem. lib.
ginem aspectu præ se ferat, procul autem 3. pædag.
absit caligo myropolarum, aurificum, lanifi- cap. 11.
cum, cæterarumque officinarum.*

*Atque cum caro quidem serua sit, quem- Clem. lib.
admodum testatur Paulus, quomodo quis- 3. pædag.
piam iure ancillam, lenonis instar, exorna- cap. 1.
uerit? Ipsum autem Dominum fuisse aspectu
deformem testatur spiritus per Isaïam; & vi-
dimus ipsum, nec habebat speciem, nec pulchritudinem.
Quis est autem Domino præstantior? sed non
N carnis*

carnis pulcritudinem (quæ visione apprehēditur) sed veram animæ & corporis ostendit pulcritudinem: Animæ quidem beneficentiam; carnis verò immortalitatem.

Hiero. ad
Demetr.
de virg.
seruā. c. 5,

Quando eras in sæculo, ea quæ erant sæculi diligebas, polire faciem purpurisso, & cerussa ora depingere; ornare crinem & alienis capillis turritum verticem struere. Vt taceam de inaurium pretijs, candore margaritarum, rubri maris profunda testantium; smaragdorum virore, cerauniorum flammis, hyacinthorum pelago, ad quæ ardent & infaniunt studia matronarum.

Hier. 4.

Ablue à malitiâ cor tuum.

Gilb. ser.
29. in Cât.

Quam enim mihi dabis animam, quam audeas extoto pulcrâ definire?

Iob 25.
Hier. 2.

Nemo mundus à sorde.

Si laueris te nitro, & multiplicaueris tibi herbâ Borith, maculata es iniquitate tuâ.

August.
med. c. 40.

Da mihi, Domine, cor quod te timeat, mentem quæ te diligat, aures quæ te audiant, oculos qui te videant!

Ambr. in
Psal. 118.
Ost. 11.

Cor enim hominis quadam velut indecentium cogitationum colluie maculatur. Noli extraordinarijs cogitationibus aduersa naturæ contaminare penetralia. manus lauas, quasi possis crimina eluere, cum mentem tuam vel nudis cogitationibus inquinatam lauare non possis. Didicisti cor esse mundandum; discere quemadmodum munda-

Mun-

Mundat hunc fontem iustificatio legitima, hoc est, confessio peccatorum. Munda ergo aquam tuam, illam aquam de qua dictum est, *aqua alta, consilium in corde viri.* quæ sint iustificationes, audisti dicentem: *Dic iniquitates tuas, ut iustificeris:* Ergo qui iniquitates suas dixit, iustificatur, qui autem iustificatur, non confunditur, quia pudorem peccatorum maturâ confessione præuenit.

Nescis ergo, Anima mea, quã fœda priùs fuisti, quàm deformis & squallida, discissa & dissipata, omni horrore, & enormitate plena! Priùs stude formam tuam excolere, faciem ornare, habitum componere, maculas tergere, munditiam reparare, mores corrigere, disciplinam seruare, & omnibus tandem in melius commutatis, digno spòso dignam sponsam reddere. Numquid audisti, quid Rex Assuerus fecit? *Factum est Regis præceptum, ut de omni Regno suo congregarentur puellæ speciosæ virgines, & adducerentur ad Ciuitatem Susan, & tradèrentur in domũ fœminarum, ibiq; acciperent mundum muliebrem, & cetera ad vsum necessaria. Sicq; omnibus abundanter secundum Regiam ambitionem suppletis, excolerentur & ornerentur. Per sex menses, oleo mirthyno vngerentur, per alios seu quibusdampigmentis vterentur, & sic composuæ & ornata de triclinio fœminarum ad Regis cubiculum transirent, ut quæ ex omnibus, magis oculis Regis placuisset, illa pro Vasthj in solio Regni*

Hugo de
S. Victor.
in Arrha.
Animæ.

sederet. Consideremus ergo si fortè exemplū hoc, præsentī (de quo agimus) negotio valeat adaptari. Rex, summi Regis filius, venit in hunc mundum, desponsare sibi vxorem electam, vxorem vnicam, vxorē nuptijs Regalibus dignam. Missi sunt Ministri Regis, Apostoli videlicet, per totum mūdum congregare animas ad sanctam Ecclesiam, in quā domus est & mansio mulierum regiarum, id est, sanctarum Animarum. Ibi sacramenta CHRISTI, quasi quædam vnguenta, & antidota ad reparationem & ad ornatum animarum præparata, accipiunt. Vide ergo vbi posita es, & intelliges quid facere debeas. Posuit enim te sponsus in triclinio, vbi mulieres ornantur: varia pigmenta, & diuersas species dedit, cibosque Regios de mensâ suâ, tibi ministrari præcepit; quidquid ad sanitatem, quidquid ad refectionem, quidquid ad reparandam speciem, quidquid ad augendum decorem valere potest, tribuit. Primò fons Baptismi est hic positus, & lauacrum regenerationis, in quo sordes præteritorum criminum abluis. Deinde chrisma & oleum, in cuius vnctione, Spiritu sancto liniris. Post hæc, delibuta & vnctione lætitiæ perfusa, ad mensam venis, & percipis ibi alimentum corporis & sanguinis CHRISTI, quò interiùs saginata, atque resecta, noxiam illam præteritorum

ieiuniorum maciem depellis. Deinde vestimenta bonorum operum induis, & fructu eleemosynarum, cum ieiunijs & Orationibus, cum sacris vigilijs, alijsque operibus pietatis quasi quodam vario ornatu decoraris. Ad vltimum sequuntur aromata virtutum, quarum odor suaue spirans, omnem illum antiquarum sordium fœtorem fugat. Datur etiam tibi *speculum, sancta scriptura, vt vbi videas faciem tuam*, ne quid minùs, aut aliter quàm decet, habeat compositio ornatus tui.

O quàm multa sunt in me, de quibus coram oculis eius erubesco, & pro quibus iam magis illi displicere timeo, quàm pro ijs, quæ laudanda in me sunt (si qua sunt) placere, posse in me confido! O vtinam ad modicum ab oculis eius possem abscondi, donec maculas omnes istas detergerem, & sic demum ante conspectum eius, sine maculâ, immaculata apparerem! Nam quomodo in hâc deformitate placere illi potero, quæ & mihi quoque in illâ vehementer displiceo? ô maculæ veteres! ô maculæ fœdæ & turpes! quid tam diu hæretis? abite, discedite, & ne præsumatis ampliùs oculos dilecti mei offendere.



*Veni dilecte mi, egrediamur in agrum, com-
moremur in villis. Cantic. 7*

VII.

Veni dilecte mi , egrediamur in
agrum, commoremur in villis.

Cant.7.

IAm satis urbanas, mea lux, habitauimus ades;
Quin semel in virides exspatiamur agros?
Tuta quidem validi circumdant oppida muri,
Porta q₃ ferratis non caret vlla seris:
Est tamen in patulis, quid nescio, tutius hortis,
Quod nusquam in clausa mœnibus vrbis habes.
Magnificis turgent urbana palatia tectis,
Multus & hic celsâ cuspide surgit apex.
Nescio quid melius tamen illa mapalia spirent,
Rustica quæ tenui stramine canna tegit.
Quid dubitas, mea lux, quin, quàm procul vrbibus
Tam procul agrestium, distet ab vrbe quies? [agri,
Fabula cantatur ratum notissima lusu,
Ad benè fallendas fabula ficta vias:
Et facit ad rerum modò quas tractauimus, vsunt,
Si lubet , auditu decipiemus iter.
Rusticus urbanum tecto mus paupere murem,
Fertur & apposis de tinuisse cibis.
Musq₃ epulas muris ridens urbanus, agrestis,
Hæc tua si mensa est, sat mihi ruris, ait.
Mox vice conuersâ, mus Rusticus iuit in vrbem,
Vrbico in hospitium mure vocante suum:
Magnaq₃ cùm tanto minor esset mensa paratu,
Vt sonuere fores mensa relicta fuit;

Et propè deprenso conuiuâ expalluit hospes ,
 Turbatiq₃ suum vix reperêre cauum.
 Rusticus ast animo sensim cum voce recepto,
 Corripuit celerem Musculus vrbe fugam:
 Et procul è cliuis oculis ad mœnia torquens;
 Quàm meus his præstat mœnibus, inquit, ager!
 Iam satis urbanas, mea lux, habitauimus edes.
 Vrbe volant strepitus, Rus colit alta quies.
 Si memor es (subeat tibi pars lautissima vulgi)
 Quisq₃ suburbanum rus propè cinis habet;
 Cumq₃ suam assiduè commendet quilibet urbem,
 Re tamen, ipsa magis rura; placere docent.
 Quin, quorum imperiis vrbesq₃ arcesq₃ reguntur,
 Anxia securo pectora rurè leuant.
 Et magis hic puri libertas aurea Cœli,
 Quàm laqueata, domi, marmore tecta placent.
 Nec quæ centeno sinuat se porticus arcu,
 Lenit, vt ambiguos paruula villa, metus.
 Iam satis urbanas, mea lux, habitauimus edes,
 Quin semel in villis degimus, aut in agris?
 Est mihi fontanis circumdata villula riuis,
 Villula, quâ nusquam cultior vlla viret.
 Seu cœli ingenio, seu fertilis indole terræ;
 Aptaq₃ vicini commoditate loci.
 Huc mea lux, paucis tantùm si veneris horis,
 Oblitus patriæ protinus vrbis eris.
 Tumq₃ ego, ceu tacitâ turtur medidatus in umbrâ,
 Libera, colloquîis, Sponse, vacabo tuis.
 Et procul à populis procul vrbibus atque tumultu
 Optata tories, sola, quiete fruâr.

Audiet hîc nullis quæ mutua verba loquémur,
 Nostraq; qui turbet otia nullus erit.
 Quiq; notet nostros, nemo metuendus, amores,
 Tetricus hic nullum ius sibi Censor habet.
 Tunc mihi tu promes secretis intima sibiris
 Quæq; iuuent animum verba cupita meum.
 Tunc ego, sum quantâ, dicam tibi, saucia flammâ;
 Quæq;, licet similes, dicta placere, scio,
 O semel optati micet hæc mihi sideris aura;
 Quàm fortunato lux erit illa die!
 Iam satis vrbanas, mea lux habitauimus ædes;
 Nostra sit exiguo tempore, villa domus.



*Veni dilecte mi, egrediamur in agrum,
commoremur in villis. Cant. 7.*

Hier. 2.

Quis dabit me in solitudine diuersorium viatorum?

D. Thom.

Aquin.

hoc loco.

Bern. de

inter. do-
mo cap. 6^o

Mallem [enim] in solitudine habitare, per quam nullus vel rarus transit.

Vtinam nullus hominum esset mecum exteriùs, vt familiariùs loqui possem cù Deo interiùs ! ipse enim & secretum quærit, & solitarium locum diligit. Fugiam ergo hominum solatia & colloquia ; vt in secreto cordis mei. Deum habitatorem habere possim. Assuescam ergo sola intima cogitare, sola interiora diligere, & in illis permanere, vt possim audire *quid loquatur in me Dominus Deus meus*. Ecce adsum pijsime Deus, tecum sum, intùs sum. Quamdiu in exterioribus occupatus fui, vocem tuam intrà audire nō potui. Nunc autem reuersus ad me , ingressus sum ad te, vt possim te audire, & tibi loqui.

Psalm. 54.

Greg l. 4.

mor. c. 35.

in Iob.

Ecce elongavi fugiens, & mansi in solitudine.

Fugiens se elongat, qui à turba desideriorum temporalium in altam Dei contemplationem se subleuat.

Hier.

Epist. ad

Rustic.

Bernard.

homil.

Simile

Oppidum, carcer ; solitudo , paradysus est.

O solitudo beata ! ô Ereme , mors vitiorum, vita virtutum ! te lex & Prophetæ mirantur,

rantur, & quicumque ad perfectionem venerunt, per te in Paradyſum introierunt: ô beata vita ſolitaria & contemplatiua! quid vltà de te loquar? ipſe Dei filius Saluator & Magiſter noſter, exemplum dedit nobis, fugiens in deſertum & manſit in ſolitudine; vbi ſunt Roſæ charitatis, quæ ſemper flammeſcunt, quæ ſemper in ſancto odore viuunt? ô ſolitudo negotiorum cœleſtium apotheca! in te tranſitoria & terrena mutantur in cœleſtia & æterna. Denique in te, lacrymæ mutantur in riſum, & gaudium pariunt ſempiternum.

Pia anima [Deo] ſe totam exhibere niſens in ſtudio contemplationis. *Veni*, inquit, *in agrum, commoremur in villis*: congruentiſſimè cõtemplationis ſtudio, *agri* exprimit vocabulo; quia & illud in ſolitudine, longèque ab hominum cõuerſatione exerceri ſolet; & nouimus agrum eas dici terras, quæ ſunt in ſolitudine, longèque à conuentibus humanis; Ac, ſicut ager ſi excolatur, ingentem proferit fructuum vbertatem, quibus nutrimur in corpore, ita & contemplatio, ſi rectè exerceatur, tantam proferit virtutum copiã, vt per illas, in vita aliamur ſpiritali. Vnde bene & in libro Geneſis dicitur de S. Iſaac: *Et egreſſus fuerat ad meditandum in agro, inclinatâ iam die*. Nec minùs congruè particulares meditationes, villarû nomine designat:

*est Regnum
cœlorum
homini ne-
gotianti.*

Mich. Gif-
ler-in c. 7.
Cant.

designat; quandoquidem, sicut villas ea appellare solemus prædia, in quibus præclaræ in agro sunt habitationes, ad id potissimum extructæ, ut in illas tunc se conferant homines, cum à mundanis negotijs respirare voluerint; cum ex infirmitate aliquâ conualescere, aut quoquo pacto se recreare voluerint, & cum fructus ex agro colligere, atque seruare curauerint: ita & meditationes pariter præclara sunt ædificia ab Animâ ipsâ in agro cōtemplationis sibi extructa, in quibus illa, fugiens præsentis sæculi negotia, quietè commoretur; in quibus & commorans, ex qualibet peccati ægritudine conualescat, summisque fruatur delicijs, ac demum eximios virtutum colligat, seruetque fructus. Benè quoque pia anima, cum Deo dilecto suo, *egredi* se, inquit, velle in *agrum* contemplationis, & *commorari in villis* meditationum, cum voluptatem nullam percipiat ex hominum conuersatione. Quin imò quamuis terrenarum rerum copia exuberet in sæculo; quamuis prospere sibi cuncta contingant, minimè tamen ex commodis hiscè quippiam percipiat voluptatis, nec vnquam verè se arbitratur lætam, nisi cum sibi egredi liceat in hunc contemplationis agrum. Quâ in re, videtur se habere instar auis illius, quæ tametsi in caueâ omnibus abundet rebus, tum quæ ad victum ei sunt necessaria, tum quæ

quæ voluptati illi esse possent; lætam tamen numquam se reputat, quoad vsque permis- sum ipsi fuerit, à caueâ ipsâ egredi, liberè vo- lare, & commorari in foraminibus petre. Iu- re autem cum Deo egredi vult, quem vnum habet dilectum; quia nec homines ardentèr quempiam amâtes, villarum quippiam per- ciunt gustus, nisi amicum illum comitem habeant, ideoque ipsum inuitant. Et expe- rientiâ comprobamus, etiam summos Reges ac Principes, ad quos difficillimus aditus es- se solet, cum in palatio Regioque in throno resident, in villis commorantes, etiam cum infimis rusticis libentissimè conuersari; & hoc illud est, quod anima intendit, cum il- lum in dictû inuitat agrum & villas, vt fami- liariter cum eo agat, vt cum vnico dilecto. Neque verò admodum temporis huic in- dulgere vult studio contemplationis, & fa- miliariter agere cum Deo, sed delectatione maximâ, diutiùs in eo optat persistere; id namque ijs indicat verbis; *commoremur, sed per noctem, aut requiescamus in villis.*

Quamdiu [enim] animus permixtus est turbis & in multitudine fluctuantium volu- tatur, nec vacat soli Deo, nec segregatus est à vulgo. Propterea, ô anima, quæ per oratio- nem & contemplationem Deo vacare de- creuisti, esto sola; hominum consortia fuge, tumultuosas mortalium conuersationes de- uita,

Laur.
Iustin. in
lig. vit.
tract. de
orat. c. 5.

Bern. ho-
mil. 4o. in
Cant.

uita, vt illi soli te solam serues, quem ex omnibus elegisti.

O sancta Anima, sola esto, vt soli omnium serues te ipsam, quem ex omnibus tibi elegisti. Fuge publicum, fuge & ipsos domesticos, secede ab amicis & intimis, etiam & ab illo qui tibi ministrat. An nescis, te verecundum habere sponsum, & qui nequaquam velit tibi suam indulgere presentiam, presentibus cæteris? secede ergo, sed mēte, non corpore, sed intentione, sed deuotione, sed spiritu: de cætero, sola indicitur tibi mentis & spiritus solitudo. Solus es, si non communia cogites, si non affectes presentia, si despicias quod multi suspiciunt, si fastidiās quod omnes desiderant, alioquin nec si solus corpore es, solus es.

Hieron.
epist. 1. ad
Heliod.

O desertum CHRISTI floribus vernans! ô solitudo in quâ illi nascuntur lapides de quibus in Apocalypsi ciuitas magni Regis extruitur! ô Eremita, familiaris Deo gaudens! quid agis? quamdiu te tectorum umbræ premunt? quamdiu fumosarum urbium carcer includit? Crede mihi nescio, quid plus lucis aspicio; libet sarcinâ corporis abiectâ, ad purum ætheris euolare fulgorem.





*Trahe me, post te curremus in odorem vn-
guentorum tuorum Cantic. 1.*

VIII.

Trahe me post te, curremus in odorem vnguentorum tuorum.

Cant. 1.

Aspicis vt iaceant strati sine viribus artus,
 Nec sim qualis eram, sola sed vmbra mei?
 Vix traho pertesa fastidia tetrica vita,
 Ipsaq³ sunt oneri languida membra sibi.
 Lassa iacet capitis nimio sub pondere cervix,
 Sarcina sunt q³ manus, sarcina sunt q³ pedes.
 Assidueq³ nouam querunt iactata quietem,
 Nec scio quo tandem fessa locare situ.
 Surgere nunc meditor, nunc lassa recumbere strato,
 Nunc nixum cubito sustinuisse caput.
 Nunc lubet inuerso, nunc ore cubare supino,
 Nunc aliud lateri substituisse latus.
 Cumq³ tori cunctas peragraui languida partes,
 Quilibet ex aequo displicet vsque locus.
 Heu! quid agā, grauis ipsa mihi, languēs q³, iacens q³,
 Teq³ volens cursu, non tamen apta, sequi?
 An fugis, & medijs morientem deseris agris,
 Nec mora tanta datur dum comes ire queam?
 AEger ita in Libycis, à milite, miles arenis
 Deseritur, subita cum data signa fuga;
 In triuijs genitrix ita projcit impia natum,
 Quem lactare pudor, pauperiēsve vetat.

O

Tende

Tende manum, nostrig₃ pius miserere doloris;
 Tende manum refugo vel pede siste gradum.
 Troica Dardanius cū Pergama cingeret ignis,
 Quisq₃ senem rapuit filius igne Patrem.
 Trans mare defessam fert nata Cyconia matrem,
 Sustinet hinnulei Cerua natantis onus.
 Tu solam ignotis, fugitiue, relinquis in aruis,
 Nec finis hoc humeris ponderis esse tuis?
 Quamquā ego, vel fieri tibi sarcina tanta recussem,
 Si modò vel leuiter traxeris, ipsa sequar.
 Et sequar & curram, rapiarq₃ simillima vento,
 Languida funesto quæ modò strata solo.
 Nec quibus inuitam cogas, opus ense, vel armis,
 Sponte nec iniecto, libera, fune sequar.
 Traxit ad impulsa querulos testudinis ictus,
 Cum syluis Geticas Thrax Cytharista feras:
 Traxit, & attonitæ syluæq₃, feræq₃ stupebant;
 Sic fide sic filo, se potuisse trahi.
 Non ego Bystonij mouear testudine Vatis,
 Nec trahar Aōnia voce sonante lyra.
 Quemq₃ sui rapiunt sensus, sua quemq₃ voluptas,
 Se finit hic oculis, auribus ille capi.
 Non ego luminibus, non auribus otia venor;
 Noster Achemenij languor odoris eget.
 Lux mea, rorilegis halat tibi spica capillis,
 Manat odorata Palladis imbre caput.
 Vda Palestino fragrant tibi tempora nardo
 Myrrbaq₃ de madidis stillat odora labris.
 Efflat Orontæi tibi graminis halitus auras,
 Verbaq₃ quot loqueris tot iacis ore rosas.

Albaq₃

Albaq₃ Panchao ceruix tibi sudat oliuo,
Assyrioq₃ humeros rore perungit Onix.
Et manus Ambrosius pluit vtraq₃ roscida guttis,
Et digiti Libycæ germina messis olent.
Denique quicquid olent, conchis vnguenta Sabais,
Balsama quicquid olent, hoc meus halat Amor:
Nec solum Assyriis quæ sudant balsama ramis,
Nataq₃ odorifero thura Sabæa solo:
Fragrat Orontæis hîc spicæ sùauior herbis,
Guttaq₃ Panchæis nobilior lacrymis.
Nempe tuo qualis, Basilissa pudica, cubili;
Qualis odor thalamo, Cæcili casta, tuo;
Aut qualis, cùm Dorothea pennatus Ephēbus
Attulit hybernas germina verna rosas;
Aut Nasarenigenæ qualis cum Virginis adent
Sparsit Iessæ floris anhelus odor;
Denique Diuorum qualis cùm gemmea stillant
Indigetum liquidis amphitheatra crocis.
O semel has liceat mihi ducere naribus auras!
Quæ modò languebam, sana repente sequar:
Multaq₃ currentem sociarum turba subibit,
Vt glomerat socios vncta columba greges:

*Trahe me post te , curremus in odorem
unguentorum tuorum. Cant. i.*

August.
man. c 20.
Bern. ser.
21. in Cāt.

A N I M A amans fertur votis , trahitur
desiderijs.

Fessa sum, deficio, noli me deferere , *sed
trahe me post te*, ne incipiam vagari post ama-
tores alios , nec curram quasi in incertum,
Trahe me post te, quia satiùs mihi est vt me tra-
has, vt scilicet vim qualemcumque mihi, aut
terrendo minis, aut exercēdo flagellis, infe-
ras, quàm parcens in meo me torpore securā
derelinquas. *Trahe me* quodammodo inui-
tam, vt facias voluntariam: trahe torpētem,
vt reddas currentem. Erit quando non in-
digebo traētoe , quoniam voluntariē &
cum omni alacritate curremus.

Ibid. initio

Quid? sponsane ergo necesse habet trahi,
& hoc post sponsum? quasi verò inuita eum
& non libens sequatur. Sed non omnis qui
trahitur, inuitus trahitur; nempe enim infir-
mum aut debilem (eū scilicet qui per se ire
nō valet) trahi ad balneum , seu ad prandiū
non piget ; etsi reum pigeat trahi ad iudiciū
vel ad pœnam. Deniq; trahi vult quē & hoc
rogat; non autem rogaret , si sequi per seip-
sam dilectum, prout vellet, valeret, vt quid
verò nō valet? An infirmā fateamur & spon-
sam? si qua ex adolescentulis infirmam se di-
ceret

leret & peteret trahi, nequaquã miraremur. At verò de spõsa, quæ trahere & alios (vtpote fortis & perfectã) posse sufficere videbatur, cui non durum sonet, quod & ipsa trahiramquã infirma vel debilis necesse habeat? de quanam animã iam cõfidimus, quòd valida sit & sana, si illam infirmã dici consenserimus, quæ pro sui singulari perfectione, & excellentiori virtute, sponsa Domini nominatur? Quantævis perfectionis anima, quãdiu quidẽ gemit sub corpore mortis huius, & huius sæculi nequã retinetur inclusa carcere, vincta necessitatibus, totq; sceleribus, libentiùs, segniùsque assurgat necesse est ad contemplãda sublimia; nec omninò liberũ habet, sequi sponsum quocũque ierit. Hinc lacrymosa vox i-la gementis, *Infelix ego homo, quis me liberabit de corpore mortis huius?* hinc supplex illa precatio. *Educ de carcere animam meam.* Dicat proinde, dicat cum gemitu etiã sponsa. *Trahe me post te, quia corpus quod corrumpitur aggrauat animam, & deprimit terrena inhabitatio sensum multa cogitantem.*

Propterea opus habeo trahi, quoniam refriguit paulisper in nobis ignis amoris tui, nec valemus à facie frigoris huius currere modò sicut heri & nudius tertius. Curremus autem postea, cùm reddideris lætitiã salutaris tui, cùm redierit melior temperies gratiæ; cùm Sol iustitiæ iterũ incaluerit & per-

Bern. ser.
21. in Cāt.

transferit tētationis nubes, quæ nūc operire
ad horam cernitur, atque ad leuē flatum au-
ræ blandioris solito, cœperint vnguenta li-
quescere & aromata fluere, & dare odorem
suum. *Tunc curremus*; in odore illo curremus,
spirantibus in quā vnguētis curremus, quo-
niam abscedet torpor qui nunc est, & reuer-
tetur deuotio, & iam non erit opus nobis vt
trahamur, quippe odore excitatis, vt spontē
curramus. Nūc verò interim *trahē me post te*,
non curram ego sola, etsi solam mē trahi
petierim, current & adolescentulæ mecum.
Curremus pariter, curremus simul; ego o-
dore vnguentorum tuorum, illæ meo exci-
tatæ exemplo, atque hortatu, ac per hoc,
omnes *in odore vnguentorum tuorum curremus*.

Curremus, curremus, sed *in odore vnguento-
rum tuorum*, non in nostrorū fiduciā merito-
rum, nec in magnitudine virium nostrarum.
Currere nos cōfidimus, sed in multitudine
miserationum tuarum. Nam etsi quādo cu-
currimus ac volūtariæ fuimus, *non fuit volen-
tis, neque currentis, sed miserētis Dei*. Reuertatur
miseratio, & curremus. Tu quidē in virtute
tuā, *tamquā Gygas* & potens curris; nos, nisi
vnguēta tua spirauerint, non curremus. Tu,
quem Pater *vnxit oleo latitiæ præ cōsortibus tuis*,
curris in ipsā vnctione; nos in illius odore
curremus. Tu in plenitudine, nos in odore.
Odor super omnia necessarius utpote in-
firmis

firmis purgatiuus, proficientibus conforta-
 tiuus, perfectis verò sanatiuus: nonne vides
 agrum huius mūdi hoc odore plenum; cū
 videas alios iustitiā fortes, alios charitate
 feruentes, alios promptos ad obediendū &
 humilitatis obsequium, hos lacrymis irri-
 guos, & ad eleemosynas profusos? de odore
 autem, scriptum est: *Trabe me post te, in odorem*
vnguentorum tuorum. Et alibi: *Ecce odor filij mei,*
sicut odor agri pleni, cui benedixit Dominus.

serm. 1. de
 annun. B.
 Virg. qui
 est 20.

Nec currimus æqualiter omnes in odore
 omnium vnguentorum, sed videas alios ve-
 hemētius studijs flagrare sapiētiæ; alios ma-
 gis ad pœnitentiā, spe indulgentiæ animari,
 alios ampliùs ad virtutum exercitiū, vitæ &
 conuersationis eius prouocari exēplō; alios
 ad pietatē, passionis memoriā magis accen-
 di. Currebāt in odore sapiētiæ, qui missi fue-
 rant à Phariseis. cū reuersi dicerent; *Num-*
quā sic loquutus est homo. Currebat in hoc ipso
 odore S. Nicodemus qui *venit ad IESVM no-*
cte, in splendore multo sapiētiæ. In odore iu-
 stitiæ, cucurrit Maria Magdalena, cui *dimissa*
sunt peccata multa, quoniam dilexit multū. Cu-
 currit & Publicanus, qui cū propitiationē
 peccatis suis humiliter imploraret *descēdit iu-*
ustificatus, testāte ipsā iustitiā. Cucurrit Petrus,
 qui lapsus *fleuit amare.* Cucurrit Dauid, qui
 reatum agnoscens & confitens, audire me-
 ruit: *Et Dominus transulit à te peccatū tuū.* Por-

Bern. ser.
 22. in Cāt.

rò in sanctificationis odore Paulus currere sese testatur, cùm CHRISTI esse se imitatore[m] gloriatur. Cucurrerunt & omnes qui dixerunt; *Ecce nos reliquimus omnia, & secuti sumus te.* Iam qui in odore cucurrerunt passionis, omnes Martyres accipe. En quatuor vnguenta assignata habetis, Primum sapientia, secundum iustitia, tertium sanctificationis, quartum Redemptionis.

Aug. med.
dit. c. 35.

Fac me, dulcissime Domine, amare te, & desiderio sui deponere pondus omniũ carnalium desideriorum & terrenarum concupiscentiarum grauissimam sarcinam, quæ impugnant & aggrauant miseram animam meam, vt *post te, expeditè in odorem vnguentorum tuorum currens*, vsque ad tuæ pulcritudinis visionem efficaciter satiandus, quanto cyùs te quoque duce, merear peruenire.

Aug. med.
dit. c. 35.

Descendat, Domine, descendat, precor descendat in cor meum odor tui suauissimus, ingrediatur amor tui mellifluus.

Aug. med.
dit. c. 37.

Trahe me, sursum ad te, vt *curram post te in odorem vnguentorum tuorum*; curram & non deficiam te trahente, te ducente me currentem.

Gilb. in
Cant.
hom. 19.

Tenax enim funiculus amor: amor affectuosè trahit, cui est idipsum alloqui quod est allicere; nihil amoris tenacius vinculo, nihil trahentius.



*Quis mihi det te fratrem meum, sugentem vbera
matris meæ, vt inueniam te foris et deosculer
te et iam me nemo despiciat! Cantic. 8. 24.*

I X.

Quis mihi det te fratrem meum fugentem vbera matris meæ, vt inveniam te foris, & deosculer te, & iam nemo me despiciat!
Cant. 8.

QVis cumulet patrias tãto mihi stẽmate ceras,
Frater vt ad fratres annumerere meos!
Non tamen hoc facio pro stirpis imagine votum;
Nulla mihi augendi sanguinis ambitio est.
Stirpe licet nostrã sanguis tibi vilior esset,
Optarem fratrem te tamen esse meum.
Non pubente quidem vernantem flore iuuenta,
Prima cui roseas vestiãt vmbra genas:
Sed puerum, toto qui nondum vixerit anno,
Lactis adhuc mater quem mea pascat ope.
Quiq̃, ego quas suxi, paruo trahat ore papillas,
Insideatq̃ illos, quos ego sæpẽ sinus.
Hoc ego vel simili cupiam te corpore fratrem,
Si fueris maior, non ego te cupiam.
Quin igitur nostris, mea vita renascere sacris,
Vt videam cunas pusio parue, tuas?
Et nisi fallor, habent pueri quid amabile mores,
Quoq̃, carent iuuenes, virq̃ senexq̃, carent.
Vt q̃ suam quauis laudem sibi vendicet ætas,
Ille tamen pueros scilicet ornat amor.

An dubitas, aliàs puerili pusio vultu,

Ipse Deum domitor, paruulus esset, Amor?

Non nisi quod reliquis, magis hæc sit amabilis ætas,

Nullaq̃ sit tantum quæ, quod ametur, habet.

Hæc quoque, cur voueam puerum Te causâ coëgit,

Crediderim, puero quod mage posse frui.

Quin igitur nostris, mea vita renascere sacris

Vt videam cunas parue puellæ, tuas?

Tum mea, ceu nato, quoties daret vbera Mater

Parue, Tui toties copia prompta foret.

Prompta foret noctuq̃, diuq̃, domiq̃, forisq̃,

Et sine sollicito copia multa metu.

Quin igitur nostris, mea vita renascere sacris,

Osculer vt cunas parue puellæ tuas.

Castâ, soror paruo quæ porrigit oscula fratri.

Oscula derisor carpere nemo potest.

Et licet illa frequens spectauerit oscula testis,

Illâ tamen testis carpere nemo potest.

Et licet inceptas stiterint hæc oscula voces,

Semper habent iustas oscula castâ moras.

O bonâ, quæ nostris faueant ita Numina votis,

Teq̃ velint fratrem sic semel esse meum!

Nascere parue puer, fraterq̃ admitte vocari;

Omnia te mundi vota, precesq̃ petunt.

Quid præ lætitiâ facerem tibi, paruule frater?

Ah! præ lætitiâ, quid tibi non facerem?

O quoties vetitis furtim deprenderer horis,

Peruigil, ad cunas, nocte stetisse tuas!

Quot tibi seruitijs soror obsequiosa studerem,

Fortè vel officijs factâ molestâ meis.

Nempè

Nempe dato quoties depelleret vberem mater,
Depulsum geminis exciperem manibus;
Aut quoties tepidâ gestare iuberet in vmbra,
Gestarêre vlnis sarcina grata meis.
Aut quoties blando dare languida lumina somno,
Somniferis caneret vox tibi nostra modis.
Ipsaq₃, cùm digitos cunis adhiberet agendis,
I licet hoc à me præriperetur opus.
Mox vbi te nostra concederet anxia cura,
Discedensq₃, mihi diceret; esto vigil:
Excubiis, soli propè Te mihi, parue, relictis.
Quàm facerem votis libera frena meis!
Continuò, tacitè velo de fronte reducto,
Exemplum aspectu lumina nostra tuo.
Inq₃, tuo fixis hærens obtutibus, ore,
Vterer oblatis commoditate loci:
Et citò subijcerem capiti, colloq₃ sinistram,
Apprimeretq₃ meo Te mea dextra sinu.
Et tibi, vix tactis furarer basia labris,
Basia sit somno non nocitura tuo.
Quin igitur nostris, mea vita renascere sacris,
Vt semel optatas suauiter ore genas?
Mox vbi lactanti sensim tibi cresceret ætas,
Primaq₃ discenti verba docenda forent;
Discenti cuperem fieri tibi, parue, Magistra,
Blesaq₃, truncatis verba præire sonis:
Cumq₃ geri alterius nolles modò grandior, vlnis,
Ausus arundineo currere solus equo,
Instruerem stabili vestigia figere gressu,
Membraq₃ constanti firma locare pede!

Tumq₃

*Tumq̃, molesto aliquod si offenderet obice saxum,
Tutus in extensas exciperêre manus.
Quin tua sæpè velim falli vestigia lapsu,
Lapsus vt amplexu sustineare meo.
Nec tanti pretium peterem mihi grande laboris,
Suauisolo pretium solueris omne tuo.*



Quis mihi det te fratrem meum sugentem vbera matris meæ, ut inueniam te foris, & deosculer te, & iam nemo me despiciat! Cant. 8.

QVÆ amatrix vnquam optauit, ut is quē diligat, paruulus efficiatur eius frater, & in infantem versus sugat vbera matris? S. Tho. in c. 8. Cant.

Ergo antiquorum vox est ista iustorum, Beda c. 7. in Cant. qui Dominum saluatorem, quem in diuinitate Patri & Spiritui sancto consubstantiallem credebant, ac debitis venerabantur obsequijs in hominis quoque habitu & hominibus consubstantiallem videre cupiebant. Intus quippe erat dilectus, quia in principio erat verbum, & verbum erat apud Deum, & Deus erat verbum; sed ut foris quoque posset inueniri, verbum caro factū est, & habitauit in nobis; viderunt namque Patriarchæ, viderūt Prophetæ Dominum, sed intus, id est, in contemplatione mentis spiritali, non in oculi carnalis intuitu. Viderunt eum, sed in imagine, sed in Angelicæ forma substantiæ; at ipsam eius naturam, nequaquam videre valebant. Denique legifer ipse, qui audire meruit, ostendam omne bonum; rursum audiuit: Non poteris videre faciem meam; non enim videbit faciem homo, & viuet: felices; qui inter se conferre meruerunt: Inuenimus Messiam qui dicitur CHRISTVS. Hoc est namque osculum,

osculum, id est amantissimū illud oris illius donum, ac mutue cōmercium allocutionis.

Mich. Giffert.
cap. 8.
Cant. ex-
pos. 3.

[Sed &] ingens in his suum, pia anima, exprimit desiderium; quo eā ratione per amorem, Deo vniri peroptat, vt nedum in secreto cōtemplationis, verū etiam foris & coram proximis, in vitā actiuā eidem inhærere sibi liceat, ita vt omnibus ædificationi sit, nec quorumcūque mundanorū hominum vereatur contemptum; æquè enim est ac si dicat: O vtinā, tanto mihi astringeris amoris vinculo, Deus meus, quanto adstringuntur frater atque soror! ô vtinam tam tenerè te diligerem, quàm tenerè à sorore diligitur frater paruulus, sugens vbera matris suæ! ita vt etiam palā & coram fratribus, dum proximorum indulgeo vtilitati, deosculer te osculo charitatis; ita vt non pudeat ante omnes, te cōfiteri, tibi que obsequi, oratione ac bonis operibus. Quis mihi det vt iā nedum te timeam vt Deum zelotem, Dominum exercituum, ignem comburentem, & quicquid tale nominari voluisti, quo mihi tui incuterer pauorem; sed vt etiam diligam tamquam fratrem meum, & talem fratrem, qui ob infantiam nihil incutiens metus, vel lapidea ad amorem pertrahas corda!

S. Tho. in
c. 3. Cant.

Tu qui modò es in sinu Patris, quis det, vt homo efficiaris & particeps ac cōsors naturæ nostræ existens, frater meus appelleris?

vt hominem factum in aperto videam, & osculer te, id est, apertâ visione te aspiciam, quem nunc totum in fide teneo!

Cùm magnus & excelsus esses, bonorum meorum non indigebas; vtinam detur mihi vt propter magnam charitatem tuam, factus frater meus ex Virgine, lacte indigeas, quo sustentaris; sicut enim confido, aliquâ ex parte amorem meum, me tibi exhibituram. Priùs te inuenire nequibam, vnde & querebar; deploransque cum Prophetâ, dicebam; *Fuerunt mihi lacryma mea panes die ac nocte, dum dicitur mihi quotidie, Vbi est Deus tuus?* At nunc audiēs Angelum ad pastores dicētem: *Inuenietis infantem positum in præsepio;* confido sanè me quoque inuenturam te foris; extra incomprehensibilem maiestatem illam, quâ intra temetipsum ab æterno latebas; quærebam te iam in hoc mundo, & in creaturis: *In lectulo, namque mentis meæ, quasiui te, quem diligit anima mea: quasiui, & non inueni, surrexi, & circuiui ciuitatem præsentis mundi: per vicos & plateas creaturarum, quasiui te, & non inueni.* At modò te inter creaturas, *paruulum fratrem meum*, ex vberibus Virginis Matris tuæ, simul ac meæ, pendentem inueniens, haud continere me poterò, quin tota in tuâ prorumpam oscula, quin tota tibi per dilectionem vniat; & iam me nemo despiciat, quod adorē, quem nesciam; quod osculer, quem non vi-

Gloss. c. 10
Cant. ex-
pos. 3.

deam; quod illi offeram preces, qui nostra non curet; quòdve illi obsequia exhibeam, ad quem accedere minimè liceat. Deosculans profectò te, in primo conceptionis instanti, *vnxit te Deus tuus oleo lætitiæ præ consortibus tuis*; osculis meis, ita te meum adorabo fratrem, vt iisdem te quoque meum profitear Regem dilectissimum: eo modo quo & Samuelem Saul in Regem vnctum, osculo adorasse, lego in libr. Reg. Tibique vt Regi morem geram in omnibus, id quod & iisdem contestabor osculis meis, quæ tuo imprimã ori, sicut antiquo illi Ioseph, per Ægyptiaci populi osculi signum, totius Ægypti obedientiam promissam lego à Pharaone, cùm ei dixit: *Et ad os tuum cunctus populus deosculabitur.*

Bonau.
solilo c. I.

Ignorauì, quòd tam suauis, ô bone IESV, esset tuus amplexus, tam honestus attractus tuus, tam deliciosus conuictus tuus! Cùm enim te amauero, munda sum, cùm tetigero casta sum, cùm accepero, virgo sum. Tuus, ô dulcissime IESV, amplexus non maculat, sed mundat; tuus attractus, non inquinat, sed sanctificat. O IESV fons vniuersæ & dulcedinis & suauitatis, ignosce mihi, quod tam ferò credidi quantum habet deliciositatis, quantum honestatis, quantum iucunditatis, quando *laua* tuæ æternæ sapientiæ & cognitionis, est *sub capite meo*, id est ratione, & dexte-

ra tuæ Diuinæ clementiæ & dilectionis *am-
plexabitur me*, id est voluntatem. Heu me mi-
seram! quid vñquam tam dulce, tam suaue,
tam deliciosum & salutiferum potest expe-
riri, quàm inter brachia tãti Sponsi quiesce-
re, inter oscula tanti Regis & amico tam fi-
deliter obdormire? hanc dulcedinem sense-
rat anima deuota, quando optabat dicens:
Osculetur me osculo oris sui. Numquid has deli-
cias anima deuota erat experta, quando ora-
bat ardens, & iam penè deficiens præ dilecti
sui concupiscentiâ, dicens, in Canticis: *Quis
mihi det te fratrem meum sugentem vbera matris
meæ, vt inueniam te solum foris, & deosculer te?*
Quis enarrare sufficeret, nisi qui mente gu-
stasset, quantum habet hoc verbum dulce-
dinis & deuotionis, quando bene pondera-
tur & rectè cibatur deuotâ mète? sed ô Do-
mine Deus, si hæc tam dulcia sunt cogitanti,
quàm dulcia esse possunt degustanti? si tam
suauia sunt legēti, quàm consolatoria erunt
per affectum sentienti?



*In lectulo meo per noctes quasiui quem diligit
anima mea. quasiui illum et non inueni. Cantic. 3.*

25.

X.

In lectulo meo per noctes quæsiui
quem diligit anima mea; quæsiui
illum, & non inueni. *Cant. 3.*

Casta canunt nostræ suspiria, votaq; Musæ,
Nullaq; de thalamis vox, Hymenæe tuis.
Vt sua corporibus, sic mentibus est quoque flamma,
Et propè deterior corpora flamma coquit.
Intus, in accensis qui mentibus æstuat ignis,
Delicias liquidi solus amoris habet.
O quanto his, Animæ, facibus melioribus ardenti!
Oscula quam certâ dantq; feruntq; fide!
Quàm placidis castas complexibus itur in vlnas,
Quàm sanctæ sociant mutua vincla manus!
Et suus hic etiam torus est genialis amoris,
Quæq; maritali fœdera nexa face;
Casta Cupidineæ sed fœdera nescia tede,
Nec, nisi quem cupiat Vesta subire torum.
Sed neque cycnæis hic turgent culcita plumis,
Fartaq; Amyclæo vellere fulcrâ tument.
Quo duo tam casti thalamo sociantur amantes
Lectus olorinas non habet ille niues.
Lectulus auspicijs tantorum stratus amorum
Mens est letitia pace quieta sua.
Lectule, pax animæ; cœlestis lectule tede;
Pronube fidereis lectule caste toris!

Tu Spōsi atque Anima thalamus secretus amant ū,
 Solus es ō tantas dignus habere faces!
 Hoc ego consuevi, meditans, traducere noctes,
 Cūm requiem pulso cura sopore negat.
 Hoc meus ille; meos rapuit qui primus amores,
 Est solitus vigili secubuisse toro.
 Et mihi tunc imas vrit fax Dia medullas,
 Inq₃ vicem flammis vritur ille meis.
 Tunc desiderijs querimur sine voce loquentes,
 Mutaq₃ plus verbis lacryma vocis habet.
 At noua quæ subiti sit, nescio, caussa recessus;
 Subuereor, vitio sit data caussa meo.
 Nam mihi iam spatio plus visus abesse diurno,
 Et secus atque solet nocte fuisse foris.
 Hæcine signa forent mutati forsā amoris?
 Aut illū melior lectulus alter habet?
 Hei mihi quā miseris ea nox fuit acta querelis,
 Quæ sine te, viduā nox fuit acta domo!
 Iam propè constiterat medio vaga Cynthia cælo,
 Altaq₃ sopierat lumina lassæ quies;
 Cūm mihi visa tori pulsā vox dicere spondā;
 Surge parat thalamo Sponsus abire tuus.
 Suscitor, & piceos oculis detergeo somnos,
 Impositum cubito sustineoq₃ caput:
 Et desolatas implens vlulatibus ades
 Sollicitā, dormis lux mea? voce rogo.
 Hei mihi, responsū nullum dedit ille roganti,
 Fugerat è thalamis transfuga nempe meis.
 Protinus accenso reperi vestigia lychno
 Quæ cuperem numquam visa fuisse mihi.

Di: meus, exclamo, quò fugit, lectule, Sponsus?
Perfide, dic meus heu! lectule, Sponsus vbi est?
Et vigor, & toto velut amens erro cubili,
Vt tua te viduâ luxit Alexi, domo.
Quos go tunc animo sensi efferuere tumultus,
Cygneus fuerat Pax cui fida torus!
Qua mntem subito insana veriere procella,
Insottam dubijs pandere lina Notis!
Quàm strili iacuit damnatum pectus arenâ,
Dia cui athereis vena scatebat aquis!
Iam grauios labor est oculos attollere coelo,
Oraq₃ duinâ soluere laude, labor.
Iam neque sacra valent prisca in certamina vires,
Qua modîlusus erant praelia facta dolor.
Scilicet optatâ dum felix vterer aurâ,
Aurea molltulus Pax mihi lectus erat.
Tunc vt inexperis Tiro temerarius armis,
(Omnia quînguâ praelia victor agit)
Optabam rabidis aput obiectare Tyrannis,
Aut animam pilcrâ fundere posse nece.
Tunc & Apollonia mihi credita flamma, rosetum;
Tunc rota Costiada Virginis, esse trochus: |
Visaq₃ sunt Agathagmini duo vulnera, torques,
Blandaq₃ Blandim, Taure putatus ouis;
Denique barbarici lanena infanda macelli,
Totaq₃ carnificum vlsa theatra, iocus.
Nempe erat in calidis tæeruida flamma medullis,
Aurea cûm placidus Pax mihi lectus erat.
At simul ac Sponso calor hîc abeunte recessit;
Frigidior Scythico menonihî facta gelu est.

Sic noua, quas Zephyris spirantibus educat aestas,
 Decoquit immeritas vna pruina rosas.
 Lampada sic tenui Pallas quam nutrit oliuo,
 Extinguit tremuli bucca soluta Noti.
 Ah male, te placido quesiui Sponse cubili;
 Qui Crucis in thalamo repperiendus eras!
 Pax mihi lectus erat, Tibi Crux erat asspexa le-
 Hoc te debueram, querere Sponse, toro. Etus.]
 Lux mea, iam quota Te quarendo perdit a nux est!
 Sed quesiui, vbi non inueniendus eras.



In lectulo meo per noctes quæsiui quem diligit anima mea; quæsiui illum, & non inueni. Cant. 7.

Non est reuersus Sponsus ad vocem & votum reuocantis. Quare? vt desiderium crescat, vt probetur affectus, vt exerceatur amoris negotium. Sanè ergo dissimulatio est, non indignatio, superest vt quæratur si fortè reperiatur quæsitus, qui vocatus non venit; dicente Domino, *Omnis qui quærit, inuenit.* & primo quidem quærit illum in lectulo, sed minimè inuenit; neque vnius noctis quæsitio hæc & frustratio, cum dicat ista: *quia quæsiui per noctes.*

Bern. ser.
75, in Cāt.

Legimus Psalmo 76. Piam quandam animam exquisisse Deum nocte, exquisisse verò manibus ac vocibus; illiusq; inquisitionem haud quaquam spe frustratam; sic namque illa, id quod sibi contigit testatum omnibus volens ait: *In die tribulationis meæ Deum exquisiui manibus meis, nocte contra eum, & nō sum deceptus;* at verò in hac sententiâ (*in lectulo meo per noctes quæsiui*) Anima pia Deū ipso noctu quæsisse se asserit, idque frequenter, per multas scilicet noctes; nullatenus tamen illum vel post diutinas inquisitiones reperisse.

Gisler in
Cant. c. 3.
expol. 3.

Quid est quod non inuenitur quæsitus, cum requiratur tā studiosè & impigrè, ipse autem dicat: *Quærite & inuenietis: & qui quærit, inuenit.*

Bern. ser.
75, in Cāt.

inuenit. quomodo ergo implebuntur Scripturæ? neque enim quæ hîc inducitur quærens, vna est ex his quibus ipse ait: Quæretis me, & non inuenietis.

Gisler. in
c. 3. in Cât.
expol. 3.

Ob istiusmodi diuersitatem non modicum primo aspectu offensus est animus, multoque magis offendebar; quia rationi magis consonum mihi videretur, ut Deus ab illa citius inueniri se sineret, illiusque vocibus potius intenderet, quæ maiori erga ipsum flagraret caritate; qualem absque dubio Sponsam censebam.

Verum attentius utriusque animæ perpendens verba; percepi statim rationem diuersitatis prædictæ. Intellexi quid causæ fuerit, cur Anima loquens in Psalmo, Deum repererit; Sponsa autem nequiquam eundem inuenerit; quia nimirum ista, & si manibus Deum quæsiuit, & vocibus; in lectulo tamen & lectulo suo singulari quiete agens & manibus palrans eum quæsiuit, qui ibi haud quaquam esset. Illa autem de tribulationibus ad eum clamauit, qui ait: *De quacumq; tribulatione clamauerint ad me, exaudiam eos.* Sicque facili negotio, non solum inuenit, sed & apprehendit eum, qui dixit: *Cum ipso sum in tribulatione; in die tribulationis, inquit, Deum exquisiui manibus meis nocte contra eum, & non sum decepta.*

Bern. ser.
75. in Cât.

Attendite [ergo] tres esse causas, quæ
inte-

interim occurrunt, & quærentes frustrari solent, cùm aut videlicet: *Non in tempore quærunt, aut non sicut oportet, aut non ubi oportet.* Si enim omne tempus aptum est ad quærendum, cur ergo dicat Propheta: *Querite dum inueniri potest:* erit absque dubio cùm inueniri non poterit, & hæc vna causâ quæ impediri potest, ne inueniatur sponsus à quærentibus se, cùm non quærunt in tempore opportuno. At non ea causâ impedit sponsam, nempe inuocantem & quærentem in tempore opportuno. Sed ne illa quidem eum tepidè aut negligenter seu perfunctoriè quærit; nam corde ardenti & omninò infatigabiliter, quærit planè vt decet. Restat vt de tertriâ videamus, ne videlicet, ubi non decet quærat. *In lectulo meo quasiui per noctes quæ diligit anima mea.* An fortè nō in lectulo, quærendus erat, sed in lecto: quippe cui orbis angustus est? sed nō horreo lectulum, qui noui paruulum. An nō lectulus, tumulus? an non lectulus, præsepium? an non lectulus, vterus Virginis? neque enim magni Patris vterus, lectulus est, sed lectus magnus, de quo ad filium: *Ex vtero,* inquit, *ante luciferum genui te.* Quamquam nec lectus quidem forsitan dignè censendus sit vterus ille, qui Regentis potius quàm iacentis est locus. Meritò proinde Sponsa, ponens lectulum, dicit; *Suum.* [Sed] quid in tuo quærebas, qui se iā in sua

receperat? non videras filium hominis ascē-
 dentem vbierat priùs? Iam cælum tumulo
 commutauit, & tu illū, in tuo adhuc lectulo
 quæris? *Surrexit, & non est hīc.* Quid quæris, in
 lecto, fortem? in lectulo, magnum? in stabu-
 lo, clarificatum? Inttoiuit in potētias Domi-
 ni, *decorem induit & fortitudinem*, & ecce sedet
 super Cherubim, qui sub lapide iacuit. Ex
 hoc, iam non iacet, sed sedet, & tu tamquam
 iacenti subsidia paras; siue vt absolutior ve-
 ritas sit, aut sedet iudicans, aut stat adiuuans.
 Ex tunc ergo & deinceps frustra in lectulo
 quæsitus est sponsus: pulcrè verò sponsa, nō
 quem diligo ego, sed *quem diligit anima mea*,
 inquit, quod verè, & propriè ad solam perti-
 neat animam illa dilectio, quā aliquid spiri-
 tualiter diligit. Nam cū secundū carnem
 quippiam diligit vel potiùs appetit anima,
 carnis potiùs, quā animæ amor dicendus
 est. Et benè *per noctes se* quæsisse eum ait, nam
 non absurdè dici potest, quod qui ignorant,
 nocte ignorant; ac per hoc qui quærent nocte
 quærent. Quis enim quærit quod palàm
 habet? Nox est itaq; donec quæritur spon-
 sus, quoniam si dies esset de medio fieret, &
 minimè quæreretur. sed dicet aliquis: quod
 non sit tam stulta tāque cæca sponsa, vt quæ-
 rat lumē in tenebris, quærat Dilectum apud
 ignorantes, & qui non diligunt eum. Quasi
 verò se per noctes nunc quærere dicat, &
 non

non potiùs quæsisse? Non ait, Quæro, sed quæsiui, *per noctes quem diligit anima mea*. Et est sensus, quia cùm esset paruula, sapiebat vt paruula, cogitabat vt paruula, & quærebat veritatē vbi non erat, errās & non inueniēs, iuxta illud in Psalm. *Erraui sicut ouis quæ perijt*.

Quod si quis contendat sponsam ipsam hîcea referre, quæ sibi tunc temporis euenēre, cùm toto corde viribulque omnibus, ardentissimo amore Deum dilectum suum prosequeretur; Dicendum; nomine *lectuli*, non quamlibet hîc significari *quietem*, sed illam dumtaxat, *quâ anima sancta quiescit in pace interiore*, quam pacem & Isaias, *lectuli & cubilis* nomine insigniuit, cùm de iusto loquens dixit: *Veniat pax, requiescat in cubili suo, qui ambulauit in directione suâ*.

Dilectum [enim] in lectulo querimus, quando in præsentis vitæ aliquantulâ requie redemptoris nostri desiderio suspiramus. *Per noctem querimus*; quia etsi iam in illo mens vigilat, tamen adhuc oculus caligat.

Sed ingens ilico hîc insurgit difficultas, quâ ratione anima sancta in eiusmodi lectulo Deum quæsisse se asserat, & non inuenisse? cùm alibi fateatur, in eo ipso lectulo, se vnâ cum illo, quietissimè dormituram, dicens: *In pace in idipsum, dormiam & requiescam*. Cumq; exploratum omnibus sit; *In pace factum esse locum ipsius Dei*. Si ergo in pace comoratur

Gisler in
c.3. Cant.
expos.3.

Greg. ho.
19. in Eze.
& 25. in
Euang.

Gisler. in
c.3 Cant.
Expos.3.

moratur Deus: si in pacis lectulo, cum eo pacifica dormit anima: quomodo sponsa, ibi se eum inuenisse negat, vbi iam præsens is adest? Ad hæc breuiter respondendum: adesse quidem Deum, & vt proprio requiescere loco, in interiore pace. verumtamen, admirabili prouidentiâ, elongari nonnumquã, vel abscondi ab ipsâ animâ, cum quâ *lectulū habet communē* sinens eam esse *aridam*, & quodammodo dulci destitutam complexu.

Bern. sero
32. in Cāt.

Sunt[enim] qui in studijs spiritualibus fatigati, & versī in teporem, atque in defectu quodam spiritus positi, ambulant tristes vias Domini corde arēte & tædente, lōgos dies, longas conqueruntur & noctes loquentes cū S. Iob: *Si dormiero, dicam: quando consurgam? & rursus expectabo vesperā.* An tibi aliud, vel pati, vel petere ille videtur, qui ait: *Dormitauit anima mea præ tadio, confirma me in verbis tuis.*

Giffes. in
c. 3 Cant.
Expof. 3.

Porro id ob triplicem[accidit] rationem: Primò vt hâc suâ tantilla elongatione, ad maiorem perfectionem eam prouehat. Secundò vt iucundior postea sit eius reditus vel eius inuentio. Denique quemadmodum chorda, quò magis ab arcu recedit, eò maiore inipetu ad ipsum accedit, maioremq; exhibet vim sagittæ, quæ per arcum iacitur; ita quò magis Deus videtur se ab anima amouere, eo ardentiori beneuolentiâ, in eandē sese postea insinuat. At, si ob allatas rationes
ab

ab illâ se abscondit, cur non inueniri se finit
 ab eâ, quæ tanto studio ibi ipsum quæsiuit,
 vbi quæri is velit? *Quasiui illum*, inquit, & non
inueni; vt videlicet, eius perseuerantiæ peri-
 culum faceret, vtque experiretur, quò ea
 tenderet, cùm aliquando ab internæ pacis
 lectulo surgeret.

Abscondit se [ergo] Sponsus cùm quæri- Greg. li. 5.
mor. ca. 4.
 tur, vt non inuentus ardentiùs quæratur; &
 differtur quærens Sponsa ne inueniat, vt tar-
 ditate suâ capacior reddita, multiplicius
 quandoque inueniat, quod quærebat.

[Sed] Domine, si non es hîc, vbi te quæ- Ansel. in
protolog.
cap. 1.
 ram absentem? si vbique es, cur non video
 te præsentem? sed certè habitas lucem inac-
 cessibilem. Et vbi est lux inaccessibilis, aut
 quomodo accedam ad lucē inaccessibilem?
 aut quis me ducet, aut inducet in illam vt
 videam te in illâ? accedere ad te desiderat
 seruustuus, & inaccessibilis est habitatio
 tua. Inuenire te cupit, & nescit locum tuum.
 Obsecro Domine, doce me quærere te, &
 ostende te quærenti; quia nec quærere te
 possum nisi tu doceas, nec inuenire nisi te
 ostendas: quæram te desiderando, deside-
 rem quærendo, inueniam amando, amem
 inueniendo.



Surgam et circuibo ciuitatem; per vicos et plateas quæram quem diligit anima mea: quæsiui illum et non inuēni . Cantic. 3. 26.

X I.

Surgam, & circuibo ciuitatem; per
vicos & plateas quæram quem
diliget anima mea; quæsiui illum,
& non inueni. *Cant. 3.*

TAndem, serò licet, meus est mihi cognitus error:
Si bene quæsissem, Sponse, repertus eras.

Credideram placido somnos te carpere lecto,
Commodus, at video, non fuit ille torus.

Quid faciam cœpta pergam dare membra quieti,
Et sine te somnus lumina nostra teget!

Ah, sine te, nequeam solito dare membra sopori,
Aut vllâ, sine te, Sponse, quiete, frui!

Non si somniferis iuuilet lympa susurris,
Lympa cauernoso præcipitata iugo;

Aut nemorum blandis agitata cacumina ventis,
Multaq; que syluis garrula cantat auis:

Aut Heliconiadum, Parnassia turba, Dearum,
Aut pater aurata Delius ipse lyra.

Nec tua discutiant mihi, Somne, papauera curas;
Humida nec virgâ tempora tacta tuâ.

Noxia nec vigilem qua sopiunt herba Draconem,
Fistula quæq; oculos condidit, Arge, tuos.

Vix vbi composui luctantia lumina somno,
Rumpitur indomito cœpta dolore quies.

Et nullam accipiunt oculiq; aut pectora noctem,
Quin mihi, nox etiam creditur vna, decem!

Q

Fingit

Fingit & assidue de te, mihi somnia Morpheus,
 Nec fugis ex oculis flebilis vmbra meis.
 Cur toties igitur somni mihi nocte petuntur,
 Si mihi nulla venit, nocte, petita quies?
 Eripiat stratis, mediamq₃ vagata per urbem,
 Quò sors aut ratio me volet ire, ferar.
 Et circumspiciens, nùm fortè quis angulus abdat,
 Queram quem propriâ diligo plus animâ.
 Queram porticibus, queram stabulisq₃, casisq₃,
 Perq₃ semel tritas ibo, redibo, vias.
 Nec malè perspecta fallet specus vlla latebra,
 Nec quem transiero, circulus vllus erit.
 Qualis odora canis vestigia pressa ferarum
 Mersâ nare legens, lustra, rubosq₃ subit:
 Aut qualis siculas Ops errabunda per vrbes,
 Aspicit an flores perdita Nata legat,
 Ruraq₃ piniferis vestigans auia tedis
 Persephonen stygijs optat adire vadis.
 Aut potiùs Solymis qualis vaga Magdala campis
 (Cùm flebat Domini marmor inane sui)
 Saxa peralta rude sq₃ ruit furcata per agros
 Qua dolor ancipitem qua rapiebat amor.
 Omnibus vna locis aderat, comes omnibus vna;
 Vna super Domini funere multa rogans.
 Attica sic viduo volucris gemit anxia nido,
 Luctisonisq₃ nemus personat omne modis:
 Et circum, supraq₃ volans, nunc ardua summo
 Vertice, nunc imâ pendula fronde sedet;
 Et raptam sobolem, raptoris & aucupis artes
 Heu! consanguineo nunciat orba gregi.

*Haud aliter cunctis lustraui compita vici,
Non tamen est vlllo prada reperta loco.
Infames vici, loca detestanda platea,
Decepto toties compita trita pede!
Amissum in thalamis, foris hic reperire putabam,
Sed malè quasitus, perditus vsque later.*



*Surgam, & circuibo ciuitatem; per vicos
& plateas quæram quem diligit ani-
ma mea: quæsiui illum, & non inueni.*
Cant. 3.

Orig. ho-
mil. 10. in
diucr.

EFFVNDITE lacrymas oculi mei, plo-
rate, & nolite deficere. Ambulate pedes
mei, discurrite, & nolite quiescere. Heu! heu!
quò abiit gaudium meum, vbi latet amor
meus? vbi est dulcedo mea? cur dereliquisti
me, salus mea? O dolores! o angustia! Intole-
rabiles angustia sunt mihi vndique, & quid
eligam, ignoro. Quò me vertam? ad quem
ibo? à quo consilium peram? quem percun-
ctabo? quis mei miserebitur? quis me con-
solabitur? quis indicabit mihi quem diligit
anima mea? Reuertere, dilecte mi! reuertere,
dilecte votorum meorum! ô amabilis! ô de-
siderabilis! redde mihi lætitiā salutari
præsentia tua.

Orig. ibid.

Heu me! vbi eum quæram, vbi eum inue-
niam? surgam certè, & circuibo omnia loca
quæ potero; non dabo somnū oculis meis,
non dabo requiem pedibus meis, donec in-
ueniam illum, quem diligit anima mea.

Bern. ser.
7. in Cant.

Sedens in lectulo, quæsiui, cum adhuc in-
firma & inualida forem, & omninò minùs
idonea sequi Sponsum quocumque ierit; se-
qui ad ardua & excelsa sublimitatis illius.
Incidit in multos, qui cognoscentes deside-
rium

rium meum, dicebāt mihi: *Ecce hīc est CHRISTVS, ecce illic est; & neq; hīc, neque illic erat; & dixi, Surgam, & circuibo ciuitatem per vicos & plateas, quæram quem diligit anima mea. Incuere vel nunc quia iacer, quæ dicit surgam.*

Adhuc vt paruula sapit; per vicos & plateas, quærendum putauit, fruendi auida, sed ignara mysterij iterum ergo frustrata repetit dicens: *Quæsiui eum, & non inueni.* Non est, vt ista suspicata est, in plateis, aut vicis; nisi fortè in illis, de quibus dicitur: *Platea tua, Hierusalem, sternentur auro mundo, & per omnes vicos tuos alleluia cantabitur.*

Anima[enim] quæ amat, adscēdit frequenter, & currit familiariter per plateas cœlestis Hierusalem, visitando Patriarchas & Prophetas, salutando Apostolos, admirando exercitus Martyrum, & Confessorum, chorosque Virginum speculando.

Ibi, ibi illum, qui quæret, inueniet, & videbit gloriam eius, non gloriam quasi vnus ceterorum, sed planè gloriam, quasi vnigeniti à Patre. quid facies, ô Sponsa! putas, potes sequi eum illic? aut te ingerere audes, vel vales huic tam sancto arcano, tamq; arcano sanctuario, vt filium in patre, & patrem intuearis in filio? non utique; vbi est ille tu non potes venire modò; venies autem postea: Age tamen, sequere, quære, nec te inaccessibleis claritas, vel sublimitas à quærendo de-

Q; terreat,

Bern. ser.
76. in Cāt.

Aug manu
ca. 24.

Bern. ser.
76. in Cāt.

terreat, ab inueniendo desperare faciat. Si potes credere, omnia possibile sunt credēti. Propè est, inquit, verbū in ore tuo, & in corde tuo. Crede & inuenisti, nam credere, inuenisse est. Norunt fideles, habitare CHRISTVM, per fidem, in cordibus suis. Quid propius est? Quære ergo secreta, quære deuota, bonus est Dominus animæ quærēti se. Quære votis, sequere actibus, fide inueni; quid nō inuenit fides? attingit inaccessa, deprehēdit ignota, comprehendit immensa, apprehēdit nouissima; ipsam denique æternitatem suo illo vastissimo sinu quodammodo circumducit, fidenter dixerim: æternam, beatamq; Trinitatem, quam non intelligo, credo, & fide teneo, quod non capio mente.

Bern. ser.
75. in Cāt.

Quid hoc desiderij est & ardoris, vt surgens de nocte publicū non erubescat? percurrat ciuitatem? percunctetur palā & passim de dilecto, atque à vestigandis semitis eius nullā valeat ratione auerti? nullā præpediri difficultate, non tempestiuæ retineri amore quietis, non Sponsæ verecundiā, non vel timore nocturno? Et tamen in his omnibus frustrata est vsq; adhuc à desiderio suo. Quare? quid sibi vult pertinax hæc & diuturna fraudatio, rēdiorū nutritrix, suspicionum fomes, impatiētix fax, nouerca amoris, mater desperationis? si adhuc dissimulatio est, nimis est molesta. Esto, quod piè, vtiliterque
interim

interim fuerit dissimulatum, donec in solâ adhuc vocatione, seu reuocatione res erat: nunc verò cùm requiritur, & ita requiritur, quid iam conferre poterit dissimulatio? si de carnalibus sponſis, & pudendis amoribus quæstio est, sicut litteralis superficies præluſisse videtur, & si inter illos talia contingere queant, mea non interest, ipsi viderint.

Nolo te sponſum quærere per plateas, Hieron.
epist. 22.
ad Eustoc. nolo te circumire angulos ciuitatis, dicas, licet: *Surgam & circuibo ciuitatem, & in foro, & in plateis quaram, quem dilexit anima mea;* & interroges; *Num, quem dilexit anima mea, vidisti?* nemo tibi respondere dignabitur: sponſus in plateis non potest inueniri. Arcta & angusta via est, quæ ducit ad vitam, zelotypus est IESVS, non vult videri faciem tuam: foris vagentur virgines stultæ, tu intrinsecus esto cum sponſo.

Non in foro, non in plateis CHRISTVS Ambr lib.
de virg. reperitur. non est CHRISTVS circumforaneus; CHRISTVS enim pax; in foro, lites: CHRISTVS iustitia est; in foro iniquitas: CHRISTVS operator est; in foro inane otium: CHRISTVS charitas est, in foro obrectatio; CHRISTVS fides est, in foro fraus atque perfidia. fugiamus ergo forum, fugiamus plateas. Nec illa cum in foro & in plateis potuit reperire, quæ dixit: *Exurgam, ibo & circuibo in ciuitate, in foro, & in plateis, &*

quæram quem diligit anima mea; quæsiui eum, & non inueni eum. Nequaquam igitur ibi quæramus CHRISTVM, vbi inuenire nō possumus.

Bern. ser.
84. in Cāt.

Non pedum passibus, sed desiderijs quæritur Deus; & vbique non extundit desiderium sanctum, felix inuentio, sed extendit. Numquid consummatio gaudij, desiderij consumptio est? oleum magis est illi, nam ipsum flamma. Sic est; adimplebitur lætitia, sed desiderij non erit finis; ac per hoc, nec quærendi: quid ni animer ad quærendum, experta clementiam, & persuasa de pace?

Guilib.
Abb. ser.
45. in Cāt.

Attendite vehementiam & vim amoris. Nec abesse dilectum sustinet, nec sufficit præsentij; ibi, vota anhelata laborant; hîc exhausta relinqui patiuntur. O felix amor, qui continuâ quâdam vicissitudine, aut liquefcit in ipso, aut quærens, anhelat ad ipsum! *quæsiui & non inueni.*

Aug. solilo
6. 31.

Ego erraui, sicut ouis quæ perierat, quærens te exterius, qui es interius; & multum laboraui quærens te extra me, & tu habitas in me, si tamen ego desiderem te. *Circuiui vicus & plateas ciuitatis huius mundi quæres te, & non inueni,* quia malè quærebat foris, quod erat intus. Misi nuncios meos, omnes sensus exteriores, vt quærerem te; *& non inueni,* quia malè quærebat. Video enim, lux mea, Deus, qui illuminasti me, quia malè te per illos quærebam, quia tu es intus, & tamen ipsi,
vbi

vbi intraueris, nesciuerunt. Serò te amaui
 pulcritudo tam antiqua & tam noua, serò te
 amaui; & tu intus eras, & ego foris, & ibi te
 quærebam, & in ista formosa quæ fecisti, ego
 deformis iruebam. Mecum eras, & tecum
 non eram. Ea me tenebant longè à te, quæ
 esse non poterant, nisi in te. *Circuibam* enim
 omnia, quærens te, & propter omnia dere-
 linquens me. Interrogauì terrâ, si esset Deus
 meus. & dixit mihi, quod nō; & omnia quæ
 in ea sunt, hoc idem confessâ sunt. Interro-
 gauì mare & abyssos & reptilia quæ in eis
 sunt, & responderunt, nō sumus Deus tuus:
 quære super nos eum. Interrogauì flabilem
 aërem, & inquit vniuersus aër, cum omnibus
 incolis suis: fallitur Anaximenes, nō sum ego
 Deus tuus. Interrogauì Cælum, Solem, Lu-
 nam & Stellas; neque nos sumus Deus tuus,
 inquit. Interrogauì deinde mūdi molem,
 Dic mihi, si es Deus meus, an nō? & respon-
 dit voce forti: Non sum, inquit, ego, sed per
 ipsum sum ego; quem quæris in me, ipse fe-
 cit me; suprâ me quære eum qui regit me,
 qui fecit me.



*Num, quem diligit anima mea, vidistis? Paullulum
cum pertransissem eos, inueni quem diligit ani-
ma mea: tenui eum, nec dimittam. Cantic. 3. 27.*

XII.

Num quem diligit anima mea vidistis?

Paullulùm cùm pertransissem eos,
inueni quem diligit anima mea;
Tenui eum, nec dimittam. *Cant. 3.*

Restat adhuc totâ locus vllus omissus in vrbe?
Aut regio nstro non peragrata pede?
Flammiferis cuncta facibus luxere plateæ,
Nullaq; vel minima compita spreta via.
Hei mihi! quos vicos, quæ non loca tristis obiui?
Vrbsetiam in tantâ defuit vrbe mihi.
Sed quid in hos frustra inuat incubuisse labores,
Si Sponsum semper quero, nec inuenio?
Ergo domum lacrymans, vestigia retrò ferebam,
Quiq; rogaretur, nemo viator erat.
Cùm propter portis à mœnibus aufero gressum,
Et vigil ad portas occupat ecce cohors.
Ac prior, hîc dixi, quem diligo fortè latebit;
Et subitò, vigiles, reppererintne? rogo.
Illi, cum tacito conuvertere lumina risu,
Verbaq; dentatis reddere salsa iocis.
Et quidam; Quisnam ille tuus quem diligis ignis,
Absq; suo nosci nomine posse putas?
Parcite, respondi, tam rusticus est mihi candor,
Scire omnes rebar; quis meus esset amor.

Nec

Nec mage vel Pyladis notum, vel nomen Orestis,
 Néve tuum, Thysbe, Pirame, néve tuum:
 Vosq₃ etiam quamuis, quem diligo, scire negetis,
 Scire, nec ignotum posse latere, puto.
 Obsecro, dic igitur Custodia pervigil vrbis,
 Num meus hac vobis tendere visus Amor?
 Ille meus, propriâ quem plus ego diligo vitâ,
 Qui quoque me vitâ plus amat ipse suâ.
 Dicite, quando abiit? quantillo tempore mansit?
 Quâq₃ prahensurum se simulauit iter?
 Hac iit aut illac? de xtra vel fortè sinistrâ?
 Solus erat? socijs an comitatus erat?
 Excubia falsis iterum risère cachinnis;
 At mihi salsa meas obruit vnda genas.
 Transieram: Sponsi neque spes super vlla videndi,
 Mensq₃ erat in damni mersa dolore sui:
 En subito, dum cuncta animo tristissima voluo,
 Nullaq₃, quam tanta, vota minora spei;
 Ille meus, totâ toties quasitus in vrbe,
 Iam non quasitus constitit ante oculos,
 Exiliÿ, mystoq₃ metu perterrita gaudens
 Vix potui proprijs credere luminibus.
 Et, Téne aspicio, mea lux, mea vita? volentem
 Dicere, vox hærens faucibus impediit.
 Qualis vbi viso coniux inopina marito,
 (Quem mendax tulerat rumor obisse diem)
 Obstupet ac visâ veluti percellitur umbrâ.
 Optantemq₃ loqui, pallida facta, fugit.
 Nec nisi iam noto reducis fidentior ore,
 Audet in amplexus coniugis ire sui:

Tumq³ veretur adhuc, ne se malè credula fallat,
Inq³ fidem leuior decipiatur amor:
Sic ego, dum trepido rediére in pectore vires,
Teq³ iterum ante oculos, Sponse, reuiso meos;
Subdubitans speransq³ timensq³ & amore fatiscens,
Túne es, quem video, clamo, vel vmbra tui?
Ah Sponse! ah non es! non es, quem diligo, non es!
Imò es quid dubito? numquid es? haud dubito.
O mea lux, video, te nunc video, mea vita;
Nil vltra dubito, lux mea, te video.
Agnoscentq³ tui vocem prasentis & ora,
Inuolo in amplexus, Sponse reperte, tuos.
Iamq³ ego te teneo, neque per vaga compita quaram,
Ludibrium vigili, nocte futura gregi.
O mea si geminis mutantur brachia vinculis,
Atque manus manicis, compedibusq³ pedes!
Quàm te complicitis, mea lux amplecterer vlnis!
Arctius amplexu, vitis & vlmæ, tuo.
Arctius anguipedum manibus, pedibusq³ hederarū,
Queis obit annosas herba marita domos.
Sed neque te nostri lassent, mea vita, lacerti,
Sapè nec errantes per tua colla manus:
Longa Tui subeat, mea lux, absentia mentem,
Nec nisi pensari tempore posse putes.
Ah citò tam longi quereris compendia damni.
Vix ego iam cœpi, tu satur, ecce, fugis.
Non ita discedes non tam citò liber abibis;
Non nisi pugnando viceris, effugies.

*Num quem diligit anima mea vidistis?
Paullulum cum pertransissem eos, inueni
quem diligit anima mea. Tenui eum,
nec dimittam. Cant. 3.*

Bern, ser.
79, in Cât.

O AMOR præceps, vehemens, flagrans, impetuosè ! qui præter te, aliud cogitare non sinis, fastidis cætera, contemnens omnia, præter te, te contentus : confundis ordines, dissimulas vsum, modum ignoras. Totum quod opportunitatis, quod rationis, quod pudoris, quod consilij, iudiciive videtur, triumphas in temetipso, & redigis in captiuitatem. En omne quod cogitat ista & loquitur, te sonat, te redolet, & aliud nihil. ita tibi, ipsius & cor vendicasti & linguam. Ait: *Num quem diligit anima mea vidistis?* quasi verò hi sciât, quid cogitet ipsa! Quem diligit anima tua de ipso sciscitaris? & non habet nomen? Quænam verò tu, & ille quis?

Nyfl ora.
12. in Cât.

Quo pacto inueniri posset, quod nullæ res nobis cognite ostendere possunt? nō forma, non color, non circumscriptio, nō qualitas, non locus, non figura, non coniectura, non adsimilatio, non proportio; sed quod semper extra omnem perceptionis viam positum, comprehensionem peruestigantium planè fugit. Propterea, inquit, *quesiui eñ*, per animæ facultates eas quæ inueniendi vi præditæ sunt; per ratiocinationes & cogitationes

nes: at extra hæc omnia positus erat, accessum mentis propiorem effugiens. Qui verò semper reperitur omni notâ carere, de quâ possit agnosci, quo pacto queat is per indicationem aliquam vocum percipi?

[Sed] sicut Coniux amatrix viri, absente marito suo, per fenestras circumspicit, ipsum requirens, & ubique speculans, in mari & in terrâ; etsi viderit nauem venientem, ibi suum putat esse virum; & si viderit viatores procul venientes, inter ipsos adesse existimat, & occurrens eis, interrogat dicens: Dicite mihi ubi eum dimiseritis, in quâ regione, aut in quâ ciuitate? quid dicentem, aut quid facientem, aut quando venientem? in hunc modum, omnis sancta [anima] constrieta amore CHRISTI interrogat: *Dicite mihi, ubi pascit, ubi cubat, quem diligit anima mea?*

Chrysost.
homil. de
virtute.

Iam optas videre quem amas, cui nunc blandiris, & nunc ad amoris & desiderij intentionem suauiter illum peruestigas, nunc moras accusas, nunc te cernis contemptum, nunc te visitatione confiteris indignum, & iterum de eius, (totiens expertus) bonitate præsumis, nunc quasi ulterius non sustineas, spirituali quodam litigio vel luctamine euincere retardantem conaris. Quæ tunc lacrymæ? qui gemitus? quæ suspiria? quæ voces? nunc oculi fletu graues, cum intimis singultibus eriguntur

Bernard.
hom. infr.
8. Epiph.

tur ad cœlum; nunc manus extenduntur & brachia, nunc pectoris contusione animæ tarditas accusatur. Proferuntur intestinè verba sine principio, sine fine, quorum nec sententiæ cohærent sibi, nec rationes similes sunt, nec alicuius linguæ sensus vel idioma seruatur; quando vox aliquando respondet affectui, & iterum vocem affectus intercipit. Gaudet certè pius ille IESVS tali certamine superari.

S. Greg. in
Psal. poen.

Superest itaque vt ad eū recurrat, in quo solo vera est cōsolatio, & per istius vitæ noctes, in lectulo cordis DEVM quærat; Quem si primò non inuenit, magis ad quærendum animetur, surgat ad amorem cœlestium; ciuitatem circumeat exultatione vniuersę terræ fundatam; interroget vigiles, qui custodiunt Ecclesiam, nudetur pallio sæcularis ornatus, & charitatis sagittâ interiùs vulneretur. Nec priùs à quærendo desistat, quàm mœrentium consolatorem inueniat. Inuentum autem summoperè teneat, donec redemptus ope adiutricis gratiæ, à conscientię eripiatur tribulatione.

Orig hō.
1. in Cant.

Est enim quidam spiritalis amplexus, atque vtinam contingat, vt meam Spōsam alior Sponsi amplexus includat, vt ego quoque possim dicere, quod in eodem libro scriptum est: *Sinistra eius sub capite meo, & dextera illius amplexabitur me!*

Quid

Quid hoc tenacius glutino, quod nec à Bern. ser.
 quis eluitur, nec ventis dissoluitur, nec scin- 79, in Cát.
 ditur gladijs? Deniq; *aqua multa non poterunt
 extinguere charitatem. Tenui eum nec dimittā.* Et
 sanctus Patriarcha: *Nonte*, inquit, *dimittam,*
nisi benedixeris mihi: Ista non vult eum dimit-
 tere: & fortè magis quàm Patriarcha id non
 vult, quia nec pro benedictione quidem; si-
 quidem ille, benedictione acceptâ, dimisit
 eum: hæc autem non sic, Nolo, inquit, be-
 nedictionem tuam, sed te. *Quid enim mihi est
 in calo, & à te quid volui super terram?* non di-
 mittā te, nec si benedixeris mihi. *Tenui eū, nec
 dimittā.* Nec minùs forsitan ille teneri vult,
 cùm perhibeat dicens: *Deliciae meae esse cum fi-
 liis hominum.* Quodque pollicens ait: *Ecce ego
 vobiscum sum, vsque ad consummationem sæculi:*
 quid hâc copulâ fortius, quæ vna, duorum
 tam vehementi voluntate fundata est? sed
 nihilominùs, illa vicissim tenetur ab eo
 quem tenet; cui a'ibi dicit: *Tenuisti manum
 dexteram meam.* Quæ tenetur & tenet, quo-
 modo iam cadere potest? tenet fidei firmi-
 tate, tenet deuotionis affectu. At nequa-
 quam diu teneret, si non teneretur. Tenetur
 autem potentiâ & misericordiâ Domini.
Tenui eum, nec dimittam.

Inueniam[& ego] Te desiderium cordis Aug solilo
 mei. teneam Te, amor animæ meæ, ample- cap. i.
 ctar Te sponse cœlestis, exultatio mea sum-

ma, intus & extra, possideam. Te beatitudo sempiterna, possideam. Te in medio cordis mei, vita beata, dulcedo summa animæ meæ!

Aug. med.
cap. 37.

Ecce quod concupiui iam video, quod speraui iam teneo, quod desideravi iam habeo; illi namque in cœlis iunctus sum, quem in terris positus totâ virtute dilexi, totâ caritate amplexus sum, cui toto amore inhæsi, ipsum laudo, benedico, atque adoro.

Beda in
c. 3. Cant.

Tantò instantiùs inuentum tenui, quantò tardiùs, quem quærebam, inueni.

Orig. ho.
10. in di-
uers.

O pijsſime Domine & dulciſſime Magiſter! quàm bonus es his, qui recto ſunt corde, & humiles ſunt ſpiritu! ô quàm beati, qui in ſimplicitate cordis quærunt te, & quàm felices qui ſperant in te! Verum certè eſt, & indubitanter verum, quòd tu diligis omnes diligentes te, & numquam derelinquis ſperantes in te. Ecce enim dilectrix tua ſimpliciter quærebat te, & veraciter inuenit te. Sperabat in te, & non eſt derelicta à te, ſed plus eſt conſecuta per te, quàm expectarat à te.

Aug. ſolilo
cap. 38.

Gratias Tibi, lux mea, quoniam illuminasti me, & inueni Te, & me, vbi inueni me, vbi cognoui me, ibi inueni Te, ibi cognoui Te; vbi autem cognoui Te, ibi illuminasti me.





*Mihi autem, adhaerere Deo bonum est; ponere
in Domino Deo spem meam. Esal. 72.*

28.

X I I I.

Mihi autem adhærere Deo bonum
est, ponere in Domino Deo spem
meam. *Psalm. 72.*

Quam mea, per varios, vita est exercita casus!
Vt pila, percussu pulsa, repulsa manu.
Munera belligeri primùm placuere Gradiui,
Armaq; spelandis, sanguinolenta tuli.
Arma dabant animos, & erat spes omnis in armis,
Ceuforet hâc votis meta futura meis
Sapè vigil tetricas traduxit cantibus horas,
Et custos specula tadia longa tuli.
Nec semel admonitu fraus hostica prodita nostro est,
Cum signum toties, ore, vel are dedi.
Addidici septis fossam producere castris,
Et sude præfixas impedisse vias.
Quin etiam subita faciem componere pugna,
Et trepidis animos addere, voce, globis.
Denique non tenuit belli quis certius artes,
Militis auxilio seu Ducis esset opus.
Ah, quoties Libycas pressit pes lassus arenas,
Et cecidit madidis sudor in ora comis!
Collaq; magnanimus tinxit fumantia puluis;
Nec tamen vnda, sitim quæ recrearet, erat.
Ah quoties gelidos fluuiorum innauimus alueos.
A Ere grauate humeros, are grauate caput!
Oraq; prensatos retinebant mordicus enses,
Nando per obstantes cum veheremur aquas.

Bellantem tenuit iam tot me Mars piter annis,
 Principioq₃ pedes, sine merebar eques:
 Quoq₃ tegor, decimâ fuit ictus arundine thorax,
 Lasq₃ sunt totidem cassis & vmbro locis.
 Lethifero cecidit sonipes mihi tertius ictu,
 Crista quater, galeæ cuspide, rapta fuit.
 Quin animam praeceps in aperta pericula misi,
 Dum nimis hostili dextera cade calet.
 Nulla tamen nostro tunc sunt data vulnera tergo,
 Omne sed aduerso pectore vulnus erat.
 Nempe gradum tenui, contra ferrumq₂ faceq₃
 Telaq₃ præcipiti grandine plura tuli.
 Perq₃ meo factos gladio spatiabar acervos,
 Imposito subigens corpora strata pede.
 Quis putet, hoc tantis caput insuperabile bellis,
 Non etiam bellis, vota tulisse suis?
 Heu mihi! post partas proprio tot sanguine lauros,
 Post tot ad infernos funera missa lacus;
 Post toties meritas gladio victore coronas,
 Post tot fixa tuo signa, Gradine, tholo:
 Vna tot egregios deleuit culpa triumphos,
 Nec fuit vlla super nominis vmbra mei:
 Et grauis in poenam me diruit ære Tribunus,
 Iussit & incincto turpiter ire sago.
 Gloria quin odijs popularibus obruta vertit,
 Sic cecidit tanto Marte petitus honos.
 O vtinam potiùs pro te, Deus, arma tulissem!
 Non ita cassa suis laudibus arma forent.
 Te super, intrepidâ meliùs spe, vota locantur,
 Vt fundat trepidas anchora fida rates.

Ergo suum Odrysio positum suspendimus ensẽ,
 Aeraq₃ sunt curuæ iussa valere tubæ.
 Tum lucra, tum vigiles, lucro arrisere tabernæ,
 Vnaq₃ Mercurio cura litasse fuit.
 Tum piper & lanas lydo reparauimus auro,
 Veximus & grauidâ grana, merumq₃ trabe.
 Nostraq₃ Barbaricos tetigerunt linteaportus,
 Et sinus inuectâ vix sine merce fuit.
 Scilicet, è minimâ magnum re cogere quæstum,
 Maximus hâc studiÿ parte triumphus erat.
 Creuerat aggestis iam densa pecunia nummis,
 Nec domus immensas arcta tenebat opes.
 Classis & ambustis onerata redibat ab Indis,
 Sed periit, patrijs proxima classis aquis.
 Plurimus implebat tabulas mihi debitor ambas,
 Credita periurus debitor esse negat.
 Ergo velut liquidis sal crescit & interit vndis,
 Vt creuistis opes, sic perijstis opes.
 O quanto placidos tranquillius exigit annos,
 Qui neque lucra cupit, qui neque bella mouet!
 Diues Athlantiade, tua linquo negotia, dixi,
 Nulla mihi vestrâ merce redempta quies.
 Quid facerem, toties frustrantibus omnia votis,
 Marte negante decus, Mercurioq₃ fidem?
 Regis in ignotam subrepſi nobilis aulam;
 Magnaq₃ mox regi fama relata mei est.
 Et vocor, & videor, placidoq₃ arrideor ore;
 Dumq₃ loquor, pronâ Principis aure fruor.
 Nescio quid fuerit, quod Rex ita cœpit amare;
 Non fuit hoc meriti, sed magè sortis opus.

Seu fuerit virtus, seu sors, seu Regius error,
 Maximus exiguo tempore creuit amor.
 Sæpè diem nocti coniunximus, inq̃ loquendo,
 Non fuerat visus præcipitasse dies.
 Sæpè domi tacitas lusu traduximus horas,
 Vnaq̃ sæpè foris mensa duobus erat.
 Non ita Seianum Latiae fauor extulit Aula;
 Clitus Alexandro non ita carus erat.
 Commodus haud tantũ potuit tribuisse Cleandro,
 Aut Constantini plus amor Ablauio.
 Iamq̃ suã fateor, fauor hic, nouitate placebat,
 (Vt propè non solita res nouitate placent)
 Aulaq̃ felicem, felicem turba vocabat,
 Quod mihi tanta Ducis gracia parta foret.
 Vah! nimis infidis subnixa potentia sceptris,
 Quæ minimo sortis turbine versa ruit!
 Ecce, minax tetricos cœpit Rex ducere vultus,
 Nec tamen est vitio gratia læsa meo.
 Hei mihi! cœptus amor, subitam se vertit in iram,
 Hostis & è patrio cogor abire solo.
 Et veteres auxi casu, noua fabula fastos;
 Fabula sic elegis triste canenda meis.
 Arcadij Eutropius, Stilico rediunus Honori,
 Et Constantini Cæsaris Ablauius;
 Clitus Alexandri, Tiberi Seianus; imago
 Heu nimis historia vera fuere mea!
 O Deus! ô quantò tranquillius exigit eum,
 Qui locat in sceptris vota q̃ spesq̃ tuis!

*Mihi autem adherere Deo bonum est: po-
nere in Domino Deo spem meam.*

Psalm. 72.

COR humanum in desiderio æternita- Aug. med.
cap. 25.
tis non fixum, numquam stabile po-
test esse: sed omni volubilitate volubilius
de alio in aliud transit, quærens requiem,
vbi non est. In his autem caducis & transi-
torijs, in quibus eius affectus captiui tenen-
tur, veram requiem inuenire non valet, quo-
niam tantæ est dignitatis, vt nullum bonum
præter summum bonum, ei sufficere possit.

[Ergo] aliud & aliud sequebar, & à nullo Aug. solilo
cap. 13.
implebar: dum non in me inueniebam te,
incommutabile & singulare, indiuisum, v-
num bonum, quod consequutus, non egeo;
quod consequutus, non doleo; quod possi-
dens, satiatur totum desiderium meum.

[Sed nunc] nihil mihi tam dulce quàm Aug. med.
c. 37.
cum Domino meo esse. *Mihi autem adherere
Deo bonum est.* Da mihi, Domine, donec his
fragilibus assisto membris, tibi adherere, sicut
scriptum est, *qui adheret Domino, vnus spiritus
est cum eo.*

Eligant alij militiam, alij aduocationem, August. in
Psalm. 72.
alij diuersas variasque doctrinas, alij nego-
tiationem, alij agriculturā, *mihi autem adhe-
rere Deo bonum est.* Deo adherere nihil est me-

lius, quando, eum videbimus facie ad faciē: modò ergo quid? quia adhuc peregrinus loquor. *Adhærere Deo bonum est*; sed modò in peregrinatione, quia nondum venit res: *ponere in Deo spem meam*. Quamdiu ergo nondum adhælisti, ibi pone spem. Fluctuas? præmitte ad terram hanc anchoram. Nondum hæres per præsentiam? inhære per spem: & quid hic ages, ponens in Deo spem tuam? quod erit negotium tuum, nisi ut laudes, quem diligis? Ecce si amares Aurigam, non raperes cæteros ut tecum amarent? Amator Aurigæ quacumque transit, loquitur de illo, ut eum ament & cæteri.

Basil. in
Psal. 61.

Diuitia si affluant, nolite cor apponere. Fluxa est diuitiarum natura, suos possessores,ocyus torrente prærapido, prætercurrit; alios aliò modo, apta mutare Dominos. Hodie huius est ager, cras erit alterius, & paullò post ad alium perueniet. Respice parumper ad ciuitatis domos; quot nomina ex eo tempore, quo fuerunt ædificatæ, sortitæ sunt, aliter ab alijs atque alijs appellatæ possessoribus? Et aurum è manibus habentis se, fluens semper ad alium transfertur; & ab illo, ad alium; magis enim aquam manu circumplexam retinere continenter possis, quàm diuitias conseruare tibi ipsi.

Iustorum iudicio(quælibet bona adfuerint) cum sanctis desiderijs æstuant, bona minimè videntur. vnde David Propheta, qui Regni diuitijs, m'isq'ue oblequijs fultiebatur, quamuis & hæc ad necessitatem bona esse conspiceret, vni tamen singulariter bono inhians æstuabat, dicens: *mihî autem adharere Deo bonum est.*

Greg. homil. 4. in Euang.

Sit ergo Dominus Deus spes tua, non aliquid aliud à Domino Deo tuo speres: sed ipse Dominus tuus sit spes tua. Namque multi de Deo sperant pecuniam; multi de Deo sperant caducos honores & perituros; aliud quodlibet à Deo, præter ipsum Deum, sed tu ipsum Deum tuum pete. Relinque omnes amores, pulchrior est ille qui fecit cælum & terram. *Beatus vir cuius est nomen Domini spes eius, & non respexit in vanitates & insanas mendaces.*

Aug. in Psal. 39.

Sicut autem nemo potest duobus Dominis seruire, ita nemo potest in duobus Dominis sperare. Nemo potest in incerto diuitiarum sperare, & in Domino. Nemo potest sperare in Principibus, & in Deo. Nemo potest sperare in viribus equi, & in Deo. Nemo potest sperare in sæculo, & in Deo. Nisi enim in solo Deo speraueris, & videat Deus spem tuam, in sæculum æternum esse conuersam, & quia aliam nullam omninò spem geris, nisi in ipso, qui viuificat mortuos, &

Orig. in Psal. 36. hom. 5.

vocat,

vocat, quæ non sunt, non poteris eripi à peccatoribus. Solus est enim ipse qui saluos facit sperantes in se.

Basil. in
reg. fusiùs
disp. q. 42.

Huic qui in homine spem ponit, magnoperè est metuendum, ne in execrationem illam incidat: *Maledictus homo, qui confidit in homine, & fulcit carnem brachij sui, & defecit à Domino anima eius.* Quæ verba cum dicunt, *Qui confidit in homine*, illud præcipiunt; nequaquam in altero spem poni debere. cum autem, *& fulcit carnem brachij sui*; in se, sui habendam fiduciam vetant.

Bern. serm.
9.

Beat. qui
habet.

Quidquid igitur agendum sit, quidquid declinandum, quidquid tolerandum, quidquid optandum. Tu es Domine, spes mea. hæc vna mihi omnium promissionum causa; hæc tota ratio meæ expectationis. Prærendat alter meritum; sustinere se iactet pōdus diei & æstus; ieiunare bis in sabatho dicat, postremò non esse sicut cæteri hominum glorietur; *mihi autem adherere Deo bonum est, ponere in Domino Deo spem meam.* Sperent in alijs alij; fortè hic in scientiâ litterarum; hic in astutiâ sæculi; ille in nobilitate; ille in dignitate; ille in aliâ qualibet vanitate cōfidat; propter te, *omnia detrimenta feci, & ut stercora arbitror: quoniam tu es Domine spes mea.* Speret, qui vult, *in incerto diuitiarum*; ego verò ne ipsa quidem, nisi abs te victui necessaria spero. Si mihi præmia promittuntur, per te obtinenda

tinenda sperabo. Si insurgant aduersum me
prælia, si læuiat mundus, si fremat malignus,
si ipsa caro aduersus spiritum concupiscat, in
te ego sperabo. Quid cunctamur abijcere
omninò spes miseras, vanas, inutiles, sedu-
ctorias, & huic vni, tam solidæ, tam perfe-
ctæ, tam beatæ spei, totâ deuotione animi,
toto feruore spiritus, inhærere? si quid illa
impossibile, si quid vel difficile est, quære
aliud in quo speres.

Fortissimum solatium habeamus, qui confugi- Heb. 6.
mus ad tenendam propositam spem: quam sicut an-
coram habeamus animæ tutam ac firmam.

Iam spem quasi ancoram [præmisimus] Aug in
ne in isto mari turbati, naufragemur. Quê- Psal. 64.
admodum enim de naui quæ in ancoris
est, rectè dicimus quod iam in terrâ sit,
adhuc tamen fluctuat, sed in terrâ quo-
dammodoeducta est contra ventos, & con-
tra tempestates; sic contra tentationes hu-
ius peregrinationis nostræ, spes nostra fun-
data, facit nos non abripi in saxa.

Adhereat, quæso, Domine, anima mea post
te, suscipiat me dextera tua; sustollat me su-
per altitudinem terræ, & ciber me illâ cæle-
sti hæreditate, cui suspirat peregrinatio mea
die ac nocte.



*Sub umbra illius quem desideraueram, sedi.
Cantic. 2.*

X I V.

Sub ymbrâ illius, quem desideraueram, sedi. *Cant. 2.*

Fors iter ignotas longum meditabar in oras,
 Et bona iam cœptæ parserat acta via.
 Ut q̄, solet lassus metam spectare viator,
 Credebam spatijs pauca deesse meis.
 Ut cœpi reliquos metiri prouida passus,
 Maius erat medio, quod superabat, iter.
 Hei mihi! tum refugæ ceciderunt corpore vires,
 Totq̄ nimis durus, millia visa labor.
 Ergo oculos cœlo miserâ cum voce tetendi,
 Ferret an hinc aliquis, voce vocatus, opem?
 Et mihi, quis, dixi, dabit hisce sub æstibus umbram?
 Solis ab infesto verberor igne caput.
 Aspice, sub plantis quàm ferueat arida tellus,
 Siccaq̄, semustos vrat arena pedes.
 O nemora! ô riguæ, frondosa cacumina, sylva!
 O latebræ! ô fontes! arboreaq̄, domus!
 O vtinam, virides pandat mihi populus alas,
 Aut caput hoc, mali fronde comante tegar!
 Audÿt ille meas solitus lenire querelas,
 Cuius erat toties umbra petita mihi.
 Et scio, quò properas, scio, quas, ait, arripis oras,
 Et scio, quam toties anxia poscis opem:
 Cœlestis Solymæ longinquam tendis in urbem,
 Quamq̄, agis in terris, huc tibi, vita, via est.

Iamq̄

Iamq³, grauat longi te tanta molestia cursus,
 Et cuperes Mali fronde virente tegi.
 Ecce tuis venio sperata laboribus vmbra,
 Quamq³, voues, placido tegmine, Malus ero.
 Aspicias haerentes funestâ ex arbore palmas,
 Quosq³, fodit geminos cuspis acuta pedes?
 Aspicias innumero laniatum vulnere corpus?
 Aspicias? heu vix est corporis vmbra mei.
 Hæc tibi quæsitam fessæ dabit vmbra quietem,
 Portus & in duris, hæc tibi Malus, erit.
 Dixerat, & vires subito rediære iacenti,
 Tanta loquente Deo, visq³, vigorq³, fuit.
 Tunc ego suspiciens, in Sponsum lumina fixi:
 Hei mihi, suspensus de Cruce Sponsus erat!
 Et qualis, Spōse, inquā, hæc est, quam tristis imago?
 Hæccine erit capiti Malus aprica meo?
 Hæc ego sanguineâ languens residebo sub vmbra
 Tu, crucis infami stipite fixus eris?
 O mala Malus! & infelix, quæ te manus vñquam
 Fixit humo! manus hæc, cade cruenta fuit.
 Attamen hæc letos Malus iacit ardua ramos,
 Utq³, cubent, placidos vmbra dat apta toros;
 Vmbra dat apta toros, sed non tamen apta sopori:
 Ah! magis hæc lacrymas, Malus & vmbra petunt.
 O bona Malus! & ô felix, quæ te manus vñquam
 Fixit humo, hanc fidus iam decet esse manum.
 Ah video, cui te similem, mi Sponse, vocabo;
 Sæpè mihi vmbri feræ munere functæ domus.
 Qualisonusta rubris latè sua brachia pomis
 Spargit, & apta siti munera Malus habet;

Exsupe-

Exsuperatq₃ suas, numerosâ fruge sorores,
Vna nemus lassis, hospitibusq₃ penus:
Talis es astutis mihi, Sponse, calyribus vmbra;
Lymphaq₃ dum sitio, dum fameoq₃, cibus.
O quoties ego te! quoties, mi Sponse, vocavi,
Vt semel illa meum conderet vmbra caput!
Hic ego, si liceat, dixi, gemebunda sebedo;
Vt sedet amisso mœsta columba viro.
Et modò purpurei concreto sanguine crine,
Et modò materies, labra, doloris erunt.
Nunc oculi ante oculos, nunc frons, nunc pendula
cervix,
Nunc os, nunc atro barba cruore madens.
O quoties latus hoc, lacrymansq₃, gemensq₃ videbo!
Ne videam lacrymis impediaraq₃ meis!
Multa tamen dabit hoc vnū mihi vulnera, vulnus,
Saucia dum geminos labar ad vsque pedes.
Tuncq₃ iterum amplexu lignam lacrymabile strin-
gens,
Subscribam hæc plantis verba suprema tuis:
En duo qui caussam præbent sibi mortis, Amantes;
Mergitur hæc lacrymis, ignibus ille perit.

*Sed umbrâ illius, quem desideraueram
sedi, Cant. 2.*

Orig. hō.
3. in Cant.
Orig. ibid.

A MORIS enim vulnere percussa arborum solatia sylvarumque sectatur.

Sicut [namque] arbor meli inter reliqua ligna sylvæ, sic est sponsus inter reliquos filios, habens fructum, qui non solum sapore omnes, sed & odore præcellat; & duos animæ sensus: id est gustum & odoratum reficiat: diuersis namque copijs mensam suam nobis præparat sapientia, in quâ non solum panem vitæ apponit, sed immolat carnes verbi; & non solum miscet in cratere suo vinum, sed & mela adhihet odorata & dulcia, quæ non tantum in ore & labijs suauitatem reddant, sed & interioribus tradita faucibus dulcedinem seruent.

Nyss. in
orat. 4. in
Cant.

Is enim qui in syluâ naturæ nostræ, ob suam erga genus humanum beneuolentiam germinauit, eo ipso quod carnis ac sanguinis particeps factus est, quasi malum quoddam existit. Nam in hoc fructu videre est quiddam, quod cum utroque, nimirum, carne ac sanguine, similitudinem aliquam habeat: etenim ratione coloris subalbi; carni quod proprium est imitatur; rubedinis specie cognatio quasi quædam cum sanguinis naturâ indicatur.

Meritò

Merito ergo eius desiderauerat umbram, de quo & refrigerium esset & refectionem pariter acceptura. Nam cætera quidem sylvarum ligna etsi umbram solatij habent, sed non vitæ refectionē, non fructus perpetuos salutis, vnus est etenim vitæ auctor, vnus mediator Dei & hominum homo CHRISTVS IESVS, qui dicit sponsæ suæ: *Salus tua ego sum*. Propterea ergo CHRISTI potissimum desiderauerat umbram; quod solus sit, qui non solum ab æstu refrigerat vitiorum, sed & replet delectatione virtutū. *Sub umbrâ eius quem desideraueram sedi.* umbra eius, caro eius.

Quis enim posset sustinere Solem iustitiæ nudum? quis non consumeretur ardentibus radijs eius? assumpsit ergo Sol iustitiæ hominem mediatorem, & ita ex coniunctione solis & humani corporis facta est umbra.

CHRISTVS ergo affixus ad lignum, sicut *malum pendens in arbore*, bonum odorē mundanæ fundebat redemptionis; quæ peccati grauem deterisit fœtorem & vnguētum potus vitalis effudit. *Tanquam malum*, inquit, *in lignis syluæ, ita consobrinus meus in medio filiorum.* In umbrâ eius concupiui & sedi. Bona umbra, quæ nos ab iniquitatis sole defendit, & fructus eius dulcis in faucibus meis. Quis fructus eius dulcis, nisi prædicatio Dominicæ passionis?

Gul. apud
Delrio in
c. 2, Cant.

Ambr. in
Psal. 118.
Octon. 5.

Ambr.in
Psal. 118.
Oſton, 3.

Nathanaël *sub arbore ficæ* videtur; David, *in vmbrâ alarum Domini* IESV sperare se dicit; Zacchæus *in arborem ficomori* ascendit, vt CHRISTVM videret. Nobis quoque expandit manus suas IESVS, vt totum mundum obumbraret. quomodo non sumus in *vmbrâ*, qui Crucis eius protegimur velamêto? quomodo non sumus in *vmbrâ*, quos crucifixus à malignitate sæculi, & corporis ardore defendit.

Idem ibid.
Oſt. 4.

Hâc *vmbrâ* David protegi se postulabat, ne cum *per diem Sol vreret vel luna per noctem*. Hanc *vmbram* spiritualis ministrat gratia, torrida sæculi huius, & mundi æstiuâ fugientibus. In hâc ergo *requiescamus vmbrâ*, peccatorum nostrorum æstibus fatigati; si quos adussit libido, hos Domini Crux refrigeret, in quâ se reclinauit, vt nostra delicta susciperet.

Hon. apud
Delt. in c.
2. Cant.

Vmbra sit ex corpore & luce, & est itinerantium refrigerium ab æstu, & protectio à tempestate. Arbor vitæ, scilicet *malus*, est *sancta Crux*: fructus eius, *Christus*; *vmbra*, tutela vel refrigerium humani generis, quod graui onere peccatorum per æstum concupiscentiæ premebatur.

Greg. in c.
2. Cant.

Vmbra Christi [si quidem] omnem temptationum feruorem temperat, & dum auræ suæ inspirationis suauiter mentem tangit, quicquid noxiæ caloris sustinebat, expellit, & quam

& quam iam forsitan nimius vitiorum æstus marcidam fecerat, vmbra sancti Spiritus, protegens recreat, vt dum in eius inspiratione sedens paulatim, vires colligat, quibus ad æternam vitam robustius currat.

Per *vmbram* ex supernâ protectione refrigerium cordis exprimitur. Sicut Sponsa in Canticis Cant. aduentum Sponsi præstolata prænunciat, dicens: *Sub vmbrâ illius quem desideraueram sedi*, ac si dicat: ab æstu carnalium desideriorum, sub aduentus illius protectione requieui.

Greg. l. 33.
mor. c. 3 in
c. 40. Job.

Nónne meritò sub arboris huius *vmbrâ* fedit genus humanum, quod per esum ligni scientiæ boni & mali paradysum amiserat? graue onus peccatorum in æstu vitiorum portabat, quod deorsum in præcipitium tormentorum trahebat, & ideò ad arborem vitæ IESVM CHRISTVM festinabat.

Honor.
apud Delt.
cap. 2.

Tu ergo, vide, vt viuas in *vmbrâ* eius, vt quandoque & regnes in lumine eius. Non enim tantum *vmbram* habet, habet & lucem.

Bern. ser.
48. in Cât.

Apostolus dicit: legem, *vmbram* habere futurorum bonorum, & omnem veterem culturam *vmbram* & exemplar pronunciat esse cœlestium. Nos autem alieni sumus ab *vmbrâ* eorum quoniam non sumus sub lege, sed sub gratiâ, sed quamuis non sumus sub *vmbrâ* illa, sumus tamen sub *vmbrâ*

Orig. hom.
3. in Cant.

meliore; in vmbra enim CHRISTI viuimus inter gentes.

Ibidem.

Et meritò Sponsa sub meli vmbra sedere concupiscit; sine dubio, vt vitæ, quæ est in eius vmbra, particeps fiat, videtur omnis [quoque] anima, donec in præsentī vitâ est, vmbra habere necessariam, propter illum, credo, ardorem Solis, qui cū exortus fuerit, continuò semen, quod non altâ radice demersum est, arescit & deperit.

Bern ser.
58, in Cât.

Sed fortasse felicius aliquid ista experiam se gloriatur in eo quod se in vmbra dicit non (vt Propheta) viuere, sed sedisse; sedere enim quiescere est. Plus autem est quiescere in vmbra quàm viuere; sicut viuere plus est quàm tantummodò esse in eâ. Igitur quod est commune multorum, Propheta assumens sibi; *in vmbra eius viuimus*, inquit; sponsa verò, habens prærogatiuam, etiam quod sub eâ singulariter *sedit* gloriatur; vbi itaque nos cum labore viuimus, qui consciij peccatorum sub timore seruimus, ibi hæc deuota & amans suauiter requiescit. Denique timor pœnam habet, amor suauitatem, vnde ait; *Et fructus eius dulcis gutturi meo*; gustum contemplationis significans, quem obtinuerat per amorem suauiter subleuata. Ast istud, *in vmbra*, quia, *per speculum & in enigmate*, erit cū de-
clinauerint

clinauerint vmbra crescente lumine, imò penitus disparuerint, & subintrabit sicut perspicua ita & perpetua visio, eritque non modò suauitas gutturi, sed & satietas ventri, sine fastidio tamen: sub vmbra eius quem desideraueram sedi, & fructus eius dulcis gutturi meo.

In te ergo, dulcissime Domine IESV, quiescat mens nostra, & à te, nec ad modicum separetur. Stultissimum quidem est, etiam nobilissimo & iucundissimo loco exire. Quomodo audemus, nisi dulcissimum sponsum inspicere, ne subtrahatur à nobis? quid, quæso, nos mouet, aliud intueri? quomodo omnia non desipiunt & despiuntur?

Bonau. 2.
part. sti-
mul. c. 8.

Confugiat, Domine, mens mea, *sub vmbra alarum tuarum*, ab æstibus cogitationum huius sæculi; vt in tui refrigerij temperamento absconsa, lætabunda cantet, & dicat: *In pace in idipsum dormiam & requiescam.*

Aug. med.
cap. 37.



*Quomodo cantabimus canticum Domini, in terra
aliena ? Psal. 136 .*

30 .

XV.

Quomodo cantabimus canticum
Domini in terrâ alienâ. *Psal.* 136.

Quid toties cantus iterare iubetis amici,
Seu lubeat digitis, seu iuuet ore loqui?
Latitiam cantus poscunt, animiq₃ quietem,
Turbida cum mens est, os digitiq₃ dolent,
Quin mage cantandū cū mens iacet agra, monetis;
Tuncq₃ opus esse lyrâ, tuncq₃ opus esse chely.
Nempe suo nimium ne mersa dolore laboret,
Aut intenta suis, sit nimis ipsa malis:
Quid quod opem certa promittitis vsque medela,
Vestra nec exemplo dicta probante carent:
Dicitis hanc causam cur lassus nauita cantet,
Sollicitat celeri cum freta lenta manu.
Quiq₃ gregem virides pascendum ducit in agros,
Non, nisi ne nimium sit mora longa, canit.
Et canit ut fallat fastidia longa viator,
Miles & ut cantet, noxq₃ laborq₃ facit.
Non ego, quod faciunt, miles, nauta, atque viator,
Quodq₃ facit pastor, damno rebellis opus.
Adde quod & Domina iam dudū assueta querelis,
Ad solitos gemitus plus mea lingua valet;
Vixq₃ retentanti iam carmina prisca subibant,
Musica quin etiam res mihi visa noua est.
Vtq₃ timet longo veniens è carcere Solem;
Sic mea latitiam lingua modosq₃ timet.

Ad

Ad numeros quoties fuit impetus ire relictos,
 Aut solitam digitis sollicitare chelym;
 Aut docto querulas impellere pectine chordas,
 Aut mollem articulis increpuisse lyram;
 Aut leue ceratis modulari carmen auenis,
 Aut voci liquidas associare fides.
 Heu! toties lacrymæ sunt, me tentante, profusæ,
 Et lacrymis, digiti, voxq; retenta fuit.
 Mox luctata iterum cantu deducere vocem,
 Et querulâ digitos attenuasse lyrâ;
 Nequicquam aduersis sensi me tendere Musis,
 Vlla nec est nostrâ barbitos ista manu.
 Interea longâ iam desuetudine pigrâ,
 Artem dediticit voxq; manusq; suam.
 Nec si nunc studium grauitatis inane retentem,
 Molescan: studio tristia fata meo.
 Esto, sciam leuibus tamen addere carmina neruis,
 Aptaq; mutandis sit mihi lingua sonis;
 Et vincam Aonias digitis aut gutture Diuas,
 Et mea sit melior, Marsia, Canna tuâ,
 Panaq; multiflorem cogam submittere buxum,
 Et superem Thressæ stamina docta lyra:
 Quæstibus, an cantu videor debere teneri,
 Maxima cui flendi copia semper adest?
 Ah! bene, ne cantē, mihi per mala plurima cautum
 Vertit & in morem, iam mihi pene dolor. (est;
 Nec locus, vt cantem, patitur, neque tēpora prosunt;
 Vtq; locus sinat aut tempora, mæror obest.
 Quid? vultis patriâ procul à tellure iacentem,
 Externo patrios orbe sonare modos?

Parcite,

Parcite, fortuna nimis exulis ista repugnant:

Non est conueniens cantibus ille locus.

Exul & à patrio tam longè disita Cælo,

Impellam patriæ dulcia fila lyra?

Parcite tam miserum fortuna vulnus habenti;

Cantandi, externo nulla libido sola est.

Tristia stabilibus manant mihi lumina riuus,

Et videor festam posse ferire chelym?

Semper in obtutu vigilat mens fixa malorum,

Et cytharâ videor posse, vel ore loqui?

Heu! nimis insistant presenti pectora fato.

Et numquam exiliũ sensus acerbus abest.

Si quisquam his iubeat Amphiona viuere terris,

Aonio numquam pectine tangat ebur.

Respectu Euridicen propero cùm perdidit Orpheus,

Ilicet artifices obriguere manus;

Et manibus cecidit leue cum testitudine plectrum,

Fractaq; sunt casu garrula fila suo.

Quid mihi, non vnâ fatorum clade sepulta

Præcipitis, toties vngue ciere fides?

Dum circumspiciens, vbi sim, te Patria specto;

Heu cadit aspectu mens labefacta, tuo!

Cùm semel, ô sperata diu, tibi Patria reddar.

Tunc ego voce canam, tunc ego mente canam.

Quomodo cantabimus canticum Domini in terrâ alienâ? Psalm. 136.

Aug. med.
cap. 35.

VTINAM possem talia dicere qualia hymnidici Angelorum chori! ô quàm lubenter me in tuis laudibus totum effunderê? ô quàm deuotissimè illa cœlestis melodix cantica, ad laudem & gloriam nominis tui, in medio Ecclesiæ infatigabilis perorarem!

Aug. med.
cap. 33.

O beatæ nimiùm illæ Cœlorum virtutes, quæ laudare possunt te sanctè & purissimè, cum nimiâ dulcedine & ineffabili exultatione! Inde laudant vnde gaudent, quia semper vident vnde gaudere valeant & laudare. Nos verò mole carnis pressi & procul à vultu tuo in hâc peregrinatione positi, atq; per mundanas varietates distenti, te dignè laudare nequimus, laudamus tamen per fidem, non per speciem. Illi verò Angelici spiritus per speciem & non per fidem.

Chrys. in
Psalm. 61,

Nostra certè natura vsque ad eò delectatur canticis & carminibus, & tantâ cum eis habet necessitudinem & conuenientiam, vt vel infantes ab vberibus pendentes, si flectant & afflictentur, eâ ratione sopiantur. Nutrices quidem certè, quæ eos gestant in vlnis, sæpè adeuntes & redeuntes, & quædam puerilia

puerilia ijs carmina decantantes, supercilia eorum ita sopiunt: quocirca sæpè quoque viatores meridie agentes iugalia animalia, hoc faciunt canentes, itineris molestiam illis canticis consolantes; nec solum viatores, sed etiam agricolæ, vuas in torculari calcantes, vindemiantes & vites colentes, & quodcumque aliud opus facientes sæpè cantant. Nautæ quoque remos impellentes hoc faciunt.

Iam verò mulieres quoque texentes & confusa stamina radio discernentes, sæpè quidem & per se singulæ, sæpè autem etiam omnes concorditer, vnam quamdam melodiam concinunt. Hoc autem faciunt & mulieres & viatores, & agricolæ & nautæ, laborem qui ex opere faciendo suscipitur, cantu consolari volentes; vtpote quòd anima, si carmen & canticum audierit, molesta & difficilia sit faciliùs toleratura.

[Sed] *quomodo cantabimus canticum Domini in terrâ alienâ?* Hebræi non canebant in terrâ captiuitatis, quod in suâ patria canere consueuerant. Hæc terra captiuitatis est, alia terra libertatis est; ista peccati, illa quietis æternæ; vallestris ista, illa cœlestis.

[Imò] si caro menti repugnat, nec subdita est animi gubernaculo, & mētis imperio, *aliena est terra*, quæ non donatur exercitio cultoris, & ideò non potest fructus charitatis,

Ambr.
enarrat.
in Psal. 36.

Ambr.
enarrat.
in Psal. 36.

Ambr. l. 2.
de poenit.
cap. 11.

tis patientiam pacis afferre : *Quomodo cantabimus canticum Domini in terrâ alienâ?*

Ambr.
in Ps. 118.
Oâton 7.

Qui cantat, vacuus est, & diuersarum cogitationum curas releuat, culpas relegat, fequestrat auaritiam, & non solum corporis voce, sed etiam mentis suauitate se mulcet.

Nazian. de
humana
natur.
Ambr. in
Psal. 118.
Oâton. 22.

Nam cum mens querulo semel est obseffa dolore,

Ad leta oclusas tunc habet illa fores:

In regione vmbrae mortis sumus; abscondita est vita nostra, non libera. Erit enim libera in regione viuorum. Ibi ergo viuit anima nostra, vbi nihil mortale, nihil infirmum amicta sit, nihil debitum poenae; ibi laudabit Dominum, vbi deposito infirmitatis corpore, conformis esse coeperit gloriae corporis CHRISTI, nam dum in peccato sumus, plenè laudare quid possumus. In vmbra sumus hîc positi, in vmbra viuimus, in vmbra laudamus: perfectè in vmbra laudare non possumus. Deniq; in terrâ alienâ sumus; *quomodo cantabimus canticum Domini in terrâ alienâ?*

Ibid. superius.

Erucltabat hymnum anima pia, cui dicebat Dei verbum: *insinua mihi vocem tuam, quia vox tua suauis est.* erucltabat hymnū cui dicebat: *Fauum distillant labia tua ô sponsa, mel & lac sub linguâ tuâ;* sed non potest quis ante erucltare hymnum, nisi didicerit iustitias Dei, & didicerit ab ipso Domino Deo suo. ideo specia'iter hoc Dauid petit, vt eum doceat

ceat Deus, quomodo cantare potest in metu positus & in timore pœnarum? quomodo cantare potest grauium sibi consciis delictorum; nisi prius fiat veniæ securus? Denique *quomodo cantabimus canticum Domini in terrâ alienâ*, in quâ impugnetur, in quâ captiuetur in lege peccati; in quâ defleat atque deploret suæ captiuitatis ærumnas?

O pax illa, quam videbimus apud Deum! August. in Psal. 136.
ô illa sancta æqualitas Angelorum! ô illa visio & spectaculum pulcrum! ecce in Babylonia pulcra sunt quæ tenent; non teneant, non decipiant. Aliud est solatium captiuorum, aliud gaudium liberorum.

Facile potest demonstrari captiuos nos esse: Non enim respiramus iam in auras illius libertatis; non enim fruimur libertate veritatis; delectationibus temporalium rerum tentamur, & colluctamur quotidie, cum suggestionibus illicitarum voluptatum. Vix respiramus, vel in oratione; captiuos nos esse intelligimus. Ibidem.

Illi autem qui captiuos duxerunt nos, quando intrant in corda hominum & interrogant nos, & dicunt nobis: *Cantate nobis verba canticorum*: Quid respondemus? Babylonia te porrat, Babylonia te continet, Babylonia
te

te nutrit, Babylonia de te loquitur; non
nostis capere nisi quod fulget ad tempus;
æterna meditari ignoras, non capis quod
interrogas. *Quomodo cantabimus canticum
Domini in terrâ alienâ?*



LIBER TERTIVS.

S V S P I R I A

ANIMÆ AMANTIS.



*Adiuro vos, filiae Hierusalem, si inueneritis
dilectum meum, vt nuncietis ei, quia amore
languedo. Cantic. 5.*

I.

Adiuvo vos, filiæ Hierusalem, si inue-
neritis dilectum meum, vt nūcie-
tis ei: quia amore langueo. *Cant. 5.*

Coelestes anima, Solymæ cœlestis alumna,
Quæ teritis niueo carula templa pede;
Vos ego, vos numquam violando carmine testor,
(Si meus est vobis fortè repertus amor)
Dicite, quòd cœcâ, sic eius langueo flammâ,
Languet vt Assyrio flosculus vstus agro.
Nempe suas nuper cùm spargeret ille sagittas,
Delituit proprijs mistus arundinibus:
Et summâ trifidi præfixus cuspide teli,
Cor mihi, ceu Parthi, canna redunca fidit.
Ah quibus, ah quantis tam pectus amoribus arsit!
Non furit Aetnao sauior igne rogos.
Nunc igitur cupidus de me si plura rogabit,
(Namque solent cupidi multa rogare proci)
Dicite, languentis qua sit mea visa figura;
Pluraq; languentem non potuisse loqui.
Si roget, an lento mihi febris inastuet igne?
Dicite, quod nullo febris ab igne coquar.
Si roget, an mortis propior sim visa periclo?
Dicite qua vobis, ore tacente, loquor.
Dicite, nulla meis vos reddere nuncia verbis,
Sed fati tantùm reddere verba mei.
Si lubeat nostros tamen illi noscere vultus,
Nec graue sit vobis dicere, qualis eram:

Hâc, precor, aut simili, tum me depingite formâ,
Quâ sciat & morbi quæ sit origo mei.
Dicite, quod iaceam tenebris ex sanguis abortis,
Succiduo in nudum corpore lapsa solum.
Sintq; hebetes oculi, mediâ ceu morte natantes,
Inq; sinu iaceat languida facta manus:
Nec rosa picta genis, neque viua corallia labris,
Venaq; vix, quamuis pollice tacta, micet:
Iamq; diu nullo constet me viuere signo,
Quàm quod anhelanti pectore sapè gemam.
Quodq; mihi certam non possim fingere causam,
Cur toties nullo lasa dolore querar:
Non possim, nisi fors gemitu se prodere cogat,
Qui gemitum toties pectore rupit Amor.
Hæc reor, hæc nostri fuit vnica causa doloris,
Et quid amans esset nesci, amansq; fui.
Hoc fuit, hoc toties me si spirare coëgit,
Per gremium iniussa cum flueretis aqua.
Hoc, fuit, vt quamuis toties aliena loquenti,
Illius assidue nomen in ore foret.
Ergo meis, oro, Dilecto hæc dicite, verbis;
Illius immodicâ quod cremor ægra face:
Dicite, quod lento sic torreo illius igne,
Vt rosa cœlesti torrida facta cane.
Dicite, quod longâ sic eius languero flammâ,
Vt languent siccâ lilia cana coma.
Dicite quodq; mei causa vnica sit languoris,
(Qui simul est mortis causa futurus) Amor.

*Adiuro vos, filia Hierusalem, si inuen-
eritis Dilectum meum, ut nuncietis ei:
quia amore langueo. Cant. 5.*

PROBAVIT dilectionem suam nobis Nyss. ora.
13. in Cāt.
præclarus ille procius animarum nostrarum CHRISTVS, quâ adductus etiam tum, cum adhuc peccatores essemus, pro nobis mortuus est. Idcirco sponsa vicissim, amore incensa erga illum, qui ipsam dilexerat, demonstrat latens in se dilectionis telum, imò in pectore.

Sagittarius autem eiaculatus hoc telum, Nyss. orat.
4. in Cant.
est ipsa dilectio, & Deum esse dilectionem, sacris è litteris didicimus, qui quidem, telum electum, Deum illum vnigenam, ad eos mittit, qui seruantur; spiritu vitæ, triplicem cupidis aciem inungens, ut eum in quem immissa fuerit, vnâ cum telo, & ipso sagittario, is vnum colligat. Itaque videt iam anima per diuinos gradus in sublime deducta dulcedinem dilectionis, tamquam telum in sese quo vulnerata est. O præclarum vulnus! ô dulcem plagam, per quam vita ad interiora penetrat, quasi quoddam ostium & ianuam sibi aperiens ipsâ diuisione.

Quàm pulcrum est, quàm decorum, vulnus à charitate accipere? Alius iaculum catinei amoris accepit, alius terreno cupidine vulneratus est; tu nuda membra tua, & præ-

Orgi. hom.
2. in Cant.

be te iaculo formoso; siquidem Deus sagittarius est. Audi scripturam de hoc eodem iaculo; imò ut amplius admireris, audi ipsum iaculum quid loquatur: *Posuit me in sagittam electam, & in pharetrâ suâ seruauit, & dixit mihi: magnum est tibi hoc vocari puerum meum.* Intellege sagittam, quid dicat, & quomodo à Deo sit electa. Quàm beatum est, hoc iaculo vulnerari!

Hier. epist.
104. ad
Principiâ.

Nec mirum si sponsus habeat plures sagittas, de quibus in 119. Psalmo dicitur: *Sagitta potentis acuta.* His sagittis & Cleophas, in itinere, cum altero vulneratus aiebat: *Nonne cor nostrum ardens erat in nobis?* Et in alio loco legimus: *Sicut sagitta in manu potentis, ita filij excussorum.* His sagittis totus mundus vulneratus & captus est. Paulus sagitta fuit Domini, qui postquam ab Hierosolymis vsque ad Illyricum missus arcu Domini, hùc illucque volitauit; ad Hispanias ire festinans, ut velox sagitta, sub pedibus Domini sui, Orientem Occidentemque prosterнат.

August.
med. c. 40.

Quid ergo dicam? quid faciam? quo vadam? Vbi eum quæram? vel quando inueniam? quem rogabo? quis nuntiabit Dilecto meo, *quia amore langueo?*

Aug. solil.
cap. 1.

O vita, cui omnia viuunt, vita quæ das mihi vitam; vita quæ est mea vita! per quam uiuo, sine quâ morior; vita per quam resuscitor, sine quâ pereor; vita per quam gaudeo,
sine

sine quâ tribulor; vita vitalis, dulcis & amabilis, semper memorialis, vbi quæso es? vbi te inueniam, vt in te deficiam, & in te subsistam? propè esto in animo, propè in corde, propè in ore, propè in auribus, propè in auxilio, *quia amore langueo*, quia sine te morior?

Anxia vota, suis nesciunt esse contenta meritis; ideò alienæ precis mendicant suffragia: *Adiuro vos*, inquit, *filia Hierusalem*; vos nunciate, quibus patet ad dilectum familiaris accessus; vos nunciate, quæ nostis ex parte, quâta sit amatorij virtus languoris, quàm sit fortis vt mors dilectio.

Sed quorsum sic adiurat? Nónne Dilectus cuncta nouerat, & in his amorem Sponsæ amantis? si Petrus dixit: *Tu scis, quia amo te*, quanto magis, ô dilecta, tam prudens, tam fidelis, per temetipsam absque internuntijs dicere poteras Dilecto, & frequenter sine dubio dixisti; dilecte nullum tibi absconditum est cor, nullius occultus amor, *tu scis, quia amore tui langueo*. Quorsum igitur, tendit hæc adiuratio? Nónne vt percussâ, percutiat? vt vulnerata, vulneret?

Nunciate ei, non quasi ignorâti (nihil enim ei incognitum est) sed quia gaudet, quæ nouit de dilecta etiam ex aliis intelligere.

Narrate & annunciate, & exaudiet vocem vestram, vt refoueat vota mea, *Annunciate, quia amore langueo*. Non languet amor, sed languet

Guilb.
Abb. ser.
46, in Cât.

Rupert. in
Cant.

Guilb. apud
Delrio
Cant.

Guilb.
Abb. ser.
64, in Cât.

languet amans; vbi viget amor, ibi viget languor, si absit, quod amatur; languet animus dum æstuantis voti nimietate conficitur; liquefactus se fugit animus amoris violētiam ferre non valens. Sic enim in cōsumptâ materiâ & iam deficiente, languidiora redduntur ignis incendia. Et *Deus noster ignis consumens est.* ô potens & præpotens passio charitatis! si non temperatur, non toleratur. Iure potens, quæ animum, quem possederit, sui ipsius efficit impotem.

Rupert. in
Cant.

Annunciate, quia amore langueo, præ magno faciei eius videndæ desiderio; vitæ tædium patior, & vix præsentis exilij moras sustineo.

Guilb.
Abb. ser. 66
in Cant.

Singultus de imis prodeuntes præcordiis, crebri gemitus, nōne sunt quædam eructationes spiritus & conceptæ gratiæ? nōne talibus indiciis se probat lāguor amoris? Non est occultatus languor, quādo gemitus non est absconditus. Ipse se prodit languor, cū hęc producit indicia.

Guilielm.
apud Del-
rio in c. 5,
Cant.

Langueo in amore mei, præ amore Sponsi cœlestis. Amoreius languidum & remissum in me facit amorem mei ipsius. Meo amanti mortua, viuo ego, iam nō ego, sed viuit in me Sponsus. Me namque amo, non amore mei, sed amore sponsi qui me amat. Non amo me, in me, sed me in ipso, & ipsum in me.

Bona. soli-
lo cap. 2.

Eia dulcissime IESU, transfige saluberri-
mo

mo vulnere amoris tui, medullas animæ
meæ, vt verè ardeat, *languet*, & liquefiat, &
solo tuo desiderio deficiat; *cupiat dissolui, &*
esse tecum. Te solum semper esuriat panem
vitæ, qui de Cœlo descendisti. Te sitiât fon-
tem vitæ, fontem æterni luminis, torrentem
veræ voluptatis. Te semper ambiat, te quæ-
rat, te quæ inueniat, in te dulciter requiescat.





*Fulcite me floribus, stipate me malis, quia
amore languero. Cantic. 2.*

II.

Fulcite me floribus, stipate me malis; quia amore langueo. *Cant. 2.*

O Amor! ô quantis torres mihi viscera flammis!

O Amor! ô animi blande Tyranne mei!

O Amor! ab tantos quis pectore comprimat ignes?

Parce, vel in vapidos dissoluior cineres.

Parce Amor, ô toties repetitis parce sagittis!

In noua, pars animi, vulnera nulla vacat.

Parce Amor, & nocua procul abijce tela pharetra,

Proxima quam iacies figet arundo necem.

Ah perÿ! neque nota mihi suspiria duco,

Quæ sonat, ignoto vox ab amore sonat.

Scilicet arcanos penitus grassatus in artus,

Iam mea, victor quans, regna subegit Amor.

Me miseram! tantos nemo miserabitur ignes?

Nemo vel è terris, nemo vel è superis?

Tuq₃ meus (tanti caussa vnica qui tormenti es)

Tu meus, hæc sicco lumine cernis Amor?

Vos saltem AEtherÿ Cælo properate coloni,

Vos, quibus à simili mens calet icta face:

Ferte rosas, date mala, & odora Chloridis herbas,

Quicquid & Alcinoïs, Floraq₃ quicquid habet,

Ferte rosas, date mala ardentibus obuia flammis,

Mitior in malis est amor, inq₃ rosas.

Ferte rosas manibus, calathis effundite mala,

Fors erit hinc nostris certa medela malis.

Sed

Sed quid ago? quid posco rosas? quid postulo mala?
 Est dolus in malis, est dolus inq₃ rosis:
 Forsan Amor falsi tegitur velamine mali,
 Aut sua spiniferis occulit arma rosis.
 Periuro simplex malo delusa Cydippe est,
 Et Venus armata cuspide lesa rose.
 Nolo tuas Cytheraea rosas, tua mala, Cydippe.
 Nescia perfidia mala rosasq₃ volo.
 Quales Dorothea superis tulit Ales ab hortis,
 Canaq₃ quas stupuit Bruma rubere rosas.
 Quale tibi Elysus venit, Loduina, viretis
 Angelico carpentum pollice liliolum.
 Has mihi posco rosas, hac mala, hac lilia posco,
 Nescia perfidia lilia, mala, rosas.
 His mihi vernantem viridi super aggere lectam.
 Pictaq₃ puniceis sternite fulcra crocis.
 Fiscinaq₃ è lento fiat pulvinus hibisco,
 Fiscina quam viridi farciat herba toro.
 Iungite vimineis collecta ligustra quasillis,
 Et pluat in luxos lutea Caltha sinus:
 Iunceaq₃ egregijs onerate canistra Hyacinthis,
 Misceat & calyces Bellis amœna suos:
 Spicaq₃ Narcissusq₃ & apex stellatus Amelli,
 Pulcraq₃ carulais cum Cyanis Anemon,
 Et Nymphæa marina, immortalesq₃ Amaranthi,
 Iridis & Violæ multicoloris opes.
 Iunctaq₃ Smilacibus Paonia regiaparuis,
 Cunctaq₃ qua Pasto diuite ferta virent.
 Addite deceptas Arabo de cortice frondes,
 Et Myrthum & Daphnen Cecropiumq₃ Thymū.
 Serpil-

Serpillumq̃, Chamamelumq̃, Aloenq̃, Ciperumq̃,
 Et Nardum & Tymbrā, Cynnamaq̃ & Casiā:
 Et Costum & Staecten, & olentis germen Amomi,
 Et Cilicum totā sternite messe solum.
 Sternite, & hoc anima quidquid super expirādum
 Roscidulis, sinite, elangueat in folijs. [est,
 Tunc ego sic moriens componam leniter arcus,
 Vt Rosa deciduas vngue resecta comas.
 Aut moritura graues inclinant Lilia culmos,
 Quaq̃, halant animas gramina messā suas.



Fulcite me floribus, stipate malis; quia amore langueo. Cant. 2.

Bern. ser.
51. in Cāt.

CREVIT amor, quia incentiua amoris plura solito processerunt. [sed] post illa omnia, Sponso (more suo) secedente; illa, languere amore se perhibet, id est, præ amore. Quò enim grauiorem fuerat experta præsentiam, eo postmodum absentiam molestiorem sensit. Subtractio nempe rei quam amas, augmentatio desiderij est, & quod ardentius desideras, eo cares ægrius. Rogat proinde ista interim odoramentis florum ac fructuum confoueri, quo usque denuò reuertatur, quem molestissimè sustinet remorantem.

Giffen. in
c. 2. Cant.
expof. 1.

[Nempe] quod amentibus sæpè euenire solet puellis, ut præ amore ad illius quem depereunt absentiam, & corporis languorem & animi patiantur deliquium, hoc Sponsæ frequentius in Cantico Cant. euenisse comperimus. Nam in huiusmodi deliquio constituta prima illa protulit verba: *Osculetur me osculo oris sui*, hanc ægritudinem sese opprimentem, Sponso, ut nuncient, socias supplicibus exorat verbis; cùm defatigata iam esset in illo quærendo, dicens? *Adiuuro vos filia Hierusalem, si inueneritis Dilectum meum, ut nuncietis ei, quia amore langueo; quin*
imò

imò & hoc ipso amore , eadem in somnum dicitur incidisse , ita vt Sponsus eam miseratus , in ea ipsa proruperit verba. *Adiuvo vos, ne suscitatis.* At nullibi sanè clariùs describitur istiusmodi eius deliquium, quàm in præsententiâ , in quâ ipsamet ægritudinē suam, simul cum illius causâ exprimens illa exposcit remedia , quæ præsentanea ijs exhiberi solent, qui talem patiuntur languorem , flores, odores, vina, & poma.

Bonus certè languor , cùm infirmitas Idē ibid.
expof. 3.
hæc non sit ad mortem, sed ad vitam, vt glorificetur Deus per eam. Cùm ardor, febrísve ista, non sit ab igne consumente, sed ab igne potiùs perficiente. Porro quod aduertitur in ægritudinibus corporalibus, vt languens (cùm sibi integrum non sit voluptatem capere ex ciborum varietate, vel gelidarum refrigeratione) ne omni penitus careat delectatione, cubiculum sibi curet viridi fronde conuestiendum , ac varijs & odoratis floribus, pomisve exornandum , quibus visum & defessum mœstūmve soletur animum : Illud idem prudens efficit anima, quæ ardentissimo laborans Diuini amoris languore, cùm humanos gustus nequeat percipere, diuina verba audire exoptat, & toto laborat studio, vt actiones, operaque sibi recenscantur Christi dilecti sui, & istiusmodi florum ac pomorum

morum suauissimo odore ac pulcritudine; vires sibi ad seruiendum Deo, & spiritus suppeditandos confidit.

Delrio in
c. 2. Cant.

Fulcite me floribus, ô columnas admirabiles! ô noua fulcra! quomodo flores columnæ fiunt? quomodo queunt retinere nutatæ? quid ni sustineant, nixam lacerti fortissimorum athletarum & gigantum, quorum robur inexpugnabile fuit? quidni sunt columnæ, & quidem adamantinæ, quæ duratione sunt æternæ, celsitate cœlum, altitudine, (inferno terribiles) ad tartara vsque penetrârunt.

Ibidem,

Stipate me malis. Non vult super fundamentum CHRISTI ædificare lignum, non fœnum, non stipulam; quia hæc ignis absumet; sed poma suauissima.

Nyssen.
orat. 4. in
Cant.

Quodnam enim spectaculum elegatius excogitare quis possit, malorum compositione? cum ordine continuo fructus, hîc belè collocatus atque in loco confertim positus varietatem quamdam aspectui exhibet; rubedine, cum colore subalbo, permistâ.

Greg. in
c. 2. Cant.

Sponsa [verò] quia amore languet; fulciri se floribus, & stipari malis appetit; quia; dū se æternitatis desiderio afficit; dum, qualiter illuc perueniat, totâ anxietate perquirat (eò quod perfectionem, dum in carne viuit, omninò non inuenit) fatigata in desiderio suo requiescit; & in hoc solo gaudet, si circa se respicit, vel quibus ipsa proficiat, vel in quorum

rum profectiōe consolationem, de languore suo, recipere possit.

Fidem[ergo] florem; fructum, actum in-Bern. ser.
tellige. Nec incongruè vt opinor id tibi vi-^{51. in Cât.}
debitur, si aduertas quomodo instar floris
necessario præcedentis fructum, bonū quo-
que opus, fide oporteat præueniri. Alioqui
sine fide, impossibile est placere Deo. Itaque
nec sine flore fructus, nec sine fide, opus
bonum. Sed & fides sine operibus mortua
est; sicut inutiliter quoq; flos apparet, vbi nō
sequitur fructus. *Fulcite me floribus, stipate me
malis, quia amore lægueo.* Cū præsto est quod
amatur, viget amor; læguet cū abest: quod
non est aliud, quàm tædium quoddam im-
patiētis desiderij, quo necesse est affici men-
tem vehementer amantis, absente eo quem
amat; dum totus in expectatione, quantam-
libet festinationem, reputat tarditatem. Et
ideò ista postulat sibi accumulari bonorum
operum fructus, cum fidei odoramentis, in
quibus moram faciente sponso, interim re-
quiescat.



*Dilectus meus mihi et ego illi qui pascitur inter
lilia; donec aspiet dies et inclinentur umbræ. cant. a*
33.

III.

Dilectus meus mihi & ego illi, qui
palcitur inter lilia, donec aspiret
dies, & inclinentur umbræ. *Cant. 2.*

F Elices anima populus genialis Amantum,
Quas amor irruptâ neçtit vtrinq; fide!
Non ego præ veſtrâ fortunam optauero Regum;
Nam puto Cælicolûm vos ego ſorte frui.
Sed neque iam Siculi mirer noua vota Tyranni,
Optantis, Pythia tertius eſſe Comes.
Ecquis enim ſocijs medius neget eſſe duobus,
Quos ſibi tam ſancto fœdere iunxit Amor?
Aurea conditio, quoties redamantur amantes,
Reddit & alternas mutua flamma vices!
Hâc ego me toties optauî lege beatam,
Ad ſua cùm trepidam ſigna vocaret Amor.
O quoties dixi; ſi quando cogar amare,
Non niſi qui pariter me redamârît, amem!
Audiť optantem volucrum Deus ales Amorum,
Et quid, ait, dubitas? vt redameris, ama.
Vicino extimui præſentis Numine Diui,
Attonuiť meum vox inopina caput.
Ecquid inexpertam puer, inquam, perfide caſtris,
Auspiciſq; iubes ara merere tuis?
Sapè quidem iuueni mihi narrauère ſodales
Gaudia quanta ſuis polliceatur Amor.
Sæpiùs at contra monuit me ſedula nutrix,
Cùm veherer gerula ſarcina parua ſinu.

- Vera nimis reputa Peligni oracula vatis,
Quæ cecinit castis ingeminanda choris:*
- „ Quot lepores in Atho, quot apes pascuntur
in Hyblâ,
- „ Cærula quot baccas Palladis arbor habet;
- „ Littore quot conchæ, tot sunt in amore dolores,
- „ Res est solliciti plena timoris Amor.
*Semper enim miseros timor ille flagellat amantes,
Ne fors non redamet, quem tamen alter amat.*
- Fida vel alternis si sint rata fœdera vinclis
Tum grauis, vt constant fœdera, cura subit.*
- Curre per historias; quotus, heu! securus amauit?
Hunc breuis, hunc fictus ludificauit Amor.*
- Quâ Paris Oenone sine viuere posse negabat,
Oenonem potuit descriuisse Paris.*
- Dilecti Hypsiphile non mansit Iasonis vxor,
Non mansit reducis, sicut euntis erat.*
- Thesea crudelem quoties Ariadna vocauit,
Nauigio numerum quæstæ deesse suum?*
- Quin etiam leuibus monstras, Puer improbe, pennis,
Quàm citò succedat, quàm citò cedat amor.*
- Ite igitur, leuibusq; animas modò credite flammis
Cum sua non aliter sceptrâ Cupido gerat.*
- „ Et leuis est multo que suis ventosior alis,
- „ Gaudiaq; ambiguâ datque negatq; fide,
- „ Tum pudor audaces tinxit tibi perfide, malas,
Teq; leuem celeri fassus es esse fugâ.
- Tuncq; ego, Cyprigena detectâ fraude, triumphauit
Instabilem iussu lata valere Deum.*

Et tibi, Dius Amor (dixi) tibi fœdera iungam,
Et tuus ignis ego; tu meus ignis eris.
Donec ab aëreis labentur montibus vmbra,
Et reducem fugient vmbraq̃, noxq̃ diem.
O liquida ambrosia! ô Diuini nectaris haustus!
O amor! ô quanti pocula mellis habes!
Quid totis Te, Dius amor, sit amare medullis,
Expertus nisi sit, dicere nemo potest:
Quid verò sit amare; iterumq̃ abs te redamari,
Sit licet expertus, dicere nemo potest,
Omnibus hisq̃ etiam supereminet illa voluptas,
Fidus hic aeternum quòd sibi constet amor.
O Amor! ô mea dulcedo! mea vita, meum mel!
Aut melli geminum si quid Hymettus habet!
O Amor! ô quoties, ô quæ mihi gaudia misces,
Dum, quòd amās redamer; dū, quòd amere, subit!
Dumq̃ iterum aeternos recolo fore fœdere nexus
O Amor! ô quantis gestio letitijs!
Non habet hic miseros Amor, vt leuis ille, timores:
Affluit hic latis, ingemit ille malis.
Pascitur in riguis, vbi candent, lilia, campis,
Et sua Virgineos ducit in arua greges.
Scilicet ethereum decet hic flos purus Amorem,
Et benè tam castas pascit hic ortus oues.

Dilectus meus mihi, & ego illi, qui pascitur inter lilia; donec aspires dies & inclinentur umbra. Cant. 2.

Bern. ser.
67. in Cât.

QUID est hoc quod dicit, *Ille mihi, & ego illi?* Nescimus quid loquitur, quia non sentimus, quod sentit. O sancta anima, quid tuus ille tibi? quid tu illi? Quænam, quæso, hæc inter vos tam familiariter fauorabiliterque discurrens exhibitio & redhibitio? tibi ille, tuque vicissim illi; sed quid? id ipsum ei tu, quod tibi ille? an aliud? si nobis, si ad nostram loqueris intelligentiam, euidenter quod sentis, edicito: quousque animas nostras tollis? An secundum Prophetã, secretum tuum tibi? Ita est. Affectus locutus est, non intellectus; & idè non ad intellectum. Ad quid ergo? Ad nihil, nisi quod mirabiliter delectata & affecta vehementer ad desideratos affatus, finem illo faciente, nectacere omninò quiuit, nec tamen, quod sensit exprimere. Neq; enim vt exprimeret, sic locuta est, sed ne taceret. Ex abundantia cordis, os locutum est; sed non pro abundantia. Habent suas voces affectus, per quas se etiã cum nolunt, produnt. Timor, meticulosas; dolor gemebundas; amor iucundas. Eiusmodi certum est, non nutu prodire animi, sed erumpere motu. Sic flagrans ac vehemens amor præsertim Diuinus, cum se intrà cohibere

bere non valet, non attendit quo ordine, quâ lege, quâve serie, seu paucitate verborû ebulliat, dummodo ex hoc nullum sui sentiat detrimentum. Interdû nec verba requirit, interdum nec voces omninò vllas; solis adhuc contétus suspirijs. Indè est quod spòsa sancto amore flagrans, idque incredibili modò, sâne pro captandâ quantulacumq; euaporatione ardoris quem patitur, nō considerat, quid, qualiter eloquatur, sed quicquid in buccam venerit, amore ingenti, non enunciat, sed eructat *Dilectus meus mihi, & ego illi*. Nihil consequentiæ habet, deest orationi. Quid indè: Ructus est. Quid tu in ructu? quæras orationum iuncturas, sollemnia dictionum? quas tu, tuo ructui leges imponis vel regulas? Non est dubiû; duorum quidem hoc loco amor mutuus flagrat; sed in amore summo, vnus profectò felicitas, alterius miradignatio: neq; enim inter pares est cōsensio seu complexio hæc Ait itaque: *Dilectus meus mihi, & ego illi*, principiû *Dilecto* tribuēs; in consequentibus; *Ego*, inquit, *Dilecto meo, & Dilectus meus mihi*: cōsummationem æquè illi concedens. Nunc iam videamus quid dicat: *Dilectus meus mihi*. Si enim hoc recipitur, vt subaudiamus, intēdit, & sicut Propheta ait: *Expectans expectaui Dominū & intēdit mihi*: ego in verbo isto sentio, nescio quid, non planè exiguum, nec mediocris prærogatiuæ.

Bern. ser.
sequenti.

Audite gaudium meum quod sensi; & vēstrū est, audite gaudentes sponsa locuta est, & dixit, sponsum intendere sibi. Quæ est sponsa, & quis est sponsus? Hic, Deus noster est; & illa, si audeo dicere, nos sumus; gaudeamus. Nos sumus in quos intendit Deus. Quanta tamē disparilitas! quid terrigenæ & filij hominum corā illo? quid sibi vult ergo ista inter tam dispares comparatio? Aut illa in immensum gloriatur, aut is in immensum amat. Quā admirabile est quod illius intentionem ista quasi sibi propriam vēdicat, dicens: *Dilectus meus mihi*. Nec eo contenta tamē pergit ampliū gloriari; respōdere se illi, quasi ex æquo morem gerere, rependere vicem. Sequitur enim, & ego illi, insolens verbum, & ego illi; nec minus insolens: *dilectus meus mihi*, nisi quod utroque insolentius, utrumq; simul. O quid audet cor purum & conscientia bona, & fides non ficta! *Mihi*, inquit, *intendit*. Itāne huic intenta est illa maiestas, cui gubernatio pariter & administratio vniuersitatis incūbit & cura sæculorum, ad sola transfertur negotia, imò otia amoris & desiderij huius. Ita planē. Prouidentiam cæteris creaturis non negamus; curam sponsa vindicabit sibi. [Sed &] propterea utrumque ponit, dicens: *Ille mihi & ego illi*. Ille mihi, quia benignus & misericors est; ego illi, quia non sum ingrata; Ille mihi gratiam ex gratiā; ego

ego illi gratiam pro gratiâ ; Ille meæ liberationi, ego illius honori, ille salutî meæ, ego illius voluntati; ille mihi & non alteri, quoniam vna sum columba eius; ego illi & non alteri, nec enim audio vocem alienorum.

Anima[enim] ex eo quod se diligere & Bern. ser.
69, in Cât.
vehementer diligere sentit, etiam diligit nihilominus vehementer non ambigit, ac de suâ singulari intentione, sollicitudine, curâ, operâ, diligentia, studioque, quo incessanter & ardentèr inuigilat, quemadmodum placeat Deo, æquè hæc omnia in ipso indubitanter agnoscit, recordans promissionis eius; *in quâ mensurâ mensi fueritis, remetietur vobis*, ergo nec dubitat se amari, quæ amat. Ita est. Amor Dei amorem animæ parit.

Et vnde tibi, ô humana anima, vnde tibi Bern. serm.
Domin. I.
post octa.
Epiph.
hoc? vnde tam inæstimabilis gloria, vt eius sponsa merearis esse, *in quem desiderant Angeli prospicere*? vnde tibi hoc, vt ipse sit spōsus tuus, *cuius pulcritudinem Sol & Luna mirantur*, ad cuius nutū vniuersa mutantur? Quid retribues Domino pro omnibus quæ retribuit tibi? vt sis socia mēſæ, socia Regni, & socia thalami vt introducat te Rex in cubiculum suum, vide quibus brachiis vicariæ charitatis redamandus, & amplectēdus sit, qui tanti te estimauit, imò qui tanti te fecit. Desere carnales affectus, sæculares mores dedisce, consuetudines noxias obliuiscere. Quid enim

putas? Nónne stat Angelus Domini, qui secet te mediam, si fortè (quod auertat ipse) alterum admiseris amatorem?

Auth Sca-
læ paradyfi
c. 9. tom. 9.
August.

Zelotypus est sponsus iste si fortè alium amatorem acceperis, si alijs placere studueris, statim discedet à te; & alijs adhærebit adolescentulis.

Bern. ser.
70, in Cāt.

Quis huic iam imputet præsumptioni vel insolentiæ, si se dicat inijsse societatem cum illo qui pascitur inter lilia? etiam si inter sydera pasceretur, eo solo quo pasceretur, nescio quid magnum videri possit, cum eiusmodi amicitias seu familiaritatem habere. Non ignorat [sponsa] vnum esse, & qui nascitur, & qui pascit; inter lilia commorantem, & regnantem inter sidera: Nam qui in altissimis est Dominus, in imis est Dilectus; super sidera regnans, & inter lilia amans. Amabat & super sidera, quia nusquam & numquam potuit non amare, quia amor est: sed donec ad lilia descēdit, & pasci inter lilia comperitus est, nec amatus est, nec factus dilectus; quia non potuit antè diligi quàm agnosci, ô verè amandum & totis medullis cordis amplectendum sponsum! quærenda in spiritu hæc resectio inter lilia; nam corporea cogitare, ridiculum est. Quin ipsa lilia spiritualia à nobis demonstrāda erunt. Quæ ergo sunt illa lilia è quibus species decoris eius? *Procede, inquit, & regnā, propter veritatem & mansuetudinem*

tudinem & iustitiam. Bonum lilium *veritas*, candore conspicuum, odore præcipuum. Est & *mansuetudo*. Quod autem *iustitia* lilium sit, recordamini de scriptura; quia *iustus germinabit sicut lilium*. Sunt multa apud sponsum, & alia lilia præter hæc: quis illa enumeret? nempè quot virtutes, tot lilia. Et fortasse propterea ipse se lilium appellavit, quòd totus versetur in lilijs; & omnia quæ ipsius sunt, lilia sint: conceptio, ortus, conuersatio, eloquium, miracula, sacramenta, passio, mors, resurrectio, ascensio. Quid horum non candidum, & non suauissimè redolens?

Nimirum hic est præclarus ille pastor, Nyss. in
orat. 4. in
Cant. qui non fœnum gregi, pabuli loco præbet, sed puris lilijs oues alit, non ampliùs fœno fœnum nutriens. Est enim fœnum brutorum naturæ proprium, ac peculiare alimentum; homo autem, cùm rationis sit particeps, verâ ratione pascitur. Quod si eiusmodi fœno saturaretur, & ipse in fœnum commutaretur. Est enim præscriptum, *omnis caro fœnum est*; quamdiu scilicet caro existit; at si quis spiritus fiat è spiritu progenitus, non ampliùs victu gramineo pascetur, sed spiritus ei pro nutrimento erit, id quod puritas & fragrantia lilij obscuriusculè denorat. Quin etiam ipse, lilium fragrans ac purum erit, in naturam ipsius alimenti commu-

commutatus, atque hoc sibi vult; *Dies per radios diffusa* siue *perflans*, quemadmodū Diuina vox loquitur, cū diffusionem, per spiritum radiorum factam, *perspirationem* appellat, per quam vmbra huius vitæ remouentur, in quas studiosè defixis oculis respiciūt, qui necdum luce veritatis animi oculum illustrarunt, qui vmbra ac vanitatem sic intuentur, quasi reuera quiddam subsistens, quod autem verè existit, quasi non existeret, negligunt. At qui lilij vescuntur, hoc est, quorum animus ex puro ac fragranti alimento pinguescit, omni fraudulentâ, amorisq; consimili rerum specie (quæ res hâc in vitâ caræ ducuntur) reiectâ ad veram ipsarum rerum substantiam respiciunt, effecti lucis ac diei filij.

Bern. ser.
71, in Cât.

Tu ergo qui hæc audis, vel legis; cura habere lilia penes te, si vis habere hunc habitorem liliorum habitantem in te. Opus tuum, studium tuum, desiderium tuum lilia esse protestentur, moralis quidam rerum ipsarum candor atque odor. Habent & mores colores suos, habent & odores. De colore. Conscientia consultetur; de odore, fama: sponsus itaque & cū sit virtus; in virtutibus complacet sibi; & cū sit lilium, libenter inter lilia commoratur; & cū sit candor, delectatur candidis.

Aug manu
6.24.

O anima mea, insignita Dei imagine, dilige

lige illum, à quo tantum dilecta es! Intende illi, qui intendit tibi! Quære quarentem te, ama amatorem tui, à quo amaris; cuius amore præuenta es, qui est causa amoris tui. Esto sollicita cum sollicito, cum vacante vacans, cum mundo munda, cum sancto sancta. Elige illum amicum præ omnibus amicis tuis, qui cum omnia subtracta fuerint, solus tibi fidem seruabit: in die sepulturæ tuæ, cum omnes amici tui recedent à te, ille te non derelinquet, sed tuebitur à rugientibus preparatis ad escam.





Ego dilecto meo, et ad me conversio eius. Cantic. 7.

I V.

Ego dilecto meo, & ad me conuersio eius.

Cant. 7.

Mœsta cupressiferi nemoris spatiabar in vmbra,

Tristitiam lacrymis compositura meis:

Iam q̄, sinum tepidis submerserat imbribus vnda,

Concideram q̄, meis panè subacta malis.

Fors Chelys ex humeris pendebat eburnea nostris,

Mœstitiæ quondam certa medela chelys:

Obruta tristitiâ frondente sub arbore sedi,

Associans querulista talia verba modis:

Ergo mei vidui, sine lusibus, ibitis anni,

Nullus & in nostro carmine viuet amor?

Ah! precor, eueniant hac hostibus omnia nostris,

Et procul his flammæ tam bona tela cadant!

Viuerè se iuret, non hunc ego viuerè credam,

Qui trahit hoc vacuos frigidus igne dies.

Vnicus est homini, viuendi fructus, amare;

Solus amans, vixi, dicere iure potest.

Qualis, in ima, suo desidit pondere tellus,

Et subit aërias, ardua flamma, vias;

Nos ita fax animi, violento cogit amore,

Abripimur q̄, omnes, impetu quisque suo.

Me quoque natiuâ stimulari sentio flammâ,

Vis q̄, adhibet tacitas, nescio, quanta faces.

Quo meus ergo suos Amor eiaculabitur ignes;

(Primitiæ nostri namque calor erunt)

Auferar humana furiata Cupedine tædæ,

Cognata Angelicis stirps q̄, soror q̄, choris?

Aut mea mortales venient in colla lacerti,

Quæ sum immortalis Sponsa creata Deo.

Ah,

Ah, super hæc hiemes, nostri rapiuntur amores,
 Terra parem thalamis non habet ista meis.
 Nympha puellarum pulcherrima Romulearum
 Agnes, Ausonio sponsa petita proco;
 Absit, ait, iuuenis mea ne tibi fœdera speres,
 Iam mea cœlestis fœdera sponsus habet.
 Sic nostra ætherios ambit quoque fax Hymenæos,
 Inde petendus erit qui mihi sponsus erit.
 Hunc ego, non alium, solum hunc ego diligo sp̄sum,
 Nemo potest vno tempore amare duos:
 Illius ante oculos mihi semper oberrat imago,
 Ante oculos, quamuis longius absit, adest.
 Et loquor absenti momentis omnibus, absens,
 Absentisq; sonos illius aure bibo.
 Sic vbi magnetis vim ferrea linea sensit,
 Semper ad agnati vertitur alta poli.
 Et sua Sydoniis patet hinc Cynosura carinis,
 Seruat & hinc Helicen cymba pelasga suam;
 Sic læsi sequeris studiosa pedissequa Phœbi
 Dilectam Clytie, flos modò facta, facem:
 Bisq; die quouis, verso iubar ore salutans,
 Manè precaris Aue: serò precare Vale.
 Obuia fraternos ita spectas Cynthia vultus,
 Et reparat vultus ignibus ille tuos.
 Sponse, ego sum Clytie, Tu Sol; ego Cynthia, Phœbū
 Quâlibet obuerso persequor ore meum;
 Es mihi, sponse, Helyce, Cynosuraq; duplicis Arcti
 Quo trahis, huc oculis ad tua signo volo.
 Quid mirum, alterno si respondemus amori?
 Magnetem sequitur linea tacta suum.

Ego dilecto meo, & ad me conuersio eius.

Cant. 7.

IMpossibile est, vt non semper humana Orig. in
prologo
Cant.
natura aliquid amet, omnis namque qui
ad id ætatis venerit, quam pubertatem vo-
cant, amat aliquid, seu minùs rectè, cùm
amat, quæ non oportet; seu rectè & vtiliter,
cùm amat quæ oportet.

Cor meum per multa dispergitur, & huc, Bern. me-
dit. ca. 9.
illucque quærit vbi requiescere possit, &
nihil inuenit, quod ei sufficiat donec ad ip-
sum redeat.

Duo enim amores, alter bonus, alter ma- Aug. med.
cap. 35.
lus; alter dulcis, alter amarus, non se simul
in vno capiunt pectore. Et ideò si quis præ-
ter te aliud diligit, non est charitas tua,
Deus, in eo, amor dulcedinis & dulcedo
amoris. Amor non crucians, sed delectans,
amor sincerè casteque permanens in sæcu-
lum sæculi, amor qui semper ardes & num-
quam extingueris, dulcis CHRISTE bone
IESV, charitas, Deus meus, accède me totum
igne tuo, amore tui, suauitate & dulcedine
tuâ, ita vt nullus pateat in me locus adulte-
rinis amoribus.

Nam Christo & mundo quisquis partitur amo- Nazianz.
de laudib.
Virgin.
rem,

Huius amor planè lenis est & frigidus; at qui

X

Totam

Totam animi flammam penitus defixit in vno,
 Ille procul dubio, constans & certus amator.
 Quin etiam latoni sollertes, quiq; fabrilem
 In lignis artem exercent; cum linea recta
 Quaritur, exactâq; operâ captatur amussis,
 Ex oculis vnum claudunt, & lumine toto
 In socium fuso, visus acieq; coactâ,
 Recta sequente tenent duro vestigia ferro.
 Sit collectus amor, propius coniungit amanti
 Pectora casta Deo; cupientem qui cupit, atque
 Cernentem cernit, sitq; obuius aduenienti,
 Quem quo plus quisquam cupit, hoc magè cernit
 eundem,
 Quoq; magis cernit, tantò magis expetit illum
 Cernere: Sicque bonus semper conuoluitur
 orbis.

Bern. ser.
 68. in Cât.

Carissima illa est, vna vni, non adhærens
 alteri sponso, non cedens alteri sponsæ.
 Quid ista non audeat apud tam ambitiosum
 amatorem?

Bern. ser.
 69. in Cât.

Paueant quæ non amât. Ego verò amans,
 amari me, dubitare non possum, non plus,
 quàm amare: nec possum vereri vultum cu-
 ius sensi affectum.

Bern. ser.
 69. in Cât.

Ego diligentes me diligo, & qui manè vigila-
 uerint ad me, inuenient me. Vide quomodo
 non solùm de amore suo certum te reddat
 si quidem tu ames illum; sed etiam de solli-
 citudine suâ quam pro te gerit, si te senserit
 esse sollicitum sui? vigilas tu? vigilat & ille.

Consurge

Consurge in nocte in principio vigiliarum tuarum, accelera quantum vis, etiam ipsas anticipare vigilias; inuenies eum, non præuenies. Temerè in tali negotio vel priùs aliquid tribuisti tibi vel plus: & magis amat & antè.

Reperiuntur imagines quædam eo artificio à peritis pictoribus depictæ, ut quacumque ex parte inspiciantur, semper videantur habere oculos ad intuentes conuersos. Huiuscemodi sanè imagines, ex parte suâ, semper ad quoscumque conuersæ sunt qui in illo reperiuntur cubiculo, ubi ipsæ fuerint: quod si quis minimè percipiat ab illis se respici, id haud ab eis, sed ab ipso prouenit potius, qui suam auertit faciem; ideoque ut primùm is ad illas sese cõuerterit, eas pariter ad se animaduertet conuersas: Quid simile & in re nostrâ fieri censendum est.

Ego dilecto meo, & ad me conuersio illius. Ac si diceret: quoniam fide ac dilectione, soli Christo adhæreo, solum sequor, solum videre concupisco; respectiōis eius suauitatem, visitationis benignitatem, conuersationis dulcedinem gaudenter experior.

Ille quippe singularis amor est, qui soli non adiungit alterum, & æternus, qui nec primo secundum.

Greg. Papa
in Cant.
Hugo de
S. Viâ ser.
de Assum.

Bern. ser.
33. in Cāt.

Magna res amor, si tamen ad suum recurrat principium, si suæ origini redditus, si refusus suo fonti, semper ex eo sumat, vnde iugiter fluat. Solus est amor ex omnibus animæ motibus atque affectibus in quo potest creatura, & si non ex æquo, respondere auctori, vel de simili mutuā rependere vicem. Verbi gratia: si mihi irascatur Deus: num ego illi similiter redirascatur? non vti que. Ita si me arguat, non redarguetur à me. Nec si me iudicabit, iudicabo ego eum. Si dominatur, me oportet seruire: si imperat, me oportet parere. Nunc iam videas de Amore, quàm aliter sit; nam cùm amat Deus, non aliud vult quàm amari; quippe non ad aliud amat, nisi vt ametur; sciens ipso amore beatos qui se amauerint.

Aug manu
cap. 29.

Reuera hæc est vera cordis requies, cùm totum in amorem Dei, per desiderium figitur, nec quicquam aliud appetit, sed in eo quod tenet felici quâdam dulcedine delectatur, delectando iucundatur. Si verò vanâ aliquâ cogitatione, vel rerum occupatione, indè aliquantulum abstractum fuerit, summâ cum festinatione illuc redire festinat (exilium reputans alibi) quàm ibi moram facere.

Aug. med.
cap. 25.

Si enim homo hominem tantâ diligit dilectione, vt alter alterum vix patiatur abesse: si sponsa sponso, tanto conglutinatur mentis

mentis ardore, ut præ magnitudine amoris,
nullâ perfrui valeat requie, Chari sui absen-
tiam non sine magno mœrore ferens; quâ
dilectione quo studio, quo fervore anima,
quam desponsasti fide & miserationibus,
debet diligere te, verum Deum & pulcerrimum
sponsum.





*Anima mea liquefacta est, vt dilectus
locutus est. Cantic. 5.*

V.

Anima mea liquefacta est, ut dilectus locutus est. *Cant. 5.*

TE semel ut cursum tantum, mea vita, viderem,
Quot iuga, quot sylva, quot loca visa mihi!

Vt semel audirem tantum, mea vita, loquentem,
Ah! quot inaccessis rura petita viis!

Aëry montes, metuendaq; culmina rupes,
Saxaq; sylviuagis vix adeunda feris.

Nec tamen, ecce, tui data spes fuit vlla videndi,
Vixq; vel alloqui spes fuit vlla tui.

O quoties dixi! quae te, mea vita latebra,
Quae caua, quae terra, quae nigra lustra tegunt?

Sed neque lustra meum, neque rus solata dolorem,
Respondit lacrymis sylva nec vlla meis.

Fors semel ignotos me duxerat error in agros,
Solut ubi ante oculos campus, & error erant.

Metior hic oculis Caelos, clamoribus agros;
Sed neque vox Caelis, nec data vox ab agris.

Inde deerranti vallis se monstrat opaca,
Vociferor, nullus fit mihi valle sonus:

Ecce cauâ densum, procul haud à valle, viretum
Adiacet, aëstiuo textilis umbra gregi:

Hic erit, hic forsân, dixi, mea vita, latebit;
Heu dolor! ut vidi, nulla latebra fuit.

Ergo amens tandem lacrymansq; ad littora curro,
Littora, quae refluxis Nereae tundis aquis:

Hic Pharos ingenti se tollit in ardua cliuo,
Vnde suam ratibus nauita captat iter.

Scando Pharon, totoq₃ oculos circumfero ponto,
 Et quantâ possum littora voce voco.
 Littora, littora, vos cautes, vosq₃ aquoris vnda,
 An latet aquoreis lux mea mersa vadis?
 Vix prius attigerat resonantia littora clamor,
 Cum citò littoribus vox geminata redit.
 Ambigo, num scopulis fallax responderit Echo,
 Et nimium pronâ luserit aure fidem:
 Tristibus ergo iterum caua littora pulso querelis;
 Littoribusq₃ iterum vox repetita redit.
 Vox redit, & vox nota redit, Tua vox, mea vita,
 Et mihi voce Tuâ, reddita vita fuit.
 Ibam semianimis, subitò ad tua verba reuixi,
 Ne peritùs morerer, vox satis vna fuit.
 Scilicet ora loquens, quoties cœlestia seluis,
 Magnum aliquid verbis, fulminis instar inest.
 Igniuoma non quale nucis, testudine clausum
 Efflabas Syria fraudibus, Euna, Dee,
 Quale sed in comites, Emmautia rura petentes
 Sparsisti stygijs Dux rediuiue plagis,
 Frigida cum subitis arserunt pectora flammis
 Pectora colloquio, lux mea, acta tuo.
 Hinc mihi succensis caluit quoq₃ flamma medullis;
 Ictaq₃ cœlesti vocis ab igne fui:
 Et licet Oceano, gelidis licet vndique saxis,
 Vndiq₃ cœruleis obsita cingar aquis;
 Intus agunt flamma, sic liquor ab ignibus intus,
 Liquitur vt lento pinea teda foco,
 O vtinam, mea vita, animam liquamur in vnâ,
 Vnaq₃ vita duos iungat Amorq₃ duos!

Anima mea liquefacta est, ut dilectus locutus est. Cant. 5.

QUID est hoc quod sentio? quis est ignis ^{August. solil. c. 34.} qui calefacit cor meū? quæ est lux quæ irradiat cor meum? ô ignis qui semper ardes & numquam extingueris, accède me! O lux, quæ semper luces, & numquam obfuscaris, illumina me! O utinam arderem ex te, ignis sanctè! quàm dulciter ardes, quàm secretè luces, quàm desideranter aduris.

Sicut cera fluit à facie ignis, sic anima succensa est à facie eius; Anima mea liquefacta est, ut dilectus locutus est. quàm dulcis hora, quando anima huic igneo torrenti, liquefacta miscetur, quàm subtilis est in illo momēto, quàm extenuata, quàm mobilis! Nihil tunc torporis habet, nihil duritiæ reliquum, nihil rigoris, tantummodo calens & liquēs. Cognata sunt sibi inuicem liquidum & calidū; in his duobus contēplationis vsus cōsistit. Quod liquidum est, calorem citiùs cōcipit, & conceptus calor vice versâ, quod liquidum reperit, liquidius reddit. Quod dico calidum & liquidum, hoc alijs nominibus, est succensum & sincerum. O mira vis verbi & ignita vehementer! inflamat cor commutat renes, in nihilum (in cōspectu suo respectu Dei sui) animum redigit; à seipso lique-

Guilb. Abbas ser. 44. in Cāt.

scere & deficere facit, vt iam anima non sit tecum.

Ibid. supr.

Ausculata & recale, quid locutus Mariæ Magdalenaë, quid mulieri in adulterio deprehensæ, quid Samaritanæ, Chananæ, Zachæo, Petro, Centurioni? Ad tot pietatis sermones & clementiæ, cuius nō mollescat affectus viscera liquefcant! Ad tam vehementes flatus Austrinos, etiam de durissimo pectore, quantumlibet annosa potera glacies dissolui. Sentio me affluentis olei liquore perfundi & simili affectu liquefcere, quoties misericordiæ tuæ opera & verba perfecta recenseo. *Ignitum eloquium tuum vehementer, & seruus tuus dilexit illud.*

Greg. in c.
3. Cant.

Dum[enim] CHRISTVS se per spiritū suum animæ desideranti infundit, omnem duritiam cordis mox dissoluit, & aliquando mentem in tantas lacrymas liquefacit, vt vix capere possit hoc quod se capere intra se exultat, & intus miretur quid fuerit & quid factam subitò se ipsam videat. Quem liquorē dum sentit, perfectiūs apprehendere cōcupiscit, & aliquando dum hoc ipsum cogitat, hoc quod modo sentiebat, iam non sentit.

Greg. c. 39.
in c. 3. Job.

Quia nimirum mens dum occultē locutionis aspiratione tangitur, à statu suæ fortitudinis infirmata, ipso quo absorbetur desiderio, liquatur.

Guill. Ab-
bas.

Sed res corporeæ cum per calorē extrinsecus

secus liquefiunt, in semetipsas resoluuntur; animæ verò, cùm per calorem intimum liquefiunt, non in semetipsas resoluuntur, sed in resoluentem. Resoluuntur à semetipsis, sed non in semetipsas; resoluuntur igne Dei, ab amore sui, in amorē sponsi cœlestis. Hoc Paulus insinuans, *qui adheret*, inquit, *Domino, vnus spiritus est*. Et suam animam hoc modo lique factam indicâs: *Viuo*, inquit, *ego, non iam ego, viuit autem in me* CHRISTVS.

apud Del-
rio cap. 5.
Cant.

Quid verò congruentius est quàm amori tribuere hanc liquefactionem, quâ id, quod alioquin durum est, redditur fluens; cùm exploratum sit eos esse præcipuos amoris effectus, vt amâtem impellat ad amatum, eundemque cum illo vniat; quæ certè vnio tunc fit pulcrius, cùm amor ipse fit mutuus, atq; adeò & ambos amantes ad alterutrum fluidos faciens. Nec ignoramus, dilectum piarum animarū IESVM CHRISTVM dixisse, in Psalmo 21. *Factum est cor meum tamquam cera liquefscens*, vnde si liquefacta anima fluat ad IESVM, qui & liquefactus vt cera, fluit ad ipsam animam, quid exinde consequitur nisi perfecta vnio;

Giss. in c. 5.
Cant. ex-
pos. 3.

Anima mea liquefacta est, vt dilectus locutus est, ô mira & inestimabilis virtus amoris! Deum inclinat ad terram, mentē eleuat ad patriam & Deum & animam vel hominem simul conglutinat ad gloriam; Deum facit

Bonauen.
stimuli
amoris,
part. I. c. 89

facit hominem & hominē facit Deum; temporalem facit æternum, immortalem occidit, mortalem facit immortalem, & imum excelsum constituit, inimicū facit amicum, seruum facit filiū, & abominabile facit gloriosum, frigida facit ignea, obscura facit clara, dura facit liquida. Nam *anima mea liquefacta est*. O verbum admirabile! ô verbum nimium delectabile! Ego vilissimus & nequissimus seruus tuus Domine Deus meus, qui etiam non sum dignus aliqua creatura tua vocari, nec esse, quomodo sū tibi tanto vinculo charitatis colligatus, vt ad verbū tuum, præ amore, fuerim liquefactus? O ardor amoris qui intima mentis in Deū infundis! Nam adamātina erat anima mea; & eius intima nimium solidata. Nunc amore liquefcit, nūc extra se exit, & in Deum tota se diffundit, proprium locum relinquit, & in Deum currit, absorbetur à Deo & obliuiscitur sui. O amor! quid tibi tribuā, qui me fecisti diuinum? *Viuo ego, iam non ego, viuit autem in me* CHRISTVS. Inenarrabilis est virtus tua, O amor, qui lutum in Deum transfiguras! Quid ergo te potentius, quid dulcius, quid iucūdius, quid & nobilius, obsecro? O desiderabilis amor, qui summis delicijs repletes egentes! sed si liquefacta es, ad verbum eius, ô anima mea, quomodo sustines amplexus eius? Quomodo non es assumpta ad oscula eius?

eius? si liquefacta es ad affatum eius, quomodo non es absorpta, cum intras per vulnera & per venas, ad cor eius? sed ô mira dulcedo, & mira iucunditas, ut quod non meremur nominare, possimus masticare! Non mereor esse ancilla, & facta sum in deliciis carissima: Quis sufficit tanti amoris, etiam scintillam minimam intueri! Non ergo mirum, si ad verbum tuum, *liquefcit cor meum*; immò de cætero, totus accendat, & totaliter *liquefciam*, ut in te totaliter sim effusus. Nihil præter te videam, nec in aliud, cogitata, dicta vel facta trāseant vlllo modo. Immò mirum videtur, quomodo non sumus sic intēti ad te, quod ignoremus omnia præter te Si enim habemus te, quid amplius volumus? In te ergo, dulcissime Domine Iesv, quiescat mens nostra, & à te nec ad modicum separetur!



*Quid enim mihi est in cælo, et à te quid volui
super terram ? Psal. 72.*

V I.

Quid enim mihi est in cœlo, & à te
quid volui super terram? *Psal. 72.*

Quid cœlo, mea lux, terræ, marisve requirã?
Nec cœlum, sine te, terra, nec vnda placet.
Non equidẽ ignoro, quæ, quantaq; gaudia Cœlum,
Terraq; quas fundat, vndaq; condat opes.
Sed sine te, mea lux, mala sunt, quacumq; vel æther.
Vel tellus gremio, vel tegit vnda salo.
Q cœlum! ô tellus! ô carula marmora ponti!
O tria delicijs regna superba suis!
Delicias cumulus vestras licet aggerat vnus,
Non sint delicia, si meus absit amor.
Sapè tulit, fateor, vaga per diuortia mentem
Hinc Theris hinc Tellus, arduus inde Polus.
Sed totum iniectis, mundum si metiar vlnis,
Non tamen hac vlnis par erit vlna meis.
Mens aliquando fuit gravidam recludere terram,
Aeraq; diuitibus vellere fulua cauis,
Aurumq; argentumq; nitentis germina vena,
Quaq; metallifero nutrit arena sinu.
Ferro igitur magnæ Matris suffodimus aluum
Totaq; telluris gaza coacta fuit.
Quid iuvat? aggestas licet aurum fregerit arcas,
Non tamen est animo nausea pulsa meo.
Ergo sub æquoreos rapuit me cura penates,
Quâ subit Eoes Indus adustus aquas.

Quid-

Quidquid & aurifluis gemmarum nascitur undis
 Carpere sub liquido gurgite feruor erat.
 Et pressum roscis conchylibus edere rorem,
 Rideret patulis purpura si qua labris.
 Et sparsas rutilis baccas conquirere ripis,
 Diues Hydaspei quâ nitet vnda vadi.
 Hei mihi! tam vario lectis ex æquore gemmis,
 Littoribus totidem fluminis atque maris,
 Tot cyanos tot chrysolitos tot iaspidas inter,
 Nulla mea potuit gemma sat esse siti.
 Quid facerem, votis, terraq₃, mariq₃ negatis?
 Sidereos, dixi, vota subire lares.
 Visa igitur superi circumuaga machina mundi,
 Templaq₃ luciferis fulgida lampadibus.
 Obstupui stabili currentes ordine flammæ,
 Astraq₃ perpetuos ducere nexa choros:
 Inter at indigenas tot Olympi pensilis ignes,
 Flamma capax animæ non fuit vlla meæ.
 Nempe ita cùm totum requieuit in Hercule Cælum,
 Non illi requies sidera, pondus erant.
 Ah! piget è terris Cæli conuexa tueri,
 Iam super alta feror nubila, terra vale.
 Iam cunctæ ex oculis, turresq₃, vrbesq₃ recedunt,
 Iam coit in minimam pendula terra pilam:
 Iam luna, solisq₃, Iouisq₃ superuehor orbes,
 Et septena premens sidera, calco pede:
 Iamq₃ pauimentum stellarum illustre pyropis,
 Sub pede despicitur, quod modò culmen erat:
 Altaq₃ iam cingunt flammantis mœnia mundi,
 Et propior cæli regia tota patet.

Quin properant volucres, pennata examina, ciues,
Et sociant varijs verba fidesq₃ modis.
Saltantesq₃ obeunt pedibus plaudentibus orbem,
Lataq₃ ceu festo personat Aula die.
O calum! ô calum! ô fulgentia lumina stella!
O, nisi sidereis, atria digna choris!
O volucres animæ, rutili respublica Regni!
O chelys Angelicis associanda modis!
O vbi sum? prope facta sui immemor, exciderat mēs?
Sed redit vt sponsum sensit abesse suum.
Astra valete, valete Poli; Volacresq₃ valete;
Nil mihi vobiscum est, si meus absit amor.
Iam video, mihi quid terraq₃, poloq₃ petendam,
Si meus absit amor, Terra, Polusq₃ vale.
Magnanimas iuuenis lacrymas, Fellæ, dedisti,
Nulla tibi domito terra quod orbe foret:
Quid mihi millenos si fregero viribus orbes?
Non satis est votis gloria tanta meis.
Ah, minus est animo, quidquid sola disita terrarū,
Astriferaq₃ obeunt mœnia vasta plage!
Quod neq₃ terra capit, neque regna liquentia ponti,
Non hominumq₃ lares, non auiumq₃ domus;
Quod neque siderei claudunt amplexibus orbes,
Id voto spes est, resq₃ petita meo.
Hactenus heu fateor, vacuas dum prendimus auras,
Semper ab amplexu mens malè lusa suo est!
Tu mihi Terra, Deus, mihi tu Mare, tu mihi cælū,
Denique cuncta mihi es, Te sine, cuncta nihil.

*Quid enim mihi est in cælo, & à te quid
vولي super terram? Psalm. 72.*

Hugo de
S. Victore
in arrhâ
Animæ.

D I C mihi, quæso, anima mea, quid est quod super omnia diligis? ego scio quòd vita tua dilectio est, & scio quòd sine dilectione esse non potes. Aspice mundam & omnia quæ in eo sunt, multas ibi species pulcras & illecebrosas inuenies, quæ humanos affectus alliciunt, & secundum varias vtentium delectationes ad fruendum se, desideria accendunt. Habet aurum, habent lapides preciosi fulgorem suum; habet decor carnis speciem, picta tapetia & vestes fucatae colorem, Dic ergo, obsecro, mihi; quid de his omnibus vnicum tibi feceris, quod singulariter amplecti, quo semper perfrui velis? Certus enim sum, quod aut horum quæ videntur aliquid amas, aut si iam postposuisti vniuersa hæc, aliud habes, quod præ omnibus his diligas.

August. in
Psalm. 143.

Quid tibi placet in sæculo? quid est quod vis laudare? quid est quod vis amare? quocumque corporeis sensibus te conuerteris, occurrit tibi cælum, occurrit tibi terra. Quod amas in terrâ, terrenum est; quicquid amas in Cælo corporeum est. Iam ergo diu occupata vixisti, & desideriorum diuersitate verberata, portas plagas, saucia, diuisa per amo-

res

res multos, vbiq̃ue inquieta, nusquam sæcura. Colligere ad te ipsum; quicquid tibi foris placebat, quere quem habeat auctorem. Nihil melius in terrâ, verbi gratia, quàm hoc & illud. Aurum, argentum, animalia, arbores, amœnitates, totam terram cogita; quid melius in Cœlo, solo, lunâ, sideribus? Totum cogita; omnia ista simul bona valdè, quia fecit Deus omnia bona valdè; vndique pulcritudo operis, quæ tibi commendat artificem. Miraris fabricam, ama fabricatorem. Non occuperis in eo quod factum, & discedas ab eo qui fecit: hæc enim quibus occuperis sub te fecit, quia sub se ipso te fecit.

Anima humana quæ ad Deum appetendum facta est, quicquid infra Deum appetit, minus est, ideoque iure ei non sufficit, quod Deus non est. Sed caue, anima mea, ne non spōsa, sed adultera dicaris, si munera dantis plusquam affectum amantis diligis. Væ tibi, si oberras in vestigijs suis, si nutus suos, pro eo amas, & nō aduertis purgatæ mentis intelligentiâ, quid innuat lux illa beatissima, cuius nutus & vestigia sunt omnium creaturarum decus & forma. Adhuc si fortè *ignoras te ô pulcerrima mulierum, egredere, & abi post vestigia gregum*, id est, irrationabilium creaturarum, quæ sunt vestigiū Creatoris tui; tu verò speculum sanctissimæ Trinitatis. Ergo omnibus dignior & excellentior comprobaris.

Bona. fol.
lil, cap. i.

Et *pasce hados tuos, iuxta tabernacula pastoris*, id est, conuerte cogitationes tuas ad choros Angelorum, quibus quodammodo similis es in naturâ & conciuvis eris in gloriâ.

Bonau.c.1.
solilo.

Heu Domine, nunc intelligo, sed confiteri erubescō, species & decor creaturarum decepit oculum meum, & non aduerti, quia speciosior omnibus creaturis es tu, quibus tantummodo vnâ guttam tuâ inestimabilis pulcritudinis cōmunicasti. Quis enim ornauit cœlum sideribus, aërem volucribus, aquam piscibus, terram plantis & floribus? sed quid sunt hæc omnia, nisi tuâ pulcritudinis modica scintilla? dulcedo etiam Creaturarum decepit gustum meum, & non aduerti, quod melle dulcior es. Tu enim melli & omni creaturæ dulcedinem suam, imò tuam commodasti. Decepit etiâ odor creaturæ olfactum meum, & ignorauī quod odor tuus, o bone IESV, redolet super omnia aromata. Decepit etiam sonus falsus siue fallax creaturarum, auditum meum, & nesciui nec sensi quàm dulcia faucibus electorum tuorum eloquia tua.

Bern.med.
cap.9.

Cor meum, à cogitatione in cogitationem ducitur, & per varias occupationes & affectiones variatur, vt saltem varietate ipsarum rerum impleatur, quarum qualitate satiari non potest.

August.

Sed nō scio Domine Deus meus, quia
vbi cum-

vbicumque sum sine te, malè est mihi præ-
te; non solùm extra me, sed etiam in me;
quia omnis copia, quæ non est Deus meus,
mihi est egestas. *Satiabor tunc cùm apparuerit
gloria tua.*

Solilo c. 13.

Anima[enim] quam creasti, ita facta est
capax maiestatis tuæ, quòd à te solo & à nul-
lo alio possit impleri; quando autem te ha-
bet plenum est desiderium eius, & iam nihil
aliud quod desideretur exterius, restat. Dum
autem aliquid exterius desiderat, manife-
stum est, quòd te non habet interius; quo
habito, nihil est quod ultra desideret: cùm
enim sis summum, & omne bonum, non ha-
bet quod desideret amplius, sed possidet te
omne bonum.

*Aug. solil.
cap. 30.*

Bruma, calens æstas, ver, Autumnusq; vicissim,

Specetra duo vita, nox simul atque dies;

Cælum, æquor, tellusq; nouū nihil est mihi prorsus,

Non quæ sunt motu prædita, quæq; carent.

Nil moror hæc, aliū mihi da, Rex optime, mundum,

Propter quem hic prompto tot mala corde fero.

Cætera quæ terris voluuntur, nil moror ipse

Amplius, humanis relinquere cuncta libet.

*Nazian.
carm. de
externi
hominis
vilitate.*

Ad quodcumque me conuertero, vilescit
mihi adeptum, quamuis acciderit desidera-
tum. quando satiabitur desiderium meum
in bonis? non satiabor de mortalibus, non
satiabor de temporalibus; aliquid æternum
donet, aliquid æternum concedat. Bonum

*August. in
Psal. 102.*

tuum quære, ô anima. Est enim bonū aliud alteri, & omnes creaturæ habent quoddam bonum suū, integritatis suæ & perfectionis naturæ suæ interest, quid cuique rei imperfectæ necessarium sit, vt perficiatur: Quære tuum bonum, *Nemo bonus nisi vnus Deus*, summum bonum, hoc est tuum bonum. Quid ergo deest, cui summū bonum, bonum est? sunt enim & inferiora bona, quæ alijs & alijs bona sunt: Pecori quid bonum est, nisi implere ventrem, carere indigentia, dormire, gestire, viuere, sanum esse, generare? Tale tu bonum quæris? Cohæres CHRISTI, quid gaudes, quia socius es pecori? Erige spem tuam ad bonū bonorum omnium [ad eum] *qui satiat in bonis desiderium tuum.*

Chrys. hō.
s. in epi. ad
Roman.

Audi quid Propheta dicat: *Quid enim mihi est in Cælo?* & illud: *A te quid volui in terrâ?* ac si dixisset nullius prorsus alterius rei, nec cœlestis, nec terrestris, sed tuo vnus desiderio teneor.

Hoc est; Tu portio mea es, abundas mihi ad omnia, nihil quæsiui aliud, nisi vt te partem haberem; nullas sæculi huius diuitias & voluptatum illecebras concupiui. Nullius egeo qui à te assumptus sum, nec superest in cœlestibus quod ampliùs quæram. Nihil habens omnia habeo, quia CHRISTVM habeo; omnia ergo in illo habens, aliam non quæro mercedem, quia ipse rem-

merces est vniuersorum.

Nihil[enim] aliud desiderat anima, nihil aliud à Deo quærit, quàm ipsum Deum, vt iam ex affectu cordis, atque sententiâ clamet illud de Psalmo: *Quid enim mihi est in cælo, & à te quid volui super terram? Defecit caro mea, & cor meum, Deus, cordis mei, & pars mea Deus in æternum.* Neque enim suum aliquid, non felicitatem, non gloriam, non aliud quidquam tamquam priuato sui ipsius amore desiderat anima, quæ istiusmodi est, sed tota pergit in Deum, vnicumque ei ac perfectum desiderium est, vt introducat eam Rex in cubiculum suum, vt ipsi adhæreat, ipso fruatur.

Bern. de
diuers.
affectio-
nib, animæ

Vidit[nempe] quid ibi seruaretur, & cogitans & æstuans in cogitatione cuiusdam rei ineffabilis, quam nec oculus vidit, nec auris audiuit, nec in cor hominis ascendit; non dixit: Illud aut illud mihi est in Cælo, sed, *quid mihi est in cælo?* quid est illud, quod habeo in Cælo? quantum est? quale est? & cum non transit, quod habeo in Cælo, à te *quid volui super terram?* seruas tu mihi in cælo diuitias immortales, te ipsum; & ego volui à te in terrâ, quod habent & impij, quod habent & mali, quod habent & facinorosi, pecuniam, aurum & argentum, gemmas, familias, quod habent & scelerati multi, quod habent multæ faminæ turpes, multi

August. in
Psal. 72.

viri turpes? Hæc pro magno desiderati à Deo meo super terram, cùm seruet se mihi in Cælo Deus meus.

Aug. med.
cap. 40.

Defecit gaudium cordis mei, versus est in luctum risus meus; *defecit caro mea & cor meum Deus cordis mei & pars mea Deus in æternum.* Renuit consolari anima mea, nisi de te, dulcedo mea. *Quid enim mihi est in cælo, & à te quid volui super terram? Te volo, te spero, te quæro; Tibi dixit cor meum? Quæsiui vultum tuum, vultum tuum Domine requiram, ne auertas faciem tuam à me.*

Ambr in
orationib.

Scis igitur, occultorum cognitor Deus, quia non solum terrâ & omnibus quæ in eâ sunt, sed ipso Cælo, & omnibus quæ in eo sunt, tu mihi carior, tu acceptior, tu amabilior es; diligo enim te supra Cælum & terram, & cætera omnia, quæ in eis sunt.

Aug. solil.
cap. 20.

Quidquid enim cæli ambitu continetur, inferiùs ab animâ humanâ est, quæ facta est vt summum bonum superiùs possideret, cuius possessione beata fieret.





*Heu mihi, quia incolatus meus prolongatus est ;
habitaui cum habitantibus Cedar, multum incola fuit
anima mea ! Psal. 137.*

VII.

Heu mihi quia incolatus meus prolongatus est! habitavi cum habitantibus Cedar, multum incola fuit Anima mea. *Psalm. 119.*

AN peragit solitis Phæbi rota cursibus annum,
Sidereumq₃ suo tempore finit iter?
Credideram fractis currum consistere loris,
Tempora tam lentis ire videntur equis.

Hei mihi, decretos iam dudum expleuimus annos,
Nec tamen è vitâ cedere Parca iubet!

Cur mea tam longo ducuntur stamina filo?
Debueras, Lachesis deproperasse colum.

Ecquid in his adeò delectet viuere terris?

Quidve quod inuitet, tristis hic orbis habet?

Qualibet, ah! simili mihi mors minùs aspera vita est,

Si genus hoc mortis vita vocanda fuit.

Nempe gradu stabili nihil hîc immobile constat,
Cuncta sed assiduâ mobilitate fluunt.

Manè dies oritur Phœbeo splendor auro,
Squallidus emoritur, nocte premente, dies.

Nox subit Astrorum rutilis comitata choreis,
Nox iterum Cælo, sole fugante, fugit.

Nunc Zephyro gremium tellus spirante recludit,
Nunc claudit gelidos, flante Aquilone, sinus.

Nunc

Nunc canet niuibus, nunc spargitur alba pruinis,
 Nunc tepidi solis veris amicta viret.
 Mollia iam liquidas pandunt freta nauibus vndas,
 Iam tenet inclusas vnda gelata rates.
 Nunc agitant tumido venti fera praelia Ponto,
 Nunc stagnat placidis cerula Tethys aquis.
 Humidus effusis nunc liquitur imbribus ether,
 Nunc aquâ nitidus stat sine nube Polus.
 Nunc fragor horrisono Caelû quatit omne tumultu,
 Nunc silet, & superas pax tenet alta plagas.
 Denique (quæ reliquos superant incommoda casus)
 Mœsta ferè in medijs vita trahenda feris.
 Quæq; domus hominû, magè sunt spelæa ferarum,
 Quiq; homines, hominum nil nisi nomen habent.
 Scilicet insidiæ, fraudesq; doliq; triumphant,
 Nec, nisi quod rigido, ius datur ense, viget.
 Exulat hinc pietas, terrisq; Astræa recepit,
 Fasq; relegatum sub pedibusq; iacet.
 Adde loci faciem; locus est inamabilis, & quo
 Libera vix risu soluere corda queas.
 Marius, heu! sæuis ardet furor vndiq; bellis!
 Nec numerat plures altera terra neces.
 Hostibus in medijs, inter gladiosq; facesq;
 Hæc geris arma manu, quâ seris arua manu.
 Quis velit in tantis tolerare laboribus annos,
 Sortis & assiduis ictibus esse scopus?
 Hei mihi, decretos, iam dudum expleuimus annos!
 Tempora cur fati sunt ita lenta mei?
 Tempora cùm numero (numero quæ sæpius exul)
 Iure grues damnata nostra querela moras.

Nec scio quæ cæcas hebetent obliuia mentes,
Omnia queis longi sunt sua vota, dies:
Crediderim misera nescire pericula vitæ,
Nec quàm sit grauis hic conditione locus.
Nam bona sideret si nossent maxima mundi,
Arceri patriâ se quererentur humo.
Sed procul absentes cœlestia gaudia fallunt,
Raraq; de Cœlo nuncia rumor habet.
Hei mihi, quàm procul his distas, mea patria, terris!
Quàm procul à cœli finibus exul agor?
Exulibus quondam tellus fuit vltima, Tybur;
Me profugam fati vltimus orbis habet.
Et nondum infastas colui satis incola sedes,
Squallentes tenebris, tristitiâq; domos?
Sexta Ceres cæsis quoties procumbit aristis,
Seruus ab Hæbreo pilea sumit hero:
Cur ego non etiam seruili emancipor agro?
Et rudis immunem verberare virga facit?
Cur patriæ, fines portusq; relinquere cogor,
Nec sinor ætherios exul adire lares?
Deserit externas peregrina Cyconia sedes,
Inq; suas reuolat per mare vecta, domos.
Nuncia veris auis, nidos quoque mutat hirundo,
Cum redit ad notos Bistonis ales agros.
Urbe relegatus, patrijs Antistius oris,
Redditus, exilijsine fauente, fuit.
Hei mihi, cognatis cur exul ab arceor astris?
Nec sinor illa meo tangere regna pede?
Lux mea, rumpe moras, satis his habitauimus oris,
Aut quo non potui corpore, mente ferar.

Heu mihi quia incolatus meus prolongatus est! habitavi cum habitantibus Cedar, multum incola fuit Anima mea, Psalm. 119.

Aug. med.
cap. 11.
Aug. ser.
42. de ver-
bis Domi-
ni.

TÆDET enim me, Domine, valde vitæ huius, & istius ærumnosæ peregrinationis! Tota quippe vita ista, intelligentibus tribulatio est; sunt enim duo tortores animæ, non simul torquentes, sed cruciati alternantes. Horum duorum tortorum nomina sunt, timor & dolor. Quando tibi benè es, times; quando malè es, doles.

Aug. med.
cap. 21.

Vita hæc, vita misera, vita caduca, vita incerta, vita laboriosa, vita immunda, plena miserijs & erroribus, quæ non est vita dicenda sed mors; in quâ momentis singulis morimur, per varios mutabilitatis detectus, diuersis generibus mortium. Mors ista vitalis, & vita mortalis; licet his alijsque sit respersa amaritudinibus, proh dolor! quàm plurimos suis capit illecebris, & quàm multos suis falsis promissionibus decipit.

Orig. hõ. 1.
in Psal. 38.

Dulcem [namque] hanc lucem, quâ nunc utimur, illi dicunt, qui dulcedinem veræ lucis ignorant, sed ne auspicia quidem viri luminis vlla senserunt, nec sciunt Angelicam vitam sperandam esse animæ, cùm ex vanitate huius vitæ euaserint.

Quid

Quid amissa cælesti patriâ, repulsus homo delectatur exilio?

Greg. l. ii.
mor. in ca.
14. Job.
Ambr. de
bono mor.
tis cap. 2.

Vitium [hoc est] nostræ infirmitatis, qui voluptate corporis, & delectatione vitæ istius capimur, & cursum hunc consummare trepidamus, in quo plus amaritudinis, quàm voluptatis est. At non sancti ac sapientes viri, qui longævitatē vitæ huius ingemiscebant, dissolui & cum CHRISTO esse pulcrius æstimantes: denique idem generationis suæ execrabantur, sicut ille qui ait, *Pereat dies illa in quâ natus sum*. Quid enim est, quo hæc vita delectet? plena ærumnarum & sollicitudinum, in quâ innumeræ calumniæ & multæ molestiæ, & multæ lacrymæ eorum qui affliguntur molestiis, & non est, inquit, qui eos consoletur, & ideò laudat Ecclef. *defunctos magis quàm viuentes*.

Vita [certè] mea, vita fragilis, vita caduca, vita quæ quanto magis crescit, tanto magis decrescit; quanto magis procedit, tanto magis ad mortem accedit. Vita fallax & umbratica, plena laqueis mortis; nunc gaudeo, nunc statim tristor, nunc vigeo, iam infirmor, nunc viuo, statim morior, nunc felix appareo semper miser, nunc rideo, nunc fleo; sicque omnia mutabilitati subiacent, ut nihil vna hora in vno statu permaneat.

August. so-
lilo cap. 2.

Nec terra intrepida est, quatitur sed turbine venti,

Inq, vicem cedunt tempora prompta sibi.

Nazianz.
carm. de
humani-

Nox nat.

Nox tegit atra diem, tempeſtas æthera fuſcat,
 Aſtrorum obſcurat ſol radiansq; decus.
 Sol tegitur nebulis, rediuiuaq; luna reſurgit,
 Dimidiâ Cœlum parte latetq; ſui.

Carm. de
 externi
 hominis
 vilitate.
 Chryſ. in
 Pſal. 119.

Quæ vita hæc? tumultum? à tumulto peto rurfus, &
 Poſt tumultū rurfus me tumultabit edax. (ignis
 Idq; ipſum eſt, quod viuo, velut rapidiſſimus amnis,
 Qui ſurſum exoriens ſemper ad ima fluit.

Eſt enim præſens vita Incolatus & quid di-
 co incolatus, cū res ſit vel incolatu inferior,
 vnde Chriſtus etiam, ipſam vocauit viam,
 dicens: anguſta eſt porta, & arcta eſt via quæ du-
 cit ad vitam.

Greg 1. 23.
 mor. c. 24.
 in c. 33.
 Iob.

Via quippe eſt vita præſens, quâ ad patriâ
 tendimus; & idcirco hîc occulto iudicio,
 frequenti perturbatione conterimur, ne
 viam pro patriâ diligamus. Solent enim
 nonnulli viatores, cū amœna fortasſe in
 itinere prata conſpiciunt, pergendi moras
 innectere, & à cœpti itineris rectitudine de-
 clinare; eorumq; grefſus tardat pulcritudo
 itineris dum delectat. Electis ergo ſuis ad ſe
 pergentibus Dominus, huius mundi iter af-
 perum facit, ne dum quiſque vitæ præſentis
 requie, quaſi amœnitate vitæ paſcitur; magis
 cum diu pergere, quàm citiùs peruenire de-
 lectet; ne dum oblectatur in viâ, obliuiſca-
 tur, quod deſiderabat in patriâ.

Chryſ. in
 Pſal. 119.

Sed hæc eſt doctrina optima atque adeò
 prima, ſcire nos eſſe inquilinos in vitâ præſenti.

Qui

Qui rerum quæ hîc sunt est hospes, erit rerû
 supernarum ciuis. Qui eorum quæ hîc sunt,
 est hospes; non lubêter versabitur in præsenti-
 bus. Nô domus, non pecuniæ, nô alimen-
 ti, nec alterius eiusmodi curam gerit, sed
 quemadmodum qui in aliena versantur, ni-
 hil non agunt & procurant vt patriæ suæ re-
 stituantur, & quotidie vrgent & festinant, vt
 eam quæ eos tulit, videant. Ita etiam qui a-
 more futurorum tenetur, nec rebus præsen-
 tibus aduersis animum demittet, nec secun-
 dis efferet, sed vtrasque prætercurret tam-
 quam qui viam ingreditur. Quocirca iube-
 mur etiam dicere in Oratione: *Adueniat Reg-
 num tuum*, vt illius diei desiderium & cupidi-
 tatem animo nostro versantes & ipsum præ
 oculis habentes, ne videamus quidem præ-
 sentia. Si enim Iudæi Hierosolymâ delide-
 rantes, etiam postquâ liberati sunt, deslent
 præterita; quænam dabitur nobis venia, quæ-
 nam relinquetur defensio, si nô supernæ Hie-
 rusalem teneamur vehementi desiderio? Vi-
 de ergo quomodo hi quoque lamentantur,
 quod cum illis versentur: *Habitu dicentes,*
cū tabernaculis Cedar, multum incolafuit Anima
mea: Hîc enim non solum deslent quòd in
 aliena habitent, sed etiam cū Barbaris ver-
 sentur. Neque enim hæc vita est è tantum
 laboriosa, quòd plurimam habet vanitatem
 & curas importunas, sed quòd etiâ multus

Nisi.

fit malorum prouentus. Nihil est autem grauius & molestius, quàm quæ est cum huiusmodi hominibus congressio. Est Barbarorum, cum ijs in quos imperium obtinuerūt, instar ferarum agere; vt qui tugurijs & tentorijs vrantur, & ad immanitatem ferarum sint redacti: sed his multo sunt efferatiores, raptores, auari & qui impudicè, ac libidinosè & in delicijs vitam transigunt. *Multum incola fuit anima mea*; non multum propter multitudinem, sed propter rerum difficultatem. Et si enim sit exiguum, videtur esse multum ijs qui affliguntur. Nonnulli è vulgo, pusilli & abiecti animi, qui etsi per multos annos vixerint eos paucos esse dicunt. Quibus; quid esse potest à ratione alienius? quid verò crassius ijs, qui cœlo proposito, & ijs bonis quæ sunt in cœlis, quæ *nec oculus vidit, nec auris audiuit*, ore hiantes umbras stupent, nec volunt vitæ præsentis Euripum trajcere, in perpetuis fluctibus, tempestatibus & naufragijs volutati?

Aug. ser.
49 ad fratres in
Ereino.

O vita quæ tãtos decipis, de proprijs tantos seduxisti, tantos excæcasti! Quæ dum surgis, nihil es: dum videris umbra es, dum exaltas fumus es, Dulcis es stultis, amara sapientibus; qui te amat, non te cognoscit; qui te contemnunt, ipsi te intelligunt. Væ qui tibi credunt! Beati qui te contemnunt! vera non es vita, quam te ostendis. Alijs ostendis

te longam, vt perdas in finē, vt faciant quod volunt; alijs breuē, vt dum pœnitere volunt, non permittas. Sic est vita nostra, quasi homo in domo alienâ, nesciēs quâ horâ vel die Dominus domus dicat: vade foras, quia nō est tua domus in qua es. O sæculum vanum! quid nobis tanta promittis, dum decipis?

Erraui fateor, *sicut ovis perdita, & incolatus meus prolongatus est*; atque procul proiectus sum à facie Dei mei, in hanc exilij cœcitatē, vbi expulsus à Paradyfi gaudiis, deploro quotidie mecū super misērias captiuitatis meæ, lugubre carmen, ingentesq; lamentationes, dū recordor tui, mater Hierusalē, dum stant pedes mei in atrijs tuis sancta & decora Siō! *Heu quassa nostra CHRISTE mi, vis concidit!*

Heu quas procellas excitat corpus mihi!
Heu quàm incolatus se meus longè extulit!
Omninò rerum sum satur presentium,
Census, inopiæ, gaudiij, molestiæ,
Famæ, decoris, hostium, & chari gregis.

Infelices quorū vita est in exilio, vita in periculo, finis in dubio, nesciens finē nostrum quia omnia in futurum referuantur incerta. Adhuc in Pelagi fluctibus versamur suspirantes ad te, portum maris. O patria nostra! patria secura! à longè te videmus, ab hoc mari te salutamus, ab hac valle ad te suspiramus; & nitimur cum lacrymis, si quomodo ad te perueniamus.

Ambr. in
orationi-
bus.

Nazian. ad
Christum.
Alibi optāt
finem vitæ

Aug. solil.
cap. 34.

Aug. med.
cap. 18.

Sed quia dum sumus in corpore peregrinamur à te Domine, non habemus hîc ciuitatem manentem, sed futuram inquirimus; noster autem municipatus in cælis est Idc ò duce gratiâ tuâ, ingredior in cubile cordis mei: & c. into tibi amatoria, Rex meus, & Deus meus, gemens inenarrabiles gemitus, in loco peregrinationis meæ, vbi cantabiles mihi sunt factæ iustificationes tuæ. Et recordans Hierusalem, extendo in eam, sensum cordis; Hierusalem patriam meam, Hierusalem matrem meam, te quæ super eam regnatorem, illustratorem, patrem, tutorem, patronum, rectorem, pastorem, castas & fortes delicias, solidum gaudium & omnia bona, ineffabilia simul omnia, quia vnum summum & verum bonum.

Aug. solilo
cap. 35.

O gaudium super gaudium, vincēs omne gaudium, extra quod non est gaudiū. Quando intrabo in te, vt videam Deum meum, qui habitat in te? Ibo illuc, & videbo visionem hanc grandem. Quid est, quod me detinet? Heu me quia incolatus meus prolongatus est! Heu me quamdiu dicetur mihi; vbi est Deus tuus? Quamdiu dicetur mihi expecta, reexpecta: & nunc, quæ est expectatio mea? nōne Deus meus: Saluatorem expectamus Dominum nostrum IESUM CHRISTVM, qui reformabit corpus humilitatis nostræ configuratum corpori claritatis suæ Expectamus Dominum quando reuertatur à nuptijs, vt inducat nos ad suas nuptias.





*Infelix ego homo! Quis me liberabit de
corpore mortis huius? Ad Rom. 7.*

V I I L

Infelix ego homo , quis me liberabit
de corpore mortis huius ? *Ad*
Roman. 7.

Infelix! ubi nunc bona tot, quæ perditæ plango,
Sed frustra, planctu non revocanda meo?
Tot bona! quid repetit dolor? ah! meminisse nocebit:
Amiffæ cruciant dum memorantur opes.
Ut ilius veteris fortuna nescius esses,
Cum mala sors fato deteriore premit.
Passim hominum satira est, decepti noxa parentis,
Stultitia solus scilicet ille reus.
Adam, Adam simplex, Adam, Adam vxorius audit;
Pluribus, aut totidem vapulat Eua probris.
Non ego sic: sed. si gemitus finit edere vocem,
Pars. fateor; mundi in crimine, magna fui.
Te quoque, cui primos studium damnare parentes,
Peccati memorem conuenit esse tui.
Cum vitæ & mortis non felix alea iacta est,
Collusor proavi dilapidantis eras.
Credite posteritas, Adam vos estis & Eua,
Et vestra pomum corripuere manus.
Hinc nudi, gens pelliceâ dignissima zonâ,
Et pudor & dolor, & Numinis ira sumus.
Non querar accepta tot publica vulnera cladis,
Materies elegis sum satis apta meis.

Ordior à cunis; hîc mecum lacryma nata est,
 Hîc docuit vitæ syllaba primâ, queri.
 Mensis erat Maius, mensis gratissimus orbi,
 Sed, mea si reputem fata, December erat.
 Septima lux ibat, quæ si suprema fuisset,
 In cineres isset muta querela meos.
 Cùm tandem post luctû vteri, horribilesq; vlulatus;
 Progenies ceruæ parturientis eram.
 O Mater, scio, tunc Mater, noua facta Rebecca es,
 Tunc serus subijt virginittatis amor.
 Dirigit nûtrix, pallens pater ora retorfit,
 Et cunæ in lænum procubière latus.
 Horror & horror erat, vox omnibus, omnibus vna,
 Heu puer, heu quantis gignitur ille malis!
 Atra dies, AEgyptiacâ dignissima nocte;
 Quâ de me, licuit dicere; Natus homo est.
 Atra dies! neque te Titan, neque Cynthia nôrit,
 Nec statura qui Cœli tempora, Ianus agit.
 Illa dies, abeat Graias orsurâ Kalendas,
 Nullus eam cupiat mensis, habere suam.
 Si redeat, redeat piceis frontem obsita nimbis,
 Et gelidum densâ grandine tinsa caput.
 Tum tonitru & fulmen funesto adterberet igne,
 Et sibi sic hostem nouerit esse Deum.
 Sentio iam, quod fatidici plorastis amici:
 Mentitur vitæ, clepsydra nulla mea.
 Tanti erat hac soboles, lacrymis assueuimus indè,
 Indè oculos rarò deseruere meos
 Nam postquâ posita est prætexta, nucesq; trochusq;
 Et bulla ad patrios victima facta lares;

Tunc

Tunc ego, quæ meliùs nescirem, discere cæpi:
Primus erat, sortem plangere posse, dolor.
Et vix posse datum est, sæpè obluctata fuit mens,
Natura impatiens sub pede colla premi.
Surgere sæpè adnixa, suoq; irrumpere Cælo,
Nec poterat pigrâ tollere corpus humo.
Tum vibrans oculos, oculos tristi imbre natantes,
Ab superi! dixit, (cætera fletus erant)
Et rursum ah! ah! (sed per lucti sonos singultus
Ipse sibi obfistens non finit ire dolor)
Sic puto Rex fremuit, dum crescere cornua sensit
Quibus ex homine est, de boue factus homo.
O Deus, ô superi, patientia vincitur! ô quis,
Qui me mortali corpore soluat; erit?
O quis erit? nostris qui cantet in auribus, istud
Quod voueo toties, ilicet, ô quis erit?
Ille, necaturum mihi mergat in ilia ferrum,
Pocula Thessalico misceat ille sauo.
Nec liqu. do plumbo, nec anaro terreor vnco,
Mors misera quâuis condicione placet.
Æratos gemitu doceam mugire iuuenços,
Supposito quamuis excrucienda rogo.
Aut etiam iubear (quamquam pudor ista vouere)
Inter Vlyssæos exululare lupos.
O Deus, ô superi, patientia vincitur! ô quis
Qui me mortali corpore soluat, erit?
Parce Deus, ne crudelem vox impia iactet,
In furias quando præcipitata ruit.
Hic propè barbaries poterit clementia dici,
Ad pœnas veniat si stupefacta meas.

*Corpora corporibus coniunxit mortua viuis
 Ille, hominem quem vix dicere fama potest.
 Me, viuum cruciat (magis hoc ferale) cadauer;
 Nec, qua dissidium finiat hora, venit.*

*Infelix ego homo! quis me liberabit de
 corpore mortis huius? Ad Rom. 7.*

Ambr. ser.
 22. in Plal.
 118.
 Nazian.
 Oza. 16.

Quomodo viuit anima operta mortis
 inuolucro?
 Corpori quonammodo coniunctus sim,
 haud equidem scio; quoque pacto simul &
 Imago Dei sim & cum cœno voluter; quod
 & cum pulcrâ valetudine est, bello me la-
 cessit; & cum bello premitur, mœiore me af-
 ficit: quod & vt conseruû amo, & vt inimi-
 cum odi atq; aduersor; quod & vt vinculum
 fugio & vt cohares vereor: si debilitare illud
 & conficere studeo, iam non habeo quo so-
 cio & opitulatore ad res præclarissimas vtar;
 sin contra, vt cum socio & adiutore mitiùs
 agam, nulla iam ratio occurrit quâ rebellan-
 tis impetum fugiam, atque à Deo non exci-
 dam, compedibus degrauatus, vel in terram
 detrahentibus vel in eâ desinentibus. Hostis
 est blandus & placidus, insidiosus amicus.
 O miram coniunctionem & alienationem!
 Quod metuo, amplector; quod amo perti-
 mesco. Antequâ bellum gesserim, in gratiam
 redeo; antequam pace fruam, ab eo dissideo.

Cur

Cur carnis laqueis tu me, Pater, implicuisti?

Cur vitæ misera, cur cœnoſoq̃ barathro?

Naſian.
carin. ad
Chriſtum.

Aug. in
Plai. 102.

Ecce corpus quod corrumpitur, aggravat animam. Vitam ergo habet anima in corpore corruptibili. Qualem vitam? onera patitur, pondera ſuſtinet. Ad ipſum Deum cogitandum (ſicut dignum eſt ab homine cogitari Deum) quanta impediunt veluti interpellantia de neceſſitate corruptionis humanæ? Quanta reuocant? quanta à ſublimi incetione detorquēt? quanta interpellant? quæ turba phantaſmatū? qui populi ſuggeſtionum? [Iam] quis nō ægrotat in hac vitâ? quis non longum languorem trahit? Naſci hîc in corpore mortali, incipere ægrotare eſt. Quotidianis medicamentis fulciuntur indigentia noſtræ. Quotidiana medicamenta ſunt reſectiones omnium indigentiarum. Fames, nōne te occideret, niſi medicamentum apponeret? Sitis, nōne te perimeret, niſi eā ta bibendo non penitus extingueret, ſed differret? reditura eſt enim ſitis paullulū tēperata. Temperamus ergo iſtis fomentis ærumnam ægritudinis noſtræ. Stādo laſſatus eras, ſedendo reficeris: ipſum ſedere medicina eſt laſſitudinis. In illa medicina rursus laſſaris, diu ſedere non poteris. Quicquid eſt, vbi fatigationi ſuccurritur, alia fatigatio inchoatur.

Quod meliùs oſtendimus; ſi priùs carnis, Greg.
& poſt

c. 22, in c. 7
Iob.

& post, pondera mentis exprimamus, ut enim taceamus hoc, quod dolores tolerat, quod febribus anhelat, suâ quâdam ægritudine cōstringitur. Ipsa hæc corporis nostri, quæ salus vocatur, ægritudo est. Nam otio tabescit, opere deficit: inediâ deficiens, cibo reficitur ut subsistat; refectione lassens, abstinentiâ releuatur, ut vigeat; aquâ perfunditur, ne arescat; linteis tergitur, ne ipsa nimis perfusione liquefiat; labore vegetatur, ne quiete torpeat; quiete refouetur, ne laboris exercitatione succumbat, fatigatur vigilijs, somno reparatur; oppressa somno, vigilijs excutitur, ne suâ peius quiete lassetur; vestibis regitur, ne frigoris aduersitate penetraretur; quæsito calore deficiens, aurum flatu refouetur; cumque indè molestias inuenit, unde vitare molestias quæsiuit, malè sauciata (ut ita dixerim) de ipso suo medicamine languescit. Remotis ergo febribus, cessantibusque doloribus, ipsa nostra salus ægritudo est, cui curandi necessitas numquam deest. Quot enim solatia ad viuendi vsum quærimus, quasi tot, ægritudini nostrę medicamentis obuiamus. Sed ipsum quoque medicamentum, in vulnus vertitur, quia exquisito remedio paulò diutiùs inhærētes, ex eo grauiùs deficiamus, quod prouidè ad refectionem paramus. Ipsa quoque mens nostra, à secreti interioris securo gaudio exclusa, modò spe decipitur,

capitur, modò pauore vexatur, modò dolore deiicitur, modò falsâ hilaritate releuatur; transitoria pertinaciter diligit, eorumque amissione incessanter atteritur, quia & incessanter, cursu rapiente, permutatur.

Habes, ô anima mea inimicum domesticum, hostem amicum, aduersarium propinquum, qui tibi malum pro bono reddidit, & sub specie amicitiae crudeliore existens inimicus, his omnibus & alijs infinitis bonis te priuauit! Hic hostis, (saluâ tuâ reuerentiâ) est caro infelix & misera, multû tamen tibi dulcis & dilecta. Hanc cum pauisti, inimicum pessimum contra te erexisti. Hanc cum honorasti, hostem crudelissimum contra te armasti. Scio, inquit, Bernardus, ô anima, quemdam qui plures annos tecum vixit, ad mensam tecû sedit, cibû de manu tua sumsit, & in sinu tuo dormiuit; cum voluit, tecum colloquiû habuit. Hic iure hæreditario seruus tuus est, sed quia delicatè nimis enutristi eum, & virgæ pepercisti, leuauit calcaneum super caput tuum & te in seruitutem redegit. O anima miserabilis & misera, quis te liberabit de vinculo improprietatis huius! Recordare, ô anima primordia tua; attende quod es insignita Dei imagine. Quid tibi cû carne, vnde ista pateris? si diligenter condiciones eius aduertis, numquã vilius sterquiliniû vidisti; si eius misérias enumerare velis, quã onusta

Bonau. c. 1.
solilo.

onuſta ſit peccatis, pruriens concupiſcentiis,
occupata paſſionibus, polluta illuſionibus,
côfuſione plena, & ignominiâ repleta, quid
de eâ habes aliud quàm cogitationes fœdas
& immundas?

Nazian.
carm. ad-
uerſ. carnē.

Exitioſa caro, Belie tenebroſa procella,

Exitioſa caro, quâ fluit omne ſcelus!

Cœnum, maſſa grauis plumbi, limoſa catena,

Bellua pugnaci prodita materiâ.

Peſtifer æſtus, heræq; tuæ vinclum atque ſepulcrum

Formæ, quæ ſuperâ venit ab arce mihi.

Bern. ſer.
de tripl. gē.
cogita.

Non ſine cauſâ dictum eſt; *hominem plas-*
matum, nō de terrâ quâlibet, ſed *de limo*. Vi-
de enim quàm limoſum ſit corpus, quod ipſi
quoque ſpiritu tam fortiter, & panē indif-
ſolubiliter inhæret, vt vix cum multâ affli-
ctione poſſit aliquando ſeparari.

Nazian.
car. de
hum. nat.

Eia age mens, nam te tunc alloquar, atq; ea dicam,

Quæ fore narratu non aliena puto.

Ecquid es, ô mea mens? & quis tibi contigit ortus?

Atque cadauer olens quis tibi fortè dedit?

Quis ſolidis vitæ aſtrinxit grauibuſq; catenis,

Pendentem aſiduè lumina fixa ſolo?

Orig. hom.
1. in Pf. 38.

Vniuerſa vanitas omnis homo viuens, qui autem
de hâc vitâ accipiatuſt iſta ſentētia; audi Ec-
cleſiaſten proteſtante & dicente *laudauit om-*
nes qui mortui ſunt ſuper omnes qui viuunt, cuiçq;
ipſi viuunt *uſq; modò*, & bonus ſuper iſtos duos qui
nondū natus eſt. Laudat ergo mortuos pluſquā
viuos; quia illi hoc ſaltē lucri habēt, quòd de
vinctulis huius corporis liberati ſunt, nec vl-

tra carne ac pellibus induti sunt, nec ossibus ac nervis inserti sūt, nec vltra subiacēt necessitati corporis. Si ergo intellexisti, quale sit vivere in carne (etiam si Moyses sit quis, vel quisquis ille est) molesta ipsi est ista vita. Nō enim à corruptione resolvitur, quæ mortali corpore, terrenoq; circumdatur: vide ergo, quoniam *vniuersa vanitas est omnis homo viuēs*; contēnamus istā vitā, & festinemus ad sanctam vitā & beatā ac verā & in illam animo & mente tendamus, omni vanitate discusā.

Ex quo enim quisq; in isto corpore morituro esse cœperit, numquā in eo non agitur, vt mors veniat. Hoc enim agit eius mutabilitas; toto tempore vitæ huius, si tamen vita dicenda est, vt veniatur in mortem.

Et ideò laudat Ecclesiastes defūctos magis quā viuentes, & *optimus*, inquit, *supra hos duos qui nondū natus est*. Et alibi idem Ecclesiastes, meliore longæuo viro asseruit, quem ab ortu eiecit mater sua, quia non vidit hæc mala, quæ fiunt in hoc mundo, nec in has venit tenebras, nec in vanitate ambulauit sæculi. Quid enim boni est homini in hac vitā?

Cognouit se Paulus in miseriā, in gemitu, in rixā, in contentione; ipse secum sibi non concordans, à se dissonans, à se resiliens. Et quid ait optans pacem, pacem veram, pacem supernam? *Infelix ego homo, quis me liberabit de corpore mortis huius?*

Aug. l. 13.
de Cin.
cap. 10.

Ambr. lib.
de bono
mortis c. 2.

August. in
Psal. 102.



*Coarctor autem e' duobus; desiderium habens dissolui
et esse cum Christo. Ad Philip. i.*

I X.

Coarctor è duobus, desiderium habens dissolui, & esse cum CHRISTO. *Ad Philip. I.*

Quid faciam gemitui flammata, cupidine voti?
 Anteferam terras? anteferámne Polum?
 Terra tenet, cælum reuocat; lis magna moratur,
 Iamq; volentē animū pondere mēbra premunt.
 Sed procul illecebra; semel impete rumpere modum
 Præstat, & è vinclis eripuisse pedes.
 Pergite festina persolvere stamina Diuæ,
 Nec Leitho clausa sint veniente fores.
 Aspice, lux, quanto luxentur brachia nisu;
 Utq; ferè à membris distrahar ipsa meis.
 Distrahar vt mediam tibi me coniungere possim,
 Vnaq; sit saltem pars tibi nexa mei.
 Non finis, & rides nil proficientia vota,
 Quodq; negas toties, vis tamen vsque peti.
 En peto quod renuis, geminasq; exporrigo palmas,
 Et tibi, quas nequeo nectere, tendo manus.
 Sæpè mihi de te, mendacia dulcia fingo,
 Vincula ceu positâ compede fracta forent:
 Et dico; meus hic, prendiq; & prendere certat,
 Meq; sed vt video, dissimulanter amat.
 Tam bona credulitas erat haud indigna saure,
 Debueratq; meos expedisse pedes.
 Si tamen implicitam pedicu, cupis vsque teneri,
 Hic ego conatu deficiente cadam.

Ast redit, & velut allabens sese ingerit ultro,
 Spemq³ iterum nutu sollicitante facit.
 Surgam supremumq³ amplexibus obuia curram,
 Colla q³ furtiuâ fraude, negata petam.
 Quàm propè, quàm propè sum! vestis pars vltima
 Iam puto, vicinâ prendere posse manu. (tacta est,
 O Amor! ô dolor! affectum deludis hiantem,
 Decipit Amplexus mobilis aura meos!
 Et licet aut digitis tribus aut vix quattuor absis,
 Semotus medio crederis orbe mihi:
 Nempe pater Pelopis sic poma fugacia captat,
 Poma datam toties fallere docta fidem.
 Dum modò prona arbospatulo super incubat ori,
 Osq³ iterum, fructu decipiente, fugit.
 Ludicra res Amor est, falliq³ & fallere gaudet,
 Sed fraus supplicio non caret illa suo.
 Decepti, quo tormento crucientur amantes
 Exemplo poterit discere quisque meo:
 Quique alium ludit (sed rarum est ista fateri)
 Ipse suo patitur vulnera facta dolo.
 Nescieram, mea lux, istis te fraudibus vti,
 Sed nimis expertam iam sua pœna docet.
 Ut canis indomitâ iactans ceruice catenas,
 A populo solui prætereunte rogat;
 (Ni faciat, querulis vlulans latratibus auras,
 In sua conuerso vincula dente furit)
 Sic queror & supplex toties ad vota recurro
 Ut præstes, quam me poscere cernis, opem,
 At postquam implacido vertisti lumina vultu
 Nec placuit pedibus demere vincla meis.

Clamnavi ; ô truculentum & inexorabile pondus!
Quin etiam dicta est sæpè catena nocens.
Hæc trahat Autolycus, trahat hæc furivus Orestes,
Aut qui tardipedes vertit in antra boues.
Sentiat hanc Scyticâ damnatus rupe Prometheus;
Aut Scinis, aut scelerum quis feritate prior.
Scilicet à nimio venit hac dementia luctu,
Error & hic, sese quo tueatur, habet.
Compedibus fatile est sauoq₃ ignoscere ferro,
Durior at vinclis qui ligat illa, suis.
O vbi littoreâ vinctam qui rupe puellam
Bellerophon volucris retulit ales equo?
En ego barbaricæ constringor mole catenæ
Servus ut à rigido transfuga vinctus heros.
Et quoties patrias assurgere nitor in auras,
Deprimor hospitij pondere victa mei.
Nempe ita dat pueris captus ludibria passer,
Dum fugit & reuocant fila reducta fugant.
Et licet è dominis cœnæve, bibâtve labellis,
Maulet in sylvas liber abire suas.
Sic quamuis nitidâ pasta bene cortepalumbes,
Anteferant cauea rusq₃ nemusq₃ suæ.
O mea si lacrymis mollescere vincula possent!
Dudum essent lacrymis mollia facta meis.
Iux mea, tende manus; contra tibi tendo catenâs;
Has nisi qui vinxit soluere nemo potest.

*Coarctor è duobus, desiderium habens
dissolui, & esse cum CHRISTO. Ad
Philip. i.*

Aug. med.
cap 37.

QUID faciam miser ego, grauedine *com-*
pedis mortalitatis meæ constrictus?
quid faciam?

Nazian.
car. de ani-
mæ calam.
August. in
Psal. 78.

*Quenam hæc lex? cur me constringunt vincula
carnis?*

Spiritus & socium tam graue corpus habet?
Compedes sunt infirmitas & corruptibilitas
corporis, quæ aggrauant animam; ab his
compedibus concupiscebat dissolui Apostolus
& esse cum CHRISTO.

Aug. manu
cap 8.

*Vtinam remissa peccatorum mole, me[quo-
que] vltimum seruorum CHRISTI, iuberet*
Diuina pietas, hanc carnis sarcinam deponere,
vt in suæ Ciuitatis gaudia æternâ repau-
sandus transirem!

Nazian.
carm. de
animæ ca-
lamit.

Corporeâ nec mole grauis mens vergat ad ima,
Ac veluti plumbi massa profunda petat.

Nazian. in
luctu,

Me miserum, caro quem remoratur perfida; calis
Ad Dominum, cursu dum properante feror!

Nazian.
præcep. ad
virgines.

Echenaidis instar
Qua velut iniectâ properantem compede puppim
Detinet.

Ah

Ah grauibus me solue, Pater supreme, catenis,

Inq³ Beatorum me trahe sancte choros!

Nazianz.

in luctu.

Ambr. de
bono mor-
tis, cap. 3.

Soluimur enim hoc nexu animæ & corporis, cum recedimus: vnde & Dauid ait, *dirupisti vincula mea.* Mors igitur solutio est animæ & corporis. Denique & in Aposto'lo docuimus lectum; *dissolui & cum CHRISTO esse multo melius.* Solutio autem ista, quid aliud agit, nisi vt corpus resoluatur & quiescat; anima autem conuertatur in requiem suam, & sit libera, quæ si pia est cum CHRISTO futura sit, Quid igitur in hac vitâ aliud iusti agunt, nisi vt exuant se huius corporis contagionibus, quæ velut *vincula* nos ligant, & se ab his molestijs separare contendant, renuncient voluptatibus atque luxuriæ, fugiant flammæ libidinum?

Iustos enim quamuis nullus desideriorû carnalium tumultus possideat; duris tamen *vinculis* eos in hac vitâ positos, suæ molestia corruptionis ligat: scriptum quippe est: *Corpus quod corrumpitur aggrauat animâ.* Eo itaque ipso quo adhuc mortales sunt, corruptionis suæ pondere grauantur, & *astrikti molestiâ vincti sunt*, quia in illa adhuc libertate vitæ incorruptibilis nō exurgunt. An non *duro molestiæ vinculo ligantur*, quorum nimirum mens, sine labore, in ignorantia soluitur, & non nisi cum studio laboris eruditur? quæ coacta exigitur, libens iacet, ab infimis vix leuatur,

Greg. l. 4.
mor. c. 40.

& tamen eleuata protinus labitur semetipsā laboriosè vincendo, superna conspicit, sed reuerberata. An non duro molestiæ vinculo ligantur, quos cū accensus spiritus ad finem pacis intimæ pleno desiderio pertrahat, feruēte certamine, caro perturbat? Quibus exceptis etiam *ea vincula* sustinent, quæ grauis exteriùs necessitas astringit; esurire quippe sitire, lassescere, vincula corruptionis sunt, quæ scilicet solui nequeunt, nisi cū in illam immortalitatis gloriam, nostra mortalitas permutatur.

Idem cap.
sequent.

Sed cū corruptibili carne exuimur, quasi ab his, quibus nunc astringimur, molestiæ *vinculis* relaxamur. Præsentari namque iam Deo cupimus, sed adhuc mortalis corporis obligatione præpedimur. Iure ergo *vincti* dicimur: quia adhuc *incessum nostri desiderij, ad Deum liberum non habemus*. vnde bene Paullus æterna desiderans, sed tamen adhuc corruptionis suæ sarcinam portans, *vinctus* clamat: *Cupio dissolui, & esse cum CHRISTO*; dissolui enim non quæreret, nisi se procul dubio *vinctum* videret. Hæc autem *vincula*, quia certissimè rumpenda in resurrectione conspexerat, iam quasi rupta gaudebat Propheta cū diceret: *Dirupisti vincula mea, tibi sacrificabo hostiam laudis*.

Ambr. lib.
de bono

[Sic] Simeon se dimitti postulabat à Domino, quasi à *vinculis quibusdam ad libertatem*

sem festinaret. Sunt enim velut vincula quæ- mort.ca,2.
dam corporis huius, & quod grauius est vin-
cula tentationum, quæ nos alligant & ad iniuriam
captiuitatis astringunt quâdam lege peccati.
 Quid igitur tãtopere istam vitam desidera-
 mus in quâ, quanto diutiùs quis fuerit, tan-
 to maiore *oneratur sarcinâ* peccatorum? vnde
 Iacob dixit: *dies annorum vita mea, centum tri-*
ginta, minimi & mali; non quia dies mali, sed
 quia nobis accessu dierum, malitiæ incre-
 menta accumulantur.

Nullus enim dies sine nostro peccato præ-
 terit; vnde egregiè Apostolus ait: *mihi viuere*
CHRISTVS est. & *mori lucrum;* aliud ad ne-
 cessitatem vitæ referens, aliud ad mortis
 vtilitatem. Et addidit. *Dissolui enim & esse cum*
CHRISTO multo melius; *permanere autem in*
carne magis necessarium propter vos.

Sed sicut *auceps animum* aut visco aut reti in Chrys. ser.
de pœnit.
 grano aliquo *captum, tenet passerem,* & manu
 suâ *subtilissimo funiculo ligatum* retinet, & quasi
 dimittens laxū de manu suâ; dat ei liberam
 volandi potestatem; at ille auidus ad volan-
 dum, clapsūq; se putans, alacer altiora ap-
 petit; sed iste summum funiculū tenens, re-
 stringit eum cū volauerit, & ad se trahit ab
 spe volandi & viuendi deceptum; ita & dia-
 bolus versutus venator & per spiritum præ-
 sumptionis, laqueo suo deceptum implicat
 hominem. Qui semel hæserit, vult quidem

ab eo euelli, sed vinculum velox venator tenens, reuocare captum semel in laqueo & reuolutum premit.

Idem hō.
ss. ad pop.
Antio.

Quousque[ergo] hīc erimus *affixi*? adhæsimus terræ tamquam vermes, in cœno volutamur: corpus de terrâ nobis Deus contulit, vt ipsum & in cœlum reuehamus, non vt animā per ipsum *ad terram detrahāmus*. Terrenum est, sed si velimus efficitur cœleste? trahe te ipsum ad illum, qui te sursum tollit, *pondere quodam vetustas grauari.*

*Erige te mea mens, capiant te obliuia mundi,
Nec trahat in vitium te malè blanda caro.*

Nazian. ad
anim.
Bonau. c. r.
solilo.

Eia dulcissime IESV, tranfige saluberri-
mo vulnere amoris tui medullas animæ
meæ, vt verè ardeat, langueat & liquefiat,
& solo tuo desiderio deficiat, *cupiat dissolui
& esse tecum*. Te solum semper esuriat, panem
vitæ cœlestis qui de cœlo descendisti! te si-
tiat fontem vitæ, fontem æterni luminis,
torrentem veræ voluptatis, te semper am-
biat, te quærat, teque inueniat, in te dolci-
ter requiescat!





*Educ de custodia animam meam, ad confi-
tendum nomini tuo ! Psal. 141.*

X.

Educ de custodiâ animam meam,
ad confitendum nomini tuo.

Psalm, 141.

Libera quæ potui spatioso ludere Cælo,
Cernis, vt angusto carcere clausa premar?
Heu dolor! vt miseras me lux effudit in auras.
Ipsa loco cauea membra fuere mea.
Pes compes, manicaq; manus, neruiq; catena,
Ossa q; cancellis nexa catasta suis.
Quo mihi cognati natiua repagula claustri,
Damner vt hospitij carcere vincet a mei?
Siccine, more Chelys, breuibus tegar abdita conchis,
Regia cui Cæli vix satis ampla domus?
O quoties quæsitæ fugæ fuit ansa pudenda!
In votis quoties restis & vnda fuit?
Sapè quidem rapto felix Lucretia ferro,
Fausta q; combibito Porcia dicta foco est.
Visa nec Assyria tristis mihi sica puella,
Heu nimis in geminas prodiga sica neces!
Sed negat hac animis Numen solatia captis.
Nec sinit hâc vinctos fata preire viâ.
Ergo Syracosis malim iacuisse cauernis,
Aut Danaës rigidâ delituisse serâ:
Nec verear curui Cretæa volumina septi,
Vnde citam rapuit Dædalis ala fugam.
Profugus immeriti damnet pia claustra rigoris,
Quæ sibi sollicitam non renuere fugam.

Si mihi siderijs pateat vel rimula tectis
Non querar immites AEtheris esse fores.
Donec at hæc captam retinent ergastula mentem,
Mens nequit agnati templa subire poli.
Quin suæta imperijs iacet hîc captiua voluntas,
Nec bona quæ vellet, vincula velle sinunt.
Euge semel nostra, mea lux, succede catasta,
Quantula sit nobis experire domus.
Sit tamen insidiæ vel ahena repagula terrent,
Fac pateat demptâ ianua laxa serâ.
Captiuum gemitu fertur reuocasse Magistrum,
Oblitus caueæpsitacus ipse suæ.
Eia graues reseras, noue Iane patulcie, vectes;
Non erit hæc dextra gratia prima tuæ.
Angelico, memini, patefactas impete portas,
Claustraq; suffractis dissiluisse seris;
Cùm stupuit lapsas manibus, pedibusq; catenas,
Vixq; Petrus patulas credidit esse fores.
Nullus obit nostris obses vadimonia vinclis?
Liberat Herculeâ Thesea nullus ope?
O vbi nunc Minyis fidissima turba maritis,
Vincula pro captis ausa subire viris!
Aut qui VVandalicis obses ergastula neruis,
Ipse sui capitis iussit abire lytro?
Lux mea, pande fores, inamœnaq; claustra resolue,
Et sine fidereas ætheris ire vias.
Aut spectanda tuo vis ducar prada triumpho,
Vt Scyticus caueæpompa Tyrannus erat?
En manus, en digiti rimis hiscentibus extant,
Cur ego non digitos tota manumq; sequor?

*Quâ caput, hâc reliquæ subrepat cauda colubræ, &
 Cur mihi serpentis lubrica pellis abest?
 Cortis obit toties volucris captiua fenestras,
 Et notat ant tacita rima sit vlla fuge;
 Nexa q̃, sollicitans furtiuo vimina rostro,
 Natiuas nemorum tentat adire domos.
 O Catharis, niueiq̃, polo comes agminis Agnes!
 O casta Vrsulidum, Sophiadumq̃, cohors!
 Vos ego, dimidium vestri modò nobile testor
 (Dimidium vester quod sibi iunxit amor)
 Pandite ferratos, ergastula barbara, postes,
 Inferar vt vestris dimidiata choris.
 Dimidium felix, vinclis socialibus exfors,
 Cui licet in plenas iam caluisse faces!
 Lux mea, tam durum residet tibi pectore ferrum,
 Vt neque captiua commoueare prece?
 Non ego, sed nostræ Tu maxima caussa querela es;
 Spectat enim laudes ista querela tuas;
 Non benè conueniunt rigidis tua carmina clathris,
 Quis queat in caueâ cantibus esse locus?
 Libera quæ cantat vernis auis Attica syluis,
 Capta filet, solitos nec ciet ore modos.
 Eia age, pande fores in amœnaq̃ claustra resolve,
 Et sine sidereas atheris ire vias.
 Aut tua si cupidam præconia dicere temnis,
 Inuidus in laudes efficiere tuas.*

*Educ de custodiâ animam meam, ad confitendum
 nomini tuo. Psal. 141.*

LAVDO quantum possum, tenuiter, exi-
 liter, infirmiter. quare? quia quamdiu

August. in
 Psal. 141.

sumus in corpore, *peregrinamur à Domino*.
 Quare sic laudas Dominum? non perfectè,
 non stabiliter? Interroga scripturam; quia
corpus quod corrumpitur aggrauat animam, & de-
primit terrena cogitatio sensum multa cogitantem.
 Tolle mihi corpus quod aggrauat animam
 & laudo Dominum. Tolle mihi terrenam ha-
 bitationem, deprimentem sensum multa
 cogitantem, vt à multis in vnum confluum
 & laudo Dominum. Quamdiu autem ita sum,
 non possum; prægriuator.

Chryl. in
 c. 4. Math.
 hom. 14.

Nihil enim *presens vita* differre videtur à
carcere, sed sicut cum triste illud introimus
 habitaculum, circumdatos ac vinctos vide-
 mus catenis, ita etiam nunc, si (extra omnia
 nos phantasmata collocantes) vnus cuius-
 que ingrediamur vitam, eiusque animam
 contemplemur, videbimus eam durioribus
 ferro vinculis colligatam.

Ambr. lib.
 de bono
 mortis, c. 2.

In exitu ipso videamus, quemadmodum
 anima decedentis, paulatim *soluat se vinculis*
carnis, & ore emissa, euolet *tamquam carcereo*
corporis huius exuta gurgustio.

Greg. c. 17.
 in c. 7. Iob.

Carcere homo circumdatur, quia plerumque
 & virtutum profectibus, ad alta exurgere
 nititur, & tamē carnis suę corruptione præ-
 peditur, quā bene exui Psalmista deprecatur
 dicens: *Educ de carcere animam meam*.

Sancti autem viri, quia scriptum est, *cor-*
pus quod corrumpitur, aggrauat animam, inten-
 tione

tione iam quidem vltra semetipſos eminet, ſed tamen adhuc infirmitatis ſuæ incertis moribus ſubditi corruptionis ſuæ ſe *carcere clauſos* dolent. Ait ergo Iob; *numquid mare ſum ego, aut cetus, quia circumdediſti me carcere?* ac ſi apertè diceret; mare vel cetus (iniqui videlicet, eorumque auctor malignus ſpiritus) quia effrænari ad ſolam perpetrandam iniquitatis licentiam appetunt, rectè pœnæ ſuæ carcere conſtringuntur; Ego autè quia iam æternitatis tuæ *libertatem deſidero*, cur adhuc meæ *carcere corruptionis premor?*

Videmus in hoc ſæculo *inſertos nexibus car- tenarū reos*, in ſpecie pompæ miſerabilis duci: & nonnumquam patiuntur inſontes, vt tolerabilius ſit mori, quàm talia ſubire ſup-
plicia. Optant vtique audiri bene ſibi con- ſcij. Optant etiam hi qui grauibus flagitijs vrgentur, pœnam, mortis celeritate tranſi-
gere, vt aliquanta compendia pœnarum lu- crentur, Spes eſt etiam de iudicis miſericor-
dia. Ipſo exilio *clauſtra carceris* duriora ſunt.

Quemadmodum [igitur] eorum qui in carceres conijciuntur; hi quidè in afflictio-
ne carceraliū vinculorum detinentur, in- trocluſi diuturniore temporis morâ; illi ve-
rò ab eâ calamitate ſubmouentur, ſic & ani-
mæ. Etenim hæc diſtinentur in præſenti vitâ diutiùs; aliæ minùs, pro cuiusque merito,
dignitatève, iuxta Diuinæ ſapientiæ profun-
ditatem,

Ambr.in
Pſal. 115.

Baſil.in
hom.in
Martyr.
Iulittam.

ditatem, sic vt mens nulla hominum, ea possit attingere, quæ de vnoquoque nostrū ipse Creator præuidit. Non audis dicentem Daud: *Educ de carcere animam meam?* Non audisti vt sancti eius exsoluta anima est? quid rursus Simeon, Dominum nostrum pro vlnatum astringens complexu, cuiusmodi vocem emisit? nōne hanc? *Nunc dimittis seruum tuum Domine.* Ei enim qui ad supernum & cœleste domicilium festinus contendit, supplicio omni, *omni carcere* grauior est hæc inhabitatio corporis.

Ansel. in
profolog.
cap. 1.

O misera sors hominis cū hoc perdidit ad quod factus est! ô durus & dirus casus ille! heu quid perdidit & quid inuenit! quid abscessit, & quid remansit? perdidit beatitudinem ad quam factus est; inuenit miseriam, propter quam factus non est. Abscessit sine quo infelix est, & remansit quod per se, non nisi miserum est, *Ærumnos!* vnde sumus expulsi? quo sumus impuls? vnde præcipitati? quo obruti? A patriâ, in exilium; à visione Dei in cœcitatem nostram; à iucunditate immortalitatis, in amaritudinem & horrorem mortis. Misera mutatio! de quanto bono, in quantum malum! graue damnū, grauis dolor, graue totum! sed heu me miserum vnum de alijs miseriis filiis Euæ elongatis à Deo! quid incœpi? quid effeci? quò tendebā? quò deueni?

Dissolue

Dissolue me, oro, à vinculis, quibus constrictus teneor, vt relinquēs ista omnia, tibi festinem, tibi soli inhæream, soli intendam.

Hugo de
S. Viçt. l. 4
de anima
cap. 4.
Nazianz.
carm. de
exter.
hominis
vtilitate.

Hinc me, CHRISTE potēs, educ iam, quaso malisq;

Queis crucior medicam protinus asser opem.

Vnum homini est certumq; bonum, fixumq; beata

Vita; animus cuius languet amore meus.

Felix anima, qua terreno resoluta corpore libera cælum petit! secura est & tranquilla, non timet hostem neque mortem: habet enim semper præsentem, cernitque indefinenter pulcerrimum Dominum, cui seruiuit, quem dilexit, & ad quem tandem læta & gloriosa peruenit.

Aug. med.
cap. 13.

Tu[ergo] Domine expectatio Israël desiderium ad quod suspirat cor nostrum quotidie; festina, ne tardaueris, surge, propera & veni, vt educas nos de isto carcere, ad confitendum nomini tuo.

Aug. soli-
loq cap. 33

Veni Domine, & noli tardare, veni Domine Iesv, veni & visita nos in pace; veni & educ vinc-tos de carcere, vt lætemur corā te, corde perfecto; veni Saluator noster; veni desideratus cunctis gentibus; ostende faciem tuam & salui erimus; veni lux mea, Redemptor meus, educ de carcere animam meam, ad confitendum nomini sancto tuo! O verè felices, qui è carcere ad palatium peruenerunt!

Aug. soli-
loq. cap. 33



Quemadmodum desiderat ceruus ad fontes aquarum; ita desiderat anima mea ad te Deus. Psal. 41.

XI.

Quemadmodum desiderat ceruus
ad fontes aquarum, ita desiderat
anima mea ad te Deus. *Psal. 41.*

SCire cupis, mea lux, quibus intus amoribus vrar?
Quantaq₃ flama tui pectora nostra coquat?
Nec satis extulero sitientis imagine prati,
Aut viola, nimio quæ iacet vsta die.
Nec satis æstifera depinxero fulmine stella;
Cum canis ardenti sidere torret humum.
Ah! quàm puluerea Libyes patiuntur arena.
Æstuat hæc, nostro sicciore, sitis.
Siccior Icario quàm dum canis imminet astro,
Aut viola tosto flos cadit vstus agro.
Vis dicam, mea lux, quàm te meus ardor anhelet?
Cervus ut irrigui fontis anhelat aquas.
Nempe venenifero pastus serpente medullas,
Cervus agit totis hausta venena fibris;
Aut humeros tincti traiectus arundine teli,
Carpitur infestâ viscera tacta lue:
Ille furit, pectusq₃ citatus anhelitus vrget,
Cacaq₃ per sylvas saucias antra petit:
Antra petit fugiens salientibus humida lymphis,
Ut sua fontano guttura rore lauet.
Hic riui scatebris fumantia temperat ora
Pellit & amne sitim, pellit & amne luem.
Haud aliter scelerum mihi mens temerata veneno;
Te la venenatâ combibit vncta manu.

Et modò combibitum populatur pectora virus,
 Ardet & in tacito noxia flamma sinu.
 Nempe graues, animi sunt toxica vindicis, ira,
 Et tua quæ iaculas tela, venena, Venus.
 Quæq; grauant nimio spumantia pocula Baccho,
 Pocula quæ diro gramine pota necant.
 Aspicis vt tumido turgescunt pectora fastu?
 Pectoribus fastus virus inane tumet.
 Quo sitiens igitur peterem de flumine lympham,
 Cum mea tam varium viscera virus edit?
 Ah! nisi te, nullo sitis hæc placatur ab haustu,
 Tu potes hanc solus, fonte domare sitim.
 Scis etenim, mea lux, quàm te, meus ardor anhelet,
 Ceruus vt irrigui fontis anhelat aquas.
 Ceruus odori sequi fugitiuus ab ore Molossi,
 In laqueos nullo sæpè sequente ruit:
 Tunc densam aspiciēs venantūm, hinc, indè coronā,
 Tela super, saltu corpora fertur agens.
 Exoritur clamorq; canum, strepituq; sequentūm,
 Ille fugit, tergò cornua celsa locans;
 Ambiguusq; pauet ne sit comprehensus, & ipsa
 Quæ iam præterijt tela, canesq; timet
 Respectansq; metu, per saxa, per auia currit,
 Igneus atque illi spiritus ore micat.
 Gutturaq; ardenti flagrant arentia linguâ
 Quæq; sitim releuet, quarit anhelus aquam.
 Tum fontis medijs venas rimatus arenis,
 Fontano rabidam mergit in amne sitim;
 Et bibit & potis largè seproluit vndis,
 Haurit & exhausto robur opemq; lacu.

Sic ego tartareis cingor, mea vita, sagittis,
 AEgraq³ flammata torreo^r ora siti.
 Hinc puer Idalius, premit hinc ad reria Bacchus,
 Et multâ ancipitem trudit vterq³ cane.
 Sublimes levis hinc suspendit Gloria casses,
 Hinc tumidus pedicis fallere tentat Honor.
 Indè cohors magnis sociorum hortatibus instat,
 Et docet exemplo crimina. quiq³ suo.
 Hei mihi quot circum venabula stricta minantur!
 Ceu fera, cum cincto clausa tenetur agro.
 Mille vias repetens, infraq³, supraq³, pererro,
 Si qua mea pateant hospita lustra fuga.
 Tum mihi per siccas sitis æstuat ignea venas,
 Et sensim vapidas decoquit igne fibras.
 Fontis inops igitur ad flumina quæque recurro,
 Flamma sed hac nullo flumine victa fugit.
 Sic cadit obscenos miles defessus in haustus,
 Sit licet infami turbida lymphæ luto.
 Sperabam effossis æstum compescere riuis,
 AEstus at infusa gurgite creuit aqua.
 Qualis in amne leuem sectatur faucibus vndam
 Tantalus, & fallit, quam dedit vnda, fidem.
 Mobilibusq³ inhiat, deluso gutture, lymphis,
 Semper aquæ locuples, semper egenus aqua.
 Scilicet haud simili calor hic extinguatur haustu
 Nec domat hanc cœni turbida lymphæ sitim.
 Cœlestes animus sitit insatiabilis vndas,
 Ceruus ut irrigui fontis anhelat aquas.
 Ite igitur pigro torpentia flumina stagno.
 Non bibit è vili gurgite nostra siti.

*Ite graues stygijs serpentibus, ite lacuna,
 Noxia Tartareis flumina pasta vadis:
 Ite, sitit superi dias mens fluminis vndas,
 Ceruus vt irrigui fontis anhelat aquas.*

*Quemadmodum desiderat Ceruus ad
 fontes aquarum, ita desiderat anima
 mea ad te Deus. Psalm. 41.*

Chrysoft.
 homil. in
 Psalm. 41.

Hic est mos amantium, amatorem non celerare, sed enunciare vicinis, & dicere, se amare. Ardens enim res est natura dilectionis, nec potest anima sustinere vt eam silentio teneat. Ita hic beatus Deum amans, & ardens in amore, non potest in animo inducere vt taceat, sed aliquando quidem dicit: *Quemadmodum desiderat Ceruus ad fontes aquarum; aliquando autem; Deus, Deus meus, ad te de luce vigilo.*

August. in
 Psalm. 41.

Quis est qui sic cantat? si volumus, nos sumus; Et quid quæris extrinsecus, quânam sit, cum in tuâ potestate sit, esse quod quæris? Eia fratres, simul amemus, simul in hac siti exardescamus, simul ad fontem intelligendi curramus. Desideremus velut *Cervus fontem*. desideremus illum fontem, de quo scriptura dicit: *Quoniam apud te est fons vite*. Ipse enim fons & lumen est, *quoniam in lumine tuo videbimus lumen*. Si & fons & lumen est; meritò & intel-

intellectus est; quia & satiat animam avidam sciendi. Curre ad fontes, desidera aquarum fontes. Apud Deum est fons vitæ, & insiccabilis fons; in illius luce, lumen inobscurable. Lumen hoc desidera; quemdam fontem, quoddam lumen, quale non norunt oculi tui; cui lumini videndo, oculus interior præparatur; cui fonti hauriendo sitis interior inardescit.

Salutaris nimirum aquâ, quæ noxiam huius mundi sitim, & vitiorum ardorem profusus extinguit, sordes omnes peccatorum eluit, animæ nostræ terram cœlesti imbre irrorat atque fœcundat; & ad solum Deum anhelos spiritu mentem humanam sitientem reddit. Hâc aquâ largiter potatus fuit Propheta, cum totus ad Deum suspirans dixit: *Quemadmodum desiderat ceruus ad fontes aquarum, ita desiderat anima mea ad te, Deus!*

Cyrl. lib. 5
in Ioan.
cap 19.

Curre ad fontem, desidera fontem, sed noli utcumque, noli ut quaecumque, animal currere, ut *Cervus* curre. Quid est? ut *Cervus*? Non sit tarditas in currendo; impigrè curre, impigrè desidera fontem. Inuenimus enim insigne velocitatis in Ceruo, sed fortè non hoc scriptura solum nos in Ceruo considerare voluit, sed & aliud audi: Quid aliud est in *Ceruo*? serpentes necat, & post serpentium internecionem, maiori siti inardescit; peremptis serpentibus ad fontes acrius currit.

August. in
Psalm. 41.

Serpentes, vitia tua sunt; consume serpentes iniquitatis, tūc ampliùs desiderabis fontem veritatis. Avaritia fortè in te tenebrosum aliquid sibilat, & sibilat aduersus verbū Dei, sibilat aduersus præceptum Dei. Et quia tibi dicitur Contemne aliquid, ne facias iniquitatem; si mauis facere iniquitatem quā aliquid commodum temporale contemnere, mordei magis eligis à serpente, quàm perimere serpentem. Cū ergo faueas adhuc vitio tuo, cupiditati tuæ, avaritiæ tuæ, serpenti tuo, quando in te inuenio tale desiderium, quo curras ad fontem aquarum? quando cōcupiscis fontem sapientiæ, cū adhuc labores in veneno malitiæ? interfice in te, quicquid contrarium est veritati, & cū te videris tamquam vacare à cupiditatibus peruersis, noli remanere, quasi nō sit quod desideres. Quæris fortè vnde delecteris; Desidera vnde delecteris; *Desidera ad fontes aquarū*, habet Deus vnde te reficiat, & impleat venientem ad se, & sitientem post interemptionē serpentium, tamquam velocē Ceruum. Est aliud quod animaduertas in Ceruo. Dicuntur Cerui, vel quando in agmine suo ambulant, vel quando natando, alias terrarū partes petunt, onera capitum suorum super se inuicem ponere; ita vt vnus præcedat & sequantur qui supra eum capita ponant; & supra illos alij, consequentes, & deinde alij, donec

donec agmen finiatur. Ille autem vnus, qui pondus capitis in primatu portabat, fatigatus redit ad posteriora, vt alius ei succedat qui portet quod ille portabat, atque fatigationem suam recreet posito capite, sicut & cæteri ponebant. Ita vicissim portâdo quod graue est, & viam peragunt & inuicē se non deserunt. Nōne quosdā Ceruos alloquitur Apostolus dicens: *Inuicē onera vestra portate, & sic adimplebitis legē Christi*. Talis ergo Ceruus, in fide constitutus, nondum videns quod credit, cupiens intelligere quod diligit, patitur contrarios Ceruos, non solū obscuratos intelligentiâ, in tenebris interioribus constitutos, vitiorum cupiditate cæcatos, in super insultantes, & dicentes homini credenti, & quod credit, non ostēdenti, *vbi est Deus tuus?* quid ergo iste Ceruus fecerit cōtra hæc verba, audiamus; vt ipsi, si possimus, faciamus. Primò, expressit sitim suam. *Quemadmodum,* inquit, *Ceruus, desiderat ad fontes aquarum, ita desiderat anima mea ad te Deus.* Quid si Ceruus ad fontes aquarum, lauandi causâ desiderat? vtrū ergo bibendi, aut lauandi causa, nescimus? audi quod sequitur & noli quære. *Stiuit anima mea ad Deum viuum.* Quid sitiuit? *quando veniam, & apparebo ante faciem Dei?* hoc est, quod sitio, venire & apparere, sitio in peregrinatione, sitio in cursu, satia-bor in aduentu. Sed quoniam sicut Ceruus

desidero ad fontes aquarum, & est apud eum fons vitæ. Quid agam vt inueniam Deum meum? Considerabo terram; & facta est terra: Est magna pulcritudo terrarum, sed habet artificem: Magna miracula sunt seminum, atq; gignentium, sed habent ista omnia Creatorem: Ostendo magnitudinem circumfusi maris; stupeo, miror; artificem quæro. Cælum suspicio & pulcritudinem siderum; admiror splendorem solis, exercitio diei sufficientem; lunam nocturnas tenebras consolantem. Mira sunt hæc, laudanda sunt hæc, ve etiam stupenda sunt hæc, neque enim terrena, sed etiam cœlestia sunt hæc. Non-dam ibi stat sitis mea, Hæc miror, hæc laudo, sed eum, qui fecit hæc, sitio.

Aug. manu
cap. 20.

Anima [enim] quam tangit amor Dei, nihil aliud potest cogitare, nihil desiderare, sed frequenter suspirat, dicens: *Sicut Cernuus desiderat ad fontes aquarum, ita desiderat anima mea, ad te Deus meus.*

Aug. foli-
loq. ca. 35.

O fons vitæ, vena aquarum viuentium, quando veniam ad aquas dulcedinis tuæ, de terrâ desertâ, inuiâ & inaquosâ, vt videam virtutem tuam & gloriâ tuam, & satië ex aquis misericordiæ tuæ sitim meam? Sitio, Domine, fons vitæ es, saria me. Sitio Domine, sitio te Deum viuum.

August. in
Psalm. 62.

Stiuit in te anima mea, quàm multipliciter tibi caro mea. In aliâ vitâ, cùm resurrexerit caro; saria-

fatiabitur; modò ex corruptione fragilitatis si non manducemus, deficiamus & esurimus; si non bibamus, deficiamus, & sitimus. Si diu vigilemus, deficiamus & dormimus; si diu stemus, fatigamur, ideò sedemus; & si diu sedeamus, fatigamur, & ideò surgimus. In istis omnibus multiplicibus defectionibus nostris, sitimus illam incorruptionem; & sic caro nostra, *multipliciter sitit Deo*. In ista Idumæa, in isto deserto, quàm multipliciter laborat, tam multipliciter sitit; quàm multipliciter fatigatur, tam multipliciter sitit illam infatigabilem incorruptionem, in terrâ desertâ, sine viâ, & sine aquâ, talis enim est mundus iste.





*Quando veniam et apparebo ante faciem
Dei? Psal 41.*

42.

X I I.

Quando veniam & apparebo ante
faciem Dei? *Psalm. 41.*

AH quoties, mea lux, mihi seria verba dedisti,
Nulla secuta tamen, seria verba fides!

Euge breui venies, toties dixisse recordor;

Adde fidem verbis, dic semel, Euge veni,

Heu mihi, quàm longa sunt expectantibus horæ!

Plùs aui spatio creditur vna dies.

Iam, mea lux, lapsi menses, tot aguntur & anni,

Spemq³ facis toties. spem tamen vsque negas.

Quid miseram spatijs tam lentis ferreus vris?

Et toties, paruo hìc tempore, dicis, eris.

Iam lacerant falsis me publica compita sannis,

Et tuus ille Deus, dic, vbi? quisque rogat.

Quando igitur veniam? quando tibi libera sis?tar?

Quando adstabo oculis obuia facta tuis?

Aspicias vt misero consumar squallida luctu?

Quâ careo, facies hac mihi damna facit,

O facies animi crudele mei, tormentum!

Vnica que præsens esse medela potes.

O quando, facies toto spectabilis orbe,

Quando tuo dabitur lumine posse frui?

Scilicet vt grauis est terris, absentia Phœbi,

Squallet & obscurus, sole latente, dies:

Nec color est hortis, nec amœnis gratia syluis,

Iamq³ silent homines, iamq³ siletis axes:

Mox vbi purpureo roseum caput extulit ore,

Leta micat radijs, luce nitente, dies;

Et suus est hortis color, & sua gratia sylvis,
 Iamq₃ strepunt homines, iamq₃ loquuntur aues;
 Sic ego, te viso, moriens, mea vita, resurgo;
 Vixaq₃ non viso protinus emorior.
 Sapè iubes, alio me pascere lumina vultu,
 Multaq₃ conspectu corpora pulcra refers.
 Aspice prata, inquis, formosos aspice flores;
 Picta mei multum prata coloris habent.
 Aspice ceruleo palantes aethere stellas;
 Ha quoque de nostro lumine, lumen habent.
 Aspice & humanis præstantia corpora formis;
 Est meus humano multus in ore decor.
 Siccine, Lux, nostris sperasti illudere votis?
 Falsaq₃ supposito vendere frustra vitro?
 Non ego pollicor mortalis imagine formæ,
 Ah, mea fax facies est, mea vita, tua!
 Illa, & digna Deo facies! grauis ille sūauis
 Mixtus in ore timor, parq₃ timoris, amor.
 Illa supercilij maiestas diæ, cadentium
 Cœlituum prono quam colit ore tremor.
 Nam quota pars tanti sedet vlla in fronte decoris,
 Lux mea, quanta tuâ fronte, genisq₃ sedet?
 Ah, neque si faciem coëat decor omnis in vnam,
 Tanta sit vllius gratia, quanta tue!
 Lux mea splendidior quanto supereminet astris
 Lucifer, & quanto Cynthia Lucifero;
 Ipsaq₃ quanto iterum superatur Cynthia Phæbo,
 Tanto formosis omnibus ore præis.
 De tribus id melius narrabit testibus vnus,
 Qui tibi tum comites vertice Thabor erant:

Cum testata Deum facies tibi flammea luxit,
Cinxit & auratas fax radiata comas:
Nempe aliquis tanta captus dulcedine lucis,
Et nimio forma saucius igne tua;
Immemor & patria, oblitusq; suiq; suorumq;
Optabat stabiles figere montis lares.
Nec tamen augustum, qualis, quantusq; videri
Cœlitibus solitus, viderat ille Deum.
Viderat aërios absistere vultibus ignes,
Ut solet accenso candida mica foco.
Videras ardenti rutilantem vertice flammam,
Quale laceffitum Sole refulget ebur.
Viderat, ut placidis Lucina videris in vndis,
Cum tuum in nitidis fluctuat ardor aquis,
Aut qualis pelago Cœli vibratur imago,
Vnda percussis cum tremit igne poli.
Quid dicturus erat, totâ si luce coruscas
Vidisset, circum tempore bina faces?
Quid si oculos? quid si faciem sine nube micantem?
Quodq; polo facies lumen utroque iacit?
Quando erit ille dies, mea lux, rex ille dierum,
Numinis ambrosio cum sinar ore frui!
Sapè quidem vestros specto sub imagine vultus,
Cum vultus obeunt spica, merumq; tuos:
Magna, equidem fateor, tamē imperfecta voluptas,
Pro facie, faciem nube tegente frui:
At mihi mens alio stimulata cupidine flagrat,
Ardet & innubes lata videre genas.
Quando erit ergo dies, cum te, sine nube, videbo?
Impedient faciem vela neq; vlla tuam?

Solaq;

*Solaq³. qua fueras animo libata voluptas,
Tandem oculis etiam percipiêre meis?
Illa dies, fausto si quando affulserit astro,
Iuro, erit his oculis carior illa dies.*



Quando

Quando veniam & apparebo ante faciem Dei? Psalm. 41.

SI inuenis meliùs quàm videre faciem Dei, illuc te præpara. Væ tali amor tuo, si vel suspicaris aliquid pulcriùs, quàm est ille, à quo est omne pulcrum, quod te teneat, ne illum cogitare mercaris.

August. in
Psalm. 43.

Dulcissime, amantissime, benignissime, carissime, pretiosissime, desideratissime, amabilissime, pulcerrime, quando te videbo? *quando apparebo ante faciem tuam?* quando satiabor de pulcritudine tuâ, quando educes me de hoc carcere tenebroso, vt confitear nomini tuo.

Aug. med.
cap. 37.

Dic nunc totum cor meum, dic nunc Deo; *Quæro vultum tuum, vultum tuum Domine requiro.* Eia nunc ergo, Tu Domine Deus meus, doce cor meum, vbi & quomodo te quærat, vbi & quomodo te inueniat. Quibus signis, quâ facie, te quæram? numquam te vidi, Domine Deus meus; nō noui faciem tuâ, quid faciet altissime Domine, quid iste tuus lōginquus exul? quid faciet seruus tuus anxius amore tui, & longè proiectus à facie tuâ? anhelat videre te, & nimis abest illi facies tua. Dominus Deus meus es, & Deus meus, & nondum te vidi Tu me fecisti & refecisti, & omnia mea bona tu mihi contuli-

Ansel. in
prolog:
cap. 1.

sti, & nondum noui te. Denique *ad te videndum* factus sum, & nondum feci propter quod factus sum.

Aug. foli-
loq. ca. 36.

Hæc est plena beatitudo, & tota glorificatio hominis, *videre faciem Dei sui*, videre eum, qui fecit Cælum & terram, videre eum, qui fecit eum, qui saluauit eum, & qui glorificauit eum. *Exquisiuit te facies mea, faciem tuam Domine, requiram*, faciem Domini virtutum, in quâ solâ, consistit tota gloria sempiterna beatorum.

Aug. foli-
loq. ca. 35.

O quando veniam & apparebo Domine ante faciem tuam? putâsne, videbo diem illam, diem, inquam iucunditatis & lætitiæ, *diem quam fecit Dominus, vt exultemus & latemur in eâ?* O dies præclara & pulcra, nesciens vesperum, non habens occasum, in quâ audiam vocem laudis, vocem exultationis & cōfessionis; in quâ audiam, *intra in gaudium Domini tui!* intra in gaudium sempiternum, in domum Domini Dei tui, vbi sunt magna & inscrutabilia & mirabilia, quorum non est numerus. Intra in gaudium sine tristitiâ, quod cōtinet æternam lætitiâ; vbi erit omne bonû, & non erit aliquod malum; vbi erit quicquid voles, & non erit, quicquid noles; vbi erit vita vitalis, dulcis & amabilis, semperq; memorialis; vbi non erit hostis impugnans, nec vlla illecebra, sed summa & certa securitas, secuta tranquillitas, & tranquilla iucunditas

cunditas, iucunda felicitas, felix æternitas, æterna beatitudo, beata visio, quæ est gaudium Domini Dei tui.

Hanc verò, dulcedinem, vt gustavit Petrus, omnium inferiorum oblitus, clamauit quasi ebrius, dicens; *Domine bonum est nos hîc esse, faciamus nobis hic tria tabernacula.* hîc moremur, te contemplemur, quia nullo alio indigemus. Sufficit nobis, Domine, *videre te*, sufficit, inquit, tantâ dulcedine satiari: vnam enim stillam dulcedinis ille gustavit, & omnem aliam fastidiuit dulcedinem. Quid putas dixisset, si magnam illam multitudinem dulcedinis Diuinitatis tuæ gustasset, quam abscondisti timentibus te?

Aug. soli-
loq. ca. 226

Vide quoque ardentem hominem [Davidem] vide inflammatum, sciens enim se cum hinc recesserit, eum esse *visurum*, ne expectat quidem dilationem; morâ enim non patitur; & si esset quidem priuatus aliquis, humilisque & abiectus, & viuens in paupertate, magnum quiddam esset, vel sic, vitam præsentem contemnere; sed non esset adeò magnum vt nunc est, vt pote Rex est, & tantis fruitur delicijs, tantæque est gloriæ princeps, & est innumerabiles victorias consecutus, multaque bella vicit, & est omni ex parte clarus, insignis & illustris; hæc qui omnia irrideat, diuitias & gloriam & omnes delicias, ad futura autem aspiret & inhiet,

Chrysoft.
homil. in
Psalm. 42.

hoc est magni cuiusdam & excelsi animi,
hoc est animæ, quæ tenetur studio sapien-
tiæ, & cœlesti amore verè capta est.

August. in
Psal. 138.

Moyſes sic desiderauit & concupiuit vi-
dere ipsam speciem Dei, & loquenti secum
Deo dixit: *Si inueni gratiam ante te; ostende mihi
temetipsum, adimplebis me letitiâ cum vultu tuo.*

Augu. soli-
loq. cap. 23

Et ego paruulus, inter paruulos familiæ
tuæ, Deus pater, & virtus mea, *quando veniam
& apparebo ante faciem tuam*, vt qui nunc tibi
confiteor ad tempus, ex tunc confitear tibi
in æternum? Beatus ero si fuero admissus ad
videndam claritatem tuam. Quis mihi hoc
tribuat, vt ad hoc venire permittas me!

August. in
Psal. 41.

Sed *quādo veniam?* en quod citius est Deo,
tardum est desiderio. *Quando veniam & appa-
rebo ante faciem Dei?* ex illo desiderio est &
hoc, quod clamatur alibi: *Vñ petij à Domino,
hanc requiram, vt inhabitem in domo Domini,
per omnes dies vitæ meæ.* Quare hoc? vt contem-
pler delectationem Domini. *quando veniam
& apparebo ante faciem Domini.* Interim dum
meditor, dum curro, dum in viâ sum, ante-
quam veniam, antequam appaream, *fuerunt
mihi lacrymæ meæ panes die ac nocte, cū dicitur
mihi per singulos dies; vbi est Deus tuus.*

Aug. med.
cap. 40.

Eia, iam Domine! eia, appare mihi & con-
solatus ero! Exhibe præsentiam tuam, & cō-
secutus ero desiderium meum, reuela glo-
riam tuam, & erit perfectum gaudiū meum,

Sitiuit

Sitiuit in te anima mea, quàm multipliciter tibi caro mea! Sitiuit anima mea ad Deum fontem viuum; quando veniam & apparebo ante faciẽ Domini. Quãdo venies consolator meus, quem expecto? ô si quando videbo gaudiũ meũ, quod desidero? ô si satiabor, cùm apparuerit gloria tua, quam esurio! ô si inebriabor ab vbertate domus tuæ, ad quam suspiro! ô si potabis me torrente voluptatis tuæ, quam sitio! sint mihi, Domine interim lacrymæ meæ panes die ac nocte, donec dicatur mihi, Ecce Deus tuus: donec audiat anima mea, Ecce sponsus tuus.

Ostende te mihi, consolator meus, *videam te*, lumen oculorum meorum, veni gaudium spiritus mei; *videam te* lætitia cordis mei. Diligam te vita animæ meæ. *Appare mihi*, delectatio mea, solatium meum dulce, Domine Deus meus, vita mea, & gloria tota animæ meæ!

Aug. soliloq. cap. 1,



*Quis dabit mihi pennas sicut columba, et
volabo et requiescam? Psal. 54.*

43.

X I I I.

Quis mihi dabit pennas sicut columbæ, & volabo & requiescam?

Psalm. 54.

M Agne opifex rerum, generis mortalis origo,
Corpora nostra tuâ sunt fabricata manu.

Si tamen aduersis liceat contendere verbis,

Quos habeant nâuos corpora nostra, querar.

In tria ius homini vastissima regna dedisti;

In maria, in terras, ætheriasq; domus:

Tanta sed vt iustis tria regna gubernet habenis.

Non quantum hac possit machina, robur habet.

Pace, parùm timide temeraria verba loquenti,

Plus operi vitij, quàm reputetur, inest.

Momus abesse homini, fertur, doluisse fenestram,

Cætera tam nitida membra probasse domus:

Sed fueritne foris, fueritne foraminis vsus,

Lis erit arbitrio, Mome, secunda tuo.

Officit humana, me iudice, turpius adi,

Nulla quod obsequium squamma vel ala ferat.

Non quod opus squammis vt terra regatur & aliis;

Imperium terræ squamma nec ala iuuat.

Sed simul ætherias homo cùm moderetur habenas,

Et simul æquorea cærulea sceptrâ plage;

Quâ nisi sint pinna, tumidas reget ante procellas?

Quâ nisi sint penna, nubila lege premet?

Vt volet, æriâ volucris petit ardua pennâ;

Piscis vt æquor aret, squammea pinna facit.

Sed

Sed neq₃ pinna vices homini, neq₃ penna ministrat,
 Et simul hic fluctus & simul Astra reget?
 Nec pelago piscis, neque nubibus imperat ales,
 Cur opus his, pennâ, remigioq₃ fuit?
 Scilicet, ingenij minus, orbis & artis haberet,
 Ni streperet pennis stridula musca suis.
 Nec stabili geminus penderet cardine mundus,
 Bina nisi querulas ala moueret, apes.
 Quid, quod & in triplici, volucrum vilissime, regna,
 Principis instar, iter Mergæ natator, agas:
 Et modò gramineâ pedes expatieris in herbâ;
 Mox auis, alta petas; mox freta nauta, seces.
 Quin potius triplicis cecidit tibi regia mundi,
 Per tria qui pennis hospita regna volas?
 Aut tria si fuerint hominis loca credita cura,
 Cur homini, triplici non licet ire viâ?
 Cæculus æquorei Nereus pater ipse profundi,
 Non nisi squammigeris, currere fertur equis:
 Iuppiter, ærium qui flectere fingitur orbem,
 AETHERIS. ipse vehens alite; carpit iter.
 Nec leuitas hominem celeri fert plumæa pennâ,
 Nec liquidas pinnâ remige findit aquas.
 Et flectet geminum iustis sine viribus, orbem,
 AETHERIS factus auis, factus in amneratis?
 Vt tamen vndifraga careat moderamine pinnae,
 (Plurima cum pinnis corpora cassa natent)
 At sine præpetibus nulli patet ardua pennis,
 Quæ patet aligero Regia sola gregi:
 O liceat vacuas mihi tollere corpus in auras,
 Altaq₃ sidereæ visere regna plaga!

*Aspice, quos inter iaceat mea patria mores,
Indignus patria nomen habere locus.
Aspice, nec quod amem volucres, mirabere pennas,
Me grauior, quàm quæ Persea, caussa mouet.
Pegaseis vtinam rapiar super athera plantis,
Aut moueat volucres Perseos ala pedes!
Aut agiles humeris aptes mihi, Dædale, ceras,
Icarijs quamuis fabula labar aquis!
Aut lapsas agitem pennato pectore plumas,
Quas vultit variopicta columba sinu!
Astra columbinis meditabor protinus alis,
Et ferar ante tuam, Iuppiter, ales auem.
O stulta volucres, gens nata palustribus vlnis,
Suetæ cauernosæ turba natæ lacus!
Non ego, si vestras mihi Dædalus applicet alas,
Littora vel scopulos imaq; saxa legam.
Non ego, flumineæ volitem leuis accola ripæ,
Aut mea percussas penna flagellet aquas:
Non mea torpentes circumvolet ala paludes;
Vt propior segnes radit hirundo lacus.
Non meâ, ceu mæstis Ceyx dum plangitur vndis,
Humida vicino se lauet ala freto.
Persequar ætherium sublimior ales Olympum,
Altaq; mox solitis nisibus astra petam.
O quondam felix hominum, modò turba volucrû,
Quos amor, in celeres ira q; vertit aues!
Cur mea non capiunt agiles quoq; brachia plumas,
Induit aut motas hispida penna manus?
Quot ludunt liquidis examina plumea campis,
Aligeroq; secant nubila celsa pede!*

*Si mihi, Nisè, tuo plumescant brachia fato,
 Cruraq; Syllais vestiar hirta comis;
 Si leuis Aönio fierem certamine pica,
 Aut, Cytheræa, tuâ verterer ales aue;
 O mea si tangant aliquod suspiria Numen,
 Mater vt in pennas casta columba, tuas!
 Scilicet aduectâ, ceu Châionis ales, oliuâ
 Reppetijt nota tecta Noëa ratis;
 Protinus aligeris raperer super æthera velis,
 Nostra nec has iterum visceret ala plagas.*



*Quis mihi dabit pennas sicut columba,
& volabo & requiescam? Psal. 54.*

INARDESCIT & suspirat omnis peregrinus in sæculo. Patria bona, patria cœlestis, patria contemplationis, Angelorum patria! vbi nullus moritur, quo nullus hostis admittitur. Patria vbi habes sempiternum Deum amicū, vbi nullum timeas inimicum,

Augustin.
serm. 145.
de temp.

*Quis dabit mihi pennas sicut columba, & volabo
& requiescam?* Nihil mihi tam dulce, quàm cum Domino meo esse, præbe, mihi, rogo, pennas, quibus indutus, ad te volitem sursum.

Aug. med.
cap. 37.

Quas pennas, nisi duas alas, duo præcepta charitatis, in quibus duobus præceptis tota lex pendet & Prophetæ? has alas, *has pennas*, si recipiam, possum fugere à facie tuâ ad faciem tuam; & à facie irati ad faciem placati. Iam volumus spe & desiderio habentes alas geminæ charitatis. Hoc meditemur, hæc sit spes nostra, hæc sit consolatio nostra. Recipiamus *pennas* per charitatem, quas amisimus per cupiditatē; cupiditas enim *viscum* facta est *pennarum nostrarum*; elisit nos de libertate aëris nostri, id est, aurarum illarum liberarū spiritus Dei. Inde elisi perdidimus *pennas*, & fuimus quodāmodo captiuati in *aucupis potestate*. In istâ vitâ, inter tanta scandala, inter tam multa peccata, inter tantas turbas temptationum quotidianarum, quotidianarum
fugge-

Augustin.
Psal. 138.

suggestionum malarum: quid facio?

Ambr. de
fuga sæ-
culi cap. 5.

Omne tempus in sollicitudine, omnis vita in molestijs: *in medio*, inquit, *laqueorum ambulat*, & alius; *in viâ quâ ambulat*, extētos sibi, sed absconditos laqueos quærebatur, ne deprehensus caderet; volebat fugere *sicut passer*, sed adhuc *laqueus contritus non erat*. Perijt, inquit, *fuga à me*. Grauius habebat *pennas periliam tenebrosam aquam in nubibus aëris*, & fortasse euolare non poterat. Denique *illas pennas quærebant accipere*, vt euolaret & requiesceret sicut scriptum est: *Quis mihi dabit pennas sicut columbæ, & volabo & requiescam?*

Ambr. l. 4.
in cap. 4.
Luc.

Etenim quasi clauis quibusdam suffigitur anima, corporis voluptatibus, & cum semel adhæserit cupiditatibus demersa terrenis, difficile in altum potest. vnde descendit, sine Dei fauore *reuolare*. Actuum enim suorum laqueis vineta & deliciarum sæcularium illecebris obnoxia iam tenetur.

Ambr. ser.
79.

Volare non potest nisi quod purum leue atque subtile est, cuius nec sinceritas intemperantiâ retardatur, nec alacritas, nec velocitas mole grauatur. Grauari autem *volatum* dico non tam mole membrorum quàm delictorum; vnde puto etiam in ipsis auibus ideò velocius *columbam* pænè præ omnibus volitare, quòd alacritatem & innocentiam comitetur. Denique S. Dauid cum puritate mentis volare concupisceret, non alterius animan-

animantis nisi *columba optavit alas*; dicens, *quis dabit mihi pennas sicut columba, & volabo & requiescam!* Intelligebat enim quòd altiora faciliùs penetràtur simplicitate mentis, quàm leuitate pennarum.

Conceperat amorem verbi Dei, & cupiebat ad ipsum *volatu celeri peruenire* dicēs: *Quis mihi dabit pennas, sicut columba, & volabo & requiescam?* *volabo* sensibus, *volabo* intellectibus spiritualibus, & *requiescam*, cùm apprehēdero sapientiæ & scientiæ eius thesauros. Puto enim, quia sicut qui mortem CHRISTI recipiunt, & mortificant membra sua super terrā, consortes efficiuntur similitudinis mortis eius; ita & hi qui virtutem Spiritus Sācti recipiunt, & sanctificantur ex eo, & donis eius replentur (quia ipse in specie columba apparuit) etiam ipsi columba fiant, vt de terrenis & corporeis locis *euolent ad cœlestia, pennis Sancti Spiritus eleuati.*

Bene factum est vt pennas acciperetis sicut columba, & volaretis ad requiescendum. Nam in terrā non erit requies, sed labor & dolor & afflictio spiritus. Quid ergo timēdum est sic volanti? nisi fortè cadauer, vel simile aliquid videat in terrā, cuius desiderio tractus, videatur à venatoribus illis pessimis, & preparatis laqueis capiatur, & sint nouissima hominis illius peiora prioribus?

Etenim tamdiu transilire debemus, quicquid

Orig. hō. 4
in Cant.

Bern. ser.
super
Beati qui
habitantes

August. in
Psalm. 76.

quid nos impedit, quicquid irretit; quicquid
visco quodam illigat, & onere aggrauat *volatum*
nostrum donec perueniamus ad id quod suf-
 ficit, vltra quod nihil est, infra quod sunt
 omnia, ex quo sunt omnia.

Aug. med.
 cap. 37.

Da, quæso, toto desiderio & omni studio,
 rendere quo te ascendisse credimus, vt in
 præsentī quidem miseriâ solo tenear corpo-
 re, tecum autem sim cogitatione semper &
 auuiditate; vt ibi sit cor meum, vbi tu es the-
 saurus meus desiderabilis, & incōparabilis,
 multumque amabilis. Assumat Domine, as-
 sumat, rogo, spiritus meus *pennas & volitet &*
non deficiat, volet & perueniat vsque ad de-
 corem domus tuæ, & *locum habitationis gloriæ*
tuæ.

Ibidem,]

Tene cor meum manu tuâ, quia sine te
 ad altiora non rapitur, illic festino, vbi sum-
 ma pax regnat & iugis tranquillitas rutilat.
 Tene & rege spiritum meum, & assume il-
 lum secundum voluntatem tuam, vt te du-
 ce; ascendat ad illam regionem vbertatis,
 vbi pascis Israel in æternum pabulo verita-
 tis.





*Quam dilecta tabernacula tua, Dñe virtutum! Con-
cupiscit et deficit anima mea in atria Dñi. Psal. 83.
44.*

X I V.

Quàm dilecta tabernacula tua Domine virtutum ! concupiscit & deficit anima mea in atria Domini. *Psalm. 83.*

O Qui sidereas ducis fortissime turmas,
 Cui cingant decies millia mille latus!
 Quàm tua Regifico radiant Prætoria luxu!
 Mœns stupet, & tanta languet amore domus,
 Mœnia Tenario defendunt marmore muros,
 Limina sunt Parius portaq; celsa lapis.
 Vestibulo rutilant adamantum lumine valvæ,
 Amplaq; magnificus culmina splendor habet.
 Fulgurat excelsis fuluum laquearibus aurum,
 Et camera auratâ cedrina fultâ trahet.
 Tectum angustū, ingens, gemmisq; auroq; superbū,
 Quale putes ipsum posse decere Deum.
 Stratus humi calcatur onyx, vitreiq; plateas
 Stellarum fundant, marmora fulva, globi.
 Iam sua temperies placido mitissima Cælo est;
 Qualis vbi vernis aura tepet zephyris;
 Nec glacialis hiems tremulo pede pulsât Olympum,
 Icta nec hibernâ grandine tecta sonant;
 Nec pallent viso moritura sole pruina;
 Nec stant marmoreo flumina vincta gelu;

Nec coquit æstivi Cererem iuba seuæ leonis,
 Solstitij medius nec furit igne dies.
 Nec viridis folijs sanguis feruore recedit.
 Nec tostus nimio sole fatiscit ager.
 Perpetuum ver astra colunt, frigusq₃ caloremq₃
 Inter, Cœlicolæ tempora veris agunt.
 O qui sidereas habitas, Rex maxime, sedes,
 Quàm tua præ terris inuidiosa domus!
 Quin absunt gelidi bruma intractabilis imbres,
 Quiq₃ regat madidos imbrifer hœdus agros;
 AEoliæq₃ silent animæ tranquilla per alta,
 Quassaq₃ nec venti murmure spica tremit.
 Stat placidus positus Aquilonum flatibus æther,
 Seruat & æternus longa serena tenor.
 Sed neque flammætes liquido lauat æquore currus,
 Nec subit occiduas Sol fugitiuus aquas.
 Nec premit astra dies, neq₃ Sol fugat æthere stellas,
 Nec premitur lassus nocte fugante dies.
 Nulla polos tacitis nox obruit atra tenebris,
 Nigraq₃ subducto somnia sole vocat.
 Exulat æthereis longè nox horrida terris,
 Et nitet æterno lumine clara dies:
 Clara dies, iucunda dies, setemplice Phœbi,
 Fulmineam nostri lampada, luce premens.
 O qui sidereas habitas, Rex maxime, sedes;
 Quàm tua præ terris inuidiosa domus!
 Sollicitæ procul hinc, profuere cubilia cura,
 Et metus & tristi luridus ore dolor,
 Et caput atrato luctus velatus amictu,
 Lessu, & impexis nania mœsta comis.

Et labor & toto gemitus proscriptus Olympo,
 Et lis & rabidi iurgia rauca fori,
 Rixæq; inuidiæq; cruentaq; sanguine bella,
 Monstraq; quæ secum plurima, bella trahunt.
 Pauperies febrisq; famesq; sitisq; luesq;
 Quæq; sequi solita Martia castrâ neces.
 Hic clausa Bello portæ, & sine militis armis
 Otia cœlicolæ molliâ pacis agunt.
 Non galeæ, non scuta micant, non clâssica clangunt,
 Mitescunt positis aurea sæcla tubis.
 Tabificiq; absunt, examina pallida, morbi,
 Quæq; cohors Letho præuia sternit iter.
 Quin etiam Letho interdictum mœnibus vrbis,
 Nec quidquam in Superûm corpora iuris habet.
 Letitiæ data cura domus, quæ sedula fletum
 Elysij longè finibus arcet agri,
 Instruit auratis conuiuia Rêgia mensis,
 Quas recreant festis gaudia sancta iocis.
 Non quia Cœlicolæ dapibus ieiunia soluant,
 Aut vllus Superûm proluat ore liquor.
 Absq; epulis, hic omnis amor compressus edendi,
 Omnis & absque meri munere pulsa sitis.
 Non istis temerant Superi conuiuia mensis,
 Aut Regio similes suggerit illa dapes.
 Elysium sine carne epulas Bacchoq; ministrat
 Cœlicolumq; venit nullus in ora cibus.
 Cœlestes onerant, incognita fercula lances,
 Quales nemo hominum; contigit ore cibos.
 Ambrosiæ, Superos hilarat, quis nescio, succus,
 Deus, & ætherio nectare potus alit;

*Sicq̃, super strato eternum discumbitur ostro,
 Gaudet & auratis gens epulata toris.
 Gaudet, & Angelicos placidis bibit auribus hymnos,
 Et salit, & rutilam sub pede plaudit humum.
 O qui sidereas habitas Rex maxime sedes,
 Quot tua delicijs affluit illa domus!
 Iam flagrat & studio nimis inflammata videndi,
 Mens desiderio deficit egra suo.*

*Quàm dilecta tabernacula tua Domine
 virtutum! concupiscit & deficit ani-
 ma mea in atria Domini. Psal. 83.*

Aug. med.
cap. 25.

MATER Hierusalem, Ciuitas sancta
 Dei, charissima sponsa CHRISTI, te
 amat cor meum, pulcritudinem tuam amat
 cor meum, pulcritudinem tuam nimium de-
 siderat mens mea. O quàm decora, quàm
 gloriosa, quàm generosa tu es. Tota pulcra
 es, & macula non est in te. Felix anima mea,
 semperque foelix in sæcula, si intueri merue-
 ro gloriam tuam, beatitudinem tuam, pul-
 critudinem tuam, portas & muros, & pla-
 teas tuas, & mansiones tuas multas; nobi-
 lissimos ciues tuos, & fortissimum Regem
 tuum in decore suo. Muri namque tui ex la-
 pidibus pretiosis; portæ tuæ ex margaritis
 optimis; plateæ tuæ ex auro purissimo, in
 quibus iucundum alleluya sine intermissio-
 ne concinitur; mansiones tuæ multæ, qua-
 dris

dris lapidibus fundatæ, saphyris constructæ, laterculis coopertæ aureis, in quas nullus ingreditur, nisi mundus, nullus habitat inquinatus. Speciosa facta es & suavis in delicijs tuis, mater Hierusalem; nihil in te tale, quale hîc patimur, qualia in hâc miserâ vitâ cernimus. Non sunt in te tenebræ, aut nox, aut quælibet diuersitas temporum, sed Deus de Deo, lux de luce, Sol Iustitiæ semper illuminat te, Agnes candidus & immaculatus, lucidum & pulcerrimum est lumen tuum; Sol tuus & claritas tua, & omne bonum tuum, huius pulcerrimi Regis indeficiens contemplatio: Ipse Rex Regum in medio tui, & pueri eius in circuitu eius.

Ibi Hymnicidi Angelorum chori. Ibi societas supernorum Ciuiû. Ibi dulcis solennitas omnium, ab hâc tristi peregrinatione ad tua gaudia redeûtiû. Ibi Prophetarum prouidus chorus. Ibi duodenus Apostolorû numerus. Ibi innumerabiliû Martyrum victor exercitus. Ibi Sanctorum Confessorum sacer conuentus. Ibi veri & perfecti Monachi. Ibi sanctæ mulieres, quæ voluptates sæculi, & sexus infirmitatem vicerunt. Ibi pueri & puellæ annos suos sanctis moribus transcendunt. Ibi oues & agni, qui iam huius voluptatis laqueos euaserunt. Exultant omnes in proprijs mansionibus, dispar est gloria singulorû, sed communis est lætitia om-

nium. Plena & perfecta ibi regnat charitas, quia Deus est tibi omnia in omnibus; quem sine fine vident, & semper videndo in eius amore ardent, amant & laudant, laudant & amant. Omne opus eorum laus Dei sine fine, sine defectione, & sine labore. Felix ego & verè in perpetuum felix, si post resolutionem huius corpusculi, audire meruero illa cantica cœlestis melodix; quæ cantantur ad laudem Regis æterni, ab illis superne patriæ ciuibus beatorumque spirituum agminibus! Fortunatus ego, nimiumque beatus, si & ego ipse meruero cantare ea, & assistere Regi meo & Duci meo!

Aug. med.
cap. 22.

O tu vita, quam præparauit Deus ijs, qui diligunt eum! vita vitalis, vita beata, vita secura, vita tranquilla, vita pulchra, vita munda, vita casta, vita sancta, vita ignara mortis, nescia tristitiæ, vita sine labe, sine dolore, sine anxietate, sine corruptione, sine perturbatione, sine varietate & mutatione, vita totius elegantiæ & dignitatis plenissima, vbi non est aduersarius impugnâs, vbi nulla peccati illecebra, vbi est amor perfectus, & timor nullus, vbi dies æternus & vnus omnium spiritus, vbi Deus facie ad faciē cernitur, & hoc vitæ cibo, mēs sine defectu satiatur. Libet me tuæ intendere claritati, delectant me bona tua auido corde. Quanto plus valeo mecū considerare, tanto plus amore tui lāgueo, tui vehementi

hement idesiderio tuiq; dulci memoriâ admodum delector. Libet itaque, libet in te oculos cordis attollere, statû mentis erigere, affectum animi cōseruare. Libet sanè de te loqui, de te audire, de te scribere, de te conferre; de tuâ beatitudine & gloriâ quotidie legere & lecta sæpiùs corde reuoluere, vt vel sic possim ab huius mortalis periturâq; vitæ ardoribus, periculis & sudoribus sub tuæ vitalis auræ dulci refrigerio transire & transiens, sinu tuo fessum caput dormiturus vel paululum reclinare. O tu vita felicissima! ô Regnum verè beatum carens morte, vacans fine! cui nulla tēpora succedunt per æuum, vbi continuus sine nocte dies nescit habere tempus, vbi victor miles, illis hymnidicis Angelorum sociatus choris, cantat Deo sine cessatione canticum dē canticis Sion.

Quæ cantica, quæ organa, quæ cantilenæ, quæ melodix ibi sine fine decantantur! sonant enim semper melliflua hymnorum organa, suauissima Angelorum melodia cantica canticorum mira, quæ ad laudem & gloriam tuam à supernis ciuibus in perpetuum decantantur.

O anima, suspira ardentem, desidera vehementer, vt possis venire ad illam supernam Ciuitatem, de quâ tam gloriosa dicta sunt, in quâ sicut latantium omnium habitatio est!

Quanta erit illa felicitas, vti nullum erit

Hugo de
S. Victore
lib. de ani-
ma cap. 4.

Aug. manu
cap. 24.

22. de
Ciuit. Dei,
cap. 30.

malum, nullum latebit bonum ! vacabitur Dei laudibus, qui erit omnia in omnibus! Admoneor etiam sancto Cantico, vbi lego: *Beati qui habitant in domo tuâ Domine, in secula seculorum laudabunt te.* omnia membra & viscera incorruptibilis corporis, quæ nunc videmus per vsus necessitatis varios distributa, quoniam tunc non erit ipsa necessitas; sed plena, certa, secunda, sempiterna felicitas, proficient in laudibus Dei.

Vera ibi gloria erit, vbi laudantis nec errore quisquam nec adulatione laudabitur. Verus honor, qui nulli negabitur digno, nulli deferetur indigno. Vera pax ibi est, vbi nihil aduersi nec à seipso, nec ab alio quisquã patietur. Præmium virtutis erit ipse, qui virtutem dedit, ei que seipsum, quo maius nihil possit esse, promisit. Quid enim est aliud quod per Prophetam dixi: *Ero illorum Deus, & ipsierunt mihi plebs*; nisi ego ero vnde satientur, ego ero quæcumque ab hominibus honesta desiderantur, & vita & salus & victus & copia & gloria, & honor, & pax, & omnia bona? sic enim & illud rectè intelligitur, quod ait Apostolus, *ut sit Deus omnia in omnibus ipse finis erit desideriorum nostrorum*, qui sine fine videbitur, sine fastidio amabitur, sine fatigatione laudabitur. vbi vacabimus & videbimus, videbimus & amabimus, amabimus & laudabimus. Ecce quod erit in fine,
sine

sine fine. Nam quis alius noster est finis, nisi peruenire ad Regnum cuius nullus est finis?

O Anima, quid dicere valeo, cùm futurum gaudium aspicio? Iam pœnè præ admiratione deficio, quia gaudium erit intus & extra, subtus & supra, circum & circa. Gaudebis igitur in omnibus, gaudebis de omnibus.

Bonau. folio. cap. 4.

O Anima, qualis tibi erit dies illa, cùm ad hanc felicem choream fueris assumpta, & cùm omne tormentum tibi (si piè vixeris, si patienter sustinueris) conuertetur in æternum iubilum! Tunc de omnibus his laudabis Dominum Deum tuum, labijs exultationis, dicens: *Misericordias Domini in æternum cantabo.*

Bonau. folio. cap. 4.

O domus Dei æterna, post CHRISTI dilectionem, tu esto lætitia mea & consolatio; dulcis memoria tui beati nominis, sit releuatio mœroris, tædiorumque meorum; Tædet enim me valde vitæ huius & istius erumnosæ peregrinationis.

Ambr. in orationib.

O domus Dei luminosa & speciosa, dilexi decorem tuum & gloriam habitationis gloriæ Domini mei fabricatoris & possessoris tui. Tibi suspiret peregrinatio mea die ac nocte: tibi inhiet cor meum, tibi intendat mens mea, ad societatem tuæ beatitudinis peruenire desideret anima mea.

Ambr. in orationib.

Quando transibo in illam admirabilem
& pul-

August.

med.c.37. & pulcerrimam domum tuam, vbi personat vox lætitiæ & exultationis in tabernaculis Iustorum? *Beati qui habitant in domo tua Domine, in sæcula sæculorum laudabunt te!* Beati & verè beati, quos elegisti & assumpsisti in illam Cœlestem hæreditatem. Ecce *sancti tui, Domine. florent ante te sicut lilium;* replentur enim ab *vbertate domus tuæ & torrente voluptatis tuæ potas eos,* quoniã tu es fons vitæ. O quàm mira, quàm pulcra, quàm acceptabilia sunt domus tuæ habitacula, Domine virtutum, concupiscit intrare in ea hæc peccatrix anima mea! Domine *dilexi decorem domus tuæ, locum habitationis gloriæ tuæ.* Vnam petij à Domino, hanc requiram, vt inhabitem in domo Domini omnibus diebus vitæ meæ.

Aug. soli-
loq. ca. 35.

O verè beati! ô terque quaterque beati, qui iam omnium malorum exuti, securi de suâ immarcessibili gloriâ ad te, Regnum decoris, peruenire meruerunt! ô æternum Regnum, Regnum omnium sæculorum! vbi lumen indeficiens & pax Dei quæ exuperat omnem sensum, in quo sanctorum animæ requiescunt, & lætitia sempiterna super capita eorum; gaudium & exultationem obtinebunt, & fugiet dolor & gemitus. O quàm gloriosum est Regnum, in quo tecum, Domine, regnant omnes Sancti.

Greg. in
Psal. 7.
pœnitent.

Ibi est lux sine defectu, gaudium sine gemitu; desiderium sine pœnâ, amor sine tristitiâ;

stitiâ; satietas sine fastidio; sospitas sine vitio, vita sine morte, sanitas sine languore. Ibi sancti & humiles corde, ibi spiritus & animæ iustorum, ibi cuncti cœlestis Patriæ ciues, & Beatorum spirituum ordines, Regem in decore suo videntes, & in gloriâ virtutis eius exultantes. Perfecta viget in omnibus charitas, vna omniû lætitia, vna iucunditas.

Bone IESV, verbum Patris, splendor paternæ gloriæ, in quem desiderant Angeli prospicere, doce me facere voluntatem tuam, vt à spiritu tuo bono deductus, ad beatam illam perueniam Ciuitatem, vbi est dies æternus, & vnus omnium spiritus; vbi est certa securitas & segura æternitas; & æterna tranquillitas, & tranquilla fœlicitas, & fœlix suauitas, & suavis iucunditas; vbi tu Deus cum Patre & Spiritu Sancto viuis & regnas per infinita sæculorum sæcula, Amen.



*Fuge dilecte mi, et assimulare caprea, hinnuloq;
ceruorum super montes aromatum. Cantic. 8.*

45.

XV.

Fuge dilecte mi, & assimulare capreæ hinnuloq; ceruorum super montes aromatum. *Cant. 8.*

OCyus aspectu, mea Lux, te proripe nostro;
 Ardeo, nec tantas mens capit ista faces.
 O mala, quæ dudum timui tibi dicere verba!
 Quàm, mea Lux, mallem dicere posse, mane.
 Non etenim tua me presentia tempore lassat.
 Ah sine te, grauis est qualibet hora mihi!
 Sed prohibent nimis incendia dulcia flammis,
 Vel fuge, vel nocuam, Lux mea, conde facem.
 Hæc mihi Tu, fateor, si iussa aliquando dedisses,
 Exanimis misero lapsa dolore forem.
 Parce, iubet sauis Amor ignibus, haud ego mando,
 Stare velim totos in mea vota dies:
 Si possem, cuperem non persuadere quod hortor,
 Si potes, inuitas aure repelle preces.
 Ergo mane, mea lux, monitis neq; flectere nostris,
 Nec, precor, audieris quæ modò iussa dedi.
 Trans mare præcipientes rapiant verba irrita Cauri,
 Non mea, sed stolidi verba fuere metus.
 At prohibet rapidus fibras qui pascitur ardor,
 AEstuo nec tantas mens capit ista faces.
 Ergo fuge & celeres pedibus prauerte capellas,
 Anteuola ceruos, anteuola hinnuleos.
 Sed fuge respiciens, tamquàm discedere nolles,
 Ut qui spectari, dum fugit, antè cupit.

Deus in Ephremi cū pectore ferueret ignis;
 Non ego par flamma quin fugis, inquit, Amor?
 Ille triumphato clarus Xauerus Indo,
 Saucius ætheriâ pectora sæpè face;
 Cœlestis quoties ardebat arundinis ictu,
 Ah satis est, satis est! dicere suetus erat.
 Cū flagrat iuuenis sceptri laus magna Poloni,
 Corda rigat gelidis Stanefilaüs aquis.
 Quis mea pectoribus compono pectora tantis?
 Non ego sum toti, lux mea, par pharetra.
 Carpe fugam, pedibusq; leues præuerte capellas,
 Anteuola ceruos, anteuola hinnuleos.
 En iuga vicino cœlos tangentia cliuo,
 Thuris vbi madido cortice gutta tumet;
 Cedrus vbi, Laurusq; & copia plurima Myrrhe,
 Mixtaq; puniceis Cinnama lata crocis.
 Huc fuge pennigeris super alta cacumina plantis,
 Seu tua, Mons Amana, Libane siue tua?
 Alta super iuuenum fastigia Seraphicorum,
 Cherubicosq; apices, Astraq; summa super.
 Scilicet insoliti non sunt his montibus ignes,
 Pectora quos imis vallibus ista timent.
 Vna potest flammare meas scintilla medullas,
 Non ego par totas, lux mea, ferre faces.
 Carpe fugam, pedibusq; leues præuerte capellas,
 Anteuola ceruos, anteuola hinnuleos.
 Sic tamen, vt fugiens oculis huc sæpè recurras,
 Longiùs aspectu nève vagère meo.
 Qualis at oppositum spectat soror aurea Phœbum,
 Cū plus de radijs, quo magè dictat, habet.

Parce

Parce, suas vires, mea lux, vitiumq₃ satenti,
Nec tecum possum vivere, nec sine te.
Ardeo, si properas; rigeo, si fugeris; hei mi,
Et procul, & præsens, igne geluq₃ nocet!
Quid facies, mea lux, sine te non esse volenti?
Fac caleam, toto non tamen igne cremer.
Ergo fuge, alipedesq₃, celer prauerte capellas,
Antevola cervos, antevola hinnuleos.
Interea viridem fabricabor arundine cannam,
Et referet laudes fistula facta tuas.
Post, ubi vox longo modulamine sessa silebit,
Ore silente nouum dextra capeffet opus.
Arboribusq₃ meos folijsq₃, insculpet amores,
Amborumq₃ vno cortice nomen erit.
Scriptaq₃ prateriens ne noscat signa viator,
Littera confusum nomen vtrumq₃ teget.
Post opus hoc, reliqua si qua super hora diei,
Illa mihi in somnos hora quietis erit.
Sic tamen vt vestri sit mixtus imagine somnus,
Et mihi stes clausos peruigil ante oculos.
Dum loquor, en tacitis gliscunt incendia flammis,
Ocyùs ingrata lux mea carpe fugam.
Carpe fugam, veluti cuperes tamen ante videri;
Vtq₃ breui redeas, non Tibi dico Vale.

Fuge

*Fuge dilecte mi, & assimilare caprea,
hinnulog₃ ceruorum, super montes
aromatum. Cant. 8.*

Guil. Ab-
bas apud
Deltio in
c. 8. Cant.

SPONSUS plerumque præpropter & præ-
maturè fugatur, & antè tempus dicitur
ei, *Fuge*. quippe tempus manendi sponso &
tempus fugiendi. Tempus dicendi ei; *Mane
nobiscum Domine*; & tempus dicendi ei; *Fuge
dilecte mi*. Tempus dimittendi eum, & tem-
pus dicendi ei: *Non dimittam te nisi benedixeris
mihi*, nisi auxeris incrementa frugum iusti-
tiæ meæ, ut suo tempore dimittam te.

Beda in c. 8
Cant.

[Sed] quis eum quem diligit, à suâ fugare
præsentia velit? quod ergo ait, *Fuge dilecte mi*,
non optando loquitur, sed eius potius vo-
luntate feruendo.

Author
Scalæ Pa-
radyfi, to. 9
Aug. ca. 5.

Sicut enim in quibusdam carnalibus offi-
cijs adeò vincitur carnalis concupiscentia,
quod omnem visum rationis amittit, & fit
homo quasi totus carnalis; ita meritò in hac
supernâ contemplatione, ita consummun-
tur & absorbentur carnales motus ab ani-
mâ, ut in nullo caro spiritui contradicat.

Idem c. 6.

Numquid huius consolationis & lætitiæ
testes sunt & nuncij, suspiria & lacrymæ? Si
ita est, noua est antiphrasis ista & significa-
tio inusitata; sed quid huius secreti collo-
quia proferimus in publicum?

Dimitte

Dimitte me, iam enim ascendit Aurora : datâ Idem c. 7.
 ergo benedictione , mortificato neruo fe-
 moris & mutato nomine de Iacob in Israël,
 paulisper secedit Sponsus, diu desideratus,
 citò elapsus.

Idem c. 8.
 Sed ne timeas, ô Sponsa, ne desperes, ne
 existimes te contemni, si paulisper tibi sub-
 trahit sponsus faciem suam. Omnia ista coo-
 perantur in bonum , & de accessu & recessu
 lucrum acquiris; tibi venit, tibi & recedit; ve-
 nit ad consolationem, recedit ad cautelam,
 ne magnitudo consolationis extollat te.
 Hanc gratiâ cum vult & quâdo vult Spon-
 sus attribuit, non iure hæreditario posside-
 tur. Vulgare prouerbum est, quod nimia
 familiaritas parit contemptum. Recedit er-
 go, ne fortè nimis assiduus, contemnatur, &
 absens magis desideretur, desideratus au-
 diùs quærat, diu quæsitus tandem gratiùs
 inueniatur. Ne ergo exilium deputemus pro
 patriâ, arrhâ pro pretij summâ, venit spon-
 sus & recedit vicissim, nunc consolationem
 afferens, nunc vniuersum statum nostrum
 in infirmitate commutâs, paulisper nos per-
 mittit gustare, quàm suavis est; & antequàm
 plenè sentiamus, se subtrahit, & ita quasi
 alis expansis supra nos volitans prouocat
 nos ad volandum.

Meritò proindè quærenti illum anima res- Bern. ser. 9, super.
 ponderetur. *Altissimum posuisti refugium tuum.*

E e

Neque

Beati qui,
habit,

Neque enim sic Deū sitiens anima, aut cum Petro, ei in terreno monte. Facere tabernaculum, aut cum MARIA deinceps, eum tangere vult in terrâ, sed planè clamat: *Fuge dilecte mi, assimulare caprea, hinnuloq̃, ceruorum.*

Ambr. in
bono mor-
ti cap. 5.

Hortatur, enim, vt fugiat, sponsus, quia iam sequi potest etiam ipsa terrena fugientem. Dicit autem, *vt similis sit damula*, quæ euadit de retibus. Vult enim & ipsa fugere & euolare supra mundum.

Beda in
c. 3. Cant.

Assimulare caprea, hinnuloq̃, ceruorum super montes aromatum; multùm optando ac supplicando prosequitur, sciens hanc sibi maximam in præsentî vitâ esse fœlicitatē; vt quia continuâ visione non valet, saltem crebrâ eius visitatione cōsoletur, quæ nimirum fœlicitas illis solùm conceditur, qui contēptu terrestriū & gaudiorū appetitu cœlestium, appellari spiritualium merentur montes aromatum. assimilatur enim *caprea hinnuloq̃, ceruorum* apparentibus *super montes aromatum*, cū rursus, vt opportunū ipse iudicauerit, collatâ ibi luce sui præsidij, siue obsidentia tentationū pericula tollit, seu consueta quæ subtraxisse videbatur, virtutum dona restituit: constat enim de nostrâ paruitate, quia nequaquam vno atq; indissimili modo semper orationum dulcedini insistere, lacrymas (vel pro reatus nostrî cōscientiâ, vel pro desiderio patriæ cœlestis) fundere valemus;

ita vt

ita vt nonnumquam multum conati, his
vti bonis nequeamus. Ac rursus aliquando,
etiam minùs ipsi studentes, horum copiâ
potiamur. Quod, vnde agitur, nisi nunc fu-
git dilectus; nunc mentem nostram reuifit.

Quis verò mihi huius mutabilitatis refe- Bern. ser.
75. in Cât.
ret Sacramenta? quis mihi explicet ire, & re-
dire *Verbi*? numquid leuitate vtitur sponsus?
sensu animæ, non motu verbi, ista fieri sen-
tiamus. Cùm sentit gratiam, agnoscit præ-
sentiam; cùm non, absentiam queritur, &
rursum præsentiam quærit: sed fortè ideò se
subtraxit sponsus, quo auidius reuocaretur,
teneretur fortiùs? Nam & aliquando simu-
labat se longiùs ire; non quia hoc volebat,
sed magis volebat audire: *Mane nobiscum quo-
niam aduesperascit*. Nunc verò constat in ani-
mâ fieri huiusmodi vicissitudines euntis &
redeuntis *verbi*, sicut ait: *Vado & venio ad vos*.
Item, *modicum & non videbitis me*. O modi-
cum & modicum! ô modicum longum! Pie
Domine, modicum dicis, quòd non vide-
mus te? saluum sit verbum Domini mei,
longum est; & multum valdè nimis.

Sed *fuge dilecte mi*, quia non possum ad- Ansel. in
c. 8. Cant.
huc sociari tibi in thalamo sicut vis.

O vocem dignam auditu dilecti! vocem Ruper. in
c. 8. Cant.
de corde fideli & mente humili! hoc enim
est, quod anima quæuis fidelis & sapiens di-
cere consuevit: Domine non sum digna vt

intres sub tectum meum ; non sum digna, ut in me ostendas frequens aliquod præsentiæ vel visitationis tuæ miraculum. *Euge*, inquam, *dilecte mi*, & saltus huiusmodi similes saltibus *capræ* aut *binnuli ceruorum* effice, non super me, sed super montes aromatum, super præcellsa merita sanctorum, atque perfectorum.

Augu. 10.
confess.
cap. 40.

Aliquando intromittis me in affectum multum inusitatum introrsus, ac nescio quam dulcedinem; quæ si perficiatur in me, nescio quid erit, quod vita ista non erit; sed recido in hæc, ærumnosis ponderibus, & re-forbeor solitis; & teneor, & multum fleo, sed multum teneor.

Aug. folilo
cap. 22.

Domine consolator meus; in hac vitâ *renuit consolari anima mea*, ut digna habeatur consolationibus æternis.

S Eu. in
vitâ suâ,

Recede à me, Domine, parumper; quoniam vasis huius infirmitas ferre non potest.

S Y L L A B V S

437

LIBRI PRIMI

GEMITVS

ANIMÆ POENITENTIS.

I.

Anima mea desiderauit te in nocte. Isaia 26.

I I.

Deus tu scis insipientiam meam, & delicta mea
à te non sunt abscondita. Psalm. 68.

I I I.

Miserere mei Domine, quoniam infirmus sum,
sana me Domine, quoniam conturbata sunt ossa
mea. Psalm. 6.

I V.

Vide humilitatem meam, & laborem meum,
& dimitte vniuersa delicta mea. Psalm. 24.

V.

Memento quæso quod sicut lutum feceris me, &
in puluerem reduces me. Iob. 10.

V I.

Peccaui: quid faciam tibi, ô custos hominum!
quare posuisti me contrarium tibi? Iob. 7.

V I I.

Cur faciem tuam abscondis, & arbitraris me
inimicum tuum? Iob. 13.

Ee 3

VIII.

VIII.

Quis dabit capiti meo aquam, & oculis meis fontem lacrymarum, & plorabo die ac nocte? Hier.9.

I X.

Dolores inferni circumdederunt me, praecupauerunt me laquei mortis. Psalm.17.

X.

Non intres in iudicium cum seruo tuo, quia non iustificabitur in conspectu tuo omnis viuens. Psalm.142.

X I.

Non me demergat tempestas aquae, neque absorbeat me profundum. Psalm.68.

X I I.

Quis mihi hoc tribuat, vt in inferno protegas me, & abscondas me, donec pertranseat furor tuus? Iob.14.

X I I I.

Numquid non paucitas dierum meorum finietur breui? dimitte ergo me vt plangam paululum dolorem meum. Iob.11.

X I V.

Vtinam saperent, & intelligerent, ac nouissima prouiderent. Deut.32.

X V.

Defecit in dolore vita mea, & anni mei in gemitibus. Psalm.30.

S Y L L A B V S

LIBRI SECVNDI

V O T A

ANIMÆ SANCTÆ.

I.

Concupivit anima mea desiderare iustificationes tuas. Psalm. 118.

I I.

Vtinam dirigantur via mea ad custodiendas iustificationes tuas. Psalm. 118.

I I I.

Perfice gressus meos in semitis tuis, ut non moveantur vestigia mea. Psalm. 16.

I V.

Confige timore tuo carnes meas, à iudicijs enim tuis timui.

V.

Averte oculos meos ne videant vanitatem. Psalm. 118.

V I.

Fiat cor meum immaculatum in iustificationibus tuis, ut non confundar. Psalm. 118.

V I I.

Veni dilecte mi, egrediamur in agrum, commoremur in villis. Cant. 7.

VIII.

V I I I.

Trahemepost te, curremus in odorem vnguentorum meorum. Cant. 1.

I X.

Quis mihi det te fratrem meum sugentem vbera matris mea, vt inueniam te foris, & deosculer te, & iam me nemo despiciat. Cant. 8.

X.

In lectulo meo, per noctes, quasiui, quem diligit anima mea; quasiui illum, & non inueni. Cant. 3.

X I.

Surgam & circuibo ciuitatem; per vicos & plateas, quaram quem diligit anima mea; quasiui illum, & non inueni. Cant. 3.

X I I.

Num quem diligit anima mea, vidiſtis? paullum cum pertransissem eos, inueni quem diligit anima mea; tenui eum, nec dimittam. Cant. 3.

X I I I.

Mibi autem adharere Deo bonum est; ponere in Domino Deo spem meam. Psalm. 72.

X I V

Sub vmbra illius, quem desideraueram, sedi. Cant. 2.

X V.

Quomodo cantabimus canticum Domini, in terra aliena? Psalm. 136.

S Y L L A B V S
LIBRI TERTII
S V S P I R I A
A N I M Æ A M A N T I S.

I.

A Diuro vos, filia Ierusalem si inueneritis Dilectum meum, vt nuncietis ei, quia amore languo. Cant. 5.

I I.

Fulcite me floribus, stipate me malis, quia amore languo. Cant. 2.

I I I.

Dilectus meus mihi & ego illi, qui pascitur inter lilia, donec aspiret dies & inclinentur vmbra. Cant. 2.

I V.

Ego dilecto meo, & ad me conuersio eius. Cant. 7.

V.

Anima mea liquefacta est, vt dilectus locutus est. Cant. 5.

V I.

Quid enim mihi est in cælo, & à te quid volui super terram? Psal. 72.

V I I.

Heu mihi quia incolatus meus prolongatus est,

Ec 5

habi-

*habitavi cum habitantibus Cedar, multum incolae
fuit anima mea ! Psal. 119.*

V I I I.

*Infelix ego homo ! quis me liberabit de corpore
mortis huius ? Rom. 7.*

I X.

*Coarctor è duobus, desiderium habens dissoluti
& esse cum CHRISTO Philip. 1.*

X.

*Educ de custodiâ animam meam, ad confiten-
dum nomini tuo ! Psal. 141.*

X I.

*Quemadmodum desiderat cervus ad fontes a-
quarum, ita desiderat anima mea ad te, Deus.
Psal. 41.*

X I I.

*Quando veniam & apparebo ante faciem Dei?
Psal. 41.*

X I I I.

*Quis dabit mihi pennas sicut columbae, & vola-
bo, & requiescam ? Psal. 54.*

X I V.

*Quàm dilecta tabernacula tua, Domine virtu-
tum ; concupiscit & deficit anima mea, in atria
Domini ! Psal. 83.*

X V.

*Fuge dilecte mi, & assimulare capreae, hinnuloq;
cervorum, super montes aromatum. Cant. 8.*

F I N I S.

FLORENTIVS

DE MONTMORENCY,
Præpositus Prouincialis Societa-
tis IESV per Flandro-Belgicam.

C*Um Pia desideria à P. Hermannò
Hugonè Societatis IESV Sacerdotè
conscripta, quatuor designati eiusdem
Societatis Patres legerint probarintq̃
potestate ab admod. Reuerend. Patre no-
stro Mutio Vitellesco ad hoc mihi factâ,
ut typis excudantur, permitto. In quo-
rum fidem has litteras manu meâ sub-
scriptas, officij mei sigillo muniui. Bru-
xellæ, 28. Aprilis Anno 1624.*

Florentius de Montmorency.

Approbatio Censoris.

HÆc Pia Desideria, Gemitus & Suspiria
animæ Christianæ, Elegijs, Emble-
matis, & SS. Patrum scriptis illustrata à R.P.
Hermannò Hugonè Societatis I E S U
Presbytero, pererudita sunt & solida, at-
que perlucidam semitam continent; quâ
æterna Veritas, & vera charitas, & chara
æternitas obtineatur, ab his qui in tenebris
& in umbrâ mortis sedent ad dirigendos
pedes suos in viam pacis. Datum Bruxellæ
xi. Idus. Nouëmbriſ, M. DC. XXIII.

*Henricus Smeyers S. Theologia Licentiatus
Scholaſticus Bruxellenſis Librorum Cen-
ſor.*

SVMMA PRIVILEGII.

PHILIPPVS IV. Dei gratiâ Rex
Castellæ , Legionis , Arragoniæ,
vtriusque Siciliæ , &c. Archidux Au-
striæ, Dux Burgundiæ, Lotharingiæ, Bra-
bantia &c. Comes Flandriæ , Arthesiæ
&c. Diplomate suo sanxit ne quis citra
voluntatem HENRICI AERTSENS
Typographi Antwerp. librum cui titulus
est PIA DESIDERIA, à R. P. Her-
manno Hugone, Soc. IESV, Presby-
tero edita , proximo sexennio impri-
mat alibiue impressum in hasce ditiones
invehat venalemve habeat. Qui secus
faxit , confiscatione librorum , & aliâ
gravi pœnâ multabitur , vti latius patet
in litteris datis Bruxellæ 3. Febr. 1629.

Signat

I. Cools.

ANTVERPIÆ,
Apud HENRICVM AERTSSENS,
M. DC. XXXI.







